



BIBLIOTHECA
UNIV. PRAGAE
OLAGOVINGIS

180377

kat.komp

I

Mag. St. Dr.

G



180377

I



1
m

C

M

V

N

—
T

OFFICIOSA
PIETATIS
EXERCITIA,
CULTUI DIVINO,
MAGNÆ MATRIS
MARIAE,
Sanctorúmque
PATRONORUM
DEBITA,

*VARIIS OFFICIIS, LI-
TANIIS, PRECIBUS,*

ET
AFFECTIBUS
INSTRUCTA,

Jámque sæpius alibi edita;
Nunc verò, ad excitandum erga Deum, &
Calites, affectum, quibusdam mutatis
denuo recusa.

WRATISLAVIÆ,
Typis Academicis Collegii Societatis Jesu.
Annò M. DCC. XL.

180377

I



AD LECTOREM.



Abes, benevole Lector, Officiosa Pietatis Exercitia, è diversis quasi agris in manipulum unum Tuo fervori comparata. Parva mole sunt, & exigua, super humanas tamen vicissitudines evolanti animæ pondus addunt; tum ut æquabili volatu à vero non deflectat; tum ut (quod mireris) super omnia facilius se extollat: pondus enim non gravat animum, quod imponit Divinus amor. Varia dedimus, & diversa, vel ut, cum non omnibus eadem sæpe placent, delectus esset; vel ut profuse multorum pietati hoc compendio serviremus. Finem spectavimus non alium, quàm ut in omnibus laudetur DEUS. Hoc si laboris mei (qualis qualis ille sit) pretium à te retulero, desideriorum meorum mihi plenitudinem, Amice Lector, jam dedisti. Vive, vale.

TABU-

TABULA TEMPORARIA

Anni Dom.	Litt. Dom.	Septuagesima.	Dies Cinerum.	Pascha.
1740	c b	14. Feb.	2. Mar.	17. Apr.
1741	A	29. Jan.	15. Feb.	2. Apr.
1742	g	21. Jan.	7. Feb.	25. Mar.
1743	f	10. Feb.	27. Feb.	14. Apr.
1744	e d	26. Jan.	12. Feb.	5. Apr.
1745	c	14. Feb.	3. Mar.	18. Apr.
1746	b	6. Feb.	23. Feb.	10. Apr.
1747	A	29. Jan.	15. Feb.	2. Apr.
1748	g f	11. Feb.	28. Feb.	14. Apr.
1749	e	2. Feb.	19. Feb.	6. Apr.
1750	d	25. Jan.	11. Feb.	29. Mar.
1751	e	7. Feb.	24. Feb.	11. Apr.
1752	b A	30. Jan.	16. Feb.	2. Apr.
1753	g	18. Feb.	7. Mar.	22. Apr.
1754	f	10. Feb.	27. Feb.	14. Apr.
1755	e	26. Jan.	12. Feb.	30. Mar.
1756	d c	15. Feb.	3. Mar.	18. Apr.
1757	b	6. Feb.	23. Feb.	10. Apr.
1758	A	22. Jan.	8. Feb.	26. Mar.
1759	g	11. Feb.	28. Feb.	15. Apr.
1760	f e	3. Feb.	20. Feb.	6. Apr.
1761	d	18. Jan.	4. Feb.	22. Mar.
1762	c	7. Feb.	24. Feb.	11. Apr.
1763	b	30. Jan.	16. Feb.	3. Apr.
1764	A g	19. Feb.	7. Mar.	22. Apr.
1765	f	3. Feb.	20. Feb.	7. Apr.
1766	e	26. Jan.	12. Feb.	30. Mar.
1767	d	15. Feb.	4. Mar.	19. Apr.

FESTORUM MOBILIIUM.

Afcen- fio.	Penteco- fte.	Corpus Chrifti.	1. Dom. Advent.
26. Maji.	5. Junji	16. Jun.	27. Nov.
11. Maji.	21. Maji	1. Jun.	3. Dec.
3. Maji.	13. Maji	14. Maji	2. Dec.
23. Maji.	2. Jun.	13. Jun.	1. Dec.
14. Maji.	24. Maji	4. Jun.	29. Nov.
27. Maji	6. Jun.	17. Jun.	28. Nov.
19. Maji	29. Maji	9. Jun.	27. Nov.
11. Maji	21. Maji	1. Jun.	3. Dec.
23. Maji	2. Jun.	13. Jun.	1. Dec.
15. Maji	25. Maji	5. Jun.	30. Nov.
7. Maji	17. Maji	28. Maji	29. Nov.
20. Maji.	30. Maji	10. Jun.	28. Nov.
11. Maji.	21. Maji	1. Jun.	3. Dec.
31. Maji.	10. Jun.	21. Jun.	2. Dec.
23. Maji	2. Jun.	13. Jun.	1. Dec.
8. Maji	18. Maji	29. Maji	30. Nov.
27. Maji	6. Jun.	17. Jun.	28. Nov.
19. Maji	29. Maji	9. Jun.	27. Nov.
4. Maji	14. Maji	25. Maji	3. Dec.
24. Maji	3. Jun.	14. Jun.	2. Dec.
15. Maji	25. Maji	5. Jun.	30. Nov.
30. Apr.	10. Maji	21. Maji	29. Nov.
20. Maji	30. Maji	10. Jun.	28. Nov.
12. Maji	22. Maji	2. Jun.	27. Nov.
31. M ji	10. Jun.	21. Jun.	2. Dec.
16. Maji	26. Maji	6. Jun.	1. Dec.
8. Maji	18. Maji	29. Maji	30. Nov.
28. Maji	7. Jun.	18. Jun.	29. Nov.

JANUARIUS.

Habet dies XXXI. Luna verò 29.

- 1 *A Circumcisco Domini.*
- 2 *b Adelhardi Abb.*
- 3 *c Genovesæ Virg.*
- 4 *d Rigoberti Episc.*
- 5 *e Telesphori Pap. & M.*
- 6 *f Epiphania Domini.*
- 7 *g Raymundi Confess.*
- 8 *A Laurentii Justiniani, Erhardi Ep.*
- 9 *b Juliani Mart.*
- 10 *c Martiani Conf.*
- 11 *d Hygini Pap. & M.*
- 12 *e Ernesti Episc.*
- 13 *f Godefridi Comitis.*
- 14 *g Hilarii Conf.*
- 15 *A Pauli primi Eremitæ.*
- 16 *b Marcelli Pap. & M.*
- 17 *c Antonii Abbatis.*
- 18 *d Cathedra S. Petr. Romæ.*
- 19 *e Marii, Marthæ, & Soc. Germanæ V.*
- 20 *f Fabiani & Sebastiani MM.*
- 21 *g Agnetis V. & M. Sol in Aquario.*
- 22 *A Vincentii, & Anastasii MM.*
- 23 *b Joannis Eleemosyn. Emerentianæ V. & M.*
- 24 *c Timothei Episc. & M.*
- 25 *d Conversio Pauli Apost.*
- 26 *e Polycarpi Ep. & Mart.*
- 27 *f Joannis Chrysostomi Ep. & Conf.*
- 28 *g Agnetis secundò, & Caroli Magni Imp.*
- 29 *A Constantii Ep. & Mart.*
- 30 *b Aldegundis V.*
- 31 *c Marcellæ Viduæ.*

FEBRUAR.

FEBRUARIUS.

Habet dies XXVIII. Luna verò 30.

- 1 d Ignatii Ep. & Mart. Brigidæ V.
- 2 e Purificatio B. V. Mariæ. S. Cornelii.
- 3 f Blasii Ep. & Mart.
- 4 g Christiani Conf. Veronicæ Viduæ.
- 5 A Agathæ V. & M. Trium MM. Soc. J.
- 6 b Dorotheæ V. & M. Amandi Ep.
- 7 c Romualdi Abb. Richardi Regis.
- 8 d Marinæ V.
- 9 e Apolloniæ V. & M.
- 10 f Guilielmi Conf. Scholasticæ V.
- 11 g Victoriæ V. & M.
- 12 A Antonii Episc. Eulaliæ V. & M.
- 13 b Jordani Conf. Tranquilli M.
- 14 c Valentini Presb. & M.
- 15 d Faustini & Jovitæ MM.
- 16 e Nicephori Mart. Julianæ V. & M.
- 17 f Sabini Ep. Juliani M.
- 18 g Simeonis Ep. M. Concordiæ.
- 19 A Conradi Placentini Conf.
- 20 b Eleutherii Ep. *Sol in Piscibus.*
- 21 c Mauriti, & Soc. MM. Eleonoræ V.
- 22 d Cathedra S. Petri Antioch.
- 23 e Nicolai Conf. *Vigilia.*
- 24 f *Matthiæ Apost.*
- 25 g Victorini M. Tarasii Ep.
- 26 A Porphyrii Ep.
- 27 b Athanasii.
- 28 c Lupicini & Romani Conf.

Anno Bissextili additur unus dies; & fit dierum 29. Sed festum S. Matthiæ celebratur die 25. & tunc dicitur bis sexto Kal. hoc est 24. & 25. die, & sic littera Dominicalis mutatur in superiorem, ut si sit D. in C.

MAR.

MARTIUS.

Habet dies XXXI. Luna verò 29.

- 1 d Schwiberti Ep.
- 2 e Simplicii Papæ.
- 3 f Kunegundis Augustæ V.
- 4 g Casimiri Conf.
- 5 A Adriani M. Friderici Conf.
- 6 b Coletæ V.
- 7 c Thomæ de Aquino.
- 8 d Philemonis M.
- 9 e Quadraginta MM. Franciscæ Viduæ Rom.
- 10 f Quadrati M.
- 11 g Constantini Conf.
- 12 A Gregorii Pap. & Conf. Canonizat. SS. Ignat.
- 13 b Rosinæ. (& Xav. S. J.)
- 14 c Petri Abbatis.
- 15 d Longini M.
- 16 e Helberti Ep.
- 17 f Gertrudis V. Patritii Ep. & Conf.
- 18 g Cyrilli Ep. Eduardi M.
- 19 A Josephi Sponsi B. V. Mariæ.
- 20 b Joachimi Conf. Patris B. V. Mariæ.
- 21 c Benedicti Abbatis. *Sol in Ariete.*
- 22 d Catharinæ Suecæ V.
- 23 e Othonis Conf.
- 24 f Simeonis Trident. M. Gabrielis Arch.
- 25 g Annuntiatio B. V. Mariæ.
- 26 A Ludgeri Ep.
- 27 b Ruperti Ep.
- 28 c Guntarmi
- 29 d Mechtildis V.
- 30 e Reguli Ep.
- 31 f Benjamini M. Balbinæ M.

APRI-

APRILIS.

Habet dies XXX. Luna verò 29.

- 1g Hugonis Ep. Walerici Abb.
- 2 A Francisci de Paula Conf.
- 3 b Richardi Ep.
- 4 c Josephi Hermanni Conf.
- 5 d Vincentii Ferrerii Con.
- 6 e Guilielmi Conf.
- 7 f Adalberti Conf.
- 8 g Dionysii Ep.
- 9 A Mariæ Ægyptiacæ.
- 10 b Macarii Abb.
- 11 c Leonis Pap. & Conf.
- 12 d Julii Papæ. Alferici Abb.
- 13 e Hermenegildi M. Justini M.
- 14 f Tiburtii, Valerii. & Maximi MM.
- 15g Lidwinæ V.
- 16 A Callisti M. Joachimi Conf.
17. b Rudolphi M. Aniceti Papæ & Mart.
- 18 c Ursimari Conf.
- 19 d Antonia V. & M. Theodori M.
- 20 e Agnetis Politianæ V.
- 21 f Anselmi Ep. *Sol in Tauro.*
- 22 g Apollinis M. Soteris & Caji Pont. MM
- 23 A Adalberti Ep. & M.
- 24 b Georgii M.
- 25 Ic Marci Euang.
- 26 d Cleti, & Marcellini PP. & MM.
- 27 e Anastasii Pap.
- 28 f Vitalis M.
- 29 g Petri M.
- 30 A Catharinæ Senensis Virg.

MAJUS

MAJUS.

Habet dies XXXI Luna verò 30.

- 1 b Philippi & Jacobi Apostolorum.
- 2 c Sigismundi M. Pat. Regn. Bohem.
- 3 d Inventio S. Crucis.
- 4 e Monicæ Vid.
- 5 f Gotthardi Ep.
- 6 g Joannis ante Portam Latinam.
- 7 A Stanislai Ep. M.
- 8 b Apparitio S. Michaëlis Archang.
- 9 c Gregorii Nazianzeni Ep. & Conf.
- 10 d Gordiani & Epimachi MM.
- 11 e Beatricis V.
- 12 f Pāncratii M.
- 13 g Alexandri M.
- 14 A Victoris & Coronæ MM. Bonifacii M.
- 15 b Isidori M.
- 16 c Ubaldi Ep. & Conf. Joan. Nepomuc. M.
- 17 d Torpetis M.
- 18 e Eriici Reg. M.
- 19 f Pudencianæ V.
- 20 g Bernardini Senensis Conf.
- 21 A Constantini Mag. Imp. & Helenæ. *Sol in*
(Geminis.
- 22 b Juliæ M.
- 23 c Desiderii Ep.
- 24 d Joannæ Matronæ. Simeonis Stylitæ Jun.
- 25 e Urbani Papæ & M.
- 26 f Eleutherii Papæ & Mart.
- 27 g Joannis Papæ & Mart.
- 28 A Germani Ep. Paris.
- 29 b Theodosiæ Mart.
- 30 c Felicis Papæ & Mart.
- 31 d Petronillæ Virg.

JUNIUS.

JUNIUS.

Habet dies XXX. Luna verò 29.

- 1 e Simonis Conf.
- 2 f Erasmi Ep. Marcellini, & Soc. MM.
- 3 g Clotildis Reginae.
- 4 A Optati Ep. Gualteri Conf.
- 5 b Bonifacii Ep. & Mart.
- 6 c Norberti Ep. & Conf.
- 7 d Roberti Abbatis.
- 8 e Medardi Ep. & Mart. Victorini Conf.
- 9 f Primi, & Feliciani MM.
- 10 g Onuphrii Eremitæ.
- 11 A Barnabæ Apost.
- 12 b Basilidis, & Soc. MM.
- 13 c Antonii de Pad.
- 14 d Basilii Magni Ep. & Conf.
- 15 e Viti, Modesti, & Crescentiæ MM.
- 16 f Bertholdi Conf.
- 17 g Adolphi Ep.
- 18 A Marci & Marcelliani MM.
- 19 b Gervasii & Protasii MM.
- 20 c Silverii Papæ & Mart.
- 21 d Aloysii Conf. S. J. *Sol in Cancro.*
- 22 e Achatii M. Paulini Ep. & Conf.
- 23 f Sidoniæ V. *Vigilia.*
- 24 g *Nativitas S. Joannis Baptiste.*
- 25 A Febronæ V. & Mart. Gallicani M
- 26 b Joannis & Pauli MM.
- 27 c Ladislai Conf.
- 28 d Leonis Papæ & Conf. *Vigilia.*
- 29 e *Petri & Pauli Apost.*
- 30 f Commemoratio S. Pauli Apost.

JULIUS

JULIUS.

Habet dies XXXI. Luna verò 29.

1. g Eberhardi Ep.
- 2 A *Visitatio B. Mariæ V.*
- 3 b Heliodori Ep.
- 4 c Udalrici Ep. Procopii Abb.
- 5 d Wilhelmi Abb.
- 6 e Gondolevæ Mart.
- 7 f Wilibaldi Ep.
- 8 g Kiliani cum Soc. MM.
- 9 A Anapolæ Virg. & Mart. Lucretiæ V.
- 10 b Septem fratrum MM. cum S. Felicitate ma-
- 11 c Pii Papæ Mart. (tre:
- 12 d Naboris & Felicis MM.
- 13 e Apolinaris Ep. Mart.
- 14 f Bonavent. Ep. & Conf. Henrici Imp.
- 15 g Divisio Apostolorum.
- 16 A Fausti Mart. Vitaliani Ep.
- 17 b Alexii Conf.
- 18 c Symphorosæ cum 7. fil. MM.
- 19 d Arsenii Conf.
- 20 e Margar. Virg. & Mart. Eliæ Proph.
- 21 f Danielis Proph. *Sol in Leone.*
- 22 g Maria Magdalenæ,
- 23 A Apollinaris Ep. & Mart.
- 24 b Christianæ Virg & Mart. *Vigilia*
- 25 c *Jacobi Apost.* Christophori Mart.
- 26 d Annæ Matris B. V. Mariæ.
- 27 e Pantaleonis Mart.
- 28 f Innocentii Pap. & Mart.
- 29 g Marthæ Virg.
- 30 A Abdon, & Sennen MM.
- 31 b Ignatii Lojolæ Conf. S. J. Fund.

AUGU.

AUGUSTUS.

Habet dies XXXI. Luna verò 30.

- 1c Petri ad Vinc. & Machab. MM. ac Fidei,
Spei, Charitatis VV. MM.
2d Stephani Papæ & Mart. Portiunculæ.
3e Inventio S. Stephani Proto-Mart.
4f Dominici Conf.
5g Dedicatio S. Mariæ ad Nives.
6A Transfiguratio Domini.
7b Donati Ep. & Mart. Alberti Carmelitæ.
8c Cyriaci, & Soc. MM.
9d Romani Mart. *Vigilia.*
10e Laurentii Mart.
11f Tiburtii, & Susannæ MM.
12g Claræ Virg.
13A Hippolyti, & Cassian. MM.
14b Eusebii Conf. *Vigilia.*
15c Assumptio B. Mariæ V.
16d Rochi, & Hyacinthi Conf.
17e Sibyllæ Virg.
18f Helenæ, matris Constantini Magni.
19g Sebal di Conf.
20A Bernardi Abb.
21b Anastasii Mart. & Fidelis M. *Sol in Virgine.*
22c Timothei, & Soc. MM.
23d Claudii Mart. *Vigilia.*
24e Bartholomæi Apost.
25f Ludovici Regis Franc. Conf.
26g Zephyrini Pap. & Mart.
27A Cæsarii Ep.
28b Augustini Ep. Conf.
29c Decollatio S. Joan. Bapt. Sabinæ V.
30d Felicis, & Adaucti MM.
31e Paulini Ep.

SEPTEM-

SEPTEMBER.

Habet dies XXX. Euna verò 30.

- 1 f Ægidii Abbatis.
- 2 g Jodoci Ep.
- 3 A Mansueti Ep. Alberti Conf.
- 4 b Rosæ Virg. Rosaliæ Virg.
- 5 c Victorini Mart. Eudoxii M.
- 6 d Magni Abb. Zachar. Proph.
- 7 e Riginæ Virg. & Mart.
- 8 f *Nativitas B. V. Mariæ.*
- 9 g Gorgonii Mart.
- 10 A Nicolai de Tolentino Conf.
- 11 b Hyacinthi M. Patientis Ep.
- 12 c Guidonis Conf. Tobia.
- 13 d Mauritii Ep.
- 14 e Exaltatio S. Crucis.
- 15 f Hildegardis V. Nicomedis M.
- 16 g Ludmillæ Vid. Mart.
- 17 A Lamberti Ep.
- 18 b Thomæ à Villa nova Ep. Conf.
- 19 c Constantiæ V. M. Januar. Ep. & Soc. MM.
- 20 d Eustachii, & Soc. Mart. *Vigilia.*
- 21 e *Matthæi Apost. & Evang.* Jonæ Proph.
- 22 f Mauritii, & Soc. MM. *Sol in Libra.*
- 23 g Theclæ Virg. & Mart. Lini Papæ Mart.
- 24 A Gerardi Ep. & Mart.
- 25 b Cleophæ discipuli Christi.
- 26 c Cypriani, & Justinæ MM
- 27 d Cosmæ, & Dam. MM. S. Elzearii Comit. S.
- 28 e Wenceslai Reg. Mart.
- 29 f *Dedicatio S. Michaëlis Archangeli.*
- 30 g Hieronymi Presb. Conf. & Eccles. Doct.

OCTO-

OCTOBER.

Habet dies XXXI. Luna verò 30.

- 1 A Remigii Ep. Conf.
- 2 b Leodegarii Ep.
- 3 c Simplicii Conf.
- 4 d Francisci Conf.
- 5 e Placidi, & Soc. MM.
- 6 f Brunonis Conf.
- 7 g Marci Papæ Conf.
- 8 A Birgittæ Vid. Pelagiæ Pœnitentis.
- 9 b Dionysii, & Soc. MM.
- 10 c Francisci Borgia Conf. Soc. J.
- 11 d Jacobi Alemanni Conf.
- 12 e Maximiliani Ep.
- 13 f Colmanni Mart.
- 14 g Callisti Papæ Mart.
- 15 A Theresiæ Virg. Hedwigis Ducis Sil.
- 16 b Galli Abb.
- 17 c Andreæ Mart.
- 18 d Lucæ Evang.
- 19 e Ferdinandi Ep.
- 20 f Erbini Conf. *Sol in Scorpione.*
- 21 g Ursulæ, & Soc. VV. MM.
- 22 A Mariæ Salome S. Benignæ V.
- 23 b Severini Ep.
- 24 c Crispini Mart.
- 25 d Arnoldi Mart.
- 26 e Demetrii Mart.
- 27 f Ivonis Adv. pauper. *Vigilia.*
- 28 g *Simonis & Judæ Apost.*
- 29 A Narcissi Ep.
- 30 b Marcellini Mart.
- 31 c Wolffgangi. *Vigilia.*

NOVEM-

NOVEMBER.

Habet dies XXX. Luna verò 21.

- 1d *Omnium Sanctorum.*
2e *Commemoratio omnium Fidel. Defunct.*
3f *Huberti Ep. & Conf.*
4g *Caroli Episc. & Conf.*
5A *Emerici Conf.*
6b *Leonardi Conf.*
7c *Engelberti Ep.*
8d *Godefridi Ep. 4. Coronatorum MM.*
9e *Dedicatio Basilicæ Salvatoris.*
10f *Triphonis, & Soc. MM.*
11g *Martini Ep. & Conf.*
12A *Martini Papæ & Mart.*
13b *Stanislai Kofsk. Soc. J. Homoboni Conf.*
14c *Serapionis.*
15d *Leopoldi Conf. Archid. Aust.*
16e *Edmundi Ep.*
17f *Gregorii Thaum. Ep. & Conf.*
18g *Dedicatio Basilicæ Petri & Pauli.*
19A *Elisabeth Vid.*
20b *Corbiniani Ep. Sol in Sagittario.*
21c *Præsentatio B. Mariæ V.*
22d *Cæcilie Virg. & Mart. Alphonfi Regis.*
23e *Clementis Papæ & Mart.*
24f *Chrysogoni Mart.*
25g *Catharinæ Virg. Mart.*
26A *Conradi Ep.*
27b *Facundie Mart.*
28c *Barlaam & Josaphat Conf.*
29d *Saturnini Mart. Vigilia.*
30e *Andree Apost.*

DECEM.

DECEMBER.

Habet dies XXXI. Luna verò 30.

- 1 f Eligii Ep. Conf.
- 2 g Bibianæ Virg. & Mart.
- 3 A Francisci Xaverii Conf. Soc. J.
- 4 b Barbaræ Virg. & Mart.
- 5 c Placidi Mart. Sabbæ Abb.
- 6 d Nicolai Ep. & Conf.
- 7 e Ambrosii Ep. Conf. & Eccl. Doct.
- 8 f *Conceptio B. Mariæ V.*
- 9 g Leucadiæ Virg. & Mart.
- 10 A Judithæ.
- 11 b Damasi Papæ & Conf.
- 12 c Everardi Conf.
- 13 d Lucie V. Mart.
- 14 e Eusebii Ep. Mart.
- 15 f Valeriani Ep.
- 16 g Ananiæ, Azariæ, Misælis.
- 17 A Lazari Mart.
- 18 b Gratiani Ep. Modesti Ep.
- 19 c Nemessii Mart.
- 20 d Christiani Ep. Theophili milit. *Vigilia.*
- 21 e *Thomæ Apost.*
- 22 f Anastasiæ Mart. *Sol in Capricorno.*
- 23 g Victoriæ Virg. & Mart.
- 24 A Adam & Evæ. *Vigilia.*
- 25 b *Nativitas D. N. J. C.* Eugenie V. M.
- 26 c Stephani Proto-Mart.
- 27 d *Joannis Apost. & Evang.*
- 28 e Innocentium MM.
- 29 f Thomæ Ep.
- 30 g David Regis. Thomæ Cantuar. Ep. Mart.
- 31 A Silvestri Pap. Columbæ Virg.

ORATIO

ORATIO

Cuivis pietatis exercitio utiliter
præmittenda.

A Peri Domine os meum
ad benedicendū nomen
Sanctum tuum: munda quo-
que cor meum ab omnibus
vanis, perversis, & alienis co-
gitationibus: intellectum il-
lumina, affectum inflamma;
ut dignè, attentè, ac devotè
hoc pietatis exercitium per-
solvere tibi valeam, & exau-
diri merear ante conspectum
Divinæ Majestatis tuæ. Per
Christum Dominum nostrū.

Domine, in unione illius
Divinæ intentionis, quā ipse
in terris Laudes Deo persol-
visti, hoc pietatis exercitium
tibi persolvo.

CUL-



CULTUS
SANCTISSIMÆ
TRINITATIS.
OFFICIUM PARVUM
DE SS. TRINITATE.



Sacro-sancta TRINITAS,
DEUS meus, & omnia,
ego pulvis & limus ter-
ræ, coram Majestate tua
prostratus, supplico: ut
mihi gratiam largiri digneris, quâ vi-
res, & operationes meæ omnes, sincere
ad tuam gloriam, atque cultum ten-
dant; maximè in hoc sancto exerci-
tio,

tio, quod hodie, pro mea tenuitate, ad
amorem tuum augendum præparo,
Amen.

Ad MATUTINUM.

Benedicta & laudata sit sancta Tri-
nitas, atque individua Unitas, Pa-
ter, Filius, & Spiritus sanctus, nunc,
& in perpetuum. Amen.

ψ. Domine labia mea aperies.

℞. Et os meum añuntiabit laudem tuā.

ψ. Deus in adjutorium meum intende.

℞. Domine ad adjuvandum me festina.

Gloria Patri, & Filio, &c. Alleluja.

Vel à Septuagesima usque ad Pascha:

Laus tibi Domine, Rex æternæ glo-
riæ.

HYMNUS.

O Æviterna Trinitas!
Et principalis Unitas!

Fili, Patérque maxime,
Utrique compar Spiritus.

Te semper absque termino
Timent, adorant, prædicant,
Cœlestia, & terrestria,
Et tota mundi machina. Et

SS. TRINITATIS.

3

Et nos pusillus debitis

Grege te sonamus laudibus,

Totis medullis cordium,

Totis canentes viribus.

Te fons salutis Trinitas,

Collaudet omnis Spiritus,

Quibus, Crucis victoriam,

Largiris, adde præmium Amen.

ψ. Benedicamus Patrem, & Filium,
cum sancto Spiritu.

℞ Laudemus, & super exaltemus eum
in sæcula.

Antiph. Benedicta sit sancta Creatrix
& Gubernatrix omnium, sancta, & in-
dividua Trinitas, nunc, & semper, &
per infinita sæcula sæculorum.

ψ. Domine exaudi orationem meam

℞. Et clamor meus ad te veniat.

Oremus.

OMnipotens sempiterne Deus, qui
dedisti famulis tuis, in confessio-
ne veræ fidei, æternæ Trinitatis glori-
am agnoscere, & in potentia Majesta-
tis adorare Unitatem: quæsumus, ut

A 2

ejus-

eiusdem fidei firmitate, ab omnibus
semper muniamur adversis. Per Do-
minum nostrum, &c.

ψ. Domine exaudi orationem meam.

℞. Et clamor meus ad te veniat.

ψ. Benedicamus Domino.

℞. Deo gratias.

ψ. Et fidelium animæ per misericordiā
Dei requiescant in pace. ℞. Amen.

AD LAUDES.

Benedicta, & laudata, *ut sup. ad Matut.*

ψ. Deus in adiutorium, &c.

HYMNUS.

A Patre confors gignitur
Patris figura Filius:

Uterque sanctum Spiritum
Amore spirat compari.

Nîl hîc prius, nîl tardius,

Nîl majus est, vel sanctius:

Una est tribus substantia,

Æqualis est & gloria.

O æviterna Trinitas!

O principalis Unitas!

Te

SS. TRINITATIS.

5

Te, quidquid astris clauditur,
Laudet perenni jubilô. Amen.

R. Benedicamus Patrem, &c. *ut pag. 3.*

Antiph. Gloria tibi sit Trinitas, æqualis una Deitas, ut ante omnia sæcula, sic nunc, & in perpetuum.

ÿ. Domine exaudi, &c.

Oratio. Omnipotens sempiterne, &c.

ut pag. 3.

AD PRIMAM.

Benedicta & laudata, &c. *ut pag. 2.*

R. DEUS in adjutorium, &c.

HYMNUS.

TU fons, origo, & terminus,
Rerum Creator omnium;

Tu solus ens es entium,

Et læta spes credentium.

Tibi catervæ Cœlitum,

Tibi corona siderum,

Ter sanctus illud æmulis

Carmen perennat vocibus.

O æviterna Trinitas!

O principalis Unitas!

A 3

Te

Te, quidquid orbe vertitur,
 Laudet perenni iubilo. Amen.
 y. Benedicamus Patrem, &c. *ut sup.*
pag. 3.

Antiph. Gloria laudis resonet in ore
 omnium, Patri, genitæque Proli, Spiri-
 tui sancto pariter resultet laude peren-
 ni.

y. Domine exaudi &c.

Oratio. Omnipotens sempiterne, &c.
ut sup. pag. 3.

AD TERTIAM.

Benedicta, & laudata, &c. *ut sub. pag. 2.*
 y. Deus in adiutorium, &c.

H Y M N U S.

TU totus es mirabilis,
 Et totus acceptabilis:
 Deus pius, laudabilis:
 Æquale nusquam Numen est.
 Dextræ tuæ potentiam,
 Mentem futuri providam,
 Infinitatem gloriæ,
 Creatura laudant omnia.

SS. TRINITATIS.

7

O æviterna Trinitas!

O principalis Unitas!

Quos luce donas cœlica,

Serva potenti dextera. Amen.

ψ. Benedicamus Patrem, &c. *ut sup.*

Antiph. Laus & perennis gloria, Deo
Patri, & Filio, sancto simul Paraclito,
in sæculorum sæcula.

ψ. Domine exaudi &c.

Orat. Omnipotens &c. *ut sup. pag. 3.*

AD SEXTAM.

Benedicta, & laudata, &c. *ut sup.*

ψ. Deus in adiutorium, &c.

H Y M N U S.

TU cuncta solus efficis,
Cunctisque solus sufficis;

Tu sola merces omnium

Es, liberale præmium.

Par est tuæ nos gratias

Dignas referre gratiæ,

Tuisque semper obsequi

Promptos clientes legibus.

O æviterna Trinitas!

O principalis Unitas!

Te, quidquid astris clauditur,
 Laudet per omne sæculum. Amen.
 y. Benedicamus Patrem, &c.

Antiph. Tres sunt, qui testimonium
 dant in cœlo, Pater, Verbum, & Spiritus
 sanctus, & hi tres unum sunt.

Orat. Omnipotens sempiterne, &c. *ut*
pag. 3.

AD NONAM.

Benedicta, & laudata, &c. *ut sup. pag. 2.*
 y. Deus in adiutorium &c.

HYMNUS.

HOc vile plasma iusseras
 Formam referre Numinis;
 Potiri ut olim cœlicâ
 Cunctis liceret gloriâ.
 At culpa cùm nos impios
 Damnâsset, ipse liberas,
 Tibique rursus illigas.
 O ter beata Charitas!
 O æviterna Trinitas!
 O principalis Unitas!
 Quos unda mundat gratiæ,
 Torrens beet nos gloriæ. Amen.
 y. Bene-

TRINITATIS.

9

ψ. Benediamus Patrem, &c. *ut sup.*

Ant. Te invocamus, Te laudamus,
Te adoramus, ô beata Trinitas! libera
nos, salva nos, vivifica nos, ô immen-
sa bonitas!

ψ. Domine exaudi &c.

Orat. Omnipotens &c. *ut sup. pag. 3.*

AD VESPERAS.

Benedicta & laudata, &c. *ut sup. pag. 2.*

ψ. Deus in adjutorium &c.

H Y M N U S.

O Altitudo gloriæ,
Fons omnis affluentiaë,
Thesaurus haud effabilis,
Ignara lux caliginis.

Nos Trinitas illumina,
Et cuncta tolle crimina,
Ut Trinitatis pectora
Amore flagrent omnia.

O æviterna Trinitas!

O principalis Unitas!

A morte dira criminum

Vitæ renatos libera. Amen.

ψ. Benedicamus Patrem, &c. *ut sup.*

CULTUS

Ant. Te Deum Patrem ingenitum,
Te Filium unigenitum, Te Spiritum
sanctum Paraclitum, sanctam & indivi-
duam Trinitatem, toto corde & ore
confitemur, laudamus, ac benedici-
mus; Tibi gloria in sæcula.

ψ. Domine exaudi, &c.

Orat. Omnipotens &c. *ut sup. pag. 3.*

AD COMPLETORIUM.

Benedicta, & laudata, &c. *ut sup.*

ψ. Convertenōs Deus salutaris noster.

R. Et averte iram tuam à nobis.

ψ. Deus in adiutorium &c.

Gloria Patri, &c.

HYMNUS.

Qui terram, & astra, & omnia,
Undante repleas gloria;
Nostras beati flumine
Mentes amoris ebria:
Ut te piis affectibus
Isthic, in cœlestibus,
Trinum, Unicúmque perpeti
Laudemus ævo Principem.

SS. TRINITATIS.

II

O æviterna Trinitas!

O principalis Unitas!

Te corda, & ora, & omnia,

Laudent perenni jubilô. Amen.

ψ. Benedicamus Patrem, &c.

Ant. Benedicat nos DEUS Pater,
qui cuncta creavit ex nihilo; benedi-
cat nos Deus Filius, qui hominem per-
ditum redemit sanguine proprio: be-
nedicat nos DEUS Spiritus Sanctus,
cujus nos salvet pia consolationis infu-
sio. Amen.

ψ. Domine exaudi &c.

Orat. Omnipotens &c. *ut sup. pag. 3.*

COMMENDATIO.

Tibi æviterna Trinitas,

Hæc nostra laudum cantica,

Puro sacramus pectore,

Cœlestibus cum laudibus.

Repone, quæ negleximus,

Ignosce, quæ deliquimus,

Ad nos benigna respice,

Et mortis horâ suscipe. Amen.

BENE-

CULTUS BENEDICTIONES.

Benedictione perpetua benedicat nos

Pater æternus. Amen.

Unigenitus Dei Filius nos benedicere,
& adjuvare dignetur.

Spiritus sancti gratia illuminet sensus,
& corda nostra. Amen.

Benedicat, & custodiat nos omnipotens
& misericors Dominus, Pater,
& Filius, & Spiritus sanctus. Amen.

LITANIÆ DE SS. TRINITATE.

KYrie eleison. Christe eleison.
Kyrie eleison.

O beata Trinitas! Audi nos.

O adoranda Unitas! Exaudi nos.

Pater de cœlis DEUS, Miserere nobis.

Fili Redemptor mundi DEUS,

Spiritus sancte DEUS,

Sancta Trinitas unus DEUS,

Vera & una Trinitas,

Una & summa Deitas,

Sancta & indivisa Unitas,

Miserere nobis.
Unitas

SS. TRINITATIS.

13

Unitas in substantia, & Trinitas in
 personis,
 Una & par potentia,
 Una & coæterna Majestas,
 Una & æqualis gloria,
 Una & Divina Trinitas,
 Pater Creator,
 Fili Reparator,
 Spiritus sancte Paraclite,
 DEUS unus in substantia, & trinus
 in personis,
 Pater ingenite,
 Fili unigenite,
 Spiritus sancte ex utroque proce-
 dens,
 Una sancta Creatrix, & Guberna-
 trix omnium Trinitas,
 Immensa æterni Patris potentia,
 Inscrutabilis Filii Dei sapientia,
 Efficacissima Spiritûs sancti bonitas,
 Una & simplex Divinitas,
 Sanctus, sanctus, sanctus Dominus
 DEUS Sabaoth,
 Sanctus DEUS, sanctus fortis, san-
 ctus, & immortalis.

Miserere nobis.

In

In quo vivimus, movemur, & sumus,
Ex quo, in quo, & per quem sunt
omnia,

Rex sæculorum immortalis, & in-
visibilis,

Deus Abraham, Deus Isaac, Deus
Jacob,

Qui eras, qui es, & qui venturus
es, Pater, Verbum, & Spiritus
Sancte unus DEUS.

Propitius esto, Parce nobis SS. Trinitas.

Propitius esto, Exaudi nos SS. Trinitas.

Ab omni malo, Libera nos SS. Trinitas.

Ab omni peccato,

Ab omni superbia, & pertinacia,

Ab omni avaritia & cupiditate,

Ab omni amore mundi,

Ab omni invidia & odio,

Ab ira, & omni mala voluntate,

Ab omni luxuria, & immunditia,

Ab omni acedia, & pusillanimitate,

A maledictione perpetua,

Per fortitudinẽ omnipotentiaẽ tuã,

Per Majestatem gloriaẽ tuã,

Miserere nobis.

Libera nos SS. Trinitas.

Per

TRINITATIS.

Per abundantiam bonitatis tuæ,
 Per magnitudinem claritatis tuæ,
 Per multitudinem miserationum
 tuarum,

Per abyssum judiciorum tuorum,
 Per altitudinem sapientiæ, & scien-
 tiæ tuæ,

Per divitias beatitudinis tuæ,

In die iudicii,

Peccatores, Te rogamus audi nos.

Ut Te Dominum Deum nostrum
 adoremus, & tibi soli serviamus,

Ut nomen sanctum tuum in vanum
 non assumamus,

Ut Ecclesiæ dies festos observemus,
 & sanctificemus,

Ut parentes, & superiores nostros,
 obediendo, & subveniendo, ho-
 noremus,

Ut neque factô, neque consiliô ul-
 lum occidamus, vel lædamus,

Ut nec mente, nec corpore turpia
 unquam committamus,

Ut furtū non faciamus, nec quen-

B

quam

Libera nos SS. Trinitas.

Te rogamus audi nos.

quam contra iustitiam grave-
mus,

Ut contra proximum falsum testi-
monium, vel mendacium nun-
quam loquamur,

Ut proximi bona nunquam concu-
piscamus, aut invidemus,

Ut ex toto corde & tota anima, &
ex tota fortitudine te diligamus,

Ut proximum propter te, sicut nos
ipsum, sincerè diligamus,

Ut ad conspectum gloriæ tuæ nos
perducere digneris,

DEUS Genitor, DEUS Genite,
DEUS ex utroque procedens,

Agnus Dei, qui tollis peccata mundi,
Redde nobis Patrem propitium.

Agnus Dei, qui tollis peccata mundi,
Propitius esto nobis peccatoribus.

Agnus Dei, qui tollis peccata mundi,
Dona nobis Spiritum sanctum.

O beata Trinitas, Audi nos.

O adoranda unitas, Exaudi nos.

Kyrie eleison. Christe eleison.

Kyrie

Te rogamus audi nos.

SS. TRINITATIS. 17

Kyrie eleison. Pater noster, &c.

℣. Et nē nos inducas in tentationem.

℞. Sed libera nos à malo.

℣. Benedictus es Domine DEUS Patrum nostrorum.

℞. Et laudabilis, & gloriosus in sæcula.

℣. Benedictus es Domine in firmamento cœli.

℞. Et laudabilis, & gloriosus, & superexaltatus in sæcula.

℣. Benedicant te omnes Angeli, & Sancti tui.

℞. Et laudent te, & glorificent in sæcula.

℣. Benedicant te cœli, mare, terra, & omnia, quæ in eis sunt.

℞. Et laudent te, & glorificent in sæcula.

℣. Benedicamus Patrem, & Filium, cum sancto Spiritu.

℞. Laudemus, & superexaltemus eum in sæcula.

℣. Domine exaudi orationem meam

℞. Et clamor meus ad te veniat.

OMnipotens sempiterne DEUS, qui dedisti famulis tuis, in confessione veræ fidei, æternæ Trinitatis gloriam agnoscere, & in potentia Majestatis adorare Unitatem : quæsumus, ut ejusdem fidei firmitate, ab omnibus semper muniamur adversis.

DEUS innocentia restitutor, & amator; dirige ad te tuorum corda fervorum, ut Spiritûs tui fervore concepto, & in fide inveniamur stabiles, & in opere efficaces.

Omnipotens sempiterne DEUS, da nobis fidei, spei, & charitatis augmentum; & ut mereamur assequi, quod promittis, fac nos amare, quod præcipis.

Largire, quæsumus Domine, fidelibus tuis indulgentiam placatus, & pacem; ut pariter ab omnibus mudentur offensis, & segura tibi mente deserviant.

Omnipotens sempiterne DEUS, infirmitatem nostram propitius respice, atque

SS. TRINITATIS. 19

atque ad protegendum, & salvandum nos, dexterā tuæ Majestatis clementer extende. Per Dominum nostrum, &c.

Divinum auxilium maneat, &c.

Symbolum S. Athanasii.

Quicumque vult salvus esse, ante omnia opus est, ut teneat Catholicam fidem.

Quam nisi quisque integram, inviolatamque servaverit, absque dubio in æternum peribit.

Fides autem Catholica hæc est: ut Unum Deum in Trinitate, & Trinitatem in Unitate veneremur.

Neque confundentes personas, neque substantiam separantes.

Alia est enim persona Patris, alia Filii, alia Spiritus sancti.

Sed Patris, & Filii, & Spiritus sancti, una est Divinitas, æqualis gloria, cœterna Majestas.

Qualis Pater, talis Filius, talis Spiritus sanctus.

Increatus Pater, increatus Filius, increatus Spiritus sanctus.

Immenfus Pater, immenfus Filius, immenfus Spiritus sanctus.

Æternus Pater, æternus Filius, æternus Spiritus sanctus.

Et tamen non tres æterni; fed unus æternus.

Sicut non tres increati, nec tres immenfi; fed unus increatus, & unus immenfus.

Similiter omnipotens Pater, omnipotens Filius, omnipotens Spiritus sanctus.

Et tamen non tres omnipotentes; fed unus omnipotens.

Ità DEUS Pater, DEUS Filius, DEUS Spiritus sanctus.

Et tamen non tres Dii; fed unus eft DEUS.

Ità Dominus Pater, Dominus Filius, Dominus Spiritus sanctus.

Et tamen non tres Domini; fed unus eft Dominus.

Quia

Quia sicut singillatim unamquamque personam Deum, ac Dominum confiteri Christiana veritate compellimur: ità tres Deos, aut Dominos dicere, Catholica Religione prohibemur.

Pater à nullo est factus, nec creatus, nec genitus.

Filius à Patre solo est: non factus, nec creatus, sed genitus.

Spiritus sanctus à Patre, & Filio, non factus, nec creatus, nec genitus, sed procedens.

Unus ergo Pater, non tres Patres: unus Filius, non tres Filii: unus Spiritus sanctus, non tres Spiritus sancti.

Et in hac trinitate nihil prius, aut posterius, nihil majus, aut minus; sed totæ tres Personæ coæternæ sibi sunt, & coæquales.

Ità, ut per omnia, sicut jam suprà dictum est, & Unitas in Trinitate, & Trinitas in Unitate veneranda sit.

Qui vult ergo salvus esse, ita de Trinitate sentiat.

Sed necessarium est ad æternam salutem, ut Incarnationem quoque Domini nostri JESU Christi fideliter credat.

Est ergo fides recta, ut credamus, & confiteamur: quia Dominus noster JESUS Christus, DEI Filius, DEUS & homo est.

DEUS est ex substantia Patris ante sæcula genitus; & homo est ex substantia Matris in sæculo natus.

Perfectus DEUS, perfectus homo: ex anima rationali, & humana carne subsistens.

Æqualis Patri secundum Divinitatem: minor Patre secundum humanitatem.

Qui licet DEUS sit, & homo, non duo tamen, sed unus est Christus.

Unus autem, non conversione Divinitatis in carnem; sed assumptione humanitatis in Deum.

Unus

Unus omnino non confusione substantiæ; sed unitate personæ.

Nam sicut anima rationalis, & caro, unus est homo: ita DEUS, & homo unus est Christus.

Qui passus est pro salute nostra, descendit ad inferos, tertia die resurrexit à mortuis.

Ascendit ad cœlos, sedet ad dexteram Dei Patris omnipotentis, inde venturus est judicare vivos, & mortuos.

Ad cujus adventum omnes homines resurgere habent cum corporibus suis, & reddituri sunt de factis propriis rationem.

Et qui bona egerunt, ibunt in vitam æternam: qui verò mala, in ignem æternum.

Hæc est fides Catholica: quam nisi quisque fideliter, firmiterque crediderit, salvus esse non poterit.

Gloria Patri, & Filio, &c.

Professio Fidei Catholicæ.

EGO N. firma fide credo, & profiteor omnia, & singula, quæ continentur in Symbolo fidei, quo sancta Romana Ecclesia utitur, videlicet: Credo in unum Deum Patrem Omnipotentem, Factorem cœli, & terræ, visibilium omnium, & invisibilium. Et in unum Dominum IESUM Christum, Filium DEI Unigenitum, & ex Patre natum ante omnia sæcula, DEUM de DEO, lumen de lumine, DEUM verum de DEO vero, Genitum non factum, Consubstantialē Patri, per quem omnia facta sunt. Qui propter nos homines, & propter nostram salutem descendit de cœlis. Et INCARNATUS EST DE SPIRITU SANCTO EX MARIA VIRGINE, ET HOMO FACTUS EST. Crucifixus etiā pro nobis sub Pontio Pilato, passus, & sepultus est. Et resurrexit tertia die secundum Scripturas. Et ascendit

dit in cœlum, sedet ad dexteram Patris. Et iterum venturus est cum gloria judicare vivos, & mortuos, cujus regni non erit finis. Et in Spiritum sanctum, Dominum, & vivificantem, qui ex Patre, Filioque procedit. Qui cum Patre, & Filio, simul adoratur, & conglorificatur; qui locutus est per Prophetas. Et unam sanctam Catholicam, & Apostolicam Ecclesiam. Confiteor unum Baptisma in remissionem peccatorum: & exspecto resurrectionem mortuorum, & vitam venturi sæculi. Amen.

Apostolicas, & Ecclesiasticas traditiones, reliquasque ejusdem Ecclesiæ observationes, & constitutiones, firmissimè admitto, & amplector. Itèm sacram Scripturam juxta eum sensum, quem tenuit, & tenet sancta Mater Ecclesia, cujus est judicare de vero sensu, & interpretatione sacrarum Scripturarum, admitto; nec eam unquam, nisi juxta unanimem consensum Patrum accipiam, & interpretabor. Profiteor quo-

quoque septem esse verè, & propriè Sacramenta novæ legis, à JESU Christo Domino nostro instituta, atque ad salutem humani generis, licet non omnia singulis, necessaria; scilicet: Baptismum, Confirmationem, Eucharistiam, Pœnitentiam, extremam Unctionem, Ordinem, & Matrimonium; illaque conferre gratiam; & ex his Baptismum, Confirmationem, & Ordinem sinè sacrilegio reiterari non posse. Receptos quoque, & approbatos Ecclesiæ Catholicæ ritus, in supradictorum omnium Sacramentorum solenni administratione recipio, & admitto.

Omnia, & singula, quæ de peccato originali, & de justificatione in sacrosancta Tridentina Synodo definita, & declarata fuerunt, amplector, & recipio.

Profiteor pariter, in Missa offerri Deo, verum, proprium, & propitiatorium sacrificium, pro vivis, & defunctis;

Etis; atque in sanctissimo Eucharistiæ Sacramento esse verè, realiter, & substantialiter corpus, & sanguinem, unà cum anima, & Divinitate Domini nostri JESU Christi, fierique conversionem totius substantiæ panis in corpus, & totius substantiæ vini in sanguinem, quam Conversionem Catholica Ecclesia Transubstantiationem appellat. Fateor etiam sub altera tantum specie totum, atque integrum Christum verumque Sacramentum sumi; constanter teneo Purgatorium esse, animasque ibi detentas fidelium suffragiis juvari; similiter, & Sanctos unà cum Christo regnantes, venerandos, atque invocandos esse, eosque orationes Deo pro nobis offerre, atque eorum reliquias esse venerandas. Firmissime assero, imagines Christi, ac Dei-paræ semper Virginis, nec non aliorum Sanctorum habendas, & retinendas esse; atque eis debitum honorem, ac venerationem impertiendam.

Indul-

Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse affirmo.

Sanctam Catholicam, & Apostolicam, Romanam Ecclesiam, omnium Ecclesiarum Matrem, & Magistram agnosco; Romanoque Pontifici, Beati Petri Apostolorum Principis Successori, ac JESU Christi Vicario, veram obedientiam spondeo, ac juro. Cætera item omnia à sacris Canonibus, & œcumenicis Conciliis, ac præcipuè à sacrosancta Tridentina Synodo tradita, definita, & declarata, indubitanter recipio, atque profiteor; simul contraria omnia, & hæreses quascunque ab Ecclesia damnatas, & rejectas, & anathematizatas, ego pariter damno, & rejectio, & anathematizo. Hanc veram Catholicam Fidem, extra quam nemo salvus esse potest, quam in præsentī sponte profiteor, & veraciter teneo, eandem integram, inviolatam, usque ad
extre-

SS. TRINITATIS.

29

extremum vitæ Spiritum constantissimè (Deo adjuvante) retinere & confiteri, atque à meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum polliceor. Ego idem N. spondeo, voveo, ac juro. Sic me DEUS adjuvet, & hæc sancta DEI Evangelia.

Hymnus SS. Ambrosii, & Augustini.

TE DEUM laudamus, te Dominum confitemur.

Te æternum Patrem omnis terra veneratur.

Tibi omnes Angeli: tibi cœli, & universæ potestates.

Tibi Cherubim, & Seraphim incessabili voce proclamant:

Sanctus, Sanctus, Sanctus: Dominus DEUS Sabaoth.

Pleni sunt cœli, & terra Majestatis gloriæ tuæ.

Te gloriosus Apostolorum Chorus.

Te

Te Prophetarum laudabilis numerus.

Te Martyrum candidatus laudat Exercitus.

Te per orbem terrarum sancta confitetur Ecclesia,

Patrem immensæ Majestatis,

Venerandum tuum verum, & unicum Filium,

Sanctum quoque Paraclitum Spiritum.

Tu Rex gloriæ Christe.

Tu Patris sempiternus es Filius.

Tu ad liberandum suscepturus hominem, non horruisti Virginis uterum.

Tu devictô mortis aculeô, aperuisti credentibus regna cœlorum.

Tu ad dexteram DEI sedes, in gloria Patris.

Judex crederis esse venturus.

Te ergo quæsumus, tuis famulis subveni, quos pretioso sanguine redemisti.

Æterna fac cum Sanctis tuis in gloria numerari.

Sal-

SS. TRINITATIS. 31

Salvum fac populum tuum Domine, & benedic hæreditati tuæ.

Et rege eos: & extolle illos, usque in æternum.

Per singulos dies benedicimus te.

Et laudamus nomen tuum in sæculum, & in sæculum sæculi.

Dignare Domine die isto sinè peccato nos custodire.

Miserere nostri Domine : miserere nostri.

Fiat misericordia tua Domine super nos; quemadmodum speravimus in te.

In te Domine speravi: non confundar in æternum.

ψ. Benedicamus Patrem, & Filium, cum sancto Spiritu.

℞. Laudemus, & superexaltemus eum in sæcula.

ψ. Domine exaudi orationem meam.

℞. Et clamor meus ad te veniat.

Oremus.

DEUS, cujus misericordiæ non est numerus, & bonitatis infinitus est
C thesau-

thesaurus, piissimæ Magestati tuæ pro collatis donis gratias agimus, tuam semper clementiam exorantes: ut, qui peccatis postulata concedis, eosdem non deferens, ad præmia futura disponas. Per Dominum nostrum &c.

ÿ. Divinum auxilium maneat semper nobiscum. R. Amen.



CULTUS

SS. Nominis JESU.

Officium Parvum

De SS. Nomine JESU.

Ad MATUTINUM.

IN Nomine JESU omne genu flectatur, cœlestium, terrestrium, & infernorum.

ÿ. Domine labia mea aperies.

R. Et os meum annuntiabit laudem tuam

ÿ. DEUS

SS. NOMINIS JESU. 33

Y. DEUS in adjutorium meum intende.

R. Domine ad adjuvandum me festina.

Gloria Patri, & Filio, &c. Alleluja.

H Y M N U S



ESU dulcis memoria,
Dans vera cordis gaudia
Sed super mel, & omnia,
Ejus dulcis præsentia.
Nîl canitur suavius,

Auditur nîl jucundius,

Nîl cogitatur dulcius,

Quàm JESUS DEI Filius.

JESU spes pœnitentibus,

Quàm pius es petentibus,

Quàm bonus te quærentibus,

Sed quid invenientibus?

JESU dulcedo cordium,

Fons vivus, lumen mentium,

Excedens omne gaudium,

Et omne desiderium.

Nec lingua valet dicere,

Nec littera exprimere,

Expertus potest credere,
 Quid sit JESUM diligere.
 JESUM quæram in lectulo,
 Clauso cordis cubiculo,
 Privatim, & in publico,
 Quæram amore sedulo.

ψ. Sit nomen Domini benedictum,
 & Ex hoc nunc, & usque in sæculum.

Ant. Vocatum est Nomen ejus JESUS, quod vocatum est ab Angelo, priusquam in utero conciperetur: sanctum, & terribile Nomen ejus.

ψ. Domine exaudi orationem meam.
 & Et clamor meus ad te veniat.

Oremus.

SANCTI Nominis tui, Domine, timorem pariter, & amorem fac nos habere perpetuum; quia nunquam tua gubernatione destituis, quos in soliditate tuæ dilectionis instituis. Per Dominum nostrum JESUM Christum, &c.

AD PRIMAM.

In Nomine JESU, &c. *ut sup. ad Matut.*
 HYM-

SS. NOMINIS JESU.
HYMNUS.

35

CUM MARIA diluculo,
JESUM quæram in tumulto,
Clamore cordis querulo,
Mente quæram, non oculô.
Tumbam perfundam fletibus;
Locum replens gemitibus:
JESU provolvar pedibus,
Strictis hærens amplexibus.
JESU Rex admirabilis,
Et Triumphator nobilis,
Dulcedo ineffabilis,
Totus desiderabilis.
Mane nobiscum Domine,
Et nos illustra lumine,
Pulsa mentis caligine,
Mundum replens dulcedine.
Quando cor nostrum visitas,
Tunc lucet ei veritas,
Mundi vilescit vanitas,
Et intus fervet charitas.
Amor JESU dulcissimus,
Et verè suavissimus,

C 3

Plus

CULTUS

Plus millies gratissimus,
Quàm dicere sufficimus.

Hoc probat ejus Passio,
Hoc sanguinis effusio,
Per quam nobis redemptio
Datur, & Dei Visio.

℣. Sit Nomen &c. *ut sup. in Matut.*

Ant. A solis ortu usque ad occasum
laudabile Nomen Domini.

℣. Domine exaudi &c.

Orat. Sancti Nominis tui &c. *ut sup. in
Matut.*

AD TERTIAM.

In Nomine JESU &c. *ut sup.*

HYMNUS.

JESUM omnes agnoscite,
Amorem ejus poscite,
JESUM ardenter quærite,
Quærendo inardescite,
Sic amantem diligite,
Amoris vicem reddite,
In hunc odorem currite,
Et vota votis reddite.

JESU

SS. NOMINIS JESU.

37

JESU auctor clementiæ,

Totius spes lætitiæ,

Dulcoris fons, & gratiæ,

Vivæ cordis deliciæ.

JESU mi bone, sentiam

Amoris tui copiam,

Da mihi per præsentiam,

Tuam videre gloriam,

Cum dignè loqui negueam,

De te tamen nè fileam:

Amor facit, ut audeam,

Cum de te solum gaudeam.

Tua JESU dilectio,

Grata mentis refectio,

Replens sinè fastidio,

Dans famem desiderio.

Qui te gustant, esuriunt

Qui bibunt, adhuc sitiunt,

Desiderare nesciunt,

Nisi JESUM, quem diligunt.

ÿ. Sit Nomen Domini &c.

Ant. Nec enim aliud nomen est sub
cœlo datum hominibus, in quo oportet
nos salvos fieri.

ψ. Domine exaudi &c.

Orat. Sancti Nominis &c. *ut sup.*

AD SEXTAM.

In Nomine JESU &c.

HYMNUS.

Quem tuus amor ebriat,
 Novit, quid JESUS sapiat,
 Quam felix est, quem satiat!
 Non est ultrà, quod cupiat.
 JESU, decus angelicum,
 In aure dulce canticum,
 In ore mel mirificum,
 In corde nectar cœlicum.
 Desidero te millies,
 Mi JESU, quando venies?
 Me lætum, quando facies?
 Me de te, quando saties?
 Amor tuus continuus,
 Mihi languor assiduus,
 Mihi fructus mellifluus
 Est, & vitæ perpetuus.
 JESU, summa benignitas,
 Mira cordis jucunditas,
 Incom-

SS. NOMINIS JESU.

39

Incomprehensa bonitas,
Tua me stringat charitas.

Bonum mihi diligere
JESUM, nîl ultrà quærere,
Mihi prorsus deficere,
Ut illi queam vivere.

O JESU mi dulcissime!
Spes suspirantis animæ;
Te quærunt piæ lacrymæ,
Te clamor mentis intimæ.

ÿ. Sit Nomen &c. *ut sup.*

Ant. Ego in Domino gaudebo, &
exultabo in DEO JESU meo.

Versus cum Orat. ut sup.

AD NONAM.

In Nomine JESU &c. *ut sup. ad Mat.*

H Y M N U S.

Q Uocunque loco fuero,
Mecum JESUM desidero:
Quàm lætus, cùm invenero!
Quàm felix, cùm tenuero!

Jam quod quæsivi, video,
Quod concupivi, teneo,

C5

Amore

Amore JESU langueo,
Et corde totus ardeo.

JESUS cùm sic diligitur,
Hic amor non extinguitur,
Non tepescit, nec moritur,
Plus crescit, & accenditur.

Hic amor ardet jugiter,
Dulcescit mirabiliter,
Sapit delectabiliter,
Delectat, & feliciter.

Hic amor missus cœlitus,
Hæret mihi medullitus,
Mentem incendit penitus,
Hoc delectatur spiritus.

O beatum incendium!
Et ardens desiderium!
O dulce refrigerium!
Amare DEI Filium.

ψ. Sit Nomen &c, *ut sup.*

Antiph. Memores erunt Nominis tui,
Domine, in omni generatione, & ge-
nerationem.

Versus cum Orat. ut sup.

AD

SS. NOMINIS JESU.

41

AD VESPERAS.

In Nomine JESU &c. *ut sup.*

H Y M N U S.

JESU flos Matris Virginis,
Amor nostræ dulcedinis,
Tibi laus, honor Nominis,
Regnum beatitudinis.

Veni, veni Rex optime,
Pater immensæ gloriæ,
Affulge menti clariùs,
Jam exspectatus sapius,

JESU sole serenior,
Et balsamô suavior,
Omni dulcore dulcior,
Præ cunctis amabilior.

Cujus gustus sic afficit,
Cujus odor sic reficit,
In quo mens mea deficit,
Solus amanti sufficit.

Tu mentis delectatio,
Amoris consumatio:
Tu mea gloriatio,
JESU mundi salvatio.

Dile-

Dilecte mi, revertere,
Confors paternæ dexteræ,
Hostem vicisti prosperè,
Jam cœli regnô fruire.
Sequar te, quoquò ieris,
Mihi tolli non poteris,
Cum meum cor abstuleris,
JESU laus nostri generis.

ÿ. Sit Nomen Domini &c. *ut sup.*

Ant. Fecit mihi magna, qui potens
est, & sanctum Nomen ejus.

ÿ. Domine exaudi &c.

Orat. Sancti Nominis tui, &c. *ut sup.*

AD COMPLETORIUM.

IN Nomine JESU omne genu flecta-
tur, cœlestium, terrestrium, & in-
fernorum.

ÿ. Converte nos DEUS salutaris no-
ster,

℞. Et averte iram tuam à nobis.

ÿ. DEUS in adjutorium &c.

Gloria Patri, &c. Alleluja.

HYM-

SS. NOMINIS JESU.
HYMNUS.

43

Cæli cives occurite,
Portas vestras attollite,
Triumphatori dicite:
Ave JESU Rex inclyte.
Rex virtutum, Rex gloriæ,
Rex insignis victoriæ,
JESU largitor veniæ,
Honor cœlestis curiæ.
Tu fons misericordiæ,
Tu veræ lumen patriæ,
Pelle nubem tristitiæ,
Dans nobis lucem gloriæ.
Te cœli Chorus prædicat,
Et tuas laudes replicat,
JESUS orbem lætificat,
Et nos DEO pacificat.
JESUS in pace imperat,
Quæ omnem sensum superat;
Hanc mea mens desiderat,
Et eâ frui properat.
JESUS ad Patrem rediit,
Cœleste regnum subiit,

Cor

Cor meum à me transiit,
Post JESUM simul abiit.

Quem prosequamur laudibus,
Votis, hymnis, & precibus;
Ut nos donet cœlestibus,
Secum perfrui sedibus. Amen.

ψ. Sit Nomen Domini benedictum,

℞. Ex hoc nunc, & usque in sæculum.

Ant. Omne, quodcunque facitis, in
verbo, aut in opere, omnia in Nomine
Domini JESU Christi facite; gratias
agentes DEO, & Patri per ipsum.

ψ. Domine exaudi orationem meam.

℞. Et clamor meus ad te veniat.

Oremus.

SANCTI Nominis tui, Domine, timo-
rem pariter, & amorem fac nos ha-
bere perpetuum: quia nunquam tua
gubernatione destituis, quos in solidi-
tate tuæ dilectionis instituis. Per Do-
minum nostrum JESUM Christum, &c.

COMMENDATIO.

SALVE JESU, JESU pie,
Fili DEI, & MARIE;

Quem

SS. NOMINIS JESU.

45

Quem de Patre, sinè Matre,
Et de Matre sinè Patre,

Natum credo firmiter.

Sana me, & sanus ero,

Et sanabis hìc, quod spero;

Ut in cœlo te videre,

Cum beatis possidere

Gaudeam perenniter.

LITANIÆ

DE SS. NOMINE JESU.

K Yrie eleison. Christe eleison.
Kyrie eleison.

JESU Christe, Audi nos

JESU Christe, Exaudi nos.

Pater de cœlis DEUS, Miserere nobis.

Fili Redemptor mundi DEUS,

Spiritus sancte DEUS,

Sancta Trinitas unus DEUS,

JESU Fili DEI vivi,

JESU Fili MARIÆ Virginis,

JESU sanctissime,

JESU potentissime,

JESU fortissime,

Miserere nobis.

JESU

JESU perfectissime,
JESU gloriosissime,
JESU Piissime,
JESU mirifice,
JESU charissime,
JESU dulcissime,
JESU jucundissime,
JESU clarissime,
JESU clarior Sole,
JESU pulchrior Lunâ,
JESU splendidior Stellis,
JESU admirabilis,
JESU delectabilis,
JESU honorabilis,
JESU humillime,
JESU pauperrime,
JESU sapientissime,
JESU obedientissime,
JESU castissime,
JESU amator castitatis,
JESU amator pacis,
JESU amor noster,
JESU speculum vitæ,
JESU exemplar virtutum,

Miserere nobis.

JESU

SS. NOMINIS JESU.

47

JESU decus morum,
 JESU speculum perfectionis,
 JESU zelator animarum,
 JESU refugium nostrum,
 JESU Pater pauperum,
 JESU consolator afflictorum,
 JESU thesaure fidelium,
 JESU gemma pretiosa,
 JESU armarium perfectionis,
 JESU stella maris,
 JESU lux vera,
 JESU sapientia æterna,
 JESU bonitas infinita,
 JESU Salvator mundi,
 JESU mediator DEI, & hominum,
 JESU bone Pastor ovium,
 JESU benignissime,
 JESU dilectissime,
 JESU clementissime,
 JESU desideratissime,
 JESU mitissime,
 JESU amantissime,
 JESU amator fidelissime,
 JESU amator noster,

Miserere nobis.

D

JESU

JESU gaudium Angelorum,
 JESU Rex Patriarcharum,
 JESU inspirator Prophetarum,
 JESU Magister Apostolorum,
 JESU Doctor Evangelistarum,
 JESU fortitudo Martyrum,
 JESU lumen Confessorum,
 JESU sponse Virginum,
 JESU corona Sanctorum omnium
 Propitius esto, Parce nobis JESU.
 Propitius esto, Exaudi nos JESU.
 Ab omni malo, Libera nos JESU.
 Ab omni peccato,
 Ab ira tua,
 Ab insidiis diaboli,
 A peste, fame, & bello,
 A transgressione mandatorum tuo-
 rum,
 Ab incurfu omnium malorum,
 Per Incarnationem tuam,
 Per Adventum tuum,
 Per Nativitatem tuam,
 Per dolores tuos,
 Per flagella tua,

Miserere nobis.

Libera nos JESU.

Per

SS. NOMINIS JESU.

49

Per mortem tuam,
Per Resurrectionem tuam,
Per Ascensionem tuam,
Per gaudia tua,
Per gloriam tuam,
Per dulcissimam Virginem Matrem
tuam,

Per intercessionem omnium San-
ctorum tuorum,

Agnus Dei, qui tollis peccata mundi,
Parce nobis JESU.

Agnus Dei, qui tollis peccata mundi,
Exaudi nos JESU.

Agnus Dei, qui tollis peccata mundi,
Miserere nobis JESU.

JESU Christe, audi nos.

JESU Christe, exaudi nos.

Kyrie eleison. Christe eleison.

Kyrie eleison. Pater noster, &c.

ψ. Et nē nos inducas in tentationem.

℞. Sed libera nos à malo.

ψ. Benedic anima mea Domino.

℞. Et omnia, quæ intrā me sunt, No-
mini sancto ejus.

D 2

ψ. Sit

Ÿ. Sit nomen Domini benedictum.

R. Ex hoc nunc, & usque in sæculum.

Ÿ. Adjutorium nostrum in Nomine Domini.

R. Qui fecit cœlum, & terram.

Ÿ. Domine exaudi orationem meam.

R. Et clamor meus ad te veniat.

Oremus.

OMnipotens sempiterne DEUS, dirige actus nostros in beneplacito tuo, ut in Nomine dilecti Filii tui mereamur bonis operibus abundare.

Sancti Nominis tui Domine, timorem pariter, & amorem fac nos habere perpetuum; quia nunquam tua gubernatione destituis, quos in soliditate tuæ dilectionis instituis.

DEUS virtutum, cujus est totum, quod est optimum, inferre pectoribus nostris amorem tui Nominis, & præsta in nobis religionis augmentum; ut, quæ sunt bona nutrias, ac pietatis studiô, quæ sunt nutrita, custodias.

DEUS,

SS. NOMINIS JESU. 39

DEUS, qui gloriosissimum Nomen JESU Christi Filii tui, Domini nostri, fecisti fidelibus tuis summo suavitatis affectu amabile, & malignis spiritibus tremendum, atque terribile; concede propitius: ut omnes, qui hoc Nomen JESU devote venerantur in terris, sanctæ consolationis dulcedinem in præsentī percipiant, & in futuro gaudium exultationis, & interminabilis beatitudinis obtineant in cœlis. Per eundem Dominum &c.


Dignare benignissime JESU, per hoc sanctum Nomen tuum esse mihi JESUS, & dare mihi Spiritum electorum JESU. Insere, quæso, cordi meo hoc amabile Nomen tuum, ut ejus dulcedine pascar, ejusque amore ita ardeam, ut moriar, & vivam in te JESU mi dulcissime, JESU mi suavissime, JESU mi dilectissime, invocato semper hoc jucundissimo, hoc mellifluo, hoc salutifero Nomine tuo, JESU, JESU, JESU.

O Bone JESU! ô piissime JESU! ô
dulcissime JESU! ô JESU Fili
MARLÆ Virginis, plene misericordiâ,
& pietate! ô dulcis JESU! secundum
magnam misericordiam tuam miserere
mei! ô clementissime JESU! te depre-
cor per illum sanguinem pretiosum,
quem pro peccatoribus effundere vo-
luisti, ut abluas omnes iniquitates meas,
& in me respicias, miserum, & indig-
num, humiliter veniam petentem, &
hoc Nomen sanctum JESU invocan-
tem. O Nomen JESU! Nomen dul-
ce; Nomen JESU, Nomen confortans!
quid est enim JESUS, nisi Salvator?
Ergo JESUS propter Nomen sanctum
tuum esto mihi JESUS, & salva me; nè
permittas me damnari, quem tu de ni-
hilo creâsti. O bone JESU! nè per-
dat me iniquitas mea, quem fecit omni-
potens bonitas tua. O dulcis JESU!
reco-

recognosce, quod tuum est, & absterge, quod alienum est. O benignissime JESU! miserere mei, dum tempus est miserendi; nè damnes me in tempore judicandi. Et quæ utilitas in sanguine tuo, dum descendero in æternam corruptionem? Non mortui laudabunt te Domine JESU, neq; omnes, qui descendunt in infernum. O amantissime JESU! ô desideratissime JESU! ô mitissime JESU! ô JESU, JESU, JESU! admitte me intrare in numerū electorum tuorum. O JESU salus in te credentium! ô JESU solatium ad te confugientium! ô JESU dulcis remissio omnium peccatorum! ô JESU Fili MARIÆ Virginis! infunde in me gratiam, sapientiam, charitatem, castitatem, & humilitatem; ut possim te perfectè diligere, ac laudare, te perfrui, tibi servire, & in te gloriari unà cum omnibus, qui invocant hoc sanctum Nomen tuum, quod est JESUS. Amen.

Affectus S. Augustini.

Domine JESU noverim te, noverim me,
 Nec aliquid cupiam, nisi te;
 Ut oderim me, & amem te,
 Quidquid amem, sit propter te.
 Humiliem me, exaltem te;
 Nihil cogitem, nisi te.
 Mortificem me, & vivam in te:
 Quaecunque eveniunt, accipiam à te.
 Persequar me, sequar te,
 Sempérque optem sequi te,
 Fugiam me, confugiam ad te.
 Dignus sim defendi à te:
 Timeam mihi, timeam te,
 Simque de electis à te.
 Diffidam mihi, confidam in te.
 Obedire velim propter te.
 In nullo efficiar, nisi in te.
 Aspice me, ut diligam te,
 Voca me, ut videam te,
 Et in æternum potiar te.



CULTUS
SPIRITUS SANCTI.Officium Parvum
DE
SPIRITU SANCTO.

Misericordissime, piissime,
ac benignissime DEUS,
Consolator, & Amor
noster, ignosce, & con-
dona nobis peccata no-
stra. Exurat nos, illuminet nos, in-
flammet nos lux tuæ visitationis, ut ab
omni peccato puri efficiamur, & alie-
ni. Imple, & confirma nos septem do-
nis tuis, inextinguibilique gratia tua,
Spiritus sancte DEUS, & hoc ipsum
operare nunc in cordibus nostris, quod
olim in vasis tuis electissimis, Christi
Apostolis, in die Pentecostes operari
dignatus es; ut, quidquid tu non es, in
nobis pereat, & tui amor castissimus,

ac ferventissimus nos omnes inebriet,
transformet, atque in se absorbeat.
Amen.

AD MATUTINUM.

℣. Spiritûs sancti gratia illuminet sensus,
& corda nostra.

℞. Amen.

℣. Domine labia mea aperies.

℞. Et os meum annuntiabit laudem
tuam.

℣. DEUS in adjutorium meû intende.

℞. Domine ad adjuvandum me festina.

Gloria Patri, & Filio, &c. Alleluja.

Vel: Laus tibi Domine, Rex æternæ
gloriæ.

HYMNUS.

Nobis sancti Spiritûs gratia sit data,
De qua Virgo Virginum fuit obum-
brata,

Cùm per sanctum Angelum fuit salu-
tata,

Verbum Caro factum est, Virgo fœ-
cundata.

Antiph.

SPIRITUS SANCTI. 57

Antiph. Veni sancte Spiritus, reple
tuorum corda fidelium, & tui amoris
in eis ignem accende.

ψ. Emitte Spiritum tuum, & creabun-
tur.

R. Et renovabis faciem terræ.

ORATIO.

ADsit nobis, quæsumus Domine,
virtus Spiritûs sancti, quæ & corda
nostra clementer expurget, & ab om-
nibus tueatur adversis. Per eundem
Dominum, &c.

AD PRIMAM.

ψ. Spiritûs sancti gratia, &c. *ut sup.*

HYMNUS.

DE MARIA Virgine Christus fuit
natus,

Crucifixus, mortuus, atque tumulatus:
Resurgens discipulis fuit demonstratus,
Et ipsis cernentibus in cœlos est levatus.

Ant. Veni sancte Spiritus, &c. *ut sup.*

ψ. Emitte Spiritum tuum, &c. *ut sup.*

Orat. Adsit nobis, quæsumus, &c. *ut sup.*

AD

CULTUS
AD TERTIAM.

ψ. Spiritûs sancti gratia, &c. *ut sup.*

H Y M N U S.

Suum sanctum Spiritum DEUS dele-
gavit,

In die Pentecostes Apostolos confor-
tavit,

Et de linguis igneis ipsos inflammavit,
Orphanos relinquere eos denegavit.

Ant. Veni sancte Spiritus, &c. *ut sup.*

ψ. Emitte Spiritum tuum, &c. *ut sup.*

Orat. Adsit nobis, quæsumus, &c. *ut sup.*

AD SEXTAM.

ψ. Spiritûs sancti gratia, &c. *ut sup.*

H Y M N U S.

SSeptiformem gratiam tunc accepta-
verunt.

Quare idiomatica cuncta cognoverunt:
Ad diversa climata mundi recesserunt,
Et fidem Catholicam tunc prædicave-
runt.

Ant. Veni sancte Spiritus, &c. *ut sup.*

ψ. Emitte Spiritum, &c. *ut sup.*

Orat.

SPIRITUS SANCTI 59

Orat. Adsit nobis, quæsumus, &c. *ut sup.*

AD NONAM.

ψ. Spiritus sancti gratia, &c. *ut sup.*

H Y M N U S.

Spiritus Paraclitus fuit appellatus:
Donum DEI, charitas, fons vivifi-
catus,

Spiritualis unctio, ignis inflammatus,
Septiformis gratia, charisma vocatus.

Ant. Veni sancte Spiritus, &c. *ut sup.*

ψ. Emitte Spiritum &c. *ut sup.*

Orat. Adsit nobis, quæsumus, &c. *ut sup.*

AD VESPERAS.

ψ. Spiritus sancti gratia, &c. *ut sup.*

H Y M N U S.

Dextræ DEI digitus, virtus Spiri-
talis,

Nos defendat, eruat ab omnibus malis,
Ut nobis non noceat dæmon infernalis,
Protegat, & nutriat, foveat sub alis.

Ant. Veni sancte Spiritus, &c. *ut sup.*

ψ. Emitte Spiritum, &c. *ut sup.*

Orat. Adsit nobis, quæsumus, &c. *ut sup.*

AD

AD COMPLETORIUM.

℣. Spiritûs sancti gratia, &c. *ut sup.*

℞. Converte nos DEUS salutaris noster.

℞. Et averte iram tuam à nobis.

℣. DEUS in adjutorium &c.

Gloria Patri, & Filio, &c. Alleluja.

HYMNUS.

Spiritus Paraclitus nos velit juvare,
Gressus nostros regere, & illuminare
Ut, cùm DEUS veniret omnes judicare,
Nos velit ad dexteram suam collocare.

Ant. Veni sancte Spiritus, &c. *ut sup.*

℣. Emitte Spiritum tuum, &c. *ut sup.*

Orat. Adsit nobis, quæsumus, &c. *ut sup.*

COMMENDATIO.

Has horas canonicas cum devotione,

Tibi sancte Spiritus pia ratione

Dixi: ut nos visites inspiratione,

Et vivamus jugiter cœli regione. Amen.

Hymnus

SPIRITUS SANCTI. 61

Hymnus ad invocandam Spiritûs sancti gratiam.

Veni sancte Spiritus, & emitte cœlitus lucis tuæ radium.

Veni Pater pauperum, veni dator munerum, veni lumen cordium.

Consolator optime, dulcis hospes animæ, dulce refrigerium.

In labore requies, in æstu temperies, in fletu solatium.

O lux beatissima, reple cordis intima tuorum fidelium.

Sinè tuo Numine nihil est in homine, nihil est innoxium.

Lava, quod est sordidum, riga, quod est aridum, sana, quod est saucium.

Flecte, quod est rigidum, fove, quod est frigidum, rege, quod est devium.

Da tuis fidelibus, in te confidentibus, sacrum septenarium.

Da virtutis meritum, da salutis exitum, da perenne gaudium. Amen.

Veni sancte Spiritus, reple tuorum corda fidelium, & tui amoris ignem in

eis

eis accende, qui per diversitatem
linguarum cunctarum gentes in uni-
tate fidei congregasti.

ψ. Emitte Spiritum tuum, & creabun-
tur.

℞. Et renovabis faciem terræ

ψ. Cor mundum crea in me DEUS.

℞. Et Spiritum rectum innova in visce-
ribus meis.

ψ. Nè projicias me à facie tua.

℞. Et Spiritum sanctum tuum nè afe-
ras à me.

ψ. Redde mihi lætitiā salutaris tui.

℞. Et Spiritu principali confirma me.

ψ. Spiritus sancti gratia.

℞. Illuminet sensus, & corda nostra.

ψ. Domine exaudi orationem meam.

℞. Et clamor meus ad te veniat.

Oremus.

DEUS, qui corda Fidelium, sancti
Spiritus illustratione docuisti, da
nobis in eodem Spiritu recta sapere, &
de ejus semper consolatione gaudere.

Omni-


SS. SACRAMENTI. 63

Omnipotens sempiterne DEUS:
cujus Spiritu totum corpus Ecclesiæ
sanctificatur, & regitur, exaudi nos pro
universis ordinibus supplicantes, ut
gratiæ tuæ munere ab omnibus tibi
gradibus fideliter seruiatur. Per eun-
dem Dominum nostrum, qui tecum
Spiritus est, & DEUS in sæcula sæcu-
lorum. Amen.

℣. Benedicamus Domino.

℞. Deo gratias.

℣. Fidelium animæ, &c.



CULTUS
VENERABILIS
SACRAMENTI.
Officium Parvum

DE
SS. EUCHARISTIÆ
SACRAMENTO.

E

Ad

AD MATUTINUM.

Panem cœli dedit nobis Dominus:
Panem Angelorum manducavit
homo.

ψ. Domine labia mea aperies.

℞. Et os meum annuntiabit laudem
tuam:

ψ. DEUS in adjutorium meum intende.

℞. Domine ad adjuvandum me festina.
Gloria Patri, & Filio, &c. Alleluja.

HYMNUS.



Ange lingua gloriosi
Corporis mysterium,
Sanguinisque pretiosi,
Quem in mundi pretiū,
Præctus ventris gene-
rosi,

Rex effudit gentium.

ψ. Panem de cœlo præstitisti eis Do-
mine.

℞. Omne delectamentum in se haben-
tem.

Ant.

Ant. Dominus JESUS, in qua nocte tradebatur, accepit panem, & gratias agens, fregit, & dixit: accipite, & manducate: Hoc est Corpus meum, quod pro vobis tradetur, hoc facite in meam commemorationem.

℣. Domine exaudi orationem meam.

℟. Et clamor meus ad te veniat.

Oremus.

DEUS, qui nobis sub Sacramento mirabili Passionis tuæ memoriam reliquisti, tribue quæsumus, ita nos Corporis, & Sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis, & regnas cum DEO Patre in unitate Spiritûs sancti DEUS, per omnia sæcula sæculorum. Amen.

AD PRIMAM.

Panem cœli dedit nobis, &c. *ut sup. in*

Matut.

℣. DEUS in adiutorium, &c.

CULTUS
HYMNUS.

NOBIS datus, nobis natus
Ex intacta Virgine,
Et in mundo conversatus
Sparso verbi femine,
Sui moras incolatûs
Miro clausit ordine.

ÿ. Panem de cœlo præstitisti, &c. *ut sup.
in Matut.*

Ant. O quàm suavis est Domine Spi-
ritus tuus, qui, ut dulcedinem tuam in
filios demonstrares, pane suavissimo
de cœlo præstito, esurientes reple
bonis, fastidiosos divites dimittens in-
anes.

ÿ. Domine exaudi &c.

Orat. DEUS, qui nobis, &c. *ut sup.*

AD TERTIAM.

Panem cœli dedit nobis, &c. *ut sup.*

ÿ. DEUS in adiutorium &c. *ut sup.*

HYMNUS.

IN supremæ nocte cœnæ
Recumbens cum fratribus,
Obfer-

SS. SACRAMENTI.

67

Observata lege plenè
Cibis in legalibus,
Cibum turbæ duodenæ
Se dat suis manibus.

ψ. Panem de cœlo &c. *ut sup.*

Ant. Caro mea verè est cibus, & sanguis meus verè est potus; qui manducat meam carnem, & bibit meum Sanguinem, in me manet, & ego in illo.

ψ. Domine exaudi &c. *ut sup.*

Orat. DEUS, qui nobis &c. *ut sup.*

AD SEXTAM.

Panem cœli dedit nobis &c. *ut sup.*

ψ. DEUS in adjutorium &c. *ut sup.*

HYMNUS.

Verbum caro, panem verum
Verbo carnem efficit:

Fîtque sanguis Christi merum,
Etsi sensus deficit.

Ad firmandum cor sincerum,
Sola fides sufficit.

ψ. Panem de cœlo &c. *ut sup.*

Ant. Quotiescunque manducabitis

E 3

panem

panem hunc, & calicem bibetis, mortem Domini annuntiabitis, donec veniat.

ψ. Domine exaudi &c.

Orat. DEUS, qui nobis &c. *ut sup.*

AD NONAM.

Panem cœli dedit nobis &c. *ut sup.*

ψ. DEUS in adiutorium &c. *ut sup.*

HYMNUS.

Tantum ergo Sacramentum
Veneremur cernui,
Et antiquum documentum
Novo cedat ritui:
Præstet fides supplementum
Sensuum defectui.

ψ. Panem de cœlo præstitisti &c. *ut sup.*

Ant. Quicumque manducaverit panem hunc, vel biberit calicem Domini indignè, reus erit Corporis, & Sanguinis Domini.

ψ. Domine exaudi &c.

Orat. DEUS, qui nobis &c. *ut sup.*

AD

SS. SACRAMENTI.
AD VESPERAS.

69

Panem cœli dedit &c. *ut sup.*

ψ. DEUS in adjutorium, &c.

H Y M N U S.

Genitori, genitôque,

Laus, & jubilatio;

Salus, honor, virtus quoque

Sit & benedictio;

Procedenti ab utroque

Compar sit laudatio.

ψ. Panem de cœlo præstitisti &c. *ut sup.*

Ant. O sacrum convivium, in quo
Christus sumitur, recolitur memoria
Passionis ejus, mens impletur gratiâ,
& futuræ gloriæ nobis pignus datur.

ψ. Domine exaudi &c.

Orat. DEUS, qui nobis &c. *ut sup.*

AD COMPLETORIUM.

Panem cœli dedit nobis &c. *ut sup.*

ψ. Convertte nos DEUS salutaris no-
ster.

R. Et averte iram tuam à nobis.

ψ. DEUS in adjutorium &c.

E 4

H Y M-

CULTUS
HYMNUS.

O Salutaris hostia, quæ cœli pandis
ostium,

Bella premunt hostilia, da robur, fer
auxilium.

Uni, trinóque Domino, sit sempiterna
gloria,

Qui vitam finè termino, nobis donet
in patria. Amen.

ÿ. Panem de cœlo præstitisti eis Do-
mine.

℞ Omne delectamentum in se habentē.

Ant. Nisi manducaveritis Carnem
Filii hominis, & biberitis ejus Sangui-
nem, non habebitis vitam in vobis. Qui
manducat meam carnem, & bibit me-
um Sanguinem, habet vitam æternam,
& ego resuscitabo eum in novissimo
die.

ÿ. Domine exaudi orationem meam.

℞. Et clamor meus ad te veniat.

Oremus.

DEUS, qui nobis &c. *ut sup.*

COM-

SS. SACRAMENTI. 71
COMMENDATIO.

HAs horas sic recolo pia ratione,
Tibi Corpus Domini, ut Con-
fessione

Contritus, & prævia satisfactione,
Valeam te sumere cum devotione.
Amen.

Hymnus de Sanctissimo Sacramento.

LAuda Sion Salvatorem, lauda du-
cem, & Pastorem, in hymnis, &
canticis.

Quantum potes, tantum aude : quia
major omni laude ; nec laudare suf-
ficis.

Laudis thema specialis, panis vivus, &
vitalis hodie proponitur.

Quem in sacræ mensæ cœnæ, turbæ fra-
trum duodenæ, datum non ambi-
gitur.

Sit laus plena, si sonora : sit jucunda
sit decora mentis jubilatio.

Dies enim solemnis agitur, in qua men-
sæ prima recolitur hujus institutio.

In hac mensa novi Regis, novum Pascha, novæ legis Phase vetus terminat.

Vetustatem novitas, umbram fugat veritas, noctem lux eliminat.

Quod in cœna Christus gessit, faciendum hoc expressit in sui memoriam, Docti sacris institutis, panem, vinum in salutis consecramus hostiam.

Dogma datur Christianis, quòd in Carnem transit panis, & vinum in sanguinem.

Quod non capis, quod non vides, animosa firmat fides, præter rerum ordinem.

Sub diversis speciebus, signis tantum, & non rebus, latent res eximiæ.

Caro cibus, Sanguis potus: manet tamen Christus totus sub utraque specie.

A fumente non concisus, non confractus, non divisus, integer accipitur. Sumit unus, sumunt mille: quantum isti, tantum ille, nec sumptus consumitur.

Su-

Sûmunt boni, sumunt mali, sorte tamen
inæquali, vitæ, vel interitûs.

Mors est malis, vita bonis, vide paris
sumptionis, quàm sit dispar extius.

Fractô demum Sacramentô, nè vacil-
les, sed memento, tantum esse sub
fragmento, quantum toto tegitur.

Nulla rei fit scissura: signi tantum fit
fractura: quâ nec status, nec statura
signati minuitur.

Ecce Panis Angelorum, factus cibus
viatorum: verè Panis Filiorum, non
mittendus canibus.

In figuris præsignatur, cum Isaac immo-
latur: Agnus Paschæ deputatur: da-
tur manna patribus.

Bone Pastor panis verè, JESU nostri
miserere: tu nos pascere, nos tuere,
tu nos bona fac videre, in terra vi-
ventium.

Tu, qui cuncta scis, & vales, qui nos
pascis hîc mortales, tuos ibi com-
mensales, cohæredes, & sodales fac
sanctorum Civium. Amen.

Rhyth.

*Rhythmus S. Thomæ Aquin. ad SS.
EUCHARISTIAM.*

ADoro te devotè, latens Deitas,
Quæ sub his figuris verè latitas,
Tibi se cor meum totum subjicit:
Quia te contemplans totum deficit.
Visus, tactus, gustus, in te fallitur,
Sed auditu solo tutò creditur.
Credo, quidquid dixit DEI Filius,
Nîl hoc verbo veritatis verius.
In cruce latebat sola Deitas,
At hîc latet simul, & humanitas,
Ambo tamen credens, atque con-
fitens,
Peto, quod petivit latro pœnitens.
Plagas, sicut Thomas, non intueor;
DEUM tamen meum te confiteor;
Fac me tibi semper magis credere,
In te spem habere, te diligere.
O memoriale mortis Domini,
Panis vivus, vitam præstans homini,
Præsta meæ menti de te vivere,
Et te illi semper dulcè sapere.

Pie

Pie Pelicane JESU Domine,
Me imundum munda tuo sanguine,
Cujus una stilla saluum facere
Totum mundum quit ab omni scelere.

JESU, quem velatum sic aspicio,
Oro, fiat illud, quod tam sitio,
Ut te revelata cernens facie,
Visu sim beatus tuæ gloriæ. Amen.

Ante SS. Sacramentum.

A Ve verum corpus natum de MARIA Virgine.

Verè passum, immolatum in cruce pro homine.

Cujus Latus perforatum unda fluxit cum sanguine.

Esto nobis prægustatum mortis in examine.

O dulcis! ô pie! ô JESU Fili MARIE!
miserere mei. Amen.

H Y M N U S.

S Acris solemniis juncta sint gaudia,
Et ex præcordiis sonent præconia;
Rece-

Recedant vetera, nova sint omnia,
Corda voces, & opera.

Noctis recolitur cœna novissima,
Qua Christus creditur agnum, & azy-
ma

Dedisse fratribus juxta legitima,
Priscis indulta Patribus.

Post agnum typicum expletis epulis,
Corpus Dominicum datum Discipulis,
Sic totum omnibus, quod totum sin-
gulis,

Ejus fatemur manibus.

Dedit fragilibus corporis ferculum.

Dedit & tristibus Sanguinis poculum,

Dicens: accipite, quod trado vascu-
lum,

Omnes ex eo bibite.

Sic sacrificium istud instituit,

Cujus officium committi voluit

Solis Presbyteris, quibus sic congruit,

Ut sumant, & dent cæteris.

Panis Angelicus sit panis hominum.

Dat panis cœlicus figuris terminum.

O res mirabilis manducat Dominum,

Pau-

Pauper Servus, & humilis.

Te Trina Deitas, unâque poscimus,

Sic nos tu visita, sicut te colimus.

Per tuas semitas duc nos, quò tendi-
mus

Ad lucem, quam inhabitas, Amen.

LITANIÆ DE VENERABILI SACRAMENTO.

KYrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Miserere nobis.

Fili Redemptor mundi DEUS, |

Spiritus sancte DEUS, |

Sancta Trinitas unus DEUS, |

Panis vivus de cœlo descendens, |

DEUS absconditus, & Salvator, |

Fruentum Electorum, |

Vinum germinans Virgines, |

Panis pinguis, & deliciae Regum, |

Miserere nobis.

Juge

Juge sacrificium,
 Oblatio munda,
 Agnus absque macula,
 Mensa purissima,
 Angelorum esca,
 Manna absconditum,
 Memoria mirabilium DEI,
 Panis supersubstantialis,
 Verbum Caro factum,
 Habitans in nobis,
 Hostia sancta,
 Calix benedictionis,
 Mysterium Fidei,
 Præcellsum, & Venerabile Sacra-
 mentum,
 Sacrificium omnium sanctissimum,
 Verè propitiatorium pro vivis, &
 defunctis,
 Cœleste antidotum, quo à peccatis
 præservamur,
 Stupendum super omnia miracu-
 lum,
 Sacratissima Dominicæ Passionis
 Commemoratio,

Miserere nobis.

Do-

SS. SACRAMENTI.

79

Donum transcendens omnem plenitudinem,

Memoriale præcipuum divini amoris,

Divinæ affluentiae largitas,

Sacro-sanctum, & augustissimum mysterium,

Pharmacum immortalitatis,

Tremendum, ac vivificum Sacramentum,

Panis omnipotentiae Verbi Caro factus,

Incrumentum sacrificium,

Cibus, & conviva,

Dulcissimum convivium, cui assistunt Angeli ministrantes,

Sacramentum pietatis,

Vinculum charitatis,

Offerens, & oblatio,

Spiritualis dulcedo in proprio fonte degustata,

Refectio animarum sanctarum,

Viaticum in Domino morientium,

Pignus futurae gloriae,

F

Miserere nobis

Pro-

Propitius esto, Parce nobis Domine
 Propitius esto, Exaudi nos Domine.
 Ab omni malo, Libera nos Domine.
 Ab indigna Corporis, & Sanguinis
 tui susceptione,

A concupiscentia carnis,

A superbia vitæ,

Ab omni peccandi occasione,

Per desiderium illud, quo hoc Pa-
 scha cum Discipulis manducare
 desiderâsti,

Per summam humilitatem, quâ Di-
 scipulorum pedes lavisti,

Per ardentissimam charitatem, quâ
 hoc Divinum Sacramentum in-
 stituisti,

Per Sanguinem tuum pretiosum,
 quem nobis in altari reliquisti,

Per quinque Vulnera hujus tui cor-
 poris sacratissimi, quæ pro nobis
 suscepisti,

Peccatores, Te rogamus audi nos.

Ut nobis fidem, reverentiam, & de-
 votionem hujus admirabilis Sacra-
 men-

Libera nos Domine.

SS. SACRAMENTI.

81

menti augere, & conservare digneris, Te rogamus audi nos.

Ut ad frequentem usum Eucharistiae per veram peccatorum confessionem nos perducere digneris,

Ut nos ab omni hæresi, perfidia, ac cordis cæcitate liberare digneris,

Ut in hora mortis nostræ hoc cœlesti Viatico nos confortare, & munire digneris,

Ut ad cœnam vitæ æternæ nos perducere digneris,

Fili DEI,

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis Domine.

Kyrie eleison. Christe eleison.

Kyrie eleison. Pater noster, &c.

ψ. Memoriam fecit mirabilium suorum
misericors, & miserator Dominus.

Te rogamus audi nos.

R. Escam dedit timentibus se.

Y. Panem de cœlo præstitisti nobis Domine.

R. Omne delectamentum in se habentem.

Y. Ex altari tuo Domine Christum fumimus,

R. In quem cor, & caro nostra exultant.

Y. Domine exaudi orationem meam.

R. Et clamor meus ad te veniat.


Oremus.

DEUS, qui nobis sub Sacramento mirabili Passionis tuæ memoriam reliquisti, tribue quæsumus, ita nos Corporis, & Sanguinis tui sacra mysteria venerari, ut redemptionis tuæ fructum in uobis jugiter sentiamus.

Domine JESU Christe, Fili DEI vivi, qui ex voluntate Patris, cooperante Spiritu sancto, per mortem tuam mundum vivificasti, libera nos per tremendum Corporis, & Sanguinis tui Sacramentum, ab omnibus iniquitatibus nostris,

SS. SACRAMENTI. 83

tris, & universalis malis, & fac nos tuis
semper inhærere mandatis, nec à te
unquam separari permittas. Per Do-
minum nostrum &c.



CULTUS
SS. CRUCIS.
OFFICIUM

DE
SANCTA CRUCE.

AD MATUTINUM.

✠. Per signum Crucis de inimicis nostris.

R. Libera nos DEUS noster.

✠. Domine labia mea aperies.

R. Et os meum annuntiabit laudem
tuam.

✠. DEUS in adjutorium meum intende.

R. Domine ad adjuvandum me festina.

Gloria Patri, & Filio, &c. *non dici-
tur Alleluja. neque, Laus tibi Domine.*

CULTUS HYMNUS.



Atris Sapientia, Veritas
Divina,
DEUS homo captus est
horâ matutinâ,
A notis Discipulis citò
derelictus,

A Judæis traditus, venditus, afflictus.

Ant. O Crux venerabilis, quæ salu-
tem attulisti miseris, quibus te efferam
præconiis: quoniam vitam nobis cœli-
tem præparâsti.

ψ. Adoramus te Christe, & benedici-
mus tibi.

℟. Quia per sanctam Crucem tuam re-
demisti mundum.

ORATIO.

Domine JESU Christe, Fili DEI vi-
vi, pone Passionem, Crucem, &
Mortem tuam inter judicium tuum, &
animam meam, nunc, & in hora mor-
tis meæ: & mihi largiri digneris gra-
tiam,

tiam, & misericordiam, vivis, & defunctis requiem, & veniam, Ecclesiæ tuæ pacem, & concordiam, & nobis peccatoribus vitam, & gloriam sempiternam. Qui vivis, & regnas cum Deo Patre, in unitate Spiritûs sancti DEUS, per omnia sæcula sæculorum. Amen.

AD PRIMAM.

ψ. Per signum Crucis &c. *ut sup. in Matut.*

ψ. DEUS in adiutorium &c.

HYMNUS.

HOrâ primâ Dominum ducunt ad Pilatum:

Et à falsis testibus multùm accusatum,
Colaphis percutiunt, manibus ligatum,
Vultum DEI conspuunt, lumen cœli
gratum.

Ant. O Crucis victoria, & admirabile signum, in cœlesti curia fac nos captare triumphum.

ψ. Adoramus te Christe, &c. *ut sup.*

Orat. Domine JESU Christe &c. *ut sup.*

AD TERTIAM.

✠. Per signum Crucis &c. *ut sup. in Mat.*

✠. DEUS in adjutorium &c.

HYMNUS.

CRucifige, clamitant horâ tertiârū,
Illusus induitur veste purpurarum,
Caput ejus pungitur coronâ spinarum,
Crucem portat humeris ad locum pœ-
narum.

Ant. Funestæ mortis damnatur ad
supplicium, dum Christus in Cruce,
nostra destruxit vincula criminum.

✠. Adoramuste Christe, &c.

Orat. Domine JESU Christe, &c. *ut sup.*

AD SEXTAM.

✠. Per signum Crucis, &c. *ut sup.*

✠. DEUS in adjutorium &c.

HYMNUS.

HOrâ sextâ JESUS est Cruci con-
clavatus,
Pendens cum latronibus est & depu-
tatus,

Præ tormentis sitiens felle saturatus:

Agnus

Agnus crimen diluens sic ludificatus.

Ant. Per lignum servi facti sumus,
per sanctam Crucem liberati sumus:
fructus arboris seduxit nos, Filius DEI
redemit nos.

✠. Adoramus te Christe, &c. *ut sup.*

Orat. Domine JESU Christe, &c. *ut sup.*

AD NONAM.

✠. Per signum Crucis, &c. *ut sup.*

✠ DEUS in adiutorium &c. *ut sup.*

HYMNUS.

HOrâ nonâ Dominus JESUS ex-
spiravit,

Eli clamans, spiritum Patri commen-
davit,

Latus ejus lanceâ miles perforavit,
Terra tunc contremuit, & sol obscu-
ravit.

Ant. O magnum pietatis opus, mors
mortua tunc est, in ligno, quando mor-
tua vita fuit.

✠. Adoramus te Christe, &c. *ut sup.*

Orat. Domine JESU Christe, &c. *ut sup.*

CULTUS
AD VESPERAS.

ŷ Per ſignum Crucis, &c. *ut ſup.*

ŷ. DEUS in adiutorium &c.

H Y M N U S.

DE Cruce deponitur horâ vespertinâ,

Fortitudo latuit in mente Divina:
Talem mortem ſubiit vitæ medicina,
Heu! Corona gloriæ jacuit ſupina.

Antiph. O Crux benediſta, quæ ſola
fuiſti digna portare talentum mundi:
dulce lignum, dulces clavos, dulcia ferens pondera: ſuper omnia ligna cedrorum tu ſola excelsior, in qua mundi ſalus pependit, in qua Chriſtus triumphavit, & mors mortem ſuperavit in æternum.

ŷ. Adoramus te Chriſte, &c.

Orat. Domine JESU Chriſte, &c.

AD COMPLETORIUM.

ŷ. Per ſignum Crucis, &c.

ŷ. Converte nos DEUS ſalutaris noſter.

R. Et

R. Et averte iram tuam á nobis.

Ÿ. DEUS in adjutorium &c.

Gloria Patri, & Filio, &c.

H Y M N U S.

HOrá Completorii datur sepulturæ
Corpus Christi nobile, spes vitæ
futuræ

Conditur aromate: complentur Scrip-
turæ,

Jugis sit memoria mortis suæ duræ.

Ant. Salvator mundi, salva nos, qui
per Crucem, & Sanguinem tuum rede-
misti nos; auxiliare nobis, te depreca-
mur DEUS noster.

Ÿ. Adoramus te Christe, & benedici-
mus tibi.

R. Quia per sanctam Crucem tuam re-
demisti mundum.

Orat. Domine JESU &c. *ut sup.*

C O M M E N D A T I O.

HAs horas Canonicas cum devo-
tione,

Tibi Christerocolo pia ratione,

Ut,

Ut, qui pro me passus es amoris ardore,
Sis mihi solatium mortis in agone. A-
men.

Oremus.

OMnipotens, & misericors DEUS,
qui nobis in foraminibus petrae,
sacratissimis Domini nostri JESU Chri-
sti vulneribus, in omni tribulatione, &
angustia singulare praesidium benignis-
sime praeparasti; da mihi per eorun-
dem merita remissionem peccatorum;
& servandi mandata tua, teque ex to-
to corde diligendi, gratiam benigniter
elargire; ut, cum ex hac ærumnosa mi-
seriarum valle fuerit emigrandum, san-
guinis, quem fuderunt, virtute, & effi-
caciâ, in Divinissimo Dominici cordis
vulnere, velut insuperabili propugna-
culo, ab omni diabolica infestatione
securus delitescam, & coram supremi
vivorum, & mortuorum Judicis tribu-
nali, cum fiducia comparens, & hæc
ejus omni radio solari splendidiora vul-
nera, in novissimo die, summo cum
gau-

SS. CRUCIS, & MEM. PASS. CHR. 91
gaudio intuens, dulcissimam Electo-
rum sententiam: Venite Benedicti Pa-
tris mei, feliciter adipiscar. Per eun-
dem Dominum nostrum IESum Chri-
stum, &c.

LITANIÆ

DE

VITA, ET PASSIONE DOMINI.

KYrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Miserere nobis.

Fili Redemptor mundi DEUS,

Spiritus sancte DEUS,

Sancta Trinitas unus DEUS,

IESU sapientia æterna,

IESU de Virgine MARIA nate,

IESU à tua Genitrice adorate,

IESU pannis involute,

IESU in præsepio reclinate,

IESU à pastoribus in præsepio co-

gnite,

Miserere nobis.

IESU

JESU per circumcisionem sub lege
facte,

JESU à Magis adorate,

JESU in templo præsentate,

JESU in Ægyptum delate,

JESU ab Herode ad necem quæsitate,

JESU in Nazareth nutrite,

JESU in templo invente,

JESU parentibus subdite,

JESU à Joanne baptizate,

JESU in deserto tentate,

JESU cum hominibus conversate,

JESU gratis odio habite,

JESU contumeliis vexate,

JESU in monte coram Patribus
transfigure,

JESU Rex mitis Hierusalem in-
gressa,

JESU triginta argenteis vendite,

JESU ad Discipulorum pedes in-
cline,

JESU in oratione prostrate,

JESU in agonia sanguineo sudore
conspere,

Miserere nobis.

JESU

JESU osculô á Juda tradite,
 JESU à ministris ligate,
 JESU à Discipulis derelictæ,
 JESU Annæ, & Caiphæ præsentate
 JESU alapâ à ministro percussæ,
 JESU à falsis testibus accusatæ,
 JESU reus mortis judicatæ,
 JESU in faciem consputæ,
 JESU oculis velatæ,
 JESU à Petro ter negatæ,
 JESU vincit̃us Pilato traditæ,
 JESU ab Herode sprete, & illuse,
 JESU veste alba indutæ,
 JESU Barabbæ postpositæ,
 JESU flagellis cæse,
 JESU propter scelera nostra attrite,
 JESU quasi leprosus reputatæ,
 JESU veste purpurea indutæ,
 JESU spinis coronatæ,
 JESU arundine percussæ,
 JESU à Judeis ad crucem postulatæ,
 JESU morte turpissima condēnatæ,
 JESU voluntati Judæorum traditæ,
 JESU Crucis pondere gravatæ,

Miserere nobis.

JESU

JESU tanquam ovis ad occisionem ducte,

JESU vestibibus exute,

JESU clavis in cruce confixe,

JESU propter iniquitates nostras vulnerate,

JESU, qui pro inimicis Patrem rogâsti,

JESU cum iniquis reputate,

JESU in cruce blasphemate, & iluse,

JESU à latrone convitiis laceffite,

JESU, qui latroni pœnitenti paradisum promisisti,

JESU, qui Joannem Matri tuæ in Filium commendâsti,

JESU te à Patre derelictū attestate,

JESU felle, & aceto in siti potate,

JESU, qui omnia de te scripta consummâsti,

JESU usque ad mortem crucis obediens facte,

JESU lanceâ transfixe;

JESU propitiatio nobis facte,

JESU

Miserere nobis,

JESU de Cruce deposite,	} Misere nobis.
JESU gloriosè á mortuis resurgens,	
JESU in cælum elevate,	
JESU noster apud Patrē Advocate,	
JESU, qui Spiritum Paraclitum discipulis misisti,	
JESU Matrem super Choros Angelorum exaltans,	} Libera nos Domine
JESU vivos, & mortuos judicature,	
Propitius esto, Parce nobis Domine.	
Propitius esto, Exaudi nos Domine.	
Ab omni malo, Libera nos Domine.	
Ab omni peccato,	
Ab ira, & odio, & omni mala voluntate,	
A peste, fame, & bello,	
A cunctis mentis, & corporis periculis,	
A morte perpetua,	
Per mundissimam Conceptionem tuam,	} Per
Per miraculosam Navitatē tuam,	
Per humilem Circumcisionē tuam,	
Per Baptismum, & sanctum Jejunium tuum,	

Per labores, & vigilias tuas,
 Per dolorosam flagellationem, &
 coronationem tuam,
 Per sitim, lacrymas, & nuditatem
 tuam,
 Per pretiosam mortem, & crucem
 tuam,
 Per gloriosam resurrectionem, &
 ascensionem tuam,
 In die iudicii,
 Peccatores, Te rogamus audire nos.
 Ut nobis parcas,
 Ut nobis indulgeas,
 Ut ad veram pœnitentiam nos per-
 ducere digneris,
 Ut gratiam S. Spiritûs cordibus no-
 stris clementer infundere di-
 gneris,
 Ut societates in tuo sancto Nomine
 congregatas conservare, & am-
 plicare digneris,
 Ut nobis veram pacem, humilita-
 tem, & charitatem largiri di-
 gneris,

Libera nos Domine,

Te rogamus audi nos.

Ut

SS. CRUCIS, & MEM. PASS. CHR. 97

Ut in gratia, & sancto servitio tuo
perseverentiam nobis dare di-
gneris,

Ut nos ab immundis cogitationi-
bus, ac dæmonum tentationibus,
& damnatione perpetua libera-
re digneris,

Ut nos collegio Sanctorum tuorum
sociare digneris,

Ut nos exaudire digneris,

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis Domine.

Christe, audi nos.

Christe, exaudi nos.

Kyrie eleison. Christe eleison.

Kyrie eleison. Pater noster, &c.

ψ. Et nē nos inducas in tentationem.

℞. Sed libera nos à malo.

ψ. Adoramus te Christe, & benedici-
mus tibi.

G2

℞. Quia

Terogamus audire nos.

R. Quia per sanctam Crucem tuam redemisti mundum.

ψ. Domine exaudi orationem meam.

R. Et clamor meus ad te veniat.

O R A T I O.

DEUS, qui pro redemptione mundi nasci voluisti, circumcidi, à Judæis reprobari, à Juda osculo tradi, vinculis alligari, sicut agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri, à falsis testibus accusari, flagellis, & collaphis cædi, opprobriis vexari, conspui, spinis coronari, arundine percuti, facie velari, vestibus spoliari, cruci clavis affigi, in cruce levvari, inter latones deputari, felle, & aceto potari, & lanceâ vulnerari. Tu Domine per has sanctissimas poenas, quas ego indignus recolo, & per sanctissimam Crucem, & Mortem tuam, libera me à poenis inferni, & perducere digneris, quò perduxisti latronem tecum crucifixum.

Domi-

SS. CRUCIS. & MEM. PASS. CHR. 99

Domine JESU Christe, qui horâ
sextâ pro redemptione mundi crucis
patibulum ascendisti, & Sanguinem tu-
um pretiosum in remissionem peccato-
rum nostrorum fudisti, te humiliter
deprecamur, ut post obitum nostrum,
paradisi januas nos gaudenter introire
concedas.

Quæsumus clementiam tuam, ut nos
famulos tuos, gratiâ tuâ confirmare di-
gneris: ut in hora mortis nostræ non
prævaleat contra nos adversarius no-
ster; sed cum Angelis tuis transitum
habere mereamur ad vitam æternam.
Qui vivis, & regnas &c.

Hymnus de sancta Cruce.

VExilla Regis prodeunt;
Fulget Crucis mysterium,
Quo carne carnis Conditor
Suspendus est patibulo.
Quo vulneratus insuper
Mucrone diro lanceæ,
Ut nos lavaret crimine,
Manavit undâ & sanguine.

Impleta sunt, quæ concinit
 David fideli carmine,
 Dicendo nationibus:
 Regnavit à ligno DEUS.
 Arbor decora, & fulgida
 Ornata Regis purpurâ,
 Electa digno stipite
 Tam sancta membra tangere.
 Beata, cujus brachiis
 Pretium pependit sæculi,
 Statera facta corporis,
 Tulitque prædam Tartari.
 O Crux ave spes unica!
 Hoc passionis tempore,
 Auge piis justitiam,
 Reisque dona veniam.
 Te fons salutis Trinitas,
 Collaudet omnis spiritus:
 Quibus Crucis victoriam
 Largiris, adde præmium. Amen.
 ✠. Eripe me Domine ab homine malo.
 R. A viro iniquo eripe me

Oremus,

DEUS, qui pro nobis Filium tuum
 Cru-

SS. CRUCIS, & MEM. PASS, CHR. 101
Crucis patibulum subire voluisti, ut inimici à nobis expelleres potestatem; concede nobis famulis tuis: ut resurrectionis gloriam consequamur. Per Dominum nostrum &c.

Divinum auxilium maneat, &c.

Sequentem Orationem coram imagine S. Sindonis D. N. JESU Christi devotè recitantibus concessit Clem. VIII. Indulgentiam plenariam, & liberationem animæ ex purgatorio. Paulus verò V. confirmavit.

DEUS, qui nobis in S. Sindone, quâ corpus tuum sacro-sanctum de Cruce depositum, & à Joseph involutum fuit, Passionis tuæ vestigia reliquisti; concede propitius: ut per mortem, & sepulturam tuam ad resurrectionis gloriam perducamur. Qui vivis, & regnas cum DEO Patre in unitate Spiritûs sancti DEUS, per omnia sæcula sæculorum. Amen.

Pia Exercitatio erga Christum Crucifixum, & quinque ejus Vulnera.

Oratio præparatoria.

EN amantissime JESU, qui Sponsus
G 4 San-

Sanguinum mihi esse voluisti ; ad pedes tuos prosternor, ut meum in te amorem, debitamque gratitudinem contester. Sed quid rependam tibi, mi JESU, qui usque in finem dilexisti me? manibusque, ac pedibus, imò, & cordi tuo inscripsisti me, magno sanè, & conspicuo charactere? Quis mihi hoc tribuat, ut sicut tu me, ità, & ego te cordi meo inscriptum circumferam? & sicut mei memoria tibi, sic tui mihi nunquam excidat? O JESU, quàm profuso me charitatis affectu complexus es, qui non tantum manus, ac pedes, verum, & opulentissimum pectus mihi aperire voluisti, ut inexhaustâ bonorum cœlestium affluentiam desiderium meum expleas! Suscipe hæc mea, quæ colendis sacris tuis quinque Vulneribus, vota persolvo: aditum, spero, ad optatissimos hos vitæ fontes misero non intercludes.

Oratio I. Ad S. Vulnus Pedis Sinistri.

Saluto benedictum Vulnus Sinistri
Pedis

SS. CRUCIS, & MEM. PASS. CHR. 103
Pedisti tui, mi JESU, quod in spiritu re-
verenter exosculor, te ex animo ro-
gans: ut hujus tui sanctissimi Vulneris
meritò evellas pedes meos à laqueo,
quem statuerunt mihi inimici mei, & à
lapsu animam meam præserve. Non
veniat mihi pes superbiæ, nec ambu-
lem in mirabilibus super me; sed in
animo contrito, & spiritu humilitatis à
te suscipiar.

Ad sacrum hoc vulnus tuum depo-
no, & offero omnem afflictionem me-
am: ut hanc cum Cruce, & Passione
tua conjungas, gratiâque largiaris,
quâ omnes adversitates, & misérias
amore tui superem, tuæque me semper
voluntati conformem. Amen.

Pater noster, &c.

Oratio II. ad S. Vulnus Pedis Dextri.

Saluto benedictum Vulnus Dextri
Pedis tui, mi JESU, quod in spiritu
reverenter exosculor; te ex animo ro-
gans: ut hujus tui sacratissimi Vulneris

meritò dirigas pedes meos ad currendam viam mandatorum tuorum ; ut transeam de virtute ad virtutem, donec videam te Deum, ac Dominum meum in Sion.

Ad hoc S. Vulnus tuum depono, & offero omnem fortunam, ac felices successus meos, quos mihi divinæ providentiæ tuæ dispositio clementer indulgit ; nè illorum insolentiâ elatus animus, te summum bonum meum ad iram unquam provocet. Amen.

Pater noster, &c.

Oratio III. ad S. Vulnus Manûs Sinistræ.

Saluto benedictum Vulnus Sinistræ Manûs tuæ, mi JESU, quod in spiritu reverenter exosculor, te ex animo rogans: ut hujus tui iacratissimi Vulneris meritò, miserearis fragilitatis, & inconstantia meæ, & in omni bono proposito me confirmes; illum, tantumque insuper, mihi amorem præstes; ut dicere queam: Læva ejus sub capite meo, & dextera illius amplexabitur me.

Ad

Ad sacrum hoc Vulnus tuum depono omnia peccata mea, quæ aut ignorans, aut sciens volens, unquam commisi. Tu mi JESU, pretiosissimo tuo sanguine illa abluere digneris; nè coram justissimo Tribunali tuo æternæ damnationis sententiam contra me exposcant. Amen.

Pater noster, &c.

Oratio IV. ad S. Vulnus Manûs dexteræ

SALUTO benedictum Vulnus Dexteræ Manûs tuæ, mi JESU, quod in spiritu reverenter exosculor, te ex animo rogans: ut hujus tui sacratissimi Vulneris meritò, uberem mihi gratiam, & opem contra hostium meorum visibilibus, & invisibilibus conatus largiaris, & in novissimo die ad dexteram tuam statuas, ubi lætus audiam: Venite benedicti.

Ad sacrum hoc vulnus tuum depono, & offero tibi omnia bona opera mea (imò tua, quæ tuæ gratiæ omnia, ut debeo, adscribo) cum humillima obsecra-

secratione, ut ea tuis sanctissimis operibus unita, æterno Patri offerre, meamque inopiam tuis infinitis meritis supplere digneris. Amen.

Pater noster, &c.

Oratio V. ad S. Vulnus Lateris Christi.

SAluto te, ô benedictum Vulnus Lateris JESU: salve, ô fons amoris! ô thesaure inæstimabilis! ô requies animæ meæ! Ausimne, benignissime JESU, ad sacram hanc Arcem, ad hoc Sanctum Sanctorum accedere, ardensque amore cor tuum deosculari? Per infinitam bonitatem tuam oro te mi JESU, nè hoc solatio me privare, nec ab hac unici mei refugii domo arcere velis. Eja anima mea, accurre cum fiducia ad thalamum suavissimi Sponsi tui: hinc te omnibus molestiis tuis, ac curis, quibus opprimeris, exonera: hinc desideria tua, & cupiditates exple: hinc in optatissima pace conquiesce. Videor mihi, ô JESU! amore tuo duce, per amabi-

SS. CRUCIS, & MEM. PASS. CHR. 107
amabilissimum sacri Lateris tui Vulnus
ad Cor tuum intromitti. Hic te cum
profundissima humilitate, ô JESU! oro:
ut ignoscas, quidquid unquam corde,
ore, aut opere in te peccavi. Hoc sa-
crô Sanguinis tui balneô munda cor
meum, & benedicti cordis tui formam,
ac speciem imprime, tuique amoris
igne accende; nè quidquam imposte-
rum præter te amem, aut desiderem.

Ad sacratissimum hoc cordis tui Vul-
nus, mi JESU, omnia cordis mei vota,
ac desideria pono. Ità oro, cor meum
cordi tuo adstringe, ut nullo unquam
tempore ab invicem avellantur; ut ve-
rè cum Apostolo exclamem: quis nos
separabit à charitate Christi? tribula-
tio? an angustia? an fames? an nudi-
tas? an periculum? an persecutio? an
gladius? certus sum, quia neque mors
neque vita, neque ulla creatura pote-
rit nos separare à charitate DEI, quæ
est in Christo JESU Domino nostro.
Rom. 8. Pater noster, &c.

QUIN:

QUINDECIM ORATIONES
 QUINDECIM ORATIONES
 SANCTÆ
 BRIGITTÆ

DE
 PASSIONE CHRISTI.

In volumine revelationum S. Brigittæ, Romæ impresso, refertur, Crucifixum S. Brigittæ in Ecclesia S. Pauli oranti, dignatum fuisse loqui, præmiũque indixisse omnibus, qui legerint XV. Orationes, quas ipsa dudum in patria, & Monasterio Alvastræ, Ordinis Cisterciensium, post obitum mariti ibidem manens, suggerente Spiritu sancto, devotissimè composuit, & continuè oravit. Privilegia verò à Christo D. his Orationibus concessa speciatim Leisentritius in libro suo Precatorio recenset, atque eas à Bonifatio IX. Magnis additis indulgentiis confirmatas; & ex libro Revelationum S. Brigittæ, se desumpsisse testatur;

ORATIO I.

OJESU Christe, æterna dulcedo
 te amantium! júbilus excedens
 omne

omne gaudium, & omne desiderium, salus, & amator peccatorum, qui delicias tuas testatus es, esse cum filiis hominum, homo factus in fine temporum, memento omnis præmeditationis, & intimi mœroris, quem in corpore humano sustinuisti, instante saluberrimæ passionis tuæ tempore, in divino corpore præordinato: memento tristitiæ, & amaritudinis, quam in anima (te ipso attestante) habuisti, quando in ultima cœna discipulis tuis Corpus, & Sanguinem tuum tradidisti, pedes eorum lavisti, & dulciter eos osculando, imminentem Passionem prædixisti. Memento omnis timoris, angustię, & doloris, quem in tuo corpore delicato, ante passionem crucis tuæ pertulisti, quando post trinam orationem, & sanguineum sudorem à Juda discipulo tuo tradebaris, ab electa gente capiebaris, à falsis testibus accusabaris, à tribus iudicibus injustè iudicabaris, in electa civitate, in Paschali tem-

no QUINDECIM ORATIONES
tempore, in florida corporis juventute
innocenter damnabaris, veste propria
exuebaris, & vestibus alienis indueba-
ris, colaphizabaris, oculis, & facie ve-
labaris, alapis cædebaris, ad columnam
ligabaris, flagellabaris, spinis corona-
baris, arundine in capite feriebaris, &
innumerabilibus aliis calumniis lacera-
baris; da Domine DEUS mihi, quæ-
so, ob memoriam harum ante crucem
tuam passionum, veram contritionem,
veram confessionem, dignam satisfac-
tionem, ac omnium peccatorum meo-
rum remissionem. Amen.

Pater, & Ave &c.

ORATIO II.

OJESU! vera libertas Angelorum,
paradisus deliciarum, memento
mœroris, & horroris, quos sustinebas,
cùm omnes inimici tui, quasi leones
ferocissimi, te circumsteterunt, & cola-
phizationibus, consputionibus, uegu-
lationibus, cærerique pœnis inauditis
te molestaverunt. Per has pœnas, &
per

per omnia contumeliosa verba, durissimâque tormenta, quibus te, Domine JESUChriste, omnes inimici tui afflixerunt, deprecor te, ut liberares me ab omnibus inimicis meis, visibilibus, & invisibilibus; & dones mihi sub umbra alarum tuarum, ad perfectionem salutis æternæ pervenire. Amen.

Pater, & Ave &c.

ORATIO III.

O JESU! mundi fabricator, quem nulla dimensio verò terminò metitur, qui terram palmâ concludis, recordare amarissimi doloris, quem sustinebas, cum Judæi sanctissimas manus tuas ad crucem obtusis clavis primò affixerunt, & ad perforandum delicatissimos pedes tuos (cùm factis in cruce foraminibus, corporis tui statura minus esset conveniens) dolorem vulneribus tuis addiderunt, & sic crudeliter te distraxerunt, & extenderunt in longum, & latum Crucis tuæ, ut dissolverentur compages membrorum tuorum.

112 QUINDECIM ORATIONES
rum. Deprecor te, per hujusmodi fac-
cartissimi, amarissimique in Cruce do-
loris memoriam, ut des mihi timorem
tuum. Amen.

Pater, & Ave &c.

ORATIO IV.

O JESU! cœlestis Medice, recor-
dare languoris, & doloris, quos
in alto Crucis patibulo levatus, passus
es in omnibus dilaceratis membris tuis,
quorum nullum in statu suo rectè per-
manserat, ità, ut nullus dolor dolori
tuo similis inveniretur: quia à planta
pedis, usque ad verticem capitis in te
non fuit sanitas. Et tamen omnium
dolorum immemor, Patrem pro inimi-
cis piè oràsti, dicens: *Pater ignosce il-
lis; quia nesciunt, quid faciunt.* Per
hanc misericordiam, & ob memoriam
illius doloris concede, ut hæc memo-
ria passionis tuæ amarissimæ, sit omni-
um peccatorum meorum plena remis-
sio. Amen.

Pater, & Ave &c.

ORA-

O R A T I O V.

OJESU! speculum claritatis æternæ, memento illius mœroris, quem habuisti, quando in speculo serenissimæ Majestatis tuæ conspexisti prædestinationem electorum, per merita tuæ passionis salvandorum; & reprobationem malorum, per sua demerita damnandorum Per abyssum miserationis tuæ, quâ nobis perditis peccatoribus, & desperatis tunc condoluisti, dicens : *Hodie mecum eris in paradiso*; rogo te pie JESU, facias mecum misericordiam tuam in hora mortis meæ. Amen. *Pater, & Ave &c.*

O R A T I O VI.

OJESU! Rex amabilis, & amice totus desiderabilis, memento illius mœroris, quem habuisti, quando nudus, & miserabilis in Cruce pependisti, & omnes amici, & noti tui adversum te steterunt, & nullum consolantem inveniebas, sed solam dilectam

114 QUINDECIM ORATIONES

Genitricem tuam, in amaritudine animæ tuæ tibi fidelissimè adstantem videbas, quam Discipulo tuo commendâsti dicens : *Ecce Mater tua*. Rogo te, pie JESU, per gladium doloris, qui tunc ejus animam pertransivit, ut compatiaris mihi in omnibus tribulationibus, & afflictionibus meis, corporalibus, ac spiritualibus, & des mihi consolationem in tempore tribulationis, & in hora mortis meæ. Amen.

Pater, & Ave &c.

ORATIO VII.

O JESU! fons inexhaustæ pietatis, qui ex intimo affectu in Cruce dixisti: *Sitio*, (scilicet, salutem generis humani) accende, quæsumus, cordium nostrorum desideria ad omne opus perfectum; & sitim carnalis concupiscentiæ, æstûmque mundanæ delectationis in nobis penitùs refrigera, & extingue. Amen.

ORA-

S. BRIGITTÆ.
ORATIO VIII.

115

OJESU! dulcedo cordium, ingénsque suavitas mentium; per amaritudinem aceti, & fellis, quam pro nobis degustâsti, in hora mortis meæ concede mihi Corpus, & Sanguinem tuum dignè percipere, ad remedium, & consolationem animæ meæ. Amen. *Pater, & Ave &c.*

ORATIO IX.

OJESU! regalis virtus, jubilúsque mentis, memento angustia, & doloris, quem passus es, quando præ mortis amaritudine, & Judæorum insultatione, cum magna voce, te à Deo Patre derelictū clamâsti dicens: *DEUS meus! DEUS meus! ut quid dereliquisti me?* Per hanc angustiam, peto te, ut in angustiis meis non derelinquas me Domine DEUS noster. Amen.

Pater, & Ave &c.

ORATIO X.

OJESU! Alpha & Omega, Virtus, & Vita in omni tempore, recorde,
H 3

116 QUINDECIM ORATIONES

dare, quòd à summo capitis, usque ad plantam pedis, te pro nobis in aquam passionis tuæ demersisti. Propter latitudinem, & longitudinem vulnerum tuorum, doce me in peccatis demersum, per veram charitatem custodire latum mandatum tuum nimis. Amen.

Pater, & Ave &c.

ORATIO XI.

O JESU! abyssus profundissima misericordiæ, rogo te propter profunditatem vulnerum tuorum, quæ pertransierunt medullam ossium, ac viscera tuorum, ut me submersum in peccatis emergas, abscondasque in foraminibus vulnerum tuorum à facie iræ tuæ, donec pertranseat furor tuus Domine. Amen.

Pater, & Ave &c.

ORATIO XII.

O JESU! veritatis speculum, signum unitatis, charitatisque vinculum, memento multitudinis innumerabilium

um vulnerum tuorum, quibus à summo capitis, usque ad imum pedis vulneratus fuisti, & sanctissimo Sanguine tuo rubricatus; quam magnitudinem doloris in virgine carne tua pertulisti pro nobis, pie JESU! Quid ultra debuisti facere, & non fecisti! Scribe, quæso, pie JESU, omnia vulnera tua in corde meo pretiosissimo Sanguine tuo, ut in illis legam dolorem tuum, & mortem, & in gratiarum actione usque in finem jugiter perseverem. Amen.

Pater, & Ave &c.

ORATIO XIII.

OJESU! Leo fortissime, Rex immortalis, & invictissime, memento doloris, quem passus es, cum omnes vires cordis, & corporis tui tibi penitus defecerunt, & inclinato capite: *Consummatum est*, dixisti. Per hanc angustiam, & dolorem, miserere mei, cum anima mea anxiata fuerit, & spiritus meus conturbatus. Amen.

Pater & Ave &c.

ORATIO XIV.

OJESU unigenite altissimi Patris! splendor, & figura substantiæ ejus, memento obnixæ commendationis, quâ Patri spiritum commendâsti, dicens: *In manus tuas, Domine, commendo spiritum meum*; & lacerato corpore, & rupto corde, cum valido clamore, patefactis visceribus misericordiæ tuæ, pro nobis redimendis exspirâsti. Per hanc pretiosissimam mortem, precor te, Rex Sanctorum, conforta me ad resistendum diabolo, mundo, carni, & sanguini, ut mundo mortuus tibi vivam, & in novissima hora exitûs mei, suscipe ad te revertentem spiritum meum, exulem, & peregrinum. Amen.

Pater, & Ave &c.

ORATIO XV.

OJESU! vitis vera, & fœcunda, memento superfluentis, & abundantis effusionis sanguinis, quem tu, sicut de botro expressum, copiosissimè effu-

effudisti, quando in Cruce torcular solus calcâsti, & lancea militari perfosso latere nobis sanguinem, & aquam propinâsti; ità, ut minima gutta in te non remaneret; demum quasi myrrhæ fasciculus in altum suspensus fuisti, & delicata caro tua elanguit, & liquor viscerum tuorum exaruit. Per hanc amarissimam passionem, & pretiosi Sanguinis effusionem, pie JESU, precor te, suscipe animam meam in agone mortis meæ Amen. *Pater, & Ave &c.*

Peroratio.

O Dulcis JESU! vulnera cor meum; ut pœnitentiæ, & amoris lachrymæ sint mihi panes, die, ac nocte. Et converte me totaliter ad te, ut cor meum perpetuò fiat tibi habitabile, & conversatio tibi sit placita, & accepta; ac finis vitæ meæ ità laudabilis, ut post hujus vitæ terminum, merear te laudare cum omnibus Sanctis in æternum. Amen.

O Domine JESU Christe! Fili DEI
vivi, suscipe hanc orationem in
amore illo superexcellenti, in quo om-
nia vulnera tui sacratissimi corporis su-
stinuisti. Miserere mei famuli tui, &
omnibus peccatoribus, cunctisque fi-
delibus, tam vivis, quàm defunctis, da
misericordiam, gratiam, & remissio-
nem, & vitam æternam. Amen.



CULTUS
MAGNÆ MATRIS
MARIAE.

OFFICIUM

DE

B. V. MARIA.

AD MATUTINUM.

Ave Maria, gratiâ plena, Dominus &c.

ψ. Domine labia mea aperies.

℞. Et os meum annuntiabit laudem
tuam.

ψ. DEUS

ꝫ. DEUS in adiutorium meum intende.

℞. Domine ad adjuvandum me festina.

Gloria Patri, & Filio, &c. Alleluja.

Vel à Septuagesima usque ad Pascha :

Laus tibi Domine, Rex æternæ gloriæ.

Invitatorium. Ave Maria, gratiâ ple-

na, Dominus tecum. *Repetitur :*

Ave Maria, &c.

Psalmus 94.



Enite, exultemus Domi-
no, jubilemus DEO sa-
lutari nostro, præoccu-
pemus faciem ejus in
confessione : & in Psal-
mis jubilemus ei. Ave Maria, gratiâ
plena, Dominus tecum.

Quoniam DEUS magnus Dominus,
& Rex magnus super omnes Deos :
quoniam non repellet Dominus ple-
bem suam ; quia in manu ejus sunt om-
nes fines terræ, & altitudines montium
ipse conspicit. Dominus tecum.

Quo-

Quoniam ipsius est mare, & ipse fecit illud, & aridam fundaverunt manus ejus: Venite adoremus, & procidamus ante Deum, ploremus coram Domino, qui fecit nos: quia ipse est Dominus DEUS noster, nos autem populus ejus, & oves pascuæ ejus. Ave Maria, gratiâ plena, Dominus tecum.

Hodie, si vocem ejus audieritis, nolite obdurare corda vestra: sicut in exacerbatione secundum diem tentationis in deserto; ubi tentaverunt me patres vestri, probaverunt, & viderunt opera mea. Dominus tecum.

Quadraginta annis proximus fui generationi huic, & dixi: semper hi errant corde: ipsi verò non cognoverunt vias meas, quibus juravi in ira mea, si introibunt in requiem meam. Ave Maria, gratiâ plena, Dominus tecum.

Gloria Patri, & Filio, &c. Dominus tecum. Ave Maria, gratiâ plena, Dominus tecum.

HYM-

B. V. MARIÆ.
HYMNUS.

123

Quem terra, pontus, sidera,
Colunt, adorant, prædicant;
Trinam regentem machinam,
Claustrum MARIÆ bajulat.
Cui luna, sol, & omnia,
Deserviunt per tempora,
Perfusa cœli gratiâ,
Gestant puellæ viscera.

Beata Mater munere,
Cujus supernus Artifex,
Mundum pugillô continens,
Ventris sub arca clausus est.

Beata cœli Nunciô,
Fœcunda sancto Spiritu,
Desideratus gentibus,
Cujus per alvum fusus est.

JESU tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

*Tres Psalmi sequentes dicuntur diebus
Dominicis. Feriâ II. & V. ad Nocturn.
Antiph. Benedictatu.*

Psal. 8.

Domine Dominus noster : quàm admirabile est Nomen tuum in universa terra.

Quoniam elevata est magnificentia tua : super cœlos.

Ex ore infantium, & lactentium perfecisti laudem tuam propter inimicos tuos : ut destruas inimicum, & ultorem.

Quoniam videbo cœlos tuos, opera digitorum tuorum : lunam, & stellas, quæ tu fundâsti.

Quid est homo , quòd memor es ejus ? aut filius hominis, quoniam visitas eum ?

Minuisti eum paulò minùs ab Angelis ; gloriâ, & honore coronâsti eum : & constituisti eum super opera manuum tuarum.

Omnia subjecisti sub pedibus ejus : oves, & boves universas, insuper & pecora campi.

Volucres cœli, & pisces maris : qui perambulant semitas maris.

Domi-

Domine Dominus noster : quàm
admirabile est nomen tuum in univer-
sa terra.

Gloria Patri, &c.

Ant. Benedicta tu in mulieribus,
& benedictus fructus ventris tui.

Ant. Sicut myrrha.

Psal. 18.

CÆli enarrant gloriam Dei : & ope-
ra manuum ejus annunciat firma-
mentum.

Dies diei eruñtat verbum : & nox
nocti indicat scientiam.

Non sunt loquelæ, neque sermones:
quorum non audiantur voces eorum.

In omnem terram exivit sonus eo-
rum : & in fines orbis terræ verba eorū.

In sole posuit tabernaculum suum :
& ipse tanquam sponsus procedens de
thalamo suo.

Exultavit ut gigas ad currendam
viam : à summo cœlo egressio ejus.

Et occursum ejus usque ad summum
ejus : nec est, qui se abscondat à calore
ejus.

Lex

Lex Domini immaculata, conver-
tens animas: testimonium Domini fide-
le, sapientiam præstans parvulis.

Justitiæ Domini rectæ, lætificantes
corda: præceptum Domini lucidum,
illuminans oculos.

Timor Domini sanctus, permanens
in sæculum sæculi: judicia Domini ve-
ra, justificata in semetipsa.

Desiderabilia super aurum, & lapi-
dem pretiosum multum: & dulciora
super mel, & favum.

Etenim servus tuus custodit ea: in
custodiendis illis retributio multa.

Delicta, quis intelligit? ab occultis
meis munda me: & ab alienis parce ser-
vo tuo.

Si mei non fuerint dominati, tunc
immaculatus ero: & emundabor à de-
licto maximo.

Et erunt, ut complaceant eloquia
oris mei: & meditatio cordis mei in
conspectu tuo semper.

Domini

Domine adiutor meus: & redemptor
meus. Gloria Patri, &c.

Ant. Sicut myrrha electa odorem
dedisti suavitatis sancta Dei - Genitrix.

Ant. Ante thorum.

Psal. 23.

Domini est terra, & plenitudo ejus:
orbis terrarum, & universi, qui
habitant in eo.

Quia ipse super maria fundavit eum:
& super flumina præparavit eum.

Quis ascendet in montem Domini?
aut quis stabit in loco sancto ejus?

Innocens manibus, & mundo corde:
qui non accepit in vano animam suam,
nec juravit in dolo proximo suo.

Hic accipiet benedictionem à Do-
mino: & misericordiam à Deo saluta-
ri suo.

Hæc est generatio quærentium eum:
quærentium faciem Dei Jacob.

Attollite portas principes vestras,
& elevamini portæ æternales: & in-
troibit Rex gloriæ.

I

Quis

Quis est iste Rex gloriæ? Dominus fortis, & potens, Dominus potens in prælio.

Attollite portas principes vestras, & elevamini portæ æternales: & introibit Rex gloriæ.

Quis est iste Rex gloriæ? Dominus virtutum, ipse est Rex gloriæ.

Gloria Patri, &c.

Antiph. Ante thorum hujus Virginis frequentate nobis dulcia cantica dramaticis.

ʒ. Diffusa est gratia in labiis tuis.

℞. Propterea benedixit te DEUS in æternum. Pater noster, &c.

Absol. Precibus, &c. *ut infra pag. 138.*

Tres Psalm. sequent. dicuntur Feria III.

& VI. ad Nocturn.

Antiph. Specie tua.

Psalm. 44.

ERuctavit cor meum verbum bonum: dico ego opera mea Regi. Lingua mea calamus scribæ: velociter scribentis.

Specio-

Speciosus formâ præ filiis hominum,
diffusa est gratia in labiis tuis: propterea
benedixit te DEUS in æternum.

Accingere gladio tuo super femur
tuum: potentissime.

Specie tua, & pulchritudine tua: in-
tende, prospere procede, & regna.

Propter veritatem, & mansuetudi-
nem, & justitiam: & deducet te mira-
biliter dextera tua.

Sagittæ tuæ acutæ; populi sub te ca-
dent: in corda inimicorum regis.

Sedes tua DEUS in sæculum sæculi:
virga directionis, virga regni tui.

Dilexisti justitiam, & odisti iniquita-
tem: propterea unxit te DEUS, DEUS
tuus, oleo lætitiæ præ confortibus tuis.

Myrrha, & gutta, & casia à vestimen-
tis tuis, à domibus eburneis: ex quibus
delectaverunt te filiæ regum in hono-
re tuo.

Astitit regina à dextris tuis in vestitu
deaurato: circumamicta varietate.

Audi filia, & vide, & inclina aurem
tuam:

tuam: & obliuiscere populum tuum,
& domum patris tui:

Et concupiscet Rex decorem tuum:
quoniam ipse est Dominus DEUS, &
adorabunt eum.

Et filiæ Tyri in muneribus: vultum
tuum deprecabuntur omnes divites
plebis.

Omnis gloria ejus filiæ regis ab in-
tus: in fimbriis aureis circumamicta va-
rietatibus.

Adducentur Regi virgines post eam:
proximæ ejus afferentur tibi.

Afferentur in lætitia, & exultatione:
adducentur in templum Regis.

Pro patribus tuis nati sunt tibi filii:
constitues eos principes super omnem
terram.

Memores erunt nominis tui: in omni
generatione, & generationem.

Propterea populi confitebuntur ti-
bi in æternum: & in sæculum sæculi.

Gloria Patri, &c.

Antiph. Specie tua, & pulchritudine
tua:

tua: intende, prospere procede, & regna.

Antiph. Adjuvabit eam.

Psal. 45.

DEUS noster, refugium, & virtus: adiutor in tribulationibus, quæ invenerunt nos nimis.

Propterea non timebimus, dum turbabitur terra: & transferentur montes in cor maris.

Sonuerunt, & turbatæ sunt aquæ eorum: conturbati sunt montes in fortitudine ejus.

Fluminis impetus lætificat civitatem Dei: sanctificavit tabernaculum suum Altissimus.

DEUS in medio ejus, non commovebitur: adjuvabit eam DEUS manè diluculo.

Conturbatæ sunt gentes, & inclinata sunt regna: dedit vocem suam, mota est terra.

Dominus virtutum nobiscum: susceptor noster DEUS Jacob:

Venite, & videte opera Domini,
quæ posuit prodigia super terram: au-
ferens bella usque ad finem terræ.

Arcum conteret, & confringet ar-
ma, & scuta comburet igni.

Vacate, & videte, quoniam ego sum
DEUS: exaltabor ingentibus, & exal-
tabor in terra.

Dominus virtutum nobiscum: sus-
ceptor noster DEUS Jacob.

Gloria Patri, &c.

Antiph. Adjuvabit eam DEUS vul-
tu suo, DEUS in medio ejus non com-
movebitur. *Antiph.* Sicut latantium.

Psal. 86.

FUNDamenta ejus in montibus san-
ctis: diligit Dominus portas Sion
super omnia tabernacula Jacob.

Gloriosa dicta sunt de te: civitas Dei.

Memor ero Rahab, & Babylonis:
scientium me.

Ecce alienigenæ, & Tyrus, & popu-
lus Æthiopum: hi fuerunt illic.

Nunquid Sion dicet? Homo, & ho-
mo

mo natus est in ea: & ipse fundavit eam
Altissimus.

Dominus narrabit in scripturis po-
pulorum, & Principum: horum, qui
fuerunt in ea.

Sicut lætantium omnium: habitatio
est in te.

Gloria Patri, &c.

Antiph. Sicut lætantium omnium
nostrum habitatio est in te sancta DEI-
Genitrix.

℣. Diffusa est gratia in labiis tuis.

℞. Propterea benedixit te DEUS in æ-
ternum. Pater noster. &c.

Absol. Precibus, &c. ut infrà pag. 138,

Tres Psalmi sequentes dicuntur Fer. IV.

& Sabbato ad Nocturn.

Antiph. Gaude Maria Virgo.

Psalm. 95.

CAntate Domino canticum novum:
cantate Domino omnis terra.

Cantate Domino, & benedicite No-
mini ejus: annuntiate de die in diem
salutare ejus.

Annuntiate inter gentes gloriam ejus: in omnibus populis mirabilia ejus.

Quoniam magnus Dominus, & laudabilis nimis: terribilis est super omnes deos.

Quoniam omnes dii Gentium daemonia: Dominus autem cœlos fecit.

Confessio, & pulchritudo in conspectu ejus: sanctimonia, & magnificentia in sanctificatione ejus.

Afferte Domino patriæ Gentium, afferte Domino gloriam, & honorem: afferte Domino gloriam Nomini ejus.

Tollite hostias, & introite in atria ejus: adorate Dominum in atrio sancto ejus:

Commoveatur à facie ejus universa terra: dicite in Gentibus, quia Dominus regnavit.

Etenim correxit orbem terræ, qui non commovebitur: judicabit populos in æquitate.

Latentur cœli, & exultet terra; commoveatur mare, & plenitudo ejus: gaudebunt

debunt campi, & omnia, quæ in eis sunt

Tunc exultabunt omnia ligna sylvarum à facie Domini, quia venit: quoniam venit judicare terram.

Judicabit orbem terræ in æquitate: & populos in veritate sua.

Gloria Patri, &c,

Antiph. Gaude Maria Virgo, cunctas hæreses sola interemisti in universo mundo.

Antiph. Dignare me.

Psal. 96.

Dominus regnavit, exultet terra: lætentur insulæ multæ.

Nubes, & caligo in circuitu ejus: justitia, & judicium correctio sedis ejus.

Ignis ante ipsum præcedet: & inflammabit in circuitu inimicos ejus.

Illuxerunt fulgura ejus orbi terræ: vidit, & commota est terra.

Montes sicut cera fluxerunt à facie Domini: à facie omni Domni terra.

Annuntiaverunt cœli justitiam ejus & viderunt omnes populi gloriam ejus:

Confundantur omnes, qui adorant
sculptilia: & qui gloriantur in simula-
cris suis.

Adorate eum omnes Angeli ejus:
audivit, & lætata est Sion.

Exultaverunt filiæ Judæ: propter
judicia tua Domine.

Quoniam tu Dominus altissimus su-
per omnem terram: nimis exaltatus es
super omnes Deos.

Qui diligitis Dominum, odite ma-
lum: custodit Dominus animas Sancto-
rum suorum, de manu peccatoris libe-
rabit eos.

Lux orta est justo: & rectis corde
lætitia.

Lætamini justī in Domino: & confi-
temini memoriæ sanctificationis ejus.

Gloria Patri, &c.

Antiph. Dignare me laudare te Vir-
go sacrata; da mihi virtutem contra
hostes tuos.

Antiph. Post partum. *In Advent. &*
Annunt. B. Mariæ. Angelus Domini.
Psalms.

Psal. 97.

CAntate Domino canticum novum:
quia mirabilia fecit.

Salvabit sibi dextera ejus: & brachium sanctum ejus.

Notum fecit Dominus salutare suum: in conspectu Gentium revelavit justitiam suam.

Recordatus est misericordiæ suæ: & veritatis suæ domui Israël.

Viderunt omnes termini terræ: salutare Dei nostri.

Jubilate Deo omnis terra: cantate, & exultate, & psallite.

Psalite Domino in cithara, in cithara & voce psalmi: in tubis ductilibus, & voce tubæ corneæ.

Jubilate in conspectu Regis Domini: moveatur mare, & plenitudo ejus; orbis terrarum, & qui habitant in eo.

Flumina plaudent manu; simul montes exultabunt à conspectu Domini: quoniam venit judicare terram.

Judi-

Judicabit orbem terrarum in justitia: & populos in æquitate.

Gloria Patri, &c.

Antiph. Post Partum Virgo inviolata permansisti; DEI-Genitrix intercede pro nobis.

Antiph. in Advent. & Annunt. B. M.
Angelus Domini nuntiavit Mariæ, & concepit de Spiritu sancto.

ψ. Diffusa est gratia in labiis tuis,
R. Propterea benedixit te DEUS in æternum. Pater noster, *secretò.*

ψ. Et nunc nos inducas, &c.

Absolutio.

PRecibus, & meritis B. Mariæ semper Virginis, & omnium Sanctorum, perducatur nos Dominus ad regna cœlorum. R. Amen.

ψ. Jube Domine benedicere.

Benedictio. Nos cum prole pia, benedicat Virgo Maria. R. Amen.

Lectio-

Lectiões ante, & post Adventum.

Lectio I. Eccles. 24.

IN omnibus requiem quæsiui, & in hæreditate Domini morabor. Tunc præcepit, & dixit mihi Creator omnium; & qui creavit me, requievit in tabernaculo meo, & dixit mihi: in Jacob inhabita, & in Israël hæreditare, & in electis meis mitte radices. Tu autem Domine miserere nobis. R. Deo gratias.

R. Sancta, & immaculata Virginitas, quibus te laudibus efferam, nescio: Quia, quem cœli capere non poterant, tuo gremio contulisti. V. Benedicta tu in mulieribus, & benedictus fructus ventristui. R. Quia, quem cœli capere non poterant, tuo gremio contulisti. V. Jube Domine benedicere.

Benedictio. Ipsa Virgo Virginum, intercedat pro nobis ad Dominum. R. Amen.

Lectio II.

ET sic in Sion firmata sum, & in civitate

tate sanctificata similiter requievi, & in
Jerusalem potestas mea. Et radicavi
in populo honorificato, & in parte Dei
mei hæreditas illius, & in plenitudine
Sanctorum detentio mea. Tu autem
Domine miserere nobis. R. Deo
gratias.

R. Beata es Virgo Maria, quæ Do-
minum portasti Creatorem mundi; Ge-
nuisti, qui te fecit, & in æternum per-
manes Virgo. V. Ave Maria, gratia
plena, Dominus tecum. Genuisti,
qui te fecit, & in æternum permanes
Virgo.

*Quando dicitur: Te Deum. Assu-
mitur in fine hujus Responsorii.* V. Glo-
ria Patri, & Filio, & Spiritui sancto.
Genuisti, qui te fecit, & in æternum
permanes Virgo.

V. Jube Domine benedicere.

Benedictio. Per Virginem Matrem
concedat nobis Dominus salutem, &
pacem.

R. Amen.

Lectio

Lectio III.

Quasi cedrus exaltata sum in Libano, & quasi cypressus in monte Sion. Quasi palma exaltata sum in Cadés, & quasi plantatio rosæ in Jericho. Quasi oliva speciosa in campis, & quasi platanus exaltata sum juxta aquas in plateis. Sicut cinnamomum, & balsamū aromatizans odorem dedi. Quasi myrrha electa dedi suavitatem odoris. Tu autem Domine miserere nobis.
R. Deo gratias.

In Advent. & Annunt. B. Mariæ.

ψ. Jube Domine benedicere.

Benedictio. Nos cum prole, &c.

Lectio I.

Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam Viro, cui Nomen erat Joseph, de domo David, & Nomen Virginis Maria. Et ingressus Angelus ad eam, dixit: Ave gratiâ plena, Dominus tecum, benedi-

nedicta tu in mulieribus. Tu autē Domine miserere nobis. R. Deo gratias.

R. Missus est Gabriel Angelus ad Mariam Virginem desponsatam Joseph, nuntians ei verbum, & expavescit Virgo de lumine. Nē timeas Maria, invenisti gratiam apud Dominum. Ecce concipies, & paries, & vocabitur Altissimi Filius. *ψ.* Dabit ei Dominus DEUS sedem David Patris ejus, & regnabit in domo Jacob in æternum. Ecce concipies, & paries, & vocabitur Altissimi Filius.

ψ. Jube Domine benedicere.

Benedictio. Ipsa Virgo Virginum, &c.

Lectio II.

QUæ cū audisset, turbata est in sermone ejus, & cogitabat, qualis esset ista salutatio. Et ait Angelus ei; nē timeas Maria: invenisti enim gratiam apud Deum; ecce concipies in utero, & paries Filium, & vocabis Nomen ejus JESUM. Hic erit magnus, &

& Filius Altissimi vocabitur, & dabit illi Dominus DEUS sedem David Patris ejus; & regnabit in domo Jacob in æternum, & regni ejus non erit finis. Tu autem Domine miserere nobis. R. Deo gratias.

R. Ave Maria, gratiâ plena, Dominus tecum; Spiritus sanctus superveniet in te, & virtus Altissimi obumbrabit tibi: quod enim ex te nascetur sanctum, vocabitur Filius Dei. V. Quomodo fiet istud: quoniam Virum non cognosco? & respondens Angelus dixit ei: Spiritus sanctus superveniet in te, & virtus Altissimi obumbrabit tibi. Quod enim ex te nascetur sanctum, vocabitur Filius Dei.

V. Jube Domine, &c.

Benedictio. Per Virginem Matrem concedat nobis Dominus salutem, & pacem.

R. Amen.

Lectio III.

Dixit autem MARIA ad Angelum
K quo-

quomodo fiet istud : quoniam virum non cognosco ? Et respondens Angelus dixit ei : Spiritus sanctus superueniet in te, & virtus Altissimi obumbrabit tibi. Ideoque, & quod nascetur ex te sanctum, vocabitur Filius Dei. Et ecce Elisabeth cognata tua, & ipsa concepit Filium in senectute sua. Et hic mensis sextus est illi, quæ vocatur sterilis : quia non erit impossibile apud Deum omne verbum. Dixit autem Maria : Ecce ancilla Domini, fiat mihi secundum verbum tuum. Tu autem Domine miserere nobis. *R.* Deo gratias.

R. Suscipe Verbum Virgo MARIA, quod tibi à Domino per Angelum transmissum est ; concipies, & paries Deum pariter, & hominem : ut benedicta dicaris inter omnes mulieres.

Y. Paries quidem Filium, & Virginitatis non patieris detrimentum : efficeris gravida, & eris mater semper intacta. Ut benedicta dicaris inter omnes mulieres.

Se-

Sequens Hymnus, Te Deum laudamus, dicitur à Nativitate usq; ad Septuagesimam, & à Resurrectione usque ad Adventum. & in festis B. V. vide pag. 39.

Cum Te Deum, non dicitur, additur post Tertiam Lectionem ante, & post Advent. sequens Resp.

R. Felix namque es sacra Virgo Maria, & omni laude dignissima : Quia ex te ortus est Sol Justitiæ, Christus DEUS noster. *ψ.* Ora pro populo, interveni pro Clero, intercede pro devoto fæmineo sexu : sentiant omnes tuum juyamen, quicunque celebrant tuam sanctam commemorationem. Quia ex te ortus est Sol Justitiæ, Christus DEUS noster.

ψ. Gloria &c. Christus DEUS noster.

AD LAUDES.

ψ. DEUS in adjutorium &c.

Gloria Patri, & Filio, &c. Alleluja.

Antiph. Ante Advent. Assumpta est. In Advent. Missus est. Post Advent. O admirabile.

Dominus regnavit, decorem indutus est: indutus est Dominus fortitudinem, & præcinxit se.

Etenim firmavit orbem terræ: qui non commovebitur.

Parata sedes tua ex tunc: à sæculo tu es.

Elevaverunt flumina Domine; elevaverunt flumina vocem suam.

Elevaverunt flumina fluctus suos: à vocibus aquarum multarum.

Mirabiles elationes maris; mirabilis in altis Dominus.

Testimonia tua credibilia facta sunt nimis: domum tuam decet sanctitudo Domine in longitudinem dierum.

Gloria Patri, & Filio, &c.

Antiph. ante Advent. Assumpta est Maria in cœlum; gaudent Angeli, laudantes benedicunt Dominum.

Antiph. in Advent. Missus est Angelus Gabriel ad Mariam Virginem desponsatam Joseph,

Antiph.

Antiph. post Advent. O admirabile commercium! Creator generis humani, animatum corpus sumens, de Virgine nasci dignatus est, & procedens homo sine semine, largitus est nobis suam Deitatem.

Antiph. ante Advent. Maria Virgo.
In Advent. Ave Maria. *post Advent.*
Quando natus es,

Psal. 99.

Jubilate Deo omnis terra: servite Domino in lætitia.

Introite in conspectu ejus: in exultatione.

Scitote, quoniam Dominus ipse est DEUS: ipse fecit nos, & non ipsi nos.

Populus ejus, & oves pascuæ ejus: introite portas ejus in confessione, atria ejus in hymnis, confitemini illi.

Laudate Nomen ejus, quoniam suavis est Dominus; in æternum misericordia ejus: & usque in generationem, & generationem veritas ejus.

Gloria Patri, &c.

K 3

Antiph.

Antiph. ante Advent. Maria Virgo assumpta est ad æthereum thalamum, in quo Rex regum stellato sedet solio.

Antiph. in Advent. Ave Maria, gratiâ plena, Dominus tecum, benedicta tu in mulieribus. Alleluja.

Antiph. post Advent. Quando natus es ineffabiliter ex Virgine, tunc impletæ sunt Scripturæ; sicut pluvia in velus descendisti, ut salvum faceres genus humanum: te laudamus DEUS noster.

Ant. ante Adv. In odorem. *In Adv.* Nè timeas Maria. *Post Adv.* Rubum.

Psal. 62.

DEUS, DEUS meus: ad te de luce vigilo.

Sitivit in te anima mea: quàm multipliciter tibi caro mea.

In terra deserta, & invia, & in aquosa, sic in sancto apparui tibi: ut viderem virtutem tuam, & gloriam tuam.

Quoniam melior est misericordia tua super vitas: labia mea laudabunt te.

Sic

Sic benedicam te in vita mea: & in nomine tuo lavabo manus meas.

Sicut adipe, & pinguedine repleatur anima mea: & labiis exultationis laudabit os meum.

Si memor fui tui super stratum meum, in Matutinis meditabor in te: me fuisti adiutor meus.

Et in velamento alarum tuarū exultabo, adhæsit anima mea post te: quia suscepit dextera tua.

Ipsi verò in vanum quæsierunt animam meam, introibunt in inferiora terræ: tradentur in manus gladii, partes vulpium erunt.

Rex verò lætabitur in Deo, laudabuntur omnes, qui jurant in eo: quia obstructum est os loquentium iniqua.

Psal. 66.

DEUS misereatur nostri, & benedicat nobis: illuminet vultum suum super nos, & misereatur nostri.

Ut cognoscamus in terra viam tuam: in omnibus gentibus salutare tuum.

Confiteantur tibi populi DEUS:
confiteantur tibi populi omnes.

Latentur, & exultent gentes: quoniam judicas populos in æquitate, & gentes in terra dirigis.

Confiteantur tibi populi DEUS:
confiteantur tibi populi omnes, terra dedit fructum suum.

Benedicat nos DEUS, DEUS noster, benedicat nos DEUS, & metuant eum omnes fines terræ.

Gloria Patri, &c.

Antiph. ante Advent. In odorem unguentorum tuorum currimus, adolescentulæ dilexerunt te nimis.

In Advent. Nè timeas Maria, invenisti gratiam apud Dominum; ecce concipies, & paries Filium. Alleluja.

Post Advent. Rubum, quem viderat Moyses incombustum, conservatam agnovimus tuam laudabilem Virginitatem, DEI-Genitrix intercede pro nobis.

Antiph. ante Advent. Benedicta Filia.
lia.

lia. *In Advent.* Dabit ei Dominus.

Post Advent. Germinavit.

Canticum trium puerorum. Dan. 3.

Benedicite omnia opera Domini
Domino: laudate, & superexalta-
te eum in sæcula.

Benedicite Angeli Domini Domi-
no: benedicite cœli Domino.

Benedicite aquæ omnes, quæ super
cœlos sunt Domino: benedicite omnes
virtutes Domini Domino.

Benedicite sol, & luna Domino: be-
nedicite stellæ cœli Domino.

Benedicite omnis imber, & ros Do-
mino: benedicite omnes Spiritus Dei
Domino.

Benedicite ignis, & æstus Domino:
benedicite frigus, & æstus Domino.

Benedicite rores, & pruina Domi-
no: benedicite gelu, & frigus Domino.

Benedicite glacies, & nives Domi-
no: benedicite noctes & dies Domino.

Benedicite lux, & tenebræ Domi-

K 5

no:

no: benedicite fulgura, & nubes Domino.

Benedicat terra Dominum: laudet, & superexaltet eum in sæcula.

Benedicite montes, & colles Domino: benedicite universa germinantia in terra Domino.

Benedicite fontes Domino: benedicite maria, & flumina Domino.

Benedicite cete, & omnia, quæ moventur in aquis, Domino: benedicite omnes volucres cœli Domino.

Benedicite omnes bestię, & pecora Domino: benedicite filii hominum Domino.

Benedicat Israël Dominum: laudet, & superexaltet eum in sæcula.

Benedicite Sacerdotes Domini Domino: benedicite servi Domini Domino.

Benedicite spiritus, & animæ justorum Domino: benedicite sancti, & humiles corde Domino.

Benedicite Anania, Azaria, Misaël,
Do-

Domino: laudate, & superexultate eum
in sæcula.

Benedicamus Patrem, & Filium, cum
sancto Spiritu: laudemus, & superex-
altemus eum in sæcula.

Benedictus es Domine infirmamen-
to cœli: & laudabilis, & ploriosus, &
superexaltatus in sæcula. *Hic non di-
citur: Gloria.*

Antiph. ante Advent. Benedicta Filia
tu à Domino: quia per te fructum vitæ
communicavimus.

In Adv. Dabit ei Dominus sedem Da-
vid Patris ejus: & regnabit in æternum.

Post Advent. Germinavit radix Jesse,
orta est stella ex Jacob, Virgo peperit
Salvatorem; te rogamus DEUS noster.

Antiph. ante Advent. Pulchra es. *In
Advent.* Ecce ancilla Domini. *Post
Advent.* Ecce Maria.

Psalms. 148.

Laudate Dominum de cœlis: lau-
date eum in excelsis.

Lau-

Laudate eum omnes Angeli ejus:
laudate eum omnes virtutes ejus.

Laudate eum sol, & luna: laudate
eum omnes stellæ, & lumen.

Laudate eum cœli cœlorum: & aquæ
omnes, quæ super cœlos sunt, laudent
Nomen Domini.

Quia ipse dixit, & facta sunt: ipse
mandavit, & creata sunt.

Statuit ea in æternum, & in sæcu-
lum sæculi: præceptum posuit, & non
præteribit.

Laudate Dominum de terra: dra-
cones, & omnes abyssi.

Ignis, grando, nix, glacies, spiritus
procellarum: quæ faciunt verbum ejus.

Montes, & omnes colles: ligna fru-
ctifera, & omnes cedri.

Bestiæ, & universa pecora: serpen-
tes, & volucres pennatæ.

Reges terræ, & omnes populi: prin-
cipes, & omnes judices terræ.

Juvenes, & Virgines: senes cum ju-
nioribus laudent Nomen Domini: quia
exal-

exaltatum est Nomen ejus solius.

Confessio ejus super cœlum, & terram: & exultavit cornu populi sui.

Hymnus omnibus Sanctis ejus: Filiis Israël populo appropinquanti sibi.

Psal. 149.

CAntate Domino canticum novum: laus ejus in Ecclesia Sanctorum.

Lætetur Israël in eo, qui fecit eum: & Filii Sion exultent in rege suo.

Laudent Nomen ejus in Choro: in tympano, & psalterio psallant ei.

Quia beneplacitum est Domino in populo suo: & exaltabit mansuetos in salutem.

Exultabunt Sancti in gloria: lætābuntur in cubilibus suis.

Exultationes Dei in gutture eorum: & gladii ancipites in manibus eorum.

Ad faciendam vindictam in nationibus, increpationes in populis.

Ad alligandos reges eorum in compedibus: & nobiles eorum in manicis ferreis.

Ut

Ut faciant in eis iudicium conscriptum: gloria hæc est omnibus Sanctis ejus.

Psalm. 150.

Laudate Dominum in Sanctis ejus: laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubæ: laudate eum in psalterio, & cithara.

Laudate eum in tympano, & choro: laudate eum chordis, & organo.

Laudate eum in cymbalis bene sonantibus, laudate eum in cymbalis jubilationis omnis spiritus laudet Dominum.

Gloria Patri, & Filio, &c.

Antiph. ante Advent. Pulchra es, & decora: filia Jerusalem, terribilis, ut castrorum acies ordinata.

In Advent. Ecce ancilla Domini, fiat mihi secundum verbum tuum.

Post

Post Advent. Ecce Mariæ genuit nobis Salvatorem, quem Joannes videns exclamavit, dicens: Ecce Agnus Dei, ecce, qui tollit peccata mundi.

Sequens Capitulum dicitur ante, ac post Advent. Capitulum. Cant. 6.

Viderunt eam filiæ Sion, & beatissimam prædicaverunt, & reginæ laudaverunt eam. *R.* Deo gratias.

Sequens Capitulum dicitur in Adventu. Capitulum. Isaie II.

EGredietur virga de radice Jesse, & flos de radice ejus ascendet, & requiescet super eum Spiritus Domini. *R.* Deo gratias.

HYMNUS.

O Gloriosa Virginum,
Sublimis inter sidera,
Qui te creavit, parvulum
Lactantē nutris ubere.
Quod Heva tristis abstulit,
Tu reddis almo germine;
Intrent, ut astra flebiles,
Cœli recludis cardines. *Tu*

Tu Regis alti janua,
 Et aula lucis fulgida,
 Vitam datam per Virginem,
 Gentes redemptæ plaudite.
 JESU tibi sit gloria,
 Qui natus es de Virgine:
 Cum Patre, & almo Spiritu,
 In sempiterna sæcula. Amen.

✠. Benedicta tu in mulieribus.

℞. Et Benedictus fructus ventris tui.

*Antiph. ante Advent. Beata Dei-Ge-
 nitrix Maria. In Advent. Spiritus san-
 ctus. Post Advent. Mirabile. Tempo-
 re Paschali omisâ prædictâ Ant. dicitur
 Antiph. Regina cœli.*

Cant. Zachariæ. Luc. 1.

Benedictus Dominus DEUS Israël:
 quia visitavit, & fecit redemptionem
 plebis suæ.

Et erexit cornu salutis nobis: in do-
 mo David pueri sui.

Sicut locutus est per os Sanctorum:
 qui à sæculo sunt, Prophetarum ejus.

Salu-

Salutem ex inimicis nostris : & de manu omnium, qui oderunt nos.

Ad faciendam misericordiam cum patribus nostris : & memorari testamenti sui sancti.

Jusjurandum, quod juravit ad Abraham patrem nostrum: daturum se nobis

Ut sine timore, de manu inimicorum nostrorum liberati: serviamus illi.

In sanctitate, & justitia coram ipso: omnibus diebus nostris.

Et tu puer Propheta Altissimi vocaberis: præbis enim ante faciem Domini parare vias ejus.

Ad dandam scientiam salutis plebi ejus: in remissionem peccatorum eorum.

Per viscera misericordiæ Dei nostri: in quibus visitavit nos oriens ex alto.

Illuminare his, qui in tenebris, & in umbra mortis sedent : ad dirigendos pedes nostros in viam pacis.

Gloria Patri, & Filio, &c.

Antiph. ante Advent. Beata Dei-Genitrix

nitrix Maria Virgo perpetua, templum Domini. sacrarium Spiritûs sancti, sola sinè exemplo placuisti Domino nostro JESU Christo; ora pro populo, interveni pro Clero, intercede pro devoto famineo sexu.

In Advent. Spiritus sanctus in te descendet Maria; nè timeas: habebis in utero Filium Dei. Alleluja.

Post Advent. Mirabile mysterium declaratur hodie, innovantur naturæ, DEUS homo factus est: id, quod fuit, permansit, & quod non erat, assumpsit, non commixtionem passus, neque divisionem.

Tempore Paschali. Regina cœli lætare Alleluja: quia quem meruisti portare, Alleluja: resurrexit, sicut dixit, Alleluja: ora pro nobis DEUM. Alleluja.

Kyrie eleison. Christe eleison.

Kyrie eleison.

ŷ. Domine exaudi orationem meam.

℞. Et clamor meus ad te veniat.

Ora-

Oratio ante, & in Adventu.

DEUS, qui de Beatæ MARIÆ Vir-
ginis utero Verbum tuum Angelo
nuntiante, carnem suscipere voluisti;
præsta supplicibus tuis, ut, qui verè eam
Genitricem Dei credimus, ejus apud
te intercessionibus adjuvemur. Per
eundem Christum &c. R. Amen.

Oratio post Advent.

DEUS, qui salutis æternæ, B. MA-
RIÆ Virginitate fœcunda, huma-
no generi præmia præstitisti, tribue
quæsumus: ut ipsam pro nobis inter-
cedere sentiamus, per quam meruimus
auctorem vitæ suscipere Dominum no-
strum JESUM Christum Filium tuum.
R. Amen.

Ante, & post Advent. pro Sanctis.

Antiphona. Sancti DEI omnes inter-
cedere dignemini pro nostra, omniûm-
que salute.

ÿ. Lætamini in Domino, & exultate
justi.

R. Et gloriamini omnes recti corde.

PRotege Domine populum tuum,
& Apostolorum tuorum Petri, &
Pauli, & aliorum Apostolorum patro-
cinio confidentem, perpetua defensio-
ne conserva.

OMnes Sancti tui, quæsumus Domi-
ne, nos ubique adjuvent, ut, dum
eorum merita recolimus, patrocinia
sentiamus; & pacem tuam nostris con-
cede temporibus; & ab Ecclesia tua
cunctam repelle nequitiam; iter, actus,
& voluntates nostras, & omnium fa-
mularum tuorum in salutis tuæ prospe-
ritate dispone: benefactoribus nostris
sempiterna bona retribue, & omnibus
fidelibus defunctis requiem æternam
concede. Per Dominum nostrum, &c.
℣. Domine exaudi orationem meam.
℟. Et clamor meus ad te veniat.
℣. Benedicamus Domino.
℟. Deo gratias.
℣. Fidelium animæ per misericordiam
Dei requiescant in pace.

℟. Amen.

In Advent. pro Sanctis.

Antiph. Ecce Dominus veniet, & omnes Sancti ejus cum eo: & erit in die illa lux magna, Alleluja.

℣. Ecce apparebit Dominus super nubem candidam.

℞. Et cum eo Sanctorum millia.

Oratio.

CONscientias nostras, quæsumus Domine, visitando purifica: ut veniens JESUS Christus Filius tuus Dominus noster cum omnibus Sanctis, paratam sibi in nobis inveniatur mansiorem, qui tecum vivit, &c.

℣. Domine exaudi orationem meam.

℞. Et clamor meus ad te veniat.

℣. Benedicamus Domino.

℞. Deo gratias.

℣. Fidelium animæ per misericordiam Dei requiescant in pace.

℞. Amen.

Si terminandum sit Officium, dicuntur hæc, quæ sequuntur: alioquin si aliqua

*subsequatur hora , in fine ultimæ horæ :
Pater noster , totum secreto.*

℣. Dominus det nobis suam pacem.

℟. Et vitam æternam. Amen.

Deinde dicitur una ex infra positis Antiph. eâque flexis genibus (præterquam in diebus Dominicis à primis Vesperis Sabbati, & toto tempore Paschali) & similiter in fine Completorii.

A Completorio Purificationis usque ad Nonam Sabbati sancti inclusive.

Antiph. Ave Regina cœlorum ; Ave Domina Angelorum ; Salve radix, salve porta, ex qua mundo lux est orta. Gaude Virgo gloriosa , super omnes speciosa ; vale , ô valde decora ! & pro nobis Christum exora.

℣. Dignare me laudare te Virgo sacrata.

℟. Da mihi virtutem contra hostes tuos.

Oremus.

COncede misericors DEUS fragilitati nostræ præsidium ; ut , qui sanctæ Dei-Genitricis memoriam agimus,
inter-

intercessionis ejus auxiliô à nostris iniquitatibus resurgamus. Per eundem Christum Dominum nostrum.

R. Amen.

ÿ. Divinum auxilium maneat semper nobiscum. R. Amen.

A Completorio Sabbati sancti usque ad Nonam Sabbati post Pentecosten inclusive.

Antiph. Regina cœli latare, Alleluja. Quia quem meruisti portare, Alleluja. Resurrexit, sicut dixit, Alleluja. Orapro nobis Deum, Alleluja.

ÿ. Gaude, & latare Virgo Maria, Alleluja.

R. Quia surrexit Dominus verè, Alleluja.

Oremus.

DEUS, qui per resurrectionem Filii tui Domini nostri JESU Christi mundum lætificare dignatus es; præsta, quæsumus: ut per ejus Genitricem Virginem Mariam, perpetuæ capiamus gaudia vitæ. (Per eundem Christum Dominum nostrum.

R. Amen.

L4

A Com-

*A Completorio Sabbati post Pentecosten,
usque ad Nonam Sabbati ante Advent.*

Antiph. Salve Regina, Mater misericordiae, vita, dulcedo, & spes nostra salve. Ad te clamamus exules filii Evæ. Ad te suspiramus gementes, & flentes, in hac lachrimarum valle. Eja ergo advocata nostra, illos tuos misericordes oculos ad nos converte; & JESUM benedictum fructum ventris tui nobis post hoc exilium ostende. O clemens! ô pia! ô dulcis Virgo MARIA.
 ✠. Ora pro nobis sancta DEI-Genitrix.
 ✠. Ut digni efficiamur promissionibus Ghristi.

Oremus.

OMnipotens sempiterne DEUS, qui gloriosæ Virginis Matris MARIE corpus, & animam, ut dignum Filii tui habitaculum effici mereretur, Spiritu sancto cooperante præparasti; da, ut, ejus commemoratione latamur, ejus pia intercessione ab instantibus malis, & à morte perpetua liberemur. Per
 eun-

eundem Christum Dominum nostrum.
R. Amen.

In Advent. sequens Antiph. dicitur flexis genibus, præterquam in Dominicis, à primis Vesperis Sabbati ante Dominicam primam Adventûs, usque ad Purificationem inclusivè.

Antiph. Alma Redemptoris Mater, quæ pervia cœli porta manes, & stella maris: succurre cadenti, surgere qui curat, populo; tu quæ genuisti, natura mirante, tuum sanctum Genitorem, Virgo prius, ac posterius, Gabrielis ab ore sumens illud ave peccatorum miserere.

ÿ. Angelus Domini nuntiavit Mariæ,

R. Et concepit de Spiritu sancto.

Oremus.

GRatiam tuam, quæsumus Domine, mentibus nostris infunde; ut, qui Angelo nuntiante Christi Filii tui Incarnationem cognovimus, per passionem ejus, & crucem ad Resurrectionis

gloriam perducamur. Per eundem
Christum Dominum nostrum.

R. Amen.

ψ. Divinum auxilium maneat semper
nobiscum. R. Amen.

*Aprimis Vesperis Nativitatis Domi-
ni usque ad Purificationem post Antiph.
Alma Redemptoris, &c. dicitur:*

ψ. Post partum Virgo inviolata per-
mansisti.

R. DEI-Genitrix intercede pro nobis

Oremus.

DEUS, qui salutis æternæ, Beatæ
Mariæ virginitate fœcunda, hu-
mano generi præmia præstitisti; tribue
quæsumus, ut ipsam pro nobis inter-
cedere sentiamus, per quam meruimus
auctorem vitæ suscipere Dominum no-
strum JESUM Christum Filium tuum.
R. Amen.

ψ. Divinum auxilium maneat semper
nobiscum. R. Amen.

AD

B. V. MARIÆ.
AD PRIMAM.

169

Ave Maria, &c.

ꝯ. DEUS in adiutorium &c.

H Y M N U S.

MEmento rerum Conditor,
Nostri quòd olim corporis,
Sacrata ab alvo Virginis,
Nascendo formam sumpseris.

MARIA Mater gratiæ,
Dulcis parens clementiæ,
Tu nos ab hoste protege,
Et mortis horâ suscipe.

JESU tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Antiph. ante Advent. Assumpta est.
In Advent. Missus est. Post Advent. O
admirabile.

Psalm. 51.

DEUS in nomine tuo saluum me
fac; & in virtute tua judica me.

DEUS

DEUS exaudi orationem meam :
auribus percipe verba oris mei.

Quoniam alieni insurrexerunt ad-
versum me, & fortes quæsierunt ani-
mam meam : & non proposuerunt
Deum ante conspectum suum.

Ecce enim DEUS adjuvat me : &
Dominus susceptor est animæ meæ.

Averte mala inimicis meis : & in ve-
ritate tua disperde illos.

Voluntariè sacrificabo tibi : & con-
fitebor Nomini tuo Domine, quoniam
bonum est.

Quoniam ex omni tribulatione eri-
puisti me : & super inimicos meos de-
spexit oculus meus.

Gloria Patri, &c.

Psalm. 84.

Benedixisti Domine terram tuam :
avertisti captivitatem Jacob.

Remisisti iniquitatem plebis tuæ :
operuisti omnia peccata eorum.

Nitigasti omnem iram tuam : aver-
tisti ab ira indignationis tuæ.

Con-

Converte nos DEUS salutaris noster: & averte iram tuam à nobis.

Nunquid in æternum irasceris nobis: aut extendis iram tuam à generatione, in generationem?

DEUS tu conversus vivificabis nos: & plebs tua lætabitur in te.

Ostende nobis Domine misericordiam tuam: & salutare tuum da nobis.

Audiam, quid loquatur in me Dominus DEUS: quoniam loquetur pacem in plebem suam.

Et super Sanctos suos: & in eos, qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia, & veritas obviaverunt sibi: justitia, & pax osculatæ sunt.

Veritas de terra orta est: & justitia de cœlo prospexit.

Etenim Dominus dabit benignitatem: & terra nostra dabit fructum suum.

Justi-

Justitia ante eum ambulabit: & ponet in via gressus suos.

Gloria Patri, &c.

Psalm. 116:

Laudate Dominum omnes gentes:
laudate eum omnes populi.

Quoniam confirmata est super nos
misericordia ejus: & veritas Domini
manet in æternum.

Gloria Patri, & Filio, &c.

Antiph. ante Advent. Assumpta est
Maria in cœlum, gaudent Angeli, lau-
dantes benedicunt Dominum.

Antiph. in Adv. O admirabile com-
mercium! Creator generis humani,
animatum corpus sumens, de Virgine
nasci dignatus est, & procedens homo
sinè semine, largitus est nobis suam Dei-
tatem.

Ante, & post Adv. Capitulum. Cant. 6.

Quæ est ista, quæ progreditur, qua-
si aurora consurgens, pulchra, ut
luna, electa, ut sol, terribilis, ut castro-
rum acies ordinata?

& Deo gratias.

In

In Advent. Capitulum Isaia 7.

ECce Virgo concipiet, & pariet Filium, & vocabitur nomen ejus Emmanuel: butyrum, & mel comedet, ut sciat reprobare malum, & eligere bonum. *R.* Deo gratias.

ψ. Dignare me laudare te Virgo sacrata.

R. Da mihi virtutē contra hostes tuos.

Kyrie eleison. Christe eleison.

Kyrie eleison.

ψ. Domine exaudi orationem meam.

R. Et clamor meus ad te veniat.

Orat. ante Advent.

DEUS, qui Virginalē aulam Beatæ Mariæ Virginis, in qua habitares, eligere dignatus es; da, quæsumus: ut suā nos defensione munitos, jucundos faciat, suæ interesse commemorationi. Qui vivis, &c.

Orat. in Advent. DEUS, qui de Beatæ Mariæ Virginis utero &c. *ut sup. in Laud.*

Orat.

*Orat. Post Advent. DEUS, qui salutis
æternæ, &c. ibid.*

ψ. Domine exaudi &c. ut sup. ad Laud.

AD TERTIAM.

Ave Maria, &c.

ψ. DEUS in adjutorium &c.

Hymn. Memento &c. ut sup. ad Primam.

*Antiph. ante Advent. Maria Virgo. In
Advent. Ave Maria, post Adv. Quan-
do natus es.*

Psal. 119.

AD Dominum, cū tribularer cla-
mavi: & exaudivit me.

Domine libera animam meam à la-
biis iniquis: & à lingua dolosa.

Quid detur tibi, aut quid apponatur
tibi: ad linguam dolosam?

Sagittæ potentis acutæ cum carbo-
nibus desolatoriis.

Heu mihi, quia incolatus meus pro-
longatus est; habitavi cum habitantibus
Cedar; multū incola fuit anima mea.

Cum

Cum his, qui oderunt pacem, eram
pacificus : cum loquebar illis, impu-
gnabant me gratis.

Gloria Patri, &c.

Psalm. 120.

LEvavi oculos meos in montes: unde
veniet auxilium mihi.

Auxilium meum à Domino : qui fe-
cit cœlum, & terram.

Non det in commotionem pedem
tuum: neque dormitet, qui custodit te.

Eccce non dormitabit, neque dor-
miet : qui custodit Israël.

Dominus custodit te, Dominus pro-
tectio tua : super manum dexteram
tuam.

Per diem sol non uret te: neque lu-
na per noctem.

Dominus custodit te ab omni malo :
custodiat animam tuam Dominus.

Dominus custodiat introitum tuum,
& exitum tuum : ex hoc nunc, & usque
in sæculum.

Gloria Patri, &c.

M

Psalm.

Lætatus sum in his, quæ dicta sunt
mihi: in domum Domini ibimus.

Stantes erant pedes nostri: in atriis
tuis Jerusalem.

Jerusalem, quæ ædificatur ut civitas:
cujus participatio ejus in idipsum.

Illuc enim ascenderunt tribus, tri-
bus Domini: testimonium Israël, ad
confitendum Nomini Domini.

Quia illic sederunt sedes in judicio:
sedes super domum David.

Rogate, quæ ad pacem sunt Jerusa-
lem: & abundantia diligentibus te.

Fiat pax in virtute tua: & abundan-
tia in turribus tuis.

Propter fratres meos, & proximos
meos: loquebar pacem de te.

Propter domum Domini Dei nostri:
quæsiui bona tibi.

Gloria Patri, &c.

Antiph. ante Advent. Maria Virgo as-
sumpta est ad æthereum thalamum, in
quo Rex regum stellatô sedet soliô.

Antiph.

Antiph. in Advent. Ave Maria, gratiâ plena, Dominus tecum; Benedicta tu in mulieribus. Alleluja.

Antiph. post Advent. Quando natus es ineffabiliter ex Virgine, tunc impletæ sunt Scripturæ; sicut pluvia in vellus descendisti, ut salvum faceres genus humanum; te laudamus DEUS noster.

Ante, & post Advent. Capit. Eccles. 24.

ET sic in Sion firmata sum, & in civitate sanctificata similiter requievi, & in Jerusalem potestas mea.

R. Deo gratias.

In Advent. Capit. Isaie 11.

EGredietur virga de radice Jesse, & flos de radice ejus ascendet, & requiescet super eum Spiritus Domini.

R. Deo gratias.

ÿ. Diffusa est gratia in labiis tuis.

R. Propterea benedixit te DEUS in æternum.

Kyrie eleison. Christe eleison.

Kyrie eleison.

ÿ. Domine exaudi &c.

Orat. in Advent. DEUS, qui de B. Mariæ Virginis, &c. *ut in Laud. Orat. ante, & post Advent.* DEUS, qui salutis, &c.

Domine exaudi &c. *ut sup. ad Laud.*

AD SEXTAM.

Ave Maria, &c.

ψ. DEUS in adjutorium &c.

Hymn. Memento &c. *ut sup.*

Antiph. Ante Advent. In odorem. *In Advent.* Nè timeas. *Post Advent.* Rubum, quem viderat.

Psal. 122.

AD te levavi oculos meos: qui habitas in cœlis.

Ecce sicut oculi fervorum: in manibus dominorum suorum.

Sicut oculi ancillæ in manibus Dominae suæ: ita oculi nostri ad Dominum Deum nostrum, donec misereatur nostri.

Miserere nostri Domine, miserere nostri: quia multum repleti sumus despectione.

Quia

Quia multum repleta est anima nostra: opprobrium abundantibus, & despectio superbis.

Gloria Patri, &c.

Psalm. 123.

Nisi, quia Dominus erat in nobis, dicat nunc Israël: nisi, quia Dominus erat in nobis.

Cum exurgerent homines in nos: forte vivos deglutissent nos.

Cum irasceretur furor eorum in nos: forsitan aqua absorbuisset nos.

Torrentem pertransiuit anima nostra: forsitan pertransisset anima nostra aquam intolerabilem.

Benedictus Dominus: qui non dedit nos in captionem dentibus eorum.

Anima nostra sicut paster erepta est: de laqueo venantium.

Laqueus contritus est: & nos liberati sumus.

Adjutorium nostrum in nomine Domini: qui fecit cælum, & terram.

Gloria Patri, &c.

M 3

Psalm.

Qui confidunt in Domino, sicut mons Sion: non commovebitur in æternum, qui habitat in Jerusalem.

Montes in circuitu ejus: & Dominus in circuitu populi sui, ex hoc nunc, & usque in sæculum.

Quia non relinquet Dominus virgam peccatorum super sortem justorum: ut non extendant justi ad iniquitatem manus suas.

Benefac Domine bonis: & rectis corde.

Declinantes autem in obligationes, adducet Dominus cum operantibus iniquitatem: pax super Israël.

Gloria Patri, &c.

Antiph. ante Advent. In odorem unguentorum tuorum currimus, adolescentulæ dilexerunt te nimis.

Antiph. In Advent. Nè timeas Maria: invenisti enim gratiam apud Dominum; ecce concipies, & paries Filium, Alleluja.

Antiph.

Antiph. post Advent. Rubum, quem viderat Moyſes incombustum, conſervatam agnovimus tuam laudabilem Virginitatem; DEI-Genitrix, intercede pro nobis.

Ante, & post Advent. Cap. Eccles. 24.

ET radicavi in populo honorificato, & in parte Dei mei hæreditas illius, & in plenitudine Sanctorum detentio mea.

R. Deo gratias.

In Advent. Cap. Luc. 1.

DAbit ei Dominus DEUS sedem David Patris ejus, & regnabit in domo Jacob in æternum, & regni ejus non erit finis.

R. Deo gratias.

ʒ. Benedicta tu in mulieribus.

R. Et benedictus fructus ventris tui.

Kyrie eleison. Christe eleison

Kyrie eleison.

ʒ. Domine exaudi, &c.

M 4

Ora-

Oratio ante Advent.

CONcede misericors DEUS fragilitati nostræ præsidium : ut , qui sanctæ DEI-Genitricis memoriam agimus, intercessionis ejus auxiliò à nostris iniquitatibus resurgamus. Per eundem Dominum &c.

Orat. in Advent. DEUS, qui de Beatæ Mariæ Virginis utero, &c. *ut sup. in Laud.*

Post Advent. DEUS, qui salutis æternæ, &c. *ibid.*

ψ. Domine exaudi &c.

AD NONAM.

Ave Maria, &c.

ψ. DEUS in adjutorium &c.

Hymn. Memento, &c. ut sup.

Antiph. ante Advent. Pulchra es. *In Advent.* Ecce ancilla. *Post Advent.* Ecce Maria.

Psal. 125.

IN convertendo Dominus captivitatem Sion: facti sumus sicut consolati.

Tunc

Tunc repletum est gaudiô os nostrum : & lingua nostra exultatione.

Tunc dicent inter gentes : magnificavit Dominus facere cum eis.

Magnificavit Dominus facere nobiscum : facti sumus lætantes.

Converte Domine captivitatem nostram : sicut torrens in austro.

Qui seminant in lachrymis : in exultatione metent.

Euntes ibant, & flebant : mittentes semina sua.

Venientes autem venient cum exultatione : portantes manipulos suos.

Gloria Patri, &c.

Psal. 126.

Nisi Dominus ædificaverit domum :
in vanum laboraverunt, qui ædificant eam.

Nisi Dominus custodierit civitatem :
frustrà vigilat, qui custodit eam.

Vanum est vobis ante lucem surgere :
surgite, postquam sederitis, qui
manducatis panem doloris.

Cùm dederit dilectis suis somnum :
ecce hæreditas Domini, filii, merces
fructus ventris.

Sicut sagittæ in manu potentis : ita
filii excussorum.

Beatus vir, qui implevit desiderium
suum ex ipsis : non confundetur, cùm
loquetur inimicis suis in porta.

Gloria Patri, &c.

Psalm. 127.

BEati omnes, qui timent Dominum :
qui ambulant in viis ejus.

Labores manuum tuarum, quia man-
ducabis : beatus es, & bene tibi erit.

Uxor tua sicut vitis abundans : in la-
teribus domûs tuæ.

Filii tui sicut novellæ olivarum : in
circuitu mensæ tuæ.

Ecce sic benedicetur homo : qui ti-
met Dominum.

Benedicat tibi Dominus ex Sion : &
videas bona Jerusalem omnibus diebus
vitæ tuæ.

Et

Et videas filios filiorum tuorum : pacem super Israël.

Gloria Patri, &c.

Antiph. ante Advent. Pulchra es, & decora filia Jerusalem; terribilis ut castrorum acies ordinata.

Antiph. in Adv. Ecce ancilla Domini, fiat mihi secundum verbum tuum.

Antiph. post Adv. Ecce Maria genuit nobis Salvatorem, quem Joānes videns exclamavit dicens : ecce Agnus DEI, ecce, qui tollit peccata mundi, Alleluja

Ante, & post Adv. Capit. Eccli. 24.

IN plateis sicut cinnamomum, & balsamum aromatizans odorem dedi: quasi myrrha electa dedi suavitatem odoris.

R. Deo gratias.

ψ. Post partum Virgo inviolata permansisti.

R. DEI-Genitrix intercede pro nobis.

In Advent. Cap. Isaia 7.

ECce Virgo concipiet, & pariet filium,

lium, & vocabitur Nomen ejus Emmanuel; butyrum, & mel comedet, ut sciat reprobare malum, & eligere bonum. R. Deo gratias.

ψ. Angelus Domini nuntiavit Mariæ.

R. Et concepit de Spiritu sancto.

Kyrie eleison. Christe eleison.

Kyrie eleison.

ψ. Domine exaudi &c. *ut sup.*

Oratio ante Advent.

FAmulorum tuorum, quæsumus Domine, delictis ignosce: ut, qui tibi placere de actibus nostris non valemus, Genitricis Filii tui Domini nostri intercessione salvemur. Per eundem Christum, &c.

Orat. in Advent DEUS, qui de Beata Mariæ Virginis utero &c. *ut sup in Laud.*

Orat. post Advent. DEUS, qui salutis, &c. *ibid.*

ψ. Domine exaudi &c. *ibid.*

AD

B. V. MAIRÆ.

187

AD VESPERAS.

Ave Maria, &c.

✠. DEUS in adjutorium &c. *ut sup.*

Gloria Patri, & Filio, &c.

Antiph. ante Advent. Dum esset Rex.

In Advent. Missus est Gabriel. *Post Advent.* O admirabile.

Psal. 109.

Dixit Dominus Domino meo : sede
à dextris meis.

Donec ponam inimicos tuos : sca-
bellum pedum tuorum.

Virgam virtutis tuæ emittet Domi-
nus ex Sion : dominare in medio inimi-
corum tuorum.

Tecum principium in die virtutis
tuæ, in splendoribus Sanctorum : ex
utero ante Luciferum genui te.

Juravit Dominus, & non pœnitebit
eum : tu es Sacerdos in æternum , se-
cundum ordinem Melchisedech.

Dominus à dextris tuis ; confregit
in die iræ suæ reges.

Judi-

Judicabit in nationibus, implebit
ruinas : conquassabit capita in terra
multorum.

De torrente in via bibet : propterea
exaltabit caput.

Gloria Patri, &c.

Antiph. ante Advent. Dum esset Rex
in accubitu suo, nardus mea dedit odo-
rem suavitatis.

In Advent. Missus est Gabriel Ange-
lus ad Mariam Virginem desponsatam
Joseph.

Post Advent. O admirabile com-
mercium ! Creator generis humani,
animatum corpus sumens, de Virgine
nasci dignatus est, & procedens homo
finè semine, largitus est nobis suam Dei-
tatem.

Antiph. ante Advent. Læva ejus. *In*
Advent. Ave Maria. *post Adv.* Quando
natus es.

Psal. 112.

Laudate pueri Dominum : laudate
nomen Domini.

Sit

Sit nomen Domini benedictum: ex
hoc nunc, & usque in sæculum.

A solis ortu usque ad occasum: lau-
dabile Nomen Domini.

Excelsus super omnes gentes Domi-
nus: & super cælos gloria ejus.

Quis sicut Dominus DEUS noster,
qui in altis habitat: & humilia respicit
in cælo, & in terra?

Suscitans à terra inopem: & de ster-
core erigens pauperem.

Ut collocet eum cum principibus:
cum principibus populi sui.

Qui habitare facit sterilem in domo:
matrem filiorum lætantem.

Gloria Patri, &c.

Antiph. ante Advent. Læva ejus sub
capite meo, & dextera illius amplexa-
bitur me.

In Advent. Ave Maria, gratiâ plena,
Dominus tecum; benedicta tu in mu-
lieribus. Alleluja.

Post Advent. Quando natus es ines-
fabili ex Virgine, tunc impletæ sunt
Scriptu-

Scripturæ; sicut pluvia in vellus descendisti, ut saluum faceres genus humanum; te laudamus, DEUS noster.

Antiph. ante Advent. Nigra sum. *In Advent.* Nè timeas. *Post Advent.* Rubum.

Psal. 121.

Lætatus sum in his, quæ dicta sunt mihi: in domum Domini ibimus. Stantes erant pedes nostri: in atriis tuis Jerusalem.

Jerusalem, quæ ædificatur ut civitas: cujus participatio ejus in id ipsum.

Illuc enim ascenderunt tribus, tribus Domini: testimonium Israël, ad confitendum Nomini Domini.

Quia illic sederunt sedes in judicio: sedes super domum David.

Rogate, quæ ad pacem sunt Jerusalem: & abundantia diligentibus te.

Fiat pax in virtute tua: & abundantia in turribus tuis.

Propter fratres meos, & proximos meos: loquebar pacem de te.

Propter

Propter domum Domini Dei nostri;
quæsiui bona tibi.

Gloria Patri, &c.

Antiph. ante Advent. Nigra sum, sed
formosa, filiæ Jerusalem; ideo dilexit
me Rex, & introduxit me in cubicu-
lum suum.

In Advent. Nè timeas Maria. inveni-
sti enim gratiam apud Dominum; ecce
concupies, & paries filium. Alleluja.

Post Advent. Rubum, quem viderat
Moyſes incombustum, conservatam
agnovimus tuam laudabilem Virgini-
tatem; DEI-Genitrix intercede pro
nobis.

Antiph. ante Advent. Jam hiems tran-
ſiit. *In Adv.* Dabit ei Dominus. *Post*
Adv. Germinavit radix.

Pſalm. 126.

Nisi Dominus ædificaverit domum :
in vanum laboraverunt, qui ædifi-
cant eam.

Nisi Dominus custodierit civitatem :
frustrà vigilat, qui custodit eam.

N

Va-

Vanum est vobis ante lucem surgere: surgite, postquam federitis, qui manducatis panem doloris.

Cùm dederit dilectis suis somnum: ecce hæreditas Domini, filii, merces fructus ventris.

Sicut sagittæ in manu potentis: ita filii excussorum.

Beatus vir, qui implevit desiderium suum ex ipsis: non confundetur, cùm loquetur inimicis suis in porta.

Gloria Patri, &c.

Antiph. ante Advent. Jam hiems transit; imber abiit, & recessit; surge amica mea, & veni.

In Advent. Dabit ei Dominus sedem David Patris ejus, & regnabit in æternum.

Post Advent. Germinavit radix Jesse; orta est stella ex Jacob; Virgo peperit Salvatorem; te laudamus DEUS noster.

Antiph. ante Advent. Speciosa facta
es

es. *In Advent.* Ecce ancilla. *Post Advent.* Ecce Maria:

Psal. 147.

Lauda Jerusalem Dominum: lauda
Deum tuum Sion.

Quoniam confortavit seras portarum tuarum: benedixit filiis tuis in te.

Qui posuit fines tuos pacem: & adipe frumenti satiat te.

Qui emittit eloquium suum terræ: velociter currit sermo ejus.

Qui dat nivem sicut lanam: nebulam sicut cinerem spargit.

Mittit crystallum suum sicut buccellas: ante faciem frigoris ejus, quis sustinebit?

Emittet verbum suum, & liquefaciet ea: flabit spiritus ejus, & fluent aquæ:

Qui annuntiat verbum suum Jacob: justitias, & judicia sua Israël.

Non fecit taliter omni nationi: & judicia sua non manifestavit eis.

Gloria Patri, &c.

Antiph. ante Advent. Speciosa facta es, & suavis in deliciis, sancta DEI-Genitrix.

In Advent. Ecce ancilla Domini, fiat mihi secundum verbum tuum.

Post Advent. Ecce Maria genuit nobis Salvatorem, quem Joannes videns exclamavit dicens: ecce Agnus DEI, ecce, qui tollit peccata mundi, Alleluja

Ante, & post Adv. Capit. Eccli. 24.

A Binitio, & ante sæcula creata sum, & usque ad futurum sæculum non desinam, & in habitatione sancta coram ipso ministravi.

R. Deo gratias.

In Advent. Capit. Isaïæ 11.

E Gredietur virga de radice Jesse, & flos de radice ejus ascendet, & requiescet super eum Spiritus Domini.

R. Deo gratias.

HYMNUS.

A Ve Maris stella, DEI Mater alma,
Atque semper Virgo, felix cœli
porta, Su-

Sumens illud ave, Gabrielis ore,
Funda nos in pace, mutans Evæ
nomen;

Solve vincla reis, profer lumen cæcis,
Mala nostra pelle, bona cuncta posce.
Monstra te esse Matrem, sumat per te
preces.

Qui pro nobis natus, tulit esse tuus.
Virgo singularis, inter omnes mitis,
Nos culpis solutos, mites fac, &
castos.

Vitam præsta puram: iter para tutum;
Ut videntes JESUM, semper collæ-
temur.

Sit laus Deo Patri, summo Christo decus,
Spiritus sancto, tribus honor unus.
Amen.

ψ. Diffusa est gratia in labiis tuis.

℞. Propterea benedixit te DEUS in
æternum.

Canticum B. Mariæ V. Luc. 1.

Magnificat anima mea Dominum.
Et exultavit spiritus meus: in
Deo salutari meo.

Quia respexit humilitatem ancillæ suæ: ecce enim ex hoc beatam me dicent omnes generationes.

Quia fecit mihi magna, qui potens est: & sanctum Nomen ejus.

Et misericordia ejus à progenie in progenies: timentibus eum.

Fecit potentiam in brachio suo: dispersit superbos mente cordis sui.

Deposuit potentes de sede: & exaltavit humiles.

Esurientes implevit bonis: & divites dimisit inanes.

Suscepit Israël puerum suum: recordatus misericordiæ suæ.

Sicut locutus est ad Patres nostros: Abraham, & semini ejus in sæcula.

Gloria Patri, &c.

Antiph. ante Advent. Beata Mater, & intacta Virgo, gloriosa Regina mundi, intercede pro nobis ad Dominum.

In Advent. Spiritus sanctus in te descendet Maria; nè timeas, habebis in utero Filium Dei, Alleluja.

Post

Post Advent. Magnum hæreditatis
mysterium: Templum Dei factus est
uterus nesciens virum; non est pollut-
us ex ea carnem effumens; omnes
gentes venient dicentes: Gloria tibi
Domine.

Tempore Paschali dicitur: Antiph. Re-
gina cœli &c. *ut sup. in Laud.*

Kyrie eleison. Christe eleison.

Kyrie eleison.

℣. Domine exaudi orationem meam.

℟. Et clamor meus ad te veniat.

Oratio. ante Advent.

COncede nos famulos tuos, quæsu-
mus Domine DEUS, perpetua
mentis, & corporis sanitate gaudere,
& gloriosa B. Mariæ semper Virginis
intercessione, à præsentis liberari tristi-
titiæ, & æternâ perfrui lætitiâ. Per
Christum Dominum nostrum.

℟. Amen.

Orat. post Advent. DEUS, qui salu-
tis, &c. *ut sup.*

Orat. in Advent. DEUS, qui de B. Mariæ Virginis utero, &c. *ut sup.*

Orationes pro Sanctis adduntur hic etiam, ut in Laud. & in fine earum ψ.
Domine exaudi &c. *ut in Laud.*

AD COMPLETORIUM.

Ave Maria, &c.

ψ. Converte nos DEUS salutaris noster.

R. Et averte iram tuam à nobis.

ψ. DEUS in adjutorium &c.

Psal. 128.

SÆpe expugnaverunt me à juventute mea: dicat nunc Israël.

Sæpe expugnaverunt me à juventute mea: etenim non potuerunt mihi.

Supra dorsum meum fabricaverunt peccatores: prolongaverunt iniquitatem suam.

Dominus justus concidit cervices peccatorum: confundantur, & convertantur retrorsum omnes, qui oderunt Sion.

Fiant sicut fœnum tectorum: quod priusquam evellatur, exaruit.

De

De quo non implevit manum suam,
qui metit: & sinum suum, qui mani-
pulos colligit.

Et non dixerunt, qui præteribant,
benedictio Domini super vos: bene-
diximus vobis in Nomine Domini.

Gloria Patri, &c.

Psal. 129.

DE profundis clamavi ad te Domi-
ne: Domine exaudi vocem meam.

Fiant aures tuæ intendentes: in vo-
cem deprecationis meæ.

Si iniquitates observaveris Domine:
Domine, quis sustinebit?

Quia. apud te propitiatio est: &
propter legem tuam sustinui te Do-
mine.

Sustinuit anima mea in verbo ejus:
speravit anima mea in Domino.

A custodia matutina usque ad no-
ctem: speret Israël in Domino.

Quia apud Dominum misericordia:
& copiosa apud eum redemptio.

Et ipse redimet Israël: ex omnibus iniquitatibus ejus.

Gloria Patri, &c.

Psalm. 130.

Domine non est exaltatum cor meum: neque elati sunt oculi mei.

Neque ambulavi in magnis: neque in mirabilibus super me.

Si non humiliter sentiebam: sed exaltavi animam meam.

Sicut ablactatus est super matre sua: ita retributio in anima mea.

Speret Israël in Domino: ex hoc nunc, & usque in sæculum.

Gloria Patri, &c.

Hymn. Memento rerum &c. ut sup. ad Primam.

Ante, & post Advent. Capit. Eccles. 24.

Ego Mater pulchræ dilectionis, & timoris, & agnitionis, & sanctæ spei. R. Deo gratias.

V. Ora pro nobis sancta DEI-Genitrix.

R. Ut digni efficiamur promissionibus Christi.

In

In Advent. Capit. Isaia 7.

ECce Virgo concipiet, & pariet Filium, & vocabitur nomen ejus Emmanuel: butyrum, & mel comedet; ut sciat reprobare malum, & eligere bonum. *R.* Deo gratias.

ψ. Angelus Domini nuntiavit Mariæ.

R. Et concepit de Spiritu sancto.

Antiph. ante Advent. Sub tuum præsidium.

Antiph. in Advent. Spiritus sanctus.

Antiph. post Advent. Magnum hæreditatis.

Canticum Simeonis. Luc 2.

Nunc dimittis servum tuum Domine: secundum Verbum tuum in pace.

*Q*uia viderunt oculi mei: salutare tuum.

Quod parâsti: ante faciem omnium populorum.

Lumen ad revelationem gentium:
& gloriam plebis tuæ Israël,

Gloria Patri, &c.

Antiph.

Antiph. ante Advent. Sub tuum præsidium confugimus sancta DEI-Genitrix; nostras deprecationes nè despicias in necessitatibus nostris; sed à periculis cunctis libera nos semper, Virgo gloriosa, & benedicta.

In Advent. Spiritus sanctus in te descendet Maria; nè timeas, habebis in utero Filium DEI, Alleluja.

Antiph. post Advent. Magnum hæreditatis mysterium: Templum DEI factus est uterus nesciens virum; non est pollutus ex ea carnem assumens; omnes gentes venient dicentes: Gloria tibi Domine.

Kyrie eleison. Christe eleison.

Kyrie eleison.

ÿ. Domine exaudi orationem meam.

R. Et clamor meus ad te veniat.

Oratio ante Advent.

BEata, & gloriosa, sempérque Virginis Mariæ, quæsumus Domine, intercessio gloriosa nos protegat, & ad vitam perducatur æternam. Per Dominum

num nostrum JESUM Christum, &c.

Orat. in Advent. DEUS, qui de Beatæ Mariæ Virginis utero, &c. *ut sup. in Laud.*

Oratio post Advent. DEUS, qui salutis æternæ, &c. *ibid.*

ψ. Domine exaudi orationem meam.

℞. Et clamor meus ad te veniat.

ψ. Benedicamus Domino.

℞. Deo gratias.

Benedicat, & custodiat nos Omnipotens, & misericors Dominus, Pater, & Filius, & Spiritus sanctus. ℞. Amen.

Deinde dicitur una ex Antiphonis positæ post Laud. pro tempore, cum Vers. & Orat. & dicto versu : Divinum auxilium &c. *dicitur secretò :* Pater noster, Ave Maria, & Credo. Laus Deo, pax vivis, sanitas infirmis, requies defunctis.

ψ. Tu autem Domine miserere nobis.

℞. Deo gratias.

ψ. Beata viscera MARIÆ Virginis, quæ portaverunt æterni Patris Filium.

℞. Et

R. Et beata Ubra, quæ lactaverunt
Christum Dominum.

ŷ: Nos cum prole pia benedicat Virgo
MARIA. R. Amen.

*Ut indulgentiam defectuum, in orando
Officio commissorum, consequaris; dic
sequentem Orationem, cui Leo X. id
concessit.*

ORATIO.

Sacro-sanctæ, & individuæ Trini-
tati, crucifixi Domini nostri JESU
Christi humanitati, beatissimæ, & glo-
riosissimæ, sempérque Virginis Mariæ
fœcundæ integritati, & omnium San-
ctorum universitati, sit sempiterna laus,
honor, virtus, & gloria ab omni crea-
tura, nobisque remissio omnium pec-
catorum, per infinita sæcula sæcu-
lorum. Amen.



OFFICIUM
IMMACULATÆ
CONCEPTIONIS.
AD MATUTINUM.

AVe Maria (quæ post sanctissimam
Trinitatem supra omnes creatu-
ras maximum in cœlo gaudium ha-
bes) gratiâ plena, &c.

℣. Eja mea labia, nunc annuntiate.

℞. Laudes, & præconia Virginis beatæ.

℣. Domina in adiutorium meum in-
tende.

℞. Me de manu hostium potenter de-
fende. Gloria Patri, & Filio, &c.

H Y M N U S.



Alve mundi Domina,
cœlorum Regina;

Salve Virgo Virginum,
stella matutina;

Salve plena gratiæ, clara
lux Divina;

Mundi in auxilium Domina festina.

Ab

Ab æterno Dominus te præordinavit,
Matrem Unigeniti Verbi, quò
creavit,

Terram, pontum, æthera, Te pul-
chram ornavit.

Sibi Sponsam, quæ in Adam non pec-
cavit.

℣. Elegit eam DEUS, & prælegit eam.

℞. In tabernaculo suo habitare fecit
eam.

℣. Domine exaudi orationem meam.

℞. Et clamor meus ad te veniat.

Oratio.

SANCTA MARIA, Regina cœlorum,
Mater Domini nostri JESU Christi,
& mundi Domina, quæ nullum dere-
linquis, & nullum despicias, respice me
Domina clementer oculò pietatis, &
impetra mihi apud tuum dilectum Fi-
lium cunctorum veniam peccatorum;
ut, qui nunc tuam sanctam Conceptio-
nem devoto affectu recolo, æternæ in
futurum beatitudinis bravium capiam,
ipso,

ipso, quem Virgo peperisti, donante
Domino nostro JESU Christo, qui cum
Patre, & sancto Spiritu vivit, & regnat
in Trinitate perfecta DEUS, in sæcula
sæculorum. Amen.

ψ. Domina exaudi orationem meam.

℞. Et clamor meus ad te veniat.

ψ. Benedicamus Domino.

℞. Deo gratias.

ψ. Et fidelium animæ per misericordi-
am Dei requiescant in pace.

℞. Amen.

AD PRIMAM.

Ave Maria (quæ laureolâ Virginum
omnes choros Angelorum, & ho-
minum præis) gratiâ plena, &c.

ψ. Domina in adjutorium &c. *ut sup.*

Gloria Patri, &c.

HYMNUS.

SAlve Virgo sapiens, domus Deo di-
cata,

Columnâ septemplici, mensaque
exornata.

O

Ab

Ab omni contagio mundi præservata:
Antè sancta in utero Parentis, quàm
nata.

Tu Mater viventium, & porta es San-
ctorum,

Nova stella Jacob, Domina An-
gelorum,

Zabulo terribilis acies castrorum,

Portus, & refugium sis Christianorū.

ψ. Ipse creavit illam in Spiritu sancto.

℞. Et effudit illam super omnia opera
sua.

ψ. Domina exaudi &c.

Orat. Sancta Maria Regina &c. *ut sup.*

AD TERTIAM.

Ave Maria (quæ magno lumine gloriæ
tuæ illuminas, ad instar Solis, totum
cælum) gratiâ plena, &c.

ψ. Domina in adjutorium meum &c.

H Y M N U S.

Salve Arca fœderis, Thronus Salo-
monis,

Arcus pulcher ætheris, Rubus visio-
nis. Vir-

Virga frondens germinis, vellus Ge-
deonis,

Porta clausa Numinis, favusque
Samsonis.

Decebat tam nobilem Natum præca-
vere,

Ab originali labe Matris Hevæ
Almam, quam elegerat, Genitricem
verè,

Nulli prorsus finens culpæ subjacere.
ψ. Ego in Altissimis habito.

℞. Et thronus meus in columna nubis.

ψ. Domina exaudi &c.

Orat. Sancta Maria Regina &c. *ut sup.*

AD SEXTAM.

Ave Maria (quæ ab omnibus cœlitibus
honoraris, ut Mater Dei, & cœli Re-
gina) gratiâ plena, &c.

ψ. Domina in adjutorium &c.

Gloria Patri, & Filio, &c.

H Y M N U S.

Salve Virgo puerpera, Templum
Trinitatis,

Angelorum gaudium, Cella puri-
tatis, O2 Sola-

Solamen mœrentium, Hortus voluptatis,

Palma patientiæ, Cedrus castitatis.
Terra es benedicta, & sacerdotalis,
Sancta, & immunis culpæ originalis,
Civitas Altissimi, porta orientalis;
In te est omnis gratia, Virgo singularis.

ψ. Sicut liliū inter spinas.

℞. Sic amica mea inter filias Adæ.

ψ. Domina exaudi &c.

Orat. Sancta Maria Regina &c. *ut sup.*

AD NONAM.

Ave Maria (quæ potestatem à Filio tuo accepisti, quidvis impetrandi) gratiâ plena, &c.

ψ. Domina in adiutorium meum &c.
Gloria Patri, &c.

HYMNUS.

Salve Urbs refugii, Turrisque munita

David, propugnaculis, armisque insignita.

In

In Conceptione charitate ignita,
 Draconis potestas est à te contrita.
 O mulier fortis, & invicta Judith,
 Pulchra Abisai Virgo, verum fo-
 vens David.

Rachel curatorem Ægypti gestavit;
 Mundi Salvatorem Maria portavit.
 ♀. Tota pulchra es amica mea.
 ♀. Et macula originalis nunquam fuit
 in te.

♀. Domina exaudi &c.

Orat. Sancta Maria Regina &c. *ut sup.*

AD VESPERAS.

Ave Maria (quæ devotos quosque ti-
 bi servos ad ineffabilem peculiaris
 gloriæ coronam à Filio tuo præpa-
 ratam promotes, sicut & ipsa in ter-
 ris ineffabili gratiâ fuisti donata)
 gratiâ plena, &c.

♀. Domina in adjutorium &c.

Gloria Patri, &c.

H Y M N U S.

SAlve horologium, quo retro gra-
 diatur

O₃

Sol

Sol in decem lineis, Verbum incarnatur;

Homo ut ab inferis ad summa attollatur,
Immensus ab Angelis paulò minoratur.

Solis hujus radiis Maria coruscat,
Consurgens aurora in conceptu micat,

Lilium inter spinas, quæ serpentis conterat

Caput, pulchra ut luna, errantes collustrat.

ψ. Ego feci in cœlis, ut oriretur lumen indeficiens.

R. Et quasi nebula texi omnem terram.

ψ. Domina exaudi &c.

Orat Sancta Maria Regina &c. ut sup.

AD COMPLETORIUM.

Ave Maria (cujus gloria, & cultus in Terris ad extremum usque judicii diem continuò augmentò crescet) gratiâ plena, &c. *ut sup.*

ψ. Convertat nos, Domina, tuis precibus

cibus placatus JESUS Christus Filius tuus.

R. Et avertat iram suam à nobis.

ψ. Domina in adiutorium meum &c.

Gloria Patri, &c.

HYMNUS.

SAlve Virgo florens, Mater illibata,
Regina clementiæ, stellis coronata;

Supra omnes Angelos pura, immaculata,
Atque ad Regis dexteram stans veste deaurata.

Per te, Mater gratiæ, dulcis spes reorū,
Fulgens stella maris, portus naufragorum,

Patens cœli janua, salus infirmorum,
Videamus Regem in aula sanctorum.
Amen.

ψ. Oleum effusum, Maria, nomen tuum.

R. Servi tui dilexerunt te nimis.

ψ. Domina exaudi &c.

Orat. Sancta Maria Regina &c. *ut sup.*

CULTUS
COMMENDATIO.

Supplices offerimus tibi, Virgo pia,
Has Horas Canonicas, fac, nos ut
in via

Ducas cursu prospero, & in agonia,
Tu nobis assiste, ô dulcis MARIA.
Amen. Deo gratias.

Antiph. Hæc est virga, in qua nec nodus
originalis, nec cortex actualis cul-
pæ fuit.

℣. In conceptione tua Virgo immacu-
lata fuisti.

℟. Ora pro nobis Patrem, cujus Filium
peperisti.

O R A T I O.

DEUS, qui per immaculatam Virgi-
nis Conceptionem dignum Filio
tuo habitaculum præparâsti, quæsu-
mus; ut sicut ex morte ejusdem Filii
tui prævisa, eam ab omni labe præfer-
vâsti, ita nos quoque mundos ejus in-
tercessione ad te pervenire concedas.
Per eundem Dominum nostrum JE-
SUM

SUM Christum Filium tuum, qui tecum, &c.

Pro conservanda Castitate.

O Sanctissima Virgo, & Mater MARIA, mundissimum pietatis speculum, & purissimum Virginitatis exemplar; Ego N. ex intimo te imitandi desiderio, & amore castitatis accensus, firmiter propono: me, quoad vixero, nullis unquam inhonestis cogitationibus, aut desideriis scienter inhæsurum, aut consensurum; neque unquam aliquid cogitatione, verbô, opere, vel quovis alio modo facturum, aut permissurum, quod castitati adversum intelligam; & hæc omnia ad majorem Dei gloriam, animæque meæ salutem.

Te igitur, ô castissima Virgo! ego indignissimus filius, per tuam Virginitatem rogo, mihi impetres à dilectissimo Filio tuo gratiam, & auxilium, ut quod verbis offero, opere præstem, & sincerus semper castitatis, & constans

pietatis amator existam; donec tandem ad cœlestes Filii tui nuptias admittar, suavissimis Sanctorum epulis reficiendus in cœlis. Amen.

Antiph. Sancta, & immaculata Virginitas, quibus te laudibus efferam, nescio; quia quem cœli capere non poterant, tuô gremiô contulisti.

ψ. Sicut lilium inter spinas.

℞. Sic amica mea inter filias Adæ.

ORATIO.

O Regina Virginum MARIA! amantissima Mater mea, ecce JESUS benignissimus Filius tuus, Virgo Joannem Virginem; & me indignissimum, tibi in filium adoptavit, obsecro te igitur per amorem, sanguinem, & mortem ejus, suscipe me in filium: quia Filium tuum ex toto corde diligo, téque eligo in Matrem; imò si tibi placet, cum Bernardino, & Edmundo tuo, in Sponsam animæ meæ. Malo siquidem mori, quàm cogitatione, verbô, aut opere
ali-

alicujus creaturæ amore inquinari; se-
quite cupio, & JESUM Agnum, quo-
cunque ierit, in æternum, & cum An-
gelo Custode puritatem servare An-
gelicam, juxta statum meum in æter-
num. Accipe, & serva, ô dulcissima
Mater! cor, animam, & corpus me-
um, tibi toto corde dicata in sempi-
ternum. Amen

LITANIÆ

LAURETANÆ B.V. MARIÆ,
pro felici morte.

Kyrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Misere nobis.

Fili Redemptor mundi DEUS, misere-
re nobis.

Spiritus sancte DEUS, misere nobis.

Sancta Trinitas unus DEUS, misere
nobis.

Sancta MARIA, Ora pro nobis.

San-

Sancta DEI-Genitrix,
Sancta Virgo Virginum,
Mater Christi,
Mater Divinæ gratiæ,
Mater purissima,
Mater castissima,
Mater inviolata,
Mater intemerata,
Mater amabilis,
Mater admirabilis,
Mater Creatoris,
Mater Salvatoris,
Virgo prudentissima,
Virgo veneranda,
Virgo prædicanda,
Virgo potens,
Virgo clemens,
Virgo fidelis,
Speculum justitiæ,
Sedes sapientiæ,
Causa nostræ lætitiæ,
Vas spirituale,
Vas honorabile,
Vas insigne devotionis,

Ora pro nobis.

Rosa

Rosa mystica,
Turris Davidica,
Turris eburnea,
Domus aurea,
Fœderis arca,
Janua cœli,
Stella matutina,
Salus infirmorum,
Refugium peccatorum,
Consolatrix afflictorum,
Auxilium Christianorum,
Regina Angelorum,
Regina Patriarcharum,
Regina Prophetarum,
Regina Apostolorum,
Regina Martyrum,
Regina Confessorum,
Regina Virginum,
Regina Sanctorum omnium,
Agnus Dei, qui tollis peccata mundi,
Parce nobis Domine.
Agnus Dei, qui tollis peccata mundi,
Exaudi nos Domine.

Ora pro nobis.

Agnus

Agnus Dei, qui tollis peccata mundi;
Miserere nobis.

Christe, audi nos.

Christe, exaudi nos. Ave Maria.

Sub tuum præsidium confugimus,
sancta Dei-Genitrix, nostras depre-
cationes nè despicias in necessitatibus
nostris; sed à periculis cunctis libera
nos semper Virgo gloriosa, & benedi-
cta. Domina nostra, Mediatrix nostra,
Advocata nostra, tuo Filio nos recon-
cilia, tuo Filio nos recommenda, tuo
Filio nos repræsenta.

ψ. Ora pro nobis sancta DEI-Genitrix.

℞. Ut digni efficiamur promissionibus
Christi.

Oremus.

Gratiam tuam, quæsumus Domine,
mentibus nostris infunde; ut, qui
Angelo nuntiante Christi Filii tui In-
carnationem cognovimus, per Passio-
nem ejus, & Crucem ad Resurrectionis
gloriam perducamur. Per eundem
Dominum nostrum &c. Amen.

ψ. Ora

℣. Ora pro nobis beatissime Joseph.

℞. Ut digni efficiamur promissionibus Christi.

ORATIO.

SANCTISSIMÆ Genitricis tuæ Sponsi,
Squæsumus Domine, meritis adjuve-
mur; ut, quod possibilitas nostra non
obtinet, ejus nobis intercessione done-
tur. Qui vivis, & regnas cum Deo Pa-
tre in unitate Spiritûs sancti DEUS,
per omnia sæcula sæculorum. Amen.

*Professio obsequii nostri erga Beatissimam
Virginem MARIAM.*

SANCTISSIMA Virgo, dignissima Mater
DEI! Ego N. licet undecunque in-
dignissimus accensear numero servo-
rum, ac filiorum tuorum; fretus ta-
men bonitate, & misericordiâ tuâ, &
impulsus tibi serviendi desiderio, pro-
fiteor in præsentia DEI, & Curia cœ-
lestis universæ: quod Te hodie eligam
in Reginam meam, Matrem meam, &
Advocatam meam; firmiterque sta-
tuo,

tuo, ac propono, me nunquam Te derelicturum, neque facturum, aut dicturum quidquam contra tuum honorem, neque permissurum; ut à meis subditis aliquid contra tuum honorem unquam agatur. Obsecro Te igitur, suscipe me in numerum servorum, & filiorum tuorum: adsis mihi, quæso, in omnibus actionibus, & necessitatibus meis, nec me deseras in hora mortis meæ. Amen.

Igniculus amoris erga B. V. MARIAM.

MARIA gustum sentio, quando tui fit mentio.

Opinor hoc voca blum, amoris esse pabulum.

Lac, & mel est hæc vocula: fluunt amoris pocula,

Maria quinque litteris in cor meum dum mitteris.

Per labra nectar bibitur, cordique vox alliditur;

Hinc cordis cavernula, auditur echo ternula,

Meum

Meum cor est triangulum: MARIA,
quemvis angulum

Tangit tui dilectio: ubique fit re-
flexio.

Cordis mei pars extera, sinistra pars,
& dextera,

Et summa pars, & infima, pars ipsa
cordis intima,

Dum te loquuntur singulæ, & sunt
amoris linguulæ,

Amando te, se dedicant; dicando
se, te prædicant.

Maria, si te prædico; Maria, si me de-
dico,

Et si tibi cor præbeo, Maria, amare
debeo.

Cum nomen hoc reduplico, Maria,
amari supplico:

Ut metibi despondeas.

Si Virgo mecum vixeris, si cor meum
confixeris,

Amore factus ebrius, dicam Mariam
crebrius.

Non

Non frangar assuetudine, ulláve lassitudine:

Nam cùm tui fit mentio, Maria, gustum sentio.

Antiphona, & Oratio contra pestem.

STella cœli exstirpavit,
Quæ lactavit Dominum,
Mortis pestem, quam plantavit
Primus parens hominum.

Ipsa stella nunc dignetur
Sidera compescere;
Quorum bella plebem cædunt,
Diræ mortis ulcere.

O piissima Stella maris,
A peste succurre nobis.

Audi nos Domina;
Nam Filius tuus nihil negans
Te honorat.

Salva nos JESU,
Pro quibus Virgo Mater te orat.
Ÿ. Ora pro nobis sancta, &c.

Oremus.

DEUS misericordiæ, DEUS pietatis,

tis, DEUS indulgentiæ, qui misertus es super afflictionem populi tui, & dixisti Angelo percutienti populum tuum: contine manum tuam; ob amorem illius Stellæ gloriosæ, cujus ubera pretiosa contra venenum nostrorum delictorum dulciter suxisti, præsta auxilium gratiæ tuæ: ut ab omni peste, & improvisa morte securè liberemur, & à totius perditionis incurfu misericorditer salvemur. Qui vivis, & regnas in sæcula sæculorum. Amen.

HYMNUS *S. Casimiri.*

OMni die, dic Mariæ mea laudes
anima: ejus festa, ejus gesta, cole
devotissima.

Contemplare, & mirare ejus celsitudinem: dic felicem Genitricem, dic beatam Virginem,

Ipsam cole, ut de mole criminum te liberet: hanc appella, nè procella vitiorum superet.

Hæc persona, nobis dona contulit

cæle-

cœlestia: hæc Regina, nos Divinâ illustravit gratiâ.

Lingua mea, dictrophæa Virginis puerperæ: quæ inflictum maledictum miro transfert germine.

Sinè fine dic Regina mundi laudum cantica: ejus dona semper sona, semper illa prædica.

Omnes mei sensus ci personate gloriam: frequentate tam beatæ Virginis memoriam.

Nullus certè tam disertæ exstat eloquentiæ: qui condignos promat hymnos ejus excellentiæ.

Omnes laudent, unde gaudent, Matrem DEI Virginem: nullus fingat, quod attingat ejus celsitudinem.

Sed necesse (quod prodesse piis constat mentibus) ut intendam, quòd impendam me ipsius laudibus.

Quamvis sciam, quòd Mariam nemo dignè prædicet: tamen vanus, & insanus est, qui illam reticet.

Cujus vita erudita disciplinâ cœlicâ:

argu-

argumenta, & figmenta destruxit hæretica.

Hujus mores, tanquam flores exornant Ecclesiam: actiones, & sermones miram præstant gratiam.

Evæ crimen nobis limen paradisi clauferat: hæc dum credit, & obedit, cœli claustra referat.

Propter Evam, homo sævam accepit sententiam: per Mariam habet viam, quæ ducit ad Patriam.

Hæc amanda, & laudanda cunctis specialiter: venerari, prædicari illam decet jugiter.

Ipsa donet, ut, quod monet natus ejus, faciam: ut finitâ carnis vitâ lætus hunc aspiciam.

O cunctarum fœminarum decus, atque gloria! quam electam, & evectam scimus super omnia.

Clemens audi, tuæ laudi quos instantes conspicias; munda reos, & fac eos donis dignos cœlicis.

Virga Jesse, spes oppressæ mentis,

& refugium: decus mundi, lux profundum, Domini sacrarium.

Vitæ forma, morum norma, plenitudo gratiæ: Dei templum, & exemplum totius iustitiæ.

Virgo salve, per quam valvæ cœli patent miseris: quam non flexit, nec allexit fraus serpentis veteris.

Generosa, & formosa David Regis filia: quam elegit Rex, qui regit, & creavit omnia.

Gemma decens, Rosa recens, castitatis lilium: castum chorum ad Polorum quæ perducis gaudium.

Actiōnis, & sermonis facultatem tribue: ut tuorum meritorum laudes pro-mam strenuè.

Opto nimis, ut imprimis mihi des memoriam: quò decenter, & frequenter cantem tuam gloriam.

Quamvis muta, & polluta mea sciam labia: præsumendum, nec silendum est de tua gloria.

Virgo gaude, omni laude digna, & præ-

præconiô: quæ damnatis, liberatis facta es occasio

Semper munda, & fœcunda Virgo
tu puerpera: Mater alma, velut palma
florens, & fructifera.

Ejus flore, & decore recreari cupimus: cujus fructu, nos à luctu liberari credimus.

Pulchra tota, sinè nota cujuscunque maculæ: fac, nos mundos, & jucundos te laudare sedulè.

O Beata, per quam data nova mundo gaudia: & aperta fide certa regna sunt cœlestia.

Per te mundus lætabundus novo fulget lumine: antiquarum tenebrarum exutus caligine.

Nunc potentes sunt egentes, sicut olim dixeras: & egeni fiunt pleni, ut tu prophetaveras.

Perte morum nunc pravorum relinquuntur devia: doctrinarum perverfarum pulsa sunt præstigia.

Mundi luxus, atque fluxus docuisti

spernere: Deum quæri, carnem teri,
vitiis resistere.

Mentis cursum tendi sursum pietatis
studiô: corpus angi, motus frangi, pro
cœlesti præmio.

Tu portâsti inter casti ventris clau-
stra Dominum Redemptorem, ad ho-
norem nos reformans pristinum.

Mater facta, sed intacta genuisti Fi-
lium: Regem Regum, atq; rerum Crea-
torem omnium.

Benedicta, per quam victa hostis est
versutia: destitutis spe salutis datur in-
dulgentia.

Benedictus Rex invictus, cujus Ma-
ter crederis: increatus, ex te natus, no-
stri salus generis.

Reparatrix, Consolatrix desperantis
animæ: à pressura, quæ ventura malis
est, nos redime.

Pro me pete, ut quiete sempiterna
perfruar: nè tormentis comburentis
stagni miser obruar.

Quod requiro, quod suspiro, mea
sana

sana vulnera: & da menti, te poscenti,
gratiarum munera.

Ut sis castus, & modestus, dulcis,
blandus, sobrius: pius, rectus, circum-
spectus, similitudinis nescius.

Eruditus, & munitus Divinis elo-
quiis: timoratus, & ornatus sacris exer-
citiis.

Constans gravis, & suavis, benignus,
amabilis: simplex, purus, & maturus,
patiens, & humilis.

Corde prudens, ore studens Veri-
tatem dicere: malum nolens, Deum
colens pio semper opere.

Esto tutrix, & adiutrix Christiani
populi: pacem præsta, nè molestas nos
perturbent sæculi.

Salutaris stella maris, summis digna
laudibus: quæ præcellis cunctis stellis,
atque luminaribus.

Tua dulci prece fulci supplices, &
refove: quidquid gravat, vel depravat
mentes nostras, remove.

Virgo gaude, quòd de fraude dæmo-

num nos liberas: dum in vera, & sincere carne Deum generas.

Illibata, & dotata cœlesti progenie: gravidata, nec fraudata flore pudicitiae.

Nam quod eras, perseveras, dum intacta generas: illum tractans, atque lactans per quem facta fueras.

Commendare me dignare Christo tuo Flio: ut non cadam, sed evadam de mundi naufragio.

Fac me mitem, pelle litem, compesce lasciviam: contra crimen, da munimen, & mentis constantiam.

Non me liget, nec fatiget sæculi cupiditas: quæ indurat, & obscurat mentes sibi subditas.

Nunquam ira, nunquam dira me vincat elatio: quæ multorum fit malorum frequenter occasio.

Ora Deum, ut cor meum suâ servet gratiâ: nè antiquus inimicus seminet zizania.

Da levamen, & juvamen tuum illis
jugi-

jugiter: tua festa, sive gesta, qui colunt alacriter.

HYMNUS *de Matre Dolorosa.*

SEptem tuos dolores MARIA, dum considero, tecum pati labores, tecum mori desidero.

Annæ gemit senectus, & Simeon affigitur, doloris ense pectus, quando tibi transfigitur.

Fugis MARIA, prolis onusta charo pondere, & luminare solis de nocte vis abscondere.

Ægyptus est asyli locus, tuis amoribus; juxta fluenta Nili liquefcis in doloribus.

In Patris esse rebus cùm nesciebas Filium, visa est tribus diebus pallere ficut lilium.

Clamans per angiportus, Fili! replebas æthera: dictura plus, obortus dolor premebat cætera.

En fert trabale lignum, flagrisque JESUS icitur; ô Mater! ecce signum, cui porrò contradicitur. Eheu!

Eheu! Crucem ferenti corpus pluit
cruoribus, & cor tibi Parenti submer-
gitur doloribus.

Calvaria est amoris, & est doloris vi-
nea: sunt præla vinitoris clavi, & co-
rona spinea.

Dum fixus est JESUS, crucisque
calcat torculm, amor dolore læsus
premit Mariæ corculum.

MARIA, quando petra sensu do-
loris scinditur, diésque nocte tetra lu-
get, tibi cor finditur

Depôsta membra ligno, sed mem-
bra cassa lumine, foves sinu benigno,
lavas doloris flumine.

Cùm Filio sepulto, lapis sepulchro
advolvitur, tibi MARIA, multo do-
lore vita solvitur.

Sedens ad antra tumbæ, mœstô su-
furrô murmuris, instar gemis colum-
bæ, & plangis instar turturis.

O Mater! ut dolorum per hanc ama-
ritudinem, cœlestium bonorum gustem
suavitudinem.

Tecum

Tecum pati labores, tecum mori
desidero; septem tuos dolores, dum
plango, dum considero.

Planctus Beate MARIÆ Virginis.

STabat Mater dolorosa,
Juxta crucem, lacrymosa,
Dum pendebat Filius.

Cujus animam gementem,
Contristatam, & dolentem,
Pertransiuit gladius.

O quàm tristis, & afflicta,
Fuit illa benedicta,
Mater Unigeniti.

Quæ mœrebat, & dolebat,
Et tremebat, cùm videbat,
Nati pœnas inclyti.

Quis est homo, qui non fleret,
Christi Matrem si videret
In tanto supplicio?

Quis non posset contristari,
Piam Matrem contemplari
Dolentem cum Filio?

Pro peccatis suæ gentis,

Vidit

Vidit JESUM in tormentis,
Et flagellis subditum.
Vidit suum dulcem Natum,
Morientem desolatum,
Dum emisit Spiritum.
Eja Mater, fons amoris,
Me sentire vim doloris,
Fac, ut tecum lugeam.
Fac, ut ardeat cor meum:
In amando Christum Deum,
Ut sibi complaceam.
Sancta Mater istud agas,
Crucifixi fige plagas
Cordi meo valide.
Tui nati vulnerati,
Tam dignati pro me pati,
Pœnas mecum divide.
Fac me verè tecum flere,
Crucifixo condolere,
Donec ego vixero.
Juxta crucem tecum stare
Te libenter sociare
In planctu desidero.
Virgo Virginum præclara,

Mihi

Mihi jam non sis amara,

Fac me tecum plangere.

Fac, ut portem Christi mortem,

Passionis fac consortem,

Et plagas recolare.

Fac me plagis vulnerari,

Cruce hac inebriari,

Ob amorem Filii.

Inflammatum, & accensum,

Per te Virgo, sim defensus

In die Judicii.

Fac me Cruce custodiri,

Morte Christi præmuniri,

Confoveri gratiâ.

Quando corpus morietur,

Fac, ut animæ donetur

Paradisi gloria. Amen.

ÿ. Tuam ipsius animam doloris gladius
pertransibit.

R. Ut revelentur ex multis cordibus co-
gitationes.

Oremus.

INterveniat pro nobis, quæsumus Do-
mine JESU Christe, nunc, & in ho-

ra mortis nostræ, apud tuam clemenciam B. Virgo MARIA, Mater tua, cuius sacratissimam animam in hora Passionis tuæ, doloris gladius pertransiuit. Per te JESU Christe Salvator mundi, qui cum Patre, & Spiritu sancto vivis, & regnas in sæcula sæculorum. Amen.



CULTUS
S. JOSEPHI,
PS. DEI-GENITRICIS
SPONSI.

Officium Parvum
DE S. JOSEPHO.
AD MATUTINUM.

JESUS, MARIA, JOSEPH.

℣. Domine labia mea aperies.

℞. Et os meum annuntiabit laudem
tuam.

℣. DEUS

✠ DEUS in adjutorium meum intende.

℞. Domine ad adjuvandum me festina.

Gloria Patri, & Filio, &c. Alleluja.

Vel: Laus tibi Domine, Rex æternæ gloriæ.

HYMNUS.



JOSEPH David filius,

clara stirpe natus,

JESU Christi Domini

Pater nuncupatus,

Matris Dei Sponsus cœ-

litus vocatus,

Utriusque Custos cœlo destinatus.

Antiph. Salve Patriarcharum decus,
& Ecclesiæ sanctæ Dei œconomus, cui
panem vitæ, & frumentum Electorum
conservâsti.

✠ Ora pro nobis beatissime Joseph.

℞. Ut digni efficiamur promissionibus
Christi.

Oremus.

SANCTISSIMÆ Genitricis tuæ Sponsi,
quæsumus Domine, meritis adjuve-

Q

mur;

mur; ut, quod possibilitas nostra non obtinet, ejus nobis intercessione doneatur. Qui vivis, & regnas cum Deo Patre in unitate Spiritûs sancti DEUS, per omnia sæcula sæculorum, Amen.

AD PRIMAM.

JESUS, MARIA, JOSEPH.
Ÿ. DEUS in adjutorium &c.

Gloria Patri, & Filio, &c.

HYMNUS.

TU, qui Sponsam gravidam dolens
 cum videres,

Cogitabas anxius, an eam retineres;
 Sed cœlestis monitor, nè ampliùs timeres,

In somnis admonuit, ut potiùs gauderes.

Antiph. Salve Patriarcharum, &c.

Ÿ. Ora pro nobis beatissime, &c.

Orat. Sanctissimæ Genitricis tuæ &c.

AD TERTIAM.

JESUS, MARIA, JOSEPH.
Ÿ. DEUS in adjutorium &c.

Gloria Patri, &c.

HYM-

S. JOSEPHI.
H Y M N U S.

241

Bethlehem es profectus, censū soluturus,

Cum prægante Virgine, ubi nasciturus,

Erat mundi Dominus, quique mox facturus,

Ut ipsum infantulum esses amplexurus.

Antiph. Salve Patriarcharum, &c.

ψ. Ora pro nobis beatissime &c.

AD SEXTAM.

IESUS, MARIA, JOSEPH.

ψ. DEUS in adjutorium &c.

Gloria Patri, &c.

H Y M N U S.

Cum Herodes impius in pueros faviret,

Gabrielis monitu, nè ampliùs dormiret,

Retulisti Sponsæ, sed tecum veniret,

Et accepto parvulô, in Ægyptum iret.

Antiph. Salve Patriarcharum &c.

ψ. Ora pro nobis beatissime &c.

Orat. Sanctissimæ Genitricis &c.

Q₂

AD

CULTUS

AD NONAM.

JESUS, MARIA, JOSEPH.

v. DEUS in adjutorium &c.

Gloria Patri, & Filio, &c.

HYMNUS.

Hostibus defunctis indè recessisti.
 Et in Galilæam tecum deduxisti
 Puerum, & Sponsam, sicut didicisti
 Cœlitus; in Nazareth humilis vixisti.

Antiph. Salve Patriarcharum &c.

v. Ora pro nobis &c.

AD VESPERAS.

JESUS, MARIA, JOSEPH.

v. DEUS in adjutorium &c.

Gloria Patri, &c.

HYMNUS.

O Qui JESUM factum duodecim
 annorum,
 Perdidisti, tuum lumen oculorum;
 Sed inventum postea in medio Do-
 ctorum,
 Custodisti sedulus Regem Angelorum.

Antiph.

Antiph. Salve Patriarcharum &c.

ψ. Ora pro nobis &c.

Orat. Sanctissimæ Genitricis &c.

AD COMPLETORIUM.

JESUS, MARIA, JOSEPH.

ψ. Converte nos DEUS salutaris noster.

℞. Et averte iram tuam à nobis.

ψ. DEUS in adjutorium &c.

Gloria Patri, &c.

HYMNUS.

FELIX, quem in ulnis JESUS cum
MARIA

Tenuit cubantem; dum in agonia

Spiritum efflares, ut directâ viâ

Tenderes ad Patres, functus vitâ piâ.

Antiph. Salve Patriarcharum &c.

ψ. Ora pro nobis &c.

Orat. Sanctissimæ Genitricis tuæ &c.

COMMENDATIO.

HAs horas Canonicas cum atten-
tione,

Dixi: S. Joseph, tui ratione

Q 3

Ut

Ut sis memor mei in oratione,
Et vivamus simul in cœli regione. Amē,

HYMNODIA

De sancto JOSEPHO.

Salve Pater Salvatoris,
Salve Custos Redemptoris,
Joseph ter amabilis.

Salve Sponse Matris DEI,
Salve hospes JESU mei,
Joseph ter mirabilis.

Dulces cunæ, dulces panni,
Dulces dies, dulces anni,
Dum nutrîsti Dominum,

O quàm fuit admiranda
Tua vita veneranda,
Habens DEI Filium.

JESUM oculis vidisti,
Et in brachiis tulisti,
O suavis felicitas!

Genis genas admovisti,
Oscula dans accepisti,
O felix suavitas!

Modò Deum appellâsti,

Modò

S. JOSEPHI.

245

Modò Regem nominâsti,

Inter mille gaudia:

Modò Patrem adorandum,

Modò natum adamandum,

Inter mille basia.

JESUM brachiis tenere,

Atque totum possidere,

O quantæ divitiæ!

Cum MARIA conversari,

DEI Natum amplexari,

O quantæ deliciæ!

Quis est homo, qui amare,

Atque Jesulum portare,

Nollet suis brachiis?

Nullus est, qui non ambiret,

Et qui cunas non adiret,

Pro tantis deliciis.

O mi Joseph plus amande,

Et præ cunctis honorande,

O flos pudicitæ!

Tibi tanta fors est data,

Quanta nulli est collata,

Ab Auctore gratiæ.

O felicem, & beatam,

Q4

Custo-

CULTUS

Custodiri cui est datum

Tuo sub præsidio;

Et qui meruit habere

Te Patronum, & gaudere

Tuô Patrociniô!

Per MARIÆ tuæ Matris

Preces, & Iosephi Patris,

JESU tu nos adjuva:

Ut possimus te videre,

Et æternùm possidere

In cœlestia patria. Amen.

ψ. Valde honorandus, & amandus est

B. Ioseph.

℞. Inter cuius brachia Dominus recubuit.

Oremus.

OMnipotens sempiterne DEUS, qui
B. Iosephum, justum, filium Da-
vid, Beatissimæ Virgini MARIÆ Spon-
sum providisti, & Filio tuo JESU Chri-
sto Nutritum elegisti; da quæsumus,
ut ejus precibus, & meritis, tranquilla
pace lætemur, & ad perpetuæ visionis
tuæ

S. JOSEPHI.

247

tuæ consolationem perducamur. Per
eundem Dominum nostrum JESUM
Christum Filium tuum, qui tecum vi-
vit, & regnat in unitate Spiritûs sancti
DEUS, per omnia sæcula sæculorum.
Amen.

LITANIÆ

De sancto JOSEPHO.

KYrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Miserere nobis.

Fili Redemptor mundi DEUS, misere-
re nobis.

Spiritus sancte DEUS, miserere nobis.

Sancta Trinitas unus DEUS, miserere
nobis.

Sancta MARIA, Regina totius mundi,
Ora pro nobis.

Sancte Joseph, B. Virginis Sponse, ora
pro nobis.

S. Joseph in ventre Matris justificate,
Ora pro nobis, Q5 S. Jo

S. Joseph à peccato mortali immunis
facte, ora pro nobis.

S. Joseph Patriarcharum culmen, 1

S. Joseph inter omnes in Virginis
connubium electe,

S. Joseph ineffabili benedictione
donate,

S. Joseph, cui Regina cœli mini-
stravit,

S. Joseph, Christi Pater vocate,

S. Joseph, Christi Nutritie fidelis-
sime,

S. Joseph Christi tutor amantissime,

S. Joseph Christi pueri post Virgi-
nem adorator prime,

S. Joseph, qui Christum ab Herode
liberasti,

S. Joseph, qui Virginem traducere
noluisti,

S. Joseph Christo, & Matri simillime,

S. Joseph Spiritûs sancti donis abun-
dantissime,

S. Joseph Vir Angelice,

S. Joseph, qui monitione Custodis

Angeli

Ora pro nobis.

Angeli in Christo curam exercuisti,

S. Joseph, qui, ut Angelus, Divina oracula retulisti,

S. Joseph, qui, ut Principatus, Christum magni Consilii Angelum gubernasti,

S. Joseph, qui, ut Virtus, minister Christi fuisti,

S. Joseph Dominationibus major, cui Rex, & Regina cœlorum inserviunt,

S. Joseph, in cujus brachiis, & gremio, tanquam in throno Christus insedit,

S. Joseph, qui, ut Cherubin, Virginis paradisi custodiam habuisti,

S. Joseph Vir Seraphice,

S. Joseph Contemplator altissime,

S. Joseph inter brachia Christi defuncte,

S. Joseph Angelici concentus auditor,

S. Joseph ad limbum Patrum Christi præcursor,

Ora pro nobis.

S. Jo-

S. Joseph, qui cum Christo inter) } Ora pro nobis.
 alios resurrexisti,

S. Joseph, qui corpore & animâ peculiaribus gloriæ donis frueris,

S. Joseph Patrone, & Defensor noster dulcissime,

Per Passionem dulcissimi Filii tui,
 Exaudi populum tuum Domine.

Per Virginitatem dilectæ Matris Filii tui, saluum fac populum tuum Domine.

Per fidelitatem Sponsi Josephi,
 Protege populum tuum Domine.

Kyrie eleison. Christe eleison,

Kyrie eleison.

Pater noster, &c.

ψ. Et nē nos inducas in tentationem.

℞. Sed libera nos à malo.

Antiph. Hic Vir despiciens mundum,
 & terrena triumphans, divitias cœlo condidit ore, manu.

ψ. Domine exaudi orationem meam.

℞. Et clamor meus ad te veniat,

Oremus.

Oremus.

OMnipotens, & mitissime DEUS, qui beatum Joseph, justum, filium David, Beatæ Mariæ Virgini, tuæ Matri, Sponsum providisti, & tuum Nutritium elegisti, da quæsumus: ut ejus precibus, & meritis, Ecclesia tua tranquilla pace lætetur, & ad perpetuæ visionis tuæ consolationem perducat. Qui vivis, &c.

℣. Ora pro nobis beatissime Joseph.

℞. Ut digni efficiamur promissionibus Christi.

ORATIO.

Virginum Custos, & Pater sancte Joseph, cujus fidei custodiæ, ipsa Innocentia Christus JESUS, & Virgo virginum MARIA, in terris commissa fuit, te per utrumque charissimum pignus tuum, JESUM, & MARIAM, obsecro, & obtestor: ut me ab omni immunditia præservatum, mente intaminata, puro corde, & casto corpore,
JESU,

JESU, & MARIÆ semper facias castissimè famulari. Per eundem &c.

Alia pro Animi, & Corporis puritate conservanda.

O Sanctissime Iosephe! Nutritie JESU Christi, ego humillimus aliens tuus, animi, & corporis mei castitatem singulariter tibi commendo, & rogo te per paternam JESU custodiam, & puritatem tuam, ut me eidem JESU Christo Filio tuo, & Agno immaculato, ejusque vigilantissimæ Virginum Virgini, Mariæ commendare digneris, & ab omni graviore peccato custodire. Nè permittas me ulla unquam impuritatis labe fœdari: sed cùm primum in tentatione, & peccandi periculo constitutum me videbis, abige procul à corde meo cogitationes, & affectus omnes immundos, & injectâ memoriâ æternitatis, & Christi crucifixi, imprime mihi medullitus, ô mi Iosephe! sensum timoris Domini, & Divini amoris in me ignem accende. Amen.

CUL-

CULTUS
 SANCTÆ ANNÆ,
 MATRIS B.V. Mariæ.

Officium Parvum
 De S. ANNA.
 AD MATUTINUM.

JESUS, MARIA, ANNA.

ψ. Domine labia mea aperies.

℞. Et os meum annuntiabit laudem
 tuam.

ψ. DEUS in adjutorium meum intende.

℞. Domine ad adjuvandum me festina.
 Gloria Patri, &c.

HYMNUS.



Gloriosa Domina,
 De cujus Virgo genere,
 Cœli regentē culmina,
 Lactavit sacro ubere,
 Quod Eva tristis abstulit,
 Red-

Redditur partu Filiaë,
 Quæ dum salutem protulit,
 Cœli fenestra facta est.

Tu Regis alti gratiam
 Deposce, atque veniam,
 Memoriam colentibus,
 Tuæ perennis gloriæ.

Gloria tibi Domine,
 Ex ANNÆ nate germine,
 Cum Patre, & sancto Spiritu,
 In sempiterna sæcula. Amen.

Antiph. Cœleste beneficium introi-
 vit in Annam, ex qua nobis nata est B.
 V. MARIA.

ψ. Ora pro nobis sancta Anna.

℞. Ut digni efficiamur promissionibus
 Christi.

Oremus.

DEUS, qui B. Annæ tantam gratiam
 conferre dignatus es, ut Genitri-
 cis unigeniti Filii tui Mater effici me-
 reretur, concede propitius: ut, cujus
 memoriam veneramus in terris, ejus
 apud

S. ANNÆ.

255

apud te patrociniis adjuvemur in cœ-
lis. Per eundem Dominum nostrū, &c.

AD PRIMAM.

JESUS, MARIA, ANNA.

ψ. DEUS in adjutorium &c.

HYMNUS.

CLara diei gaudia,
Modulatur Ecclesia,
In Anna Christi famula,
Pandens cœli miracula.

Gloria tibi Domine, &c.

Antiph. Cœleste beneficium &c.

Ora pro nobis &c.

Orat. DEUS, qui B. Annæ &c.

AD TERTIAM.

JESUS, MARIA, ANNA.

ψ. DEUS in adjutorium &c.

HYMNUS.

ALma Regum progenies,
Et sacerdotum soboles,
Stirpem illustrem Patribus,
Suis ornavit actibus.

Gloria tibi Domine, &c.

R

Antiph.

Antiph. Cœleste beneficium &c.

ψ. Ora pro nobis &c.

Orat. DEUS, qui B. Annæ &c.

AD SEXTAM.

JESUS, MARIA, ANNA.

ψ. DEUS in adjutorium &c.

HYMNUS.

Nupta Dei judiciô,
Fideli matrimonio,
Juxta verbum Angelicum,
Fructum concepit cœlicum.

Gloria tibi Domine, &c.

Antiph. Cœleste beneficium &c.

ψ. Ora pro nobis &c.

Orat. DEUS, qui B. Annæ &c.

AD NONAM.

JESUS, MARIA, ANNA.

ψ. DEUS in adjutorium &c.

HYMNUS.

Infœcunda pro tempore,
Propè marcescens corpore,
Decretô Patris luminum,
Parit Reginam Virginum.

Glo-

Gloria tibi Domine, &c.

Antiph. Cœleste beneficium &c.

ψ. Ora pro nobis &c.

Orat. DEUS, qui B. Annæ &c.

AD VESPERAS.

JESUS, MARIA, ANNA.

ψ. DEUS in adiutorium &c.

HYMNUS.

A NNA pia Mater, ave,
Cujus nomen est suave,
Anna sonat gratiam.

Ave Jesse radix florens,
Quæ cœlestes das odores,
Perennem fragrantiam.

Ave parens stellæ maris,
Quam tu nuptam contemplaris,
Regis Regum Filio.

Tu, quæ sola meruisti
Parens esse Matris Christi,
Preces nostras suscipe.

Tu nos Matri, atque Patri,
Regi, ac Reginae poli,
Commendare non desine.

Antiph. Cœleste beneficium &c.

ψ. Ora pro nobis &c.

Orat. DEUS, qui B. Annæ &c.

AD COMPLETORIUM.

JESUS, MARIA, ANNA.

ψ. Converte nos DEUS salutaris noster.

℞. Et averte iram tuam à nobis.

ψ. DEUS in adjutorium &c.

HYMNUS.

O Btentu suæ Filia,

Mariæ plenæ gratiæ,

Nobis Authorem omnium

Reddat Anna propitium.

Gloria tibi Domine,

Ex Annæ nate germine,

Cum Patre, & sancto Spiritu,

In sempiterna sæcula. Amen.

Antiph. Cœleste beneficium &c.

ψ. Ora pro nobis &c.

Orat. DEUS, qui B. Annæ &c.

COMMENDATIO.

H As horas Canonicas cum devo-
tione

Dixi

Dixi sancta Anna tui ratione,
 Ut sis mihi præsens mortis in agone,
 Et vivamus jugiter in cœli regione.

Amen.

LITANIÆ

DE

S. ANNA, Matre B. V. MARIÆ.

KYrie eleison. Christe eleison.

Kyrie eleison.

Christe audi nos.

Christe, exaudi nos.

Pater de cœlis DEUS, Miserere nobis.

Fili Redemptor mundi DEUS, misere-
 re nobis.

Spiritus sancte DEUS, miserere nobis.

Sancta Trinitas unus DEUS, miserere
 nobis.

Sancta ANNA, Ora pro nobis.

S. Anna Mater Mariæ Virginis,

S. Anna sponsa Joachim,

S. Anna socrus Joseph,

S. Anna arca Noë,

S. Anna arca fœderis,

S. Anna mons Oreb,

Ora pro nobis.

S. Anna

S. Anna radix Jesse,
 S. Anna arbor bona,
 S. Anna vitis fructifera,
 S. Anna regali ex progenie orta,
 S. Anna lætitia Angelorum,
 S. Anna proles Patriarcharum,
 S. Anna oraculum Prophetarum,
 S. Anna gloria Sacerdotum, & Le-
 vitarum,
 S. Anna nubes rorida,
 S. Anna nubes candida,
 S. Anna vas plenum gratiæ,
 S. Anna speculum obedientiæ,
 S. Anna speculum patientiæ,
 S. Anna speculum misericordiæ,
 S. Anna speculum devotionis,
 S. Anna propugnaculum Ecclesiæ,
 S. Anna refugium peccatorum,
 S. Anna auxilium Christianorum,
 S. Anna liberatio captivorum,
 S. Anna solatium Conjugatorum,
 S. Anna mater viduarum,
 S. Anna matrona Virginum,
 S. Anna portus salutis naufragan-
 tium,

Ora pro nobis.

S. Anna

S. Anna via peregrinorum,
S. Anna medicina infirmorum,
S. Anna sanitas languentium,
S. Anna lumen cæcorum,
S. Anna lingua mutorum,
S. Anna auris surdorum,
S. Anna consolatrix afflictorum,
S. Anna auxiliatrix omnium ad te
clamantium,

Agnus Dei, qui tollis peccata mundi,
&c.

ψ. Dilexit Dominus sanctam Annam.

R. Et amator factus est formæ illius.

ORATIO.

OMnipotens sempiterne DEUS,
qui B. Annam in Genitricis unigeniti Filii tui Matrem eligere dignatus
es, concede propitius: ut, qui ejus
commemorationem fidei devotione
recolimus, ipsius meritis, æternæ vitæ
suffragia consequamur. Per Do-
minum nostrum &c.

S. ANGELI CUSTODIS.

Officium Parvum

DE

S. ANGELO CUSTDE.

AD MATUTINUM.

SAncte Angele Dei, qui custos es mei,
ora pro me.

ŷ. Domine labia mea aperies.

R. Et os meum annuntiabit laudem
tuam.

ŷ. DEUS in adiutorium meum intende.

R. Domine ad adjuvandum me festina.

Gloria Patri, &c. Alleluja. *Vel:* Laus
tibi Domine, Rex æternæ gloriæ.

HYMNUS.



Ovo lucis exordio,
O Custos mi dulcissime,
Cæcam mentis caliginē,
Tuo splendore discute;
Et me Divina monita
Benignus semper edoce.

Antiph.

S. ANGELI CUSTODIS. 263

Antiph. Ecce ego mitto Angelum
meum, qui præcedat te, & custodiat in
via, & introducat in locum, quem pa-
ravi; observa eum, & audi vocem ejus.
✠. In conspectu Angelorum psallam ti-
bi DEUS meus.

R. Adorabo ad templum sanctum tuum,
& confitebor nomini tuo Domine.

Oremus.

DEUS, qui ineffabili providentia
sanctos Angelos tuos ad nostram
custodiam mittere dignaris : largire
supplicibus tuis, & eorum semper pro-
tectione defendi, & æterna societate
gaudere. Per Dominum nostrum JE-
SUM Christum Filium tuum, &c.

AD PRIMAM.

Offert : Sancte Angele Dei, &c.

✠. DEUS in adjutorium, &c.

Gloria Patri, & Filio, &c. Alleluja.

HYMNUS.

M eas preces, & lacrymas,
Fidus è cælo nuntius,

R 5

Quam-

Quamvis indignas excipe,
 Et summo Patri tradito:
 Culpisque meis debitas
 Supplex pœnas avertito.

Antiph. Data sunt ei incensa multa,
 ut adoleret ea ante altare aureum: &
 ascendit fumus aromatum de manu
 Angeli in conspectu Domini.

ψ. In conspectu Angelorum &c.

Orat. DEUS, qui ineffabili &c.

AD TERTIAM.

Solatur. Sancte Angele Dei, &c.

ψ. DEUS in adjutorium &c.

Gloria Patri, &c.

HYMNUS.

Afflictum clementissimè,
 Favore tuo recrea:

Ad virtutis officia,
 Semi-sopitum excita:

Cum sancto mens in opere
 Nutarit, promptus adjuva.

Antiph. Reversus est Angelus, qui
 loque-

S. ANGELI CUSTODIS. 265

loquebatur in me, & suscitavit me, quasi virum, qui suscitatur de somno suo.

ψ. In conspectu Angelorum &c.

Orat. DEUS qui ineffabili &c.

AD SEXTAM.

Invitat. Sancte Angele Dei, &c.

ψ. DEUS in adiutorium &c.

Gloria Patri, & Filio, &c.

HYMNUS.

Dissolve mentis glaciem,
Frangere cordis duritiem,

Peccati oppressum onere

Præsenti manu subleva,

A cœli errantem semita.

Antiph. Angelis suis mandavit de te,
ut custodiant te in omnibus viis tuis: in
manibus portabunt te; ne forte offendas
ad lapidem pedem tuum.

ψ. In conspectu Angelorum &c.

Orat. DEUS, qui ineffabili &c.

AD NONAM.

Arcet. Sancte Angele Dei, &c.

ψ. DEUS in adiutorium &c.

Gloria Patri, &c.

HYM-

CULTUS
HYMNUS.

INvictâ tuâ dexterâ
Confunde vires dæmonis;
Carnis retunde fomitem,
Mundi frange superbiam,
Ut tuo sub præsidio
Victor ab hoste redeam.

Antiph. Benedictus DEUS meus, qui
misit Angelum suum, & conclusit ora
leonum, & non nocuerunt mihi.

ψ. In conspectu &c.

Orat. DEUS, qui ineffabili &c.

AD VESPERAS.

Castigat. Sancte Angele Dei, &c.

ψ. DEUS in adiutorium &c.

Gloria Patri, &c. Alleluja.

HYMNUS.

FLagellô pigrum excita,
Et reluctantem increpa,
Vitæ labentis terminum
In mentem sæpe revoca:
In vitæ brevi spatio,
Selertiolem facito.

Antiph.

S. ANGELI CUSTODIS. 267

Antiph. Et nunc Domine, Dominator cœlorum, mitte Angelum sanctum tuum ante nos, in timore, & tremore magnitudinis brachii tui.

ψ. In conspectu &c.

Orat. DEUS, qui ineffabili &c.

AD COMPLETORIUM.

Tuetur. Sancte Angele Dei, qui custos es mei, ora pro me.

ψ. Converte nos DEUS salutaris noster.

R. Et averte iram tuam à nobis.

ψ. DEUS in adjutorium &c.

Gloria Patri, &c. Alleluja.

H Y M N U S.

IN pugna mortis ultima,

Adsis mihi fortissime:

Peracta demum fragili

Vita, Ductor amabilis,

Me protinus æthereis

Infer benignè sedibus.

Antiph. Vivit Dominus: quoniam custodivit me Angelus ejus, & hinc euntem & ibi commorantem, & inde
huc

huc revertentem, & non permisit me
Dominus ancillam suam coinquinari.

✠ In conspectu Angelorum &c.

Orat. DEUS, qui ineffabili &c.

COMMENDATIO.

HAs horas Angelicas cum devo-
tione,

Tibi Christe, offerimus, pia ratione,

Ut custodis Angeli intercessione,

Sis nobis solatium mortis in agone.

Amen.

SAncti Angeli Custodes nostri, defen-
dite nos in prælio; ut non pereamus
in tremendo iudicio. Amen.

COMMENDATIO, ^{AC} PROTE-
STATIO ^{AD} S. ANGELUM CUSTO-
DEM, manè quotidie facienda.

BEatissime mi Angele Custos, ego
quamvis tuâ sacrâ custodiâ indi-
gnissimus, impulsus tamen eximia cha-
ritate tua, & zelo illo, quem habes er-
ga salutem animæ meæ, eligo te hodie
in præsentia totius curiæ cœlestis, pro
singulis

S. ANGELI CUSTODIS. 269
singulari Protectore, & Advocato meo,
firmiterque propono, tibi ad mortem
usque fideliter semper obedire. Obse-
cro te igitur per gloriam illam, quā in
cælo jam frueris, ut acceptes hoc pro-
positum meum, & gratum habeas sin-
cerum hunc affectum erga te meum;
adsis mihi in omnibus cogitationibus,
verbis, & operibus meis: ut purissimos
oculos tuos nunquam offendam, neq;
Divinam Majestatem ad justam contra
me iram accendam. Adsis mihi sem-
per, nec deferas me in hora mortis meæ
Amen.

LITANIÆ BREVES

^{DE}
S. ANGELO CUSTODE.

KYrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Miserere nobis.

Fili Redemptor mundi DEUS, misere-

re nobis,

Spiri-

Spiritus sancte DEUS, miserere nobis.
Sancta Trinitas unus DEUS, miserere
nobis.

Sancta MARIA, Regina Angelorum,
Ora pro nobis.

S. Angele Custos meus,
S. Angele Princeps meus,
S. Angele Admonitor meus,
S. Angele Consultor meus,
S. Angele Tutor meus,
S. Angele Procurator meus,
S. Angele Amator meus,
S. Angele Consolator meus,
S. Angele Frater meus,
S. Angele Præceptor meus,
S. Angele Pastor meus,
S. Angele Testis meus,
S. Angele Auditor meus,
S. Angele Vigil meus,
S. Angele Negotiator meus,
S. Angele Intercessor meus,
S. Angele Susceptor meus,
S. Angele Gubernator meus,
S. Angele Præses meus,

Ora pro nobis.

S. An-

S. ANGELI CUSTODIS. 271

S. Angele Doctor meus, ora pro nobis.

S. Angele Conservator meus, ora pro nobis.

S. Angele Prædicator meus, ora pro nobis.

S. Angele Illuminator meus, ora pro nobis.

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis.

Christe audi nos.

Christe exaudi nos.

Pater noster, &c.

✠. Angelis suis DEUS mandavit de te.

℞. Ut custodiant te in omnibus viis tuis.

℣. Domine exaudi orationem meam.

℞. Et clamor meus ad te veniat.

Oremus.

OMnipotens sempiterne DEUS,
qui ineffabilis bonitatis tuæ con-
filiô, cunctis Fidelibus ab utero Matris

S

custo-

custodem corporis, & animæ, specialem Angelum deputâsti, concede: ut, quem mihi misericorditer tribuisti, sic observem, & diligam; ut gratiæ tuæ munere, illiusque custodiæ munimine protectus, in cœlesti Patria, vultum gloriæ tuæ cum illo, & cæteris Angelis merear contemplari. Per Dominum nostrum JESUM Christum, &c.

ANgele Dei, qui custos es mei, me tibi commissum, pietate superna, hodie, & quotidie illumina, custodi, rege, & gubernâ; & doce me exemplo tuo, omne id, quod DEUS vult, integre semper, ac promptissimè implere, atque cum æquali gaudio plenè resignatum vivere in omnem voluntatem Dei nostri. Amen.

HYMNUS.

Ad S. MICHAELM ARCH-
ANGELUM.

TE splendor, & virtus Patris,
Te vita JESU cordium,

Ab

S. ANGELI CUSTODIS.

273

Ab ore, qui pendet tuo,
Laudamus inter Angelos.
Tibi mille densa millium
Ducum corona militat;
Sed explicat victor crucem
Michaël salutis signifer.
Draconis hic dirum caput
In ima pellit tartara,
Ducemque cum rebellibus
Cœlesti ab arce fulminat.
Contra ducem superbæ
Sequamur hunc nos principem;
Ut detur ex Agni throno
Nobis corona gloriæ.
Patri, simulque Filio,
Tibi que sancte Spiritus,
Sicut fuit, sit jugiter
Sæculum per omne gloria. Amē.
v. Ora pro nobis sancte Michaël.
R. Ut digni efficiamur promissionibus
Christi.

Oremus.

OMnipotens sempiterne DEUS,
S2 qui

qui salutis humanæ naturæ, ex summa clementia tua, gloriosum Michæëlem Archangelum, mirabiliter deputâsti; concede propitius: ut ejus salutari subsidio hîc mereamur ab omnibus hostibus defendi efficacissimè, & in obitu nostro ab omni tentatione liberati, tuæ excelsæ Majestati beatificè per eum præsentari. Per Christum Dominum nostrum, Amen.

HYMNUS.

Ad SS. ANGELOS.

AVete mentes lucidæ,
Nostræ salutis vindices,
Cœlestis oræ nuntii,
Regis superni milites.

Intrâ tonantis regiam,
Choros agentes psallitis,
Lyris, melodis, organis,
Tribunal ante Judicis.

Vos in dracones tartari,
Bellum ciētis perpetim,
Et nos ab orci faucibus
Manu potenti tollitis.

Adeste

Adeste cœtus candidi,
 Adeste tot periculis;
 Et nos volatu præpeti,
 Inferte cœli sedibus.

Summo Parenti cœlitum,
 Magnæque Proli Virginis,
 Sancto simul Paraclito,
 Sit summa laus, & gloria. Amen.

ψ. In conspectu Angelorum psallam ti-
 bi DEUS meus.

R. Adorabo ad templum sanctum tuū,
 & confitebor nomini tuo Domine.

ψ. Angeli eorum semper vident. Al-
 leluja.

R. Faciem Patris mei, qui in cœlis est.
 Alleluja.

Oremus.

OMnipotens sempiterne DEUS,
 qui me licet indignum, ad imagi-
 nem tuam creâsti, & Angelum tuum
 sanctum ad mei custodiam deputâsti;
 da mihi servo tuo, illius ductu, & cu-
 stodiâ, malorum omnium tam animæ,

S3

quàm

quàm corporis pericula feliciter pertransire, & post hujus vitæ curriculum, ad gaudia sempiterna facias pervenire.
Per Dominum nostrum,

HYMNUS.

Ad SS. APOSTOLOS
PETRUM, & PAULUM.

BEate Pastor Petre, clemens accipe
Voces precantùm, criminùmque
vincula

Verbò resolve, cui potestas tradita
Aperire terris cœlum, apertum
claudere.

Egregie Doctor Paule, mores instrue,
Et nostra tecum pectora in cœlum
trahe;

Velata, dum meridiem cernat Fides,
Et solis instar sola regnet Charitas.

Sit Trinitati sempiterna gloria,
Honor, potestas, atque jubilatio,
In unitate, quæ gubernat omnia,
Per universa æternitatis sæcula.

Amen.

Antiph.

Antiph. Petrus Apostolus, & Paulus
 Doctor gentium, ipsi nos docuerunt
 legem tuam Domine.

ψ. Gregem tuum Pastor æterne non
 deferat.

℞. Sed per beatos Apostolos tuos per-
 petua defensione custodias.

Oremus.

DEUS, cujus dextra beatum Pe-
 trum ambulanti in fluctibus, nè
 mergeretur, erexit, & Coapostolum
 ejus Paulum, tertio naufraganti, de
 profundo pelagi liberavit, exaudi nos
 propitius, & concede: ut amborum
 meritis, æternitatis gloriam consequa-
 mur.

DEUS, qui multitudinem gentium
 B. Pauli Apostoli prædicatione
 docuisti, da nobis, quæsumus: ut, cujus
 comemorationem colimus, ejus apud
 te patrocinia sentiamus. Per Dominum
 nostrum &c.

HYMNUS.

De S. JOANNE BAPTISTA.

ANtra deserti teneris sub annis,
Civium turmas fugiens, petisti;
Nè levi posses maculare vitam

Crimine linguæ.

Præbuit durum tegumen camelus
Artubus sacris, strophium bidentes,
Cui latex haustum, sociata pastum

Mella locustis.

Cæteri tantum cecinere Vatum
Corde præfago, jubar affuturum;
Tu quidem mundi scelus auferentem

Indice prodis.

Non fuit vasti spacium per orbis
Sanctior quisquam genitus Joanne,
Qui nefas sæcli meruit lavantem

Tingere lymphis.

Sit decus Patri, genitæque proli,
Et tibi compar utriusque virtus
Spiritus semper DEUS unus, omni

Temporis ævo. Amen.

Antiph. Priusquam te formarem in

ute-

utero, novite: & antequam progredieris, sanctificavite.

ψ. Iste puer magnus coram Domino.

℞. Nam & manus ejus cum ipso est.

ORATIO.

DEUS, qui, præsentem diem honorabilem nobis in B. Joannis natiuitate fecisti, da populis tuis spirituum gratiam gaudiorum, & omnium fidelium mentes dirige in viam salutis æternæ. Per Dominum &c.

HYMNUS

Ad S. JOANN EVANGEL.

Discipule JESU dilecte,
 A pectore Christi protecte,
 Sub Cruce in Fratrem electe,
 MARIÆ in natum evecte;
 Qui omnes Tyranni furores,
 Et horridos Pathmi rigores,
 Pro Domino exul vicisti,
 Qui cœli arcana vidisti,
 Et Agnum in throno plaudentem,
 Signacula septem volventem,

Ut panderet orbi futurum
 Et bonis, & malis incursum.
 Da quæso, nos ita te sequi,
 Ut quando in Judicis æqui
 Personam mutabit se agnus,
 Sit omnibus nobis benignus. Amē.

Antiph. Ille est Joannes, qui supra
 pectus Domini in cœna recubuit; bea-
 tus Apostolus, cui revelata sunt secre-
 ta cœlestia.

ψ. Hic est Discipulus ille, qui testimo-
 nium perhibet de his.

R. Et scimus, quia verum est testimo-
 nium ejus.

O R A T I O.

ECclesiam tuam, Domine, benignus
 illustra: ut B. Joannis Apostoli tui,
 & Euangelistæ, illuminata doctrinis, ad
 dona perveniat sempiterna. Per Do-
 minum &c.

H Y M N U S.

De S. STEPHANO PROTO-MAR.

INvicte Martyr, unicum
 Patris secutus Filium,

Vi-

Victis triumphas hostibus,
Victor fruens cœlestibus.

Tui precatûs munere
Nostrum reatum dilue,
Arcens mali contagium,
Vitæ repellens tædium.

Soluta sunt jam vincula
Tui sacрати corporis;
Nos solve vinclis sæculi,
Donô superni Numinis.

JESU tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Antiph. Stephanus autem plenus
gratiâ, & fortitudine, faciebat signa
magna in populo.

¶ Sepeliverunt Stephanū viri timorati.
¶ Et fecerunt planctum magnum su-
per eum.

O R A T I O.

DA nobis, quæsumus Domine, imi-
tari, quod colimus: ut discamus,
&

& inimicos diligere: quia ejus natalitia celebramus, qui novit etiam pro persecutoribus exorare Dominum nostrum JESUM Christum Filium tuum. Quitecum vivit, &c.

HYMNUS.

De SS. INNOCENTIBUS.

Salvete flores Martyrum,
Quos lucis ipso in limine
Christi insecutor sustulit,
Ceu turbo nascentes rosas.

Vos prima Christi victima,
Grex immolatorum tener,
Aram sub ipsam simplices
Palmâ, & coronis luditis.

JESU tibi sit gloria,
Qui natus es de Virgine,
Cum Patre, & almo Spiritu,
In sempiterna sæcula. Amen.

Antiph. Hi sunt. qui cum mulieribus non sunt coinquinati: Virgines enim sunt, & sequuntur Agnum, quocunque ierit.

ψ. Hero-

ꝑ. Herodes iratus occidit multos pue-
ros.

Ꝛ. In Bethlehem Judæ, civitate David.

ORATIO.

DEUS, cujus hodierna die præconi-
um Innocentes Martyres, non lo-
quendo, sed moriendo confessi sunt;
omnia in nobis vitiorum mala mortifi-
ca: ut, fidem tuam, quam lingua nostra
loquitur, etiam moribus vita fateatur.
Per Dominum &c.

HYMNUS.

Ad SS. TRES REGES.

CRudelis Herodes, DEUM
Regem venire, quid times?

Non eripit mortalia,

Qui regna dat cœlestia.

Ibant Magi, quam viderant,

Stellam sequentes præviam;

Lumen requirunt lumine,

Deum fatentur munere.

Lavacra puri gurgitis

Cœlestis agnus attigit;

Pec-

Peccata, quæ non detulit.

Nos abluendo sustulit.

Novum genus potentia,
Aqua rubescunt hydria,
Vinumque iussa fundere,
Mutavit unda originem.

JESU tibi sit gloria,
Qui apparuisti gentibus,
Cum Patre, & almo Spiritu,
In sempiterna sæcula. Amen.

Antiph. Magi videntes stellam, dixerunt ad invicem: hoc signum magni Regis est; eamus, & quæramus eum, & offeramus ei munera: aurum, thus, & myrrham. Alleluja.

℣. Reges Tharsis, & insulæ munera offerent.

℞. Reges Arabum, & Saba, dona adducent.

ORATIO.

DEUS, qui hodierna die Unigenitum tuum Gentibus stella ducere velasti: concede propitius: ut, qui
jam

jam te ex fide cognovimus, usque ad
contemplandam speciem tuæ celsitu-
dinis perducamur. Per eundem &c.

HYMNUS

Ad S. SEBASTIANUM *Mart.*

contra pestem.

SEbastiane, Martyrum,
Et gemma Christi militum!

Cui fuere spicula

Pennæ ad beata gaudia;

Oculo fideli respice

Contagionis tempore,

Et sanitatis impetra

Tibi dicatis tempora.

Antiph. O magnæ fidei, sanctissime Se-
bastiane, miles beatissime, cujus meri-
tis, & precibus, tota Patria Lombardiæ,
à mortifera peste fuit liberata; inter-
cede pro nobis ad Dominum nostrum
JESUM Christum; ut nos tuo beato
interventu ab ipsa peste Epidemiæ, ab
improvisa morte, & ab omni adversi-
tate corporis, & animæ liberare, & de-
fen-

fendere dignetur, donétque nobis tantum vitæ spatium, & tantam emendationem peccatorum nostrorū, ut post hoc exilium sacris tuis precibus cum Christo collætetur.

ŷ. Ora pro nobis B. Martyr Sebastiane.
R. Ut mereamur pestem Epidemiæ illæsi pertransire, & promissionem Christi obtinere.

Oremus.

PRæsta quæsumus Omnipotens DEUS: ut intercedente B. Sebastiano Martyre tuo, & à cunctis adversitatibus liberemur in corpore, & à pravis cogitationibus mundemur in mente.

DEUS, qui nos concedis S. Martyris tui Sebastiani memoriam solemniter celebrare; da nobis pariter in æterna beatitudine de ejusdem societate gaudere. Per Christum Dominum nostrum. Amen.

H Y M N U S

Ad S. ROCHUM Confessorem.

A Ve Roche sanctissime,

No-

Nobili natus sanguine,
Crucis signaris schemate,
Sinistro tuo latere.

Tu, profectus peregre,
Pestifera tactus lue,
Plùs, quàm arte Angelica,
Ope sanàsti cœlica,

Numinis in præsentia
Nostra nunc serva corpora,
Et crucis per subsidia,
A peste mundum libera.

Antiph. O quàm magnificum est nomen tuum, beate Roche, qui tuis intercessionibus multitudinem languentium nôsti salvare, & omnibus salutare tuum gloriosum commemorantibus, te propitium exhibere. Veni, & sana nos à morbo Epidemiæ, aërisque temperiem nobis concede.

ÿ. Ora pro nobis sancte Roche.

℞. Ut mereamur præservari à peste Epidemiæ.

Oremus.

DEUS, qui per B. Rochum singulare
T nobis

nobis contra pestem potentis tuæ dextera præsidium promissisti; præsta, quaesumus: ut, qui ejus memoriam pia devotione recolimus, ejus quoque intercedentibus meritis, ab omni tum animæ, tum corporis, mortifera lue præservemur. Per Dominum nostrum &c.

HYMNUS.

Ad S. FRANCISCUM Seraphicum.

FRancisce pauper, & humilis,
 Plus millies amabilis,
 Tibi Patrono supplicis
 Attende vota pectoris.

Ave tuorum gaudium,
 Toparcha magne cœlitum,
 Patientiæ miraculum,
 Et pauperum solatium.

Lodice tectus paupere,
 Et fune cinctus corpore,
 Deum modestè vulneras,
 Dum sic amantem provocas.
 Et ipse JESUS propria
 Offert amoris vulnera,

Tuò-

S. FRANCISCI SERAPHICI. 289

Tuóque quínô stigmatè,
Signatus est in corpore.

O vis amoris maxima!

Quàm blanda sunt hæc vincula,
Quibus DEUS mortalibus
Vult illigari cordibus.

Tu magne, & ardens Seraphim,
Tanto fac æstu perpetim
Succendar in purissimas
Æterni amoris flammulas.

Hoc igne colliquescere,
Et pectus hoc consumere
Fac millies amabilis,
Francisce pauper, & humilis.

Antiph. Similabo eum viro sapienti,
qui ædificavit domum suam supra pe-
tram.

ÿ. Amavit eum Dominus, & ornavit
eum.

R. Stolam gloriæ induit eum.

ORATIO.

DEUS, qui Ecclesiam tuam B. Fran-
cisce meritis fœtu novæ prolis am-

T 2

plifi-

plificas: tribue nobis, ex ejus imitatione terrena despicere, & cœlestium donorum semper participatione gaudere. Per Dominum &c.

Responsorium.

S. BONAVENTURÆ

ad S. ANTONIUM de Padua.

SI quæris miracula; mors, error, calamitas, dæmon, lepra fugiunt, ægri surgunt sani.

Pereunt pericula, cessat & necessitas: narrent hi, qui sentiunt, dicant Paduani.

Cedunt, mare, vincula; membra, resque perditas petunt, & accipiunt juvenes, & cani.

Gloria Patri, & Filio, &c.

Cedunt mare, vincula; membra, resque perditas petunt, & accipiunt juvenes, & cani.

℣. Ora pro nobis beate Antoni.

℟. Ut digni efficiamur promissionibus Christi,

Oremus.

Sanctus, Sanctus, Sanctus Dominus
DEUS Sabaoth, pleni sunt cœli,
& terra gloriâ tuâ.

AD MATUTINUM.

ψ. Domine labia mea aperies.

℞. Et os meum annuntiabit laudem
tuam.

ψ. DEUS in adiutorium meum intende.

℞. Domine ad adjuvandum me festina.
Gloria Patri, & Filio, &c. Alleluja.

Vel: Laus tibi Domine, Rex æternæ
gloriæ.

HYMNUS.



Ante JOANNES fac,
ut in medullis

Flamma sit ventis peri-
tura nullis;

Ignibus castis, facibús-
que purè

Pectus adure

Es tuæ stirpis pretiosa gemma;

A tuo clarum nitet igne stemma;

Nobi-

S. JOANNIS NEPOMUCENI. 293

Nobilem mentis mihi da nitorem,
Confer amorem.

Fac, ut accensum cor ab igne Divo
Spiret in nobis ab amore vivo;
Cordis obscuri tenebras amœna
Luce serena.

Sint DEO Patri, genitæque proli,
Spiritus laudes tibi Sancte soli,
Gratiæ semper, tibi sint honores,
Sint & amores.

ÿ. Domine nè elongaveris auxilium
tuum à me.

R. Ad defensionem meam respice.

ORATIO.

DEUS, cui soli debetur omnis honor, & gloria, per gloriosa merita S. Martyris tui Joannis Nepomuceni te suppliciter exoro: ut omnem infamiam, & confusionem publicam, undecunque mihi impendentem, misericorditer avertere digneris, & concede: ut te Rectore, te Duce sic utamur honoribus temporalibus, ut non amittamus

æternos. Per Dominum nostrum **JE-**
SUM Christum Filium tuum, &c.

ψ. Domine exaudi orationem meam.

℞. Et clamor meus ad te veniat.

ψ. Benedicamus Domino.

℞. **DEO** gratias.

ψ. Et fidelium animæ per misericordi-
am Dei requiescant in pace.

℞. Amen.

Sanctus **DEUS**, sanctus fortis, sanctus
Immortalis, miserere nobis, quos pre-
tioso sanguine tuo redemisti.

AD PRIMAM.

ψ. **DEUS** in adiutorium meum intende.

℞. Domine ad adjuvandum me festina.

Gloria Patri, & Filio, &c.

Sancte Joannes tibi tota vena
Spiritus sancti fuit igne plena,
Cordium magnos animos trahebas,
Quando volebas.

Rore cœlesti tua lingua fluxit,
Dum perorabas, animósque duxit,
Cordium passim tua lingua suavis,

Aurea clavis.

Doctor,

S. JOANNI NEPOMUCENI. 295

Doctor, Orator, celebrisque Præco,
Si cadant vires in agone cæco,
Pro tribunali supero perora,
Mortis in hora,

Sint Deo Patri, &c. *ut sup. in Mat.*

ψ. Ad te Domine levavi animam meam.

℞. DEUS meus in te confido, non erubescam.

Orat. DEUS, cui soli &c. *ut sup. in Mat.*

ψ. Domine exaudi orationem meam.

℞. Et clamor meus ad te veniat.

ψ. Benedicamus Domino.

℞. Deo gratias.

ψ. Et fidelium animæ per misericordiam Dei requiescant in pace.

℞. Amen.

Sanctus, Sanctus, Sanctus Dominus
DEUS omnipotens, qui es, qui eras,
& qui venturus es, tibi laus, honor,
& gloria, in sæcula sæculorum. Amē.

AD TERTIAM.

ψ. DEUS in adjutorium meum intende.
Gloria Patri, & Filio &c.

T 5

HYM.

SAncte Joannes, tibi non adhæsit
 Pompa, res fallax, animúmque læsit,
 Nos humo spreta, fac ad astra totis

Tendere votis.

Et per immundi nocumenta mundi
 Da modum mundo pede transeundi,
 Te duce fastum, nimiúmque fluxum,
 Spernere luxum.

Sint Deo Patri, &c.

ψ. Custodi animam meam, & erue me.

℞. Non erubescam: quoniam speravi
 in te.

Orat. DEUS, cui soli &c. *ut supra.*

Benedicamus Patrem, & Filium cum
 sancto Spiritu; laudemus, & super-
 exaltemus eum in sæcula. Amen.

AD SEXTAM.

ψ. DEUS in adiutorium &c. *ut sup.*

HYMNUS.

SAncte Joannes, tibi vis medendi,
 Et reas mentes fuit ars regendi,
 Et supra pressas, animásque mœstas,
 Mira potestas.

In

S. JOANNIS NEPOMUCENI. 297

In viam vitæ mihi flecte gressum,
Córq; conforta, poplitémque fessum:
Si meo pugnans in agone luctor,
Dirige ductor.

Non tibi mundi sapuère mores,
Aut adulanti specie lepores,
Dúmque tam falsum mare respuisti,
Tu sapuisti.

Ignæ cœlesti cor amoris ustum,
Fac putrem mundi remove gustum,
Et voluptatum reprobare limum,
Spernere fimum.

Sint Deo Patri, &c.

ÿ. Suscipe me Domine secundùm elo-
quium tuum.

R. Et non confundas me ab expectatio-
ne mea.

Orat. DEUS, cui soli &c. *ut suprà.*

Benedictio, & claritas, & sapientia,
& gratiarum actio, honor, virtus,
& fortitudo sit Deo nostro in sæcula
sæculorum. Amen.

AD NONAM.

ÿ. DEUS in adjutorium &c. *ut suprà.*
Glo-

Gloria Patri, & Flio, &c. *ut sup.*

HYMNUS.

SAncte Joannes, quia mente pura,
 Sacra nolebas violare jura,
 Tortus es dirè, trucibúsque justus,
 Ignibus ustus.

Me, fac, ut nulli moveant pavores,
 Nec minæ sacros minuant amores,
 Nec queat leges temerare ruptas,
 Ulla voluptas.

Sint Deo Patri, &c. *ut sup. in Mat.*

ÿ. In te Domine speravi, non confun-
 dar in æternum.

℞. In Justitia tua libera me.

Orat. DEUS, cui soli &c. *ut suprà,*
 Benedicta sit sancta Creatrix, & Guber-
 natrix omnium, sancta, & individua
 Trinitas, nunc, & semper, & per in-
 finita sæcula sæculorum. Amen.

AD VESPERAS.

ÿ. DEUS in adjutorium &c. *ut sup.*

Gloria Patri, &c.

HYMNUS.

SAncte Joannes, quia te nec ignis,
 Arti-

Artibus unquam potuit malignis,
 A Dei jussis tibi sæpe structâ
 Pellere luctâ

Clariùs nunquam tua lux amoris,
 Fulsit, ac inter tenebras furoris;
 Unda dum fluctum nocitura sparsit,
 Fortiùs arsit.

Cymba sub mortem mea nè fatiscat.
 Nè rapax orci fluviùs dehiscat;
 Dæmonis nè sit rapidi rapinâ,
 Quassa carina.

Me per hoc mundi mare, pèrque flumē,
 Transfer ad cœlos, superùmque lumē;
 Gratia ductu moderante suavem
 Instrue navem.

Per maris fluctus mihi vela necte,
 Duc & ad portum, rege, pelle, flecte,
 Gymba, si mortis fluit, & sub horam
 Dirige proram.

Sint Deo Patri, &c. *ut suprâ ad Mat.*
 y. Intende animæ meæ, & libera eam.
 R. Propter inimicos meos eripe me.

Orat. DEUS, cui soli &c.

Gra-

Gratias tibi DEUS, gratias tibi vera, &
una Trinitas, una, & summa Deitas,
sancta, & una unitas.

AD COMPLETORIUM.

ÿ. Converte nos DEUS salutaris noster.

R. Et averte iram tuam à nobis.

ÿ. DEUS in adjutorium &c.

Gloria Patri, &c. Alleluja. *Vel:* Laus
tibi Domine, Rex æternæ gloriæ.

HYMNUS

SANcte Joannes animæ decorem,
TU mihi serva, decorisque florem;
Nè probro vitæ, neque sempiterni
Spurcer averni.

Lingua detractrix ubi me lacesset,
Et suô vulnus jaculô faceffet,
Advolans dextra properante tutum
Objice scutum.

Me fac vita in maculas piare,
Seriis illas lacrymis lavare,
Pelle fassuro nocuum pudorem,
Terge ruborem.

Nè palàm serus rubor, ora pingat,
Et

S. JOANNIS NEPOMUCENI. 301

Et mihi durus pavor ossa stringat,
Cuncta cùm tandem patefiet atro

Noxa theatro.

Angeli quando tuba rauca clanget,
Et nimis serò reus acta planget,
Cùm DEUS vindex penetrabit imas,
Lumine rimas.

Sint Deo Patri, &c. *ut sup. ad Mat.*

ψ. Domine non confundar.

℞. Quoniam invocavi te.

Orat. DEUS, cui soli &c. *ut sup.*

ψ. Domine exaudi orationem meam.

℞. Et clamor meus ad te veniat.

ψ. Benedicamus Domino.

℞. Deo gratias.

ψ. Et fidelium animæ &c. Amen.

HYMNUS.

JOannes Nepomucene, Vir beate,
Philosophe, Theologe Laureate;

O Patrone gratiose famæ bonæ

Invasorem tuâ gratiâ depelle.

Internotos, & ignotos, quando fama
vulneratur, laceratur, pro me cla-
ma,

Tu

Tu centenos, & millenos defendisti,
confidentes, & orantes protexisti.

Me sperantem, & orantem intueri; me
dignare, non gravare hîc fovere.

Non omitte, non permitte nomen rapi,
linguæ malæ, inhumanæ dolo capi.

Quòd si mali verbô malô famam figant
nomen meum ob cor tuum, nè
transigant.

Scis me totum esse tuum hîc clientem;
Te Patronum nosco meum hîc clem-
entem.

Procurabo, non cessabo honorare, No-
men tuum Deo Sacrum hîc amare.

Sit in signum omne donum, quòd te
amem. Si cor pressum, si tentatum,
ad te clamet.

Meam vitam, bonam famam, atque
nomen, in te pono, corde prono.
Bonum nomen.

O Joannes! O juvamen! O solamen!
fac, ut Deum JESUM meum sem-
per amem.

LITA-

LITANIÆ

Ad S. JOANNEM Nepomucenum.

KYrie eleison. Christe eleison.

Kyrie eleison.

Christe audi nos.

Christe exaudi nos.

Pater de cœlis DEUS, Misere nobis.

Fili Redemptor mundi DEUS, misere-
re nobis.

Spiritus sancte DEUS, misere nobis.

Sancta Trinitas unus DEUS, misere
nobis.

Sancta MARIA, Ora pro nobis.

Sancta DEI-Genitrix,

Sancta Virgo Virginum,

Sancte Joannes Nepomucene, Ma-
riani cultûs Promotor amabilis,

Præcursoris Domini pediseque,

Dilecti Discipuli Joannis imitator
virginæ,

Nove Joannes silentiarie,

Nostri temporis magne Thaumaturge,

U

Arca-

Ora pro nobis.

Arcanorum cœlestium conscie,
A Spiritu sancto scientiis desuper
instructe,
Doctrinæ pariter, ac sanctitatis lau-
reâ insignite,
Præfulgens Lumen Metropolitanæ
Ecclesiæ Pragensis,
Regis regum intime Consiliarie,
Tribunalis clementissimi Assessor
indefesse,
Sancte Dei mihi in Patronum è
millibus electe,
Omnium actionum mearum splen-
dor unice,
Sancte mi Joannes Nepomucene,
Propitius esto, parce nobis Domine.
Propitius esto, exaudi nos Domine.
Ab omni malo, libera nos Domine.
Ab omni peccato, libera nos Domine.
Ab omni scandalo, libera nos Domine.
Ab omni delicti suspicione, libera nos
Domine.
Ab ignominia mundi, libera nos &c.
A confusione æterna, libera nos &c.
A damna-

Ora pro nobis.

S. JOANNIS NEPOMUCENI. 305

A damnatione perpetua, libera nos
Domine.

A sacrilega Confessione,

A periculis corporis, & animæ,

A procrastinatione pœnitentiæ,

Ab angustiis, & perturbationibus
conscientiæ,

Ab omni mendacio, & fallacia,

A falsis fratribus, & subdolis amicis,

A mala, & perversa societate,

Ab arrogante præfidentia, & præ-
sumptione,

A dubia semper suspiciosorum fide,

A falsa accusatorum delatione,

A secretorum comunicatorum re-
velatione,

Ab officiorum periculosorum ad-
ministratone,

Per summam sanguinis tui vilipen-
sionem,

Per iniquissimam à Juda proditore
traditionem,

Per ignominiosam pedum concul-
cationem,

Liberanos Domine.

Per maximam alapæ in domo An-
 næ acceptæ injuriam,
 Per impactam tibi à Caïpha blas-
 phemiam,
 Per albæ vestis apud Herodem in-
 dutæ ignominiam,
 Per probrosam corporis in tui fla-
 gellatione denudationem.
 Per totius vultûs tui Virginei eru-
 bescentiam,
 Per Divinæ Personæ tuæ regis titulô
 Per ironiam signatæ illusionem,
 Per contumeliosas falsorum testi-
 um accusationes,
 Per injuriosam cum latrone Barrab-
 ba comparisonem,
 Per turpissimam ad crucis suppli-
 cium condemnationem,
 Per infamem cum latronibus mor-
 tem,
 Per toleratas in cruce Pharisæorum
 derisiones,
 Per tuam inter maxima hominum
 flagitia patientiam,

Liberâ nos Domine.

Per

S. JOANNIS NEPOMUCENI. 307

Per intercessionem S. Joannis Nepomuceni, libera nos Domine.

In die Judicii libera nos Domine.

Peccatores, Te rogamus audi nos.

Ut nobis parcas,

Ut nobis indulgeas,

Ut ad veram pœnitentiam nos perducere digneris,

Ut peccatorum nostrorum facilem agnitionem, & integram confessionem nobis largiri digneris,

Ut in perplexis, ac dubiis conscientiae casibus nos adjuvare digneris,

Ut peccatorum nostrorum indulgentiam, absolutionem, & remissionem nobis impertiri digneris,

Ut inimicos sanctæ Ecclesiæ humiliare digneris,

Ut cultum, ac venerationem S. Joannis Nepomuceni propagare, ac dilatare digneris,

Ut omnibus ejusdem Clientibus facilem aurem præbeas,

Te rogamus, audi nos.

U ;

Ut

Ut nos à pudore mundano, & à confusione aterna eripias, Te rogamus audi nos.

Fili DEI, Te rogamus audi nos.

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi
Miserere nobis.

Christe audi nos.

Christe exaudi nos.

Pater noster, &c.

Kyrie eleison. Christe eleison.

Kyrie eleison.

℣. Et nē nos inducas intēnationem.

℞. Sed libera nos à malo.

℣. Adhæsit testimoniis tuis Domine.

℞. Noli me confundere.

℣. Suscipe me secundū eloquium
tuum, & vivam.

℞. Et non confundas me ab expectatione mea.

℣. Fiat cor meum immaculatum.

℞. In

S. JOANNIS NEPOMUCENI. 309

R. In justificationibus tuis, ut non confundar in æternum.

ψ. Fac mecum signum in bonum; ut videant, qui oderunt me, & confundantur.

R. Quoniam tu Domine adjuvisti me, & consolatus es me.

ψ. Domine exaudi orationem meam.

R. Et clamor meus ad te veniat.

Oremus.

Omnipotens, & misericors DEUS, concede propitius: ut, qui in meritis Divi Joannis Nepomuceni confidimus, ejus intercessione ex omni infamia, & confusione publica, tam temporali, quàm æterna, & vel maxime ex N.N. per piissimam misericordiam tuam eruamur. Per Dominum nostrum JESUM Christum Filium tuum, qui nos redemit per infamem mortem crucis, & qui tecum gloriosus vivit, & regnat in unitate Spiritûs sancti, Consolatoris mœstorum, DEUS nunc, & in æternum. Amen.

U 4

Alia

Alia Oratio.

O Misericordissime DEUS, qui nobis omnibus, præsertim famâ periclitantibus, Divum Joannem Nepomucenum Martyrem tuum, Patronū, ac Defensorem singularem tribuisti; Majestatem tuam contrito corde, & animo humiliato supplices exoramus: ut per ejus potentem interventionem ab omni tam præsentis, quàm futuræ infamiæ periculo nos liberare, & præservare digneris; ut deinceps in quiete Nomen sanctum tuum laudare honorare, & prædicare valeamus nunc, & in sæcula sæculorum. Amen.

Alia Oratio.

O Sancte Joānes Nepomucene! Patrone mi, veneror te in gloria cælesti aureâ coronâ immortalitatis amictum, & inter Filios Dei computatum; veneror etiā, & exosculor omnes corporis tui reliquias, maximè cineres cordis tui, in quo tantus Divinæ Majestatis

S. JOANNIS NEPOMUCENI. 311

tis ardor inhabitavit; simul etiam ad te confugio, orans supplex: ut me tibi, à Divina bonitate commissum hodie, & totâ vitâ meâ tuô Patrociniô protegas, & à pudore mundano custodias, & à confusione æterna eripias. Amen.

Alia Oratio.

SANCTE Joannes Nepomucene Martyr, ac Patrone, per tua merita, & dona Divinitus tibi concessa, precor suppliciter, ac fiducialiter, intercede: ut ira Divina conquiescat, peccatorum pœnas clementer avertat, & ut nos ante obitum confiteri, pro peccatis satis facere, omne periculum, & sæculi dedecus, hominum scandalum effugere, Deo placere, adhærere, & ad vitam æternam pervenire possimus. Per Christum Dominum nostrum. Amen.

Oratio pervetusta ex Bohemico translata.

ADESTO Domine precibus nostris, quas in commemoratione Beati Joannis Confessarii deferimus; ut ejus
U 5 inter-

intercessione, & meritis ab infamia, & pudore temporali liberati ante mortem peccata nostra confiteri, pœnitentiam agere, & ad portum æternæ salutis pervenire valeamus. Per Christum Dominum nostrum. Amen.

DEVOTIO ad S. JUDAM THADDÆUM Apostolum.

Antiph. Qui timet Deum, faciet bona, & qui continens est justitiæ, apprehendet illam, & obviabit illi, quasi Mater honorificata. *Eccli. 15.*

℣. Sancte Juda Patrone fidelissime.

℞. Placato nobis Deum clementiæ.

Oremus.

DEUS, cujus bonitas, & clementia exhauriri non potest; aures benignitatis tuæ, famulorum, famularumque tuarum precibus inclina, & præsta: ut omnes, qui te in Apostolo tuo Juda Thaddæo devotè recolunt, meritis ejus efficacibus petitionis suæ effectum consequantur. Amen.

Oratio

Oratio ad S. JUDAM.

ψ. Sancte Juda ora pro me.

& Et omnibus, qui colunt te.

Oremus.

GLoriose Christi Cognate, Aposto-
le, & Maryr, S. Juda, qui vastissi-
mis in regionibus fidem efferatis genti-
bus disseminasti; virtutibus, ac mira-
culis clarus, innumerabiles filios JE-
SU Christo peperisti; per illum, qui te
sibi Apostolum adscivit, precor: ut
me miserum à consuetudine peccato-
rum eorum abstrahas, à cogitationi-
bus immundis me tuis meritis præser-
ves, & in rebus desperatis tuo mihi ad-
sis patrocínio; ac tandem ad invisibi-
lem gloriam tuis precibus evehas, ubi
sancta Trinitas adoratur, in Patre, Fi-
lio, & Spiritu sancto. Amen.

DEVOTIO ad S. DISMAM, Pœ-
nitentem Latronem, magnum
Agonizantium Patronum.

Antiph. Beati mortui, qui in Domi-
no

no moriuntur. Amodo jam dicit Spiritus, ut requiescant à laboribus suis.

Apoc. 14.

O Disma Latro pœnitens,
Lectissime Patrone!

Sis mihi Tutor, moriens


Dum luctor in agone.

SAncte Disma, qui mirâ Dei providentiâ ex nefario latrone in eximium pœnitentiæ speculum evasisti, & paucas intrâ horas æterna tibi gaudia comparâsti; aspice de sublimi gloriæ tuæ throno in hanc vallem miseriæ. Recordare, ô Sancte mirabilis! mentis humanæ fragilitatis, ad malum semper, quàm ad bonum, magis proclivis; recordare, & pro nobis ad Deum appella, ut, sicut per gratiam suam efficacem ad pœnitentiam, & paradisi cœlestis gloriam te perduxit, ita nos famulos suos, & famulas, eadem efficacj gratia ad dignos pœnitentiæ fructus impellat: ut peccata tecum abolentes,
piè

piè tibi commoriamur, ac unà tandem
in Deo salutari nostro perenniter exul-
temus. Amen.

Oratio S. BRIGITTÆ.

Benedictio æterna sit tibi, Domine
mi JESU Christe, qui existens in
mortis agonia, omnibus peccatoribus
spem de venia tribuisti, quando Latro-
ni ad te converso paradisi gloriam mi-
sericorditer promissisti. Amen.



CULTUS

S. IGNATII,

Soc. JESU FUNDATORIS.

OFFICIUM.

AD MATUTINUM.

ψ. Domine labia mea aperies.

℞. Et os meum annuntiabit laudem
tuam,

ψ. DEUS

Ÿ. DEUS in adiutorium meum intende.

R. Domine ad adjuvandum me festina.

Gloria Patri, & Filio, &c.

HYMNUS.



Um mundus in caligine

reatuum jaceret,

Et hæresum fuligine suf-
fusus indoleret;

Rerum supremus arbiter
misertus ingementis,

Movit Viri cor, gnaviter incommo-
do medentis;

Fuit Vir hic Ignatius missus medela
morbis,

Virtute cujus lætiùs latè vireret
orbis.

Antiph. Constitui te hodie super
gentes, & regna, ut evellas, & destru-
as, & disperdas, & dissipes, & ædifi-
ces, & plantes. *Jerem. i.*

Ÿ. Inveni Filium Jesse, virum secun-
dum cor meum.

R. Qui faciet omnes voluntates meas.

Actor. 13.

ORA-

O R A T I O.

DEUS, qui ad maiorem tui Nominis gloriam propagandam, novo per beatum Ignatium subsidio militantem Ecclesiam roborâsti: concede, ut ejus auxilio, & imitatione certantes in terris, coronari cum ipso mereamur in cœlis. Qui vivis, & regnas &c.

A D P R I M A M.

ÿ. DEUS in adjutorium &c. *ut sup.*

Gloria Patri, & Filio, &c.

H Y M N U S.

IGnatus Mavortia se consecrat coronæ,

Spem fregit hujus gratia Bellona
Pampelonæ,

Curatus æger, cogitat, vias inire vitæ,
Quas îsse Divos lectitat, renuntians
avita;

Lares Paternos deserit, plenusque charitatis,

Ubique semen inserit salubre sanctitatis,

Antiph.

Antiph. Egredere de terra tua, & de
cognitione tua, & de domo Patris tui,
& veni in terram, quam monstravero
tibi. *Gen. 12.*

ŷ. Ambula coram me, & esto perfectus.
R. Et multiplicabo te vehementer ni-
mis.

Orat. DEUS, qui ad majorem &c.
ut supra.

AD TERTIAM.

ŷ. DEUS in adjutorium &c.

Gloria Patri, & Filio, &c.

HYMNUS.

AD Matris aram Virginis, pernox
precando durat,

Omnique labe criminis cor expian-
do curat,

Carnem domat jejuniis, austeritatibus-
que,

Infensus & cupediis, lautitiis qui-
busque.

Idem frequenter extimos expertus est
labores;

Idem

Idem frequenter intimos expertus
est favores.

Antiph. Ex quo honorabilis factus es
in oculis meis, & gloriosus, ego dile-
xi te, dicit Dominus. Tu servus me-
us, quem elegi. *Isaie 43.*

ꝯ. Honestavit illum in laboribus.

R. Et complevit labores illius.

Orat. DEUS, qui ad maj. &c. *ut supra.*

AD SEXTAM.

ꝯ. DEUS in adjutorium &c.

Gloria Patri, &c.

HYMNUS.

TRicennis imæ factus est tiro latini-
tatis;

Huc insolens adactus est ardore cha-
ritatis:

Ut auctus indè nobili sodalium sequela,
Rebus vacaret, fertili mortalium
medela.

Calumnias, & verbera, sannásque, car-
cerésque,

Tulit; tulisset vulnera libentiùs, ne-
césque.

Antiph. In fraude circumvenientium
illum adfuit illi, & honestum fecit il-
lum. *Sap. 10.*

ψ. Custodivit illum ab inimicis.

℞. Et à seductoribus tutavit illum.

Orat. DEUS, qui ad maj. &c. *ut sup.*

AD NONAM.

ψ. DEUS in adiutorium &c.

Gloria Patri, &c.

HYMNUS

Sublimis inter aëra Ignatius tenetur,
Quando refulgens sidera precan-
do contuetur.

Apostolos in dicum ablegat hinc ve-
pretum:

Cum cæteris exoticum hîc excolit
rosetum.

Aufert suorum cordibus sodalium pa-
vorem,

Cum Christus ipsis omnibus spon-
derit favorem.

Antiph. Ite Angeli veloces ad gen-
tem expectantem, & conculcatam, cui
dirripuerunt flumina terram. *Isaïæ 18.*

ψ. In

ŷ. In doctrinis glorificate Dominum.

Isaia 24.

R. Et docete homines legitima Dei.

4. Reg. c. 17.

Orat. DEUS, qui ad maiorem &c.

AD VESPERAS.

ŷ. DEUS in adjutorium &c.

Gloria Patri, &c.

HYMNUS.

MOx Ordo JESU nomine vocatus
inchoatur;

Fausto deinceps omine firmatus ap-
probatur.

Sacro jubetur cœtui Ignatius præesse,
Pastoris hujus nutui grex gestiit sub-
esse.

Curam suorum sedulam fructu ferace
gessit,

Coelique juxta regulam res cuncta
vitæ cessit.

Antiph. Assumam te Zorobabel ser-
ve meus, & ponam te, quasi signaculum:
quia te elegi. *Agg. 2.*

X2

ŷ. Cum

ψ. Cūm parvulus esses in oculis tuis,

℞. Caput in tribubus Israël factus es.

Orat. DEUS, qui ad maiorem &c.

AD COMPLETORIUM.

ψ. Convertenōs DEUS salutaris noster.

℞. Et averte iram tuam à nobis.

ψ. DEUS in adiutorium &c.

Gloria Patri, &c.

HYMNUS.

JAm vitis isthæc serps erat, Ignatio fa-
tore;

Orbēmq; ferme sepserat cœle-
stium favore:

Cūm strenui mens militis post hæc re-
lictā castra,

Indepta nomen cœlitis, poli subivit
astra.

O Patriarcha lumine dignare nos pa-
terno,

Opēmque nātis limine trans mitte
de superno.

Antiph. Hic est fratrum amator, &
populi Israël: qui multū orat pro po-
pulo,

pulo, & universa sancta civitate. 2. *Machabæor. 15.*

¶ Respexit in orationem humilium.

¶ Et non sprexit preces eorum. *Pf. 101.*

Orat. DEUS, qui ad maiorem &c.

COMMENDATIO.

HÆc vota supplex offero Ignatio
Parenti,

Et hunc honorem deferro majora
promerenti.

Exopto per te maximi hunc ponderis
favorem,

Tum Numinis, tum proximi terris
in his amorem.

Ut mens soluta corpore feratur ævi-
terna,

Et pace pleno pectore fruatur ævi-
terna.

ORATIO recitanda ante Imaginem

S. IGNATII.

SAlve S. Patriarcha Ignati, imitator
JESU Christi, templum Spiritûs
sancti, serveamate SS. Trinitatis. Sal-

ve æmulator Martyrum, imago Apostolorum, vas electionis. Salve expugnator vitiorum, compendium virtutum, idea perfectionis. Salve norma patientiæ, castitatis liliū, modestiæ speculum. Salve obedientiæ prodigium, charitatis ignis, pauperum refugium. Salve exemplar abstinentiæ, humilitatis prototypon, afflictorum solatium. Auxiliare, Magister ignorantium, dux pœnitentium, reformator Christianorum. Illumina mentem meam, lux infidelium. Guberna cor meum, magne affectuum tuorum moderator. Impetra mihi veniam felicissime pacis conciliator. Exora in bono perseverantiam, firma Ecclesiæ columna. Intercede pro me, meisque omnibus, tum consanguineis, tum amicis, & benefactoribus, strenue Clientum tuorū Protector. Sis mihi scutum in adversitatibus, defende me à tentationibus, & omnibus in vita malis, nec me deferas in hora mortis meæ. Amen-

Antiph.

Antiph. Ego Dominus vocavi te in
iustitia, & apprehendi manum tuam,
& servavi te, & dedi te in fœdus po-
puli, in lucem gentium, ut aperires ocu-
los cœcorum, & educeres de conclu-
sione vinctum, de domo carceris seden-
tes in tenebris.

℣. Añuntiate inter gentes gloriam ejus.
℞. In omnibus populis mirabilia ejus.

Oremus.

DEUS, qui servum tuum, S. Igna-
tium de mundi castris ad spiritua-
lis militiæ triumphos evocâsti; præsta
quæsumus: ut eum sequamur ducem
morum, & protectorem consequamur.
Per Christum Dominum &c.

Antiph. Idcirco posui te, ut ostende-
rem in te fortitudinem meam, & nar-
retur Nomen meum in omni terra.

℣. Ora pro nobis sancte Pater Ignati.

℞. Ut digni efficiamur promissionibus
Christi.

X4

Oremus.

Oremus.

DEUS, qui glorificantes te glorificas, & in Sanctorum tuorum honoribus honoraris; concede propitius: ut, qui sancti tui Ignatii gloriosa merita colimus, ejus apud te pia patrocinia sentiamus. Per Christum Dominum &c.

LITANIÆ
AD SANCTUM PATREM
IGNATIUM.

Kyrie eleison. Christe eleison.
Kyrie eleison.

Christe audi nos.

Christe exaudi nos.

Pater de cœlis DEUS, Miserere nobis.

Fili Redemptor mundi DEUS, misere-
re nobis.

Spiritus sancte DEUS, miserere nobis.

Sancta Trinitas unus DEUS, miserere
nobis.

Sancta MARIA, ora pro nobis.

Sancta DEI-Genitrix, ora pro nobis.

Sancta Virgo Virginum, ora pro nobis.

Sancte

Sancte Pater Ignati, ora pro nobis.

Ignis à Deo orbi illate,

Fundator Societatis JESU,

Cultor admirande SS. Trinitatis,

JESU, & MARIÆ delictum,

Annule digiti Dei,

Sectator Apostolorum,

Æmulator Martyrum,

Cognitor cœlestium arcanorum,

Zelator animarum,

Vas electionis portans nomē JESU,

Lumen totius orbis,

Exemplar perfectionis,

Extirpator vitiorum,

Gazophylacium virtutum,

Contemptor mundi, & vanitatum

ejus,

Decus vitæ mixtæ,

Zelotes majoris Deigloriæ,

Lucerna charitatis ardens & lucens,

Abyſſe humilitatis,

Lilium castitatis,

Prodigium obedientiæ,

Norma patientiæ,

X 5

Ora pro nobis.

Idea

Idea mortificationis,
Regula devotionis,
Imago abstinentiæ,
Sidus constantiæ,
Speculum modestiæ,
Conciliator dissidentium,
Magister ignorantium,
Restaurator pietatis,
Pacis, & sanctimoniæ templum,
Conviva mensæ Christi,
Sacrarium Sanctissimæ Eucharistiæ,
Antesignane militiæ JESU,
Everfor Idolorum,
Dux Pœnitentium,
Pharos naufragantium peccatorū,
Piscator infidelium,
Venator ferarum mentium,
Discretor spirituum,
Amator Crucis Christi,
Ocelle Religiosorum,
Sanitas infirmorum,
Solatium afflictorum,
Asylum pauperum,
Nutritie Orphanorum,

Ora pro nobis.

Doctor

Doctor parvulorum,
Pater studiosæ Juventutis,
Novum militantis Ecclesiæ sub-
sidium,

Propugnaculum Fidei Catholicæ,
Atlas Ecclesiæ Dei,
Refugium parturientium,
Terror dæmonum,

Patrone te colentium,

S. Pater Ignati,

Agnus Dei, qui tollis peccata &c.

Kyrie eleison. Christe eleison.

Kyrie eleison.

Pater noster, &c.

℣. Ora pro nobis S. Pater Ignati.

℟. Ut digni efficiamur promissionibus
Christi.

Oremus.

DEUS, qui ad majorem tui Nominis
gloriam propagandam, novo per
B. Ignatium subsidio, militantē Eccle-
siam roborâsti; concede: ut ejus auxi-
lio, & imitatione certantes in terris,
coro-

Ora pro nobis.

coronari cum ipso mereamur in cœlis.
Qui vivis, & regnas cum Deo Patre, &c.

AFFECTUS S. IGNATII.

O DEUS! ego amo te,
Nam prior tu amâsti me.
En libertate privo me,
Ut sponte vinctus sequar te.

Nîl suggerat memoria,
Nîsî de tua gloria,
Nîl intellectus sapiat,
Præterquam, ut te capiat.

Protestor nihil velle me,
Nîsî, quod sciam velle te.
Quæ dono tuo mea sunt,
Hæc dono meo tua sunt.

A te accepi, recipe;
Quid iis velis, præcipe,
Guberna, sicut scis, & vis:
Nam scio, quòd amator .sis.

Amore solo dona me,
Ut ego quoque amem te,
Et vigil, & per somnia;
Hæc dando dabis omnia.

Sui

Sui ipsius oblatio à S. Ignatio S. J. Fundatore usurpata.

Suscipe Domine universam libertatem meam, accipe memoriam, intellectum, & voluntatem meam omnem; quidquid habeo, vel possideo, mihi largitus es, id totum tibi restituo, & tuæ voluntati prorsus trado gubernandum. Amorem tui solum cum gratia tua mihi dones, & dives sum satis, neque aliud ultra posco. Qui vivis, & regnas &c.

Alia ad eundem S. efficax Oratio.

O Gloriosissime S. Pater Ignati, qui ardentissimo erga Divinam Majestatem amore, & ferventissimò animarum zelò, mirabiliter à Deo dotatus fuisti; te hodie, pedibus tuis advolutus, humiliter deprecor: ut specialem curam gerere digneris omnium mearum necessitatum, mihi que à Deo (cujus nunc beato aspectu frueris in cœlo) impetrare gratiam, me ipsum intimè
cogno-

cognoscendi, de peccatis meis vehementer dolendi, Deo ex toto corde serviendi, méque penitus à rebus terrenis abstrahendi, & adhærendi cœlestibus, per continuum solidarum virtutum studium; ità, ut tuis insistendo vestigiis, Divinâ misericordiâ per tuam efficacissimam intercessionem adjutus, in gratia finali moriar, dignusque efficiar, qui tecum videam, amen, glorificem DEUM meum in æternum, Amen.

*Benedictio Aquæ S. P. IGNATII,
Corpori, & animæ plurimum salutaris,
multisque exemplis comprobata.*

ÿ. Adjutorium nostrum in nomine Domini.

R. Qui fecit cœlum, & terram.

ÿ. Sit nomen Domini benedictum.

R. Ex hoc nunc, & usque in sæculum.

ÿ. Domine exaudi orationem meam.

R. Et clamor meus ad te veniat.

ÿ. Dominus vobiscum.

R. Et cum Spiritu tuo.

Ore-

Oremus.


Domine sancte, Pater omnipotens, æterne DEUS, qui benedictionis gratiam ægris infundendo corporibus, facturam tuam multiplici pietate custodis; ad invocationem Nominis tui benignus assiste (intercedente B. Ignatio Confessore tuo) ut famulos tuos ab ægritudine liberatos, & sanitate donatos, dexterâ tuâ erigas, virtute confirmes, potestate tuearis, atque Ecclesiæ tuæ sanctæ cum omni prosperitate restituas. Per Dominum nostrum &c.

Benedic Domine hanc aquam: ut sit remedium salutare generi humano, & per intercessionem B. Ignatii, cujus reliquiæ in eam immerguntur, præsta: ut, quicunque ex illa sumpserint, corporis sanitatem, & animæ tutelam percipiant. Per Christum Dominum nostrum. Amen.

DEUS, qui ad maiorem tui Nominis gloriam propagandam, novo per
bea-

beatum Ignatium subsidio militantem
Ecclesiam roborâsti; concede: ut ejus
auxilio, & imitatione certantes in ter-
ris, coronari cum ipso mereamur in
cœlis. Per Dominum &c.

*Reliquiæ merguntur initiô Benedictio-
nis usque ad finem.*



CULTUS

S. FRANCISCI

XAVERII, Soc. JESU.

OFFICIUM.

AD MATUTINUM.

ψ. Domine labia mea aperies.

℞. Et os meum annuntiabit laudem
tuam.

ψ. DEUS in adjutorium meum intende.

℞. Domine ad adjuvandum me festina.

Gloria Patri, & Filio, &c.

HYM-

S. FRANCISCI XAVERII. 335

HYMNUS.



Alve, domûs Xaveriæ
Augustior corona,
Francisce, quem tot glo-
riæ,
Cœlóque tanta dona

Insigniunt, quem Trinitas,
Quem Japon, Indus orbis,
Quem Trina adornat Unitas
Pulsis tot orbe morbis.

Antiph. Ecce dedi te in lucem gen-
tium; ut sis salus mea usque ad extre-
mum terræ. *Isaie 49.*

ψ. Mihi autem nimis honorificati sunt
amici tui DEUS.

℞. Nimis confortatus est principatus
eorum.

ORATIO.

DEUS, qui Euangelium regni tui per
barbaras gentes, & reconditas na-
tiones, S. Francisci tui Xaverii prædi-
catione seminâsti, & ejus sanctitatem
purif-

purissimi corporis incorruptione declaras; concede, quæsumus: ut, qui ejus memoriam agimus, eum morum imitatione sequamur. Per Dominum nostrum &c.

AD PRIMAM.

ψ. DEUS in adjutorium &c. *ut sup.*

Gloria Patri, & Filio, &c.

HYMNUS.

SAlve salus Travancoris,
Doctórque parvulorum,
Exorta lampas Brasilis,
Ductórque Barbarorum:
Illis legebas virgine
De Matre lectiones,
His de Deo, in corpore
Cruento sectiones.

Antiph. Si decem millia Pædagogorum habeatis, sed non multos Patres: quia per Evangelium ego vos genui.

ψ. Omnibus omnia factus sum.

&. Ut omnes facerem salvos.

Orat. DEUS, qui Evangelium &c.

AD

S. FRANCISCI XAVERII. 337

AD TERTIAM.

ψ. DEUS in adiutorium, &c.

HYMNUS.

SAlve, cui nec barbarus

Hostis superbus armis,

Nec ipse par est Tartarus

Clarus tot orbe palmis.

Te namque Bungus prædicat,

Malaca te parentem

Agnoscit, & deprædicat

Xaverium potentem.

Antiph. Si contra Deum fortis fuisti,
quantò magis contra homines præva-
lebis. *Gen. 23.*

ψ. Cùmque levaret Moyse manus.

℞. Vincerat Israël.

Orat. DEUS, qui Euangelium &c.

AD SEXTAM.

ψ. DEUS in adiutorium &c.

Gloria Patri, & Filio, &c.

HYMNUS

SAlve, sacri Baptismatis

Qui sic lavas ab undis

Mauros: ut atri stigmatiſ
 Hos liberaſ ab umbris:
 Centena decies millia
 Franciſce te ſequuntur,
 Quæ ſi putantur vilia,
 Majora ſubſequentur.

Antiph. Effundam ſuper vob aquam
 mundam, & mundabimini ab omnibus
 inquinamentiſ veſtriſ. *Ezech. 36.*

ſ. Millia millium miniſtrabant ei.

℞. Et decies centena milia aſſiſtebant
 ei. *Dan. 7.*

Orat. DEUS, qui Euangelium &c.
 AD NONAM.

ſ. DEUS in adiutorium &c.
 Gloria Patri, &c.

H Y M N U S.

SAlve, cui mors horrida
 Non antè fata ſtruxit,
 Quàm, quos in antra torrida
 Abduxerat, reduxit;
 Vicena nàmque funera,
 Et quinque ſuſcitâſti,

Mor-

Mortemque post tot vulnera

In temet incitasti.

Antiph. Joannes Baptista resurrexit
à mortuis, & propterea virtutes ope-
rantur in illo.

ψ. Dii facti similes hominibus descen-
derunt ad nos. *Act. 14.*

℞. Ex resurrectione mortuorum, lumen
annuntiantes populo, & genti-
bus. *Act. 26.*

Orat. DEUS, qui Euangelium &c.

AD VESPERAS.

ψ. DEUS in adjutorium &c.

Gloria Patri, &c.

HYMNUS.

FRancisce, magne Numinis,
Et proximorum amator;

Francisce, veri luminis

In orbe seminator,

Salve cui dum patria

Angustiora castra

Describeret, tunc atria

Dat Numen inter astra.

Antiph. Scimus, quoniam si terrestris
domus nostræ hujus habitationis dissol-
vatur, quòd ædificationem ex Deo ha-
bemus, domum non manu factam, æ-
ternam in cœlis. 2. Cor. 5.

ψ. Pretiosa in conspectu Domini.

℞. Mors Sanctorum ejus.

Orat. DEUS, qui Euangelium &c.

AD COMPLETORIUM.

ψ. Converte nos DEUS salutaris noster.

℞. Et averte iram tuam à nobis.

ψ. DEUS in adjutorium &c.

HYMNUS

FRancisce, nec labeculâ

Putredinis notate,

Post fata, nec nubeculâ

Palloris inquinate;

Salve tuóque lumine

Sic Indias serena,

Europa vero Numine

Ut sit Deóque plena.

Antiph. Qui ad justitiam erudiunt
mul-

S. FRANCISCI XAVERII. 341
multos, fulgebunt, quasi stellæ in per-
petuas æternitates. *Dan. 12.*

ꝫ. Quoniam non derelinques animam
meam in inferno.

ꝫ. Nec dabis Sanctum tuum videre cor-
ruptionem.

Orat. DEUS, qui Euangelium &c.

COMMENDATIO.

HÆc Indiarum Apostolo,
Hæc vota Thaumaturgo,

Japoniarum Apostolo,

Dicata amoris ergo.

Ergo tuis compendiis

Sic per viæ salebras,

Et sic tuis stipendiis

Me duc per has latebras:

Ut ceu tuis ab ignibus

Calente corde mundum

Contemno, sic insignibus

Vitem tuis profundum,

Dicámque tecum: ô ampliùs,

Domine ampliùs, dolores!

Dicámque tecum crebriùs,

Satis est, satis favores!

LITANIÆ

AD

S. FRANCISCUM XAVERIUM.

KYrie eleison. Christe eleison.
Kyrie eleison.

Christe audi nos.

Christe exaudi nos.

Pater de cœlis DEUS, miserere nobis.

Fili Redemptor mundi DEUS, misere-
re nobis.

Spiritus sancte DEUS, miserere nobis.

Sancta Trinitas unus DEUS, miserere
nobis.

Sancta MARIA, ora pro nobis.

Sancta DEI-Genitrix, ora pro nobis.

Sancta Virgo Virginum, ora pro nobis.

Sancte Pater IGNATI,

S. Francisce Xaveri, dignissime, &
dilectissime Fili S. Patris Ignatii,S. Francisce Xaveri Indiarum Apo-
stole,S. Francisce Xaveri Euangelizans
pacem,

} Ora pro nobis.

S. Fran-

S. Francisce Xaveri Euangelizans

bona,

Vas electionis portans nomen JE-

SU coram gentibus,

Vas redundans Divinæ charitatis,

Firmamentum Orientis Ecclesiæ,

Propugnator Fidei,

Impugnator infidelitatis,

Prædicator Euangelicæ veritatis,

Idolorum destructor,

Electum à patre æterno Instrumen-

tum propagandæ Divinæ gloriæ,

Fidelis imitor, & socie JESU Chri-

sti Filii DEI.

Tuba resonans sancti Spiritûs,

Columna Templi Dei,

Lux paganorum,

Magister credentium,

Speculum veræ pietatis,

Dux in via virtutum, & Christianæ

perfectionis,

Exemplar Apostolici Spiritûs, &

sanctitatis,

Lumen cæcorum,

Oratio pro nobis.

Pes

Pes claudorum,
 Auxiliator naufragantium,
 Salus ægrotorum,
 Fugator dæmonum,
 Vita mortuorum,
 Cujus potestati obediunt mare, &
 tempestates,
 Cujus imperia venerantur univer-
 sa elementa,
 Prodigiorum Thaumaturge,
 Refugium miserorum,
 Gaudium afflictorum,
 Orientis splendor,
 Pignus resurrectionis ad vitam gra-
 tiæ, & gloriæ,
 Tabernaculum incorruptionis,
 Ærarium Divini amoris,
 Gloria Societatis JESU,
 Legate Apostolicæ Romanæ Sedis,
 Pauperrime Xaveri,
 Castissime Xaveri,
 Obedientissime Xaveri,
 Humillime Xaveri,
 Crucis Christi, ac laborum pro Chri-

Orapro nobis.

sto

sto cupidissime Xaveri.

In salutem proximi vigilantissime
Xaveri,

Suavissime Xaveri,

Gloriosissime Xaveri,

Animarum, & Divini honoris Ze-
lator ardentissime,

Angele moribus, & vitâ,

Patriarcha affectu, & studio curan-
di populum Dei,

Propheta dono, & spiritu,

Apostole dignitate, & merito,

Doctor gentium, potens in multi-
fario fermone, & opere,

Confessor virtute, & vitæ profes-
sione,

Virgo animo, & corpore,

In quo uno omnium Sanctorum
merita ex Divina benignitate ve-
neramur,

Agnus Dei, qui tollis peccata &c.

Christe audi nos.

Christe exaudi nos.

Ora pro nobis.

Kyrie

Kyrie eleison. Christe eleison.

Kyrie eleison.

Pater noster, &c.

ψ. Et nē nos inducas in tentationem.

℞. Sed libera nos à malo.

ψ. Ora pro nobis S. Francisce Xaveri.

℞. Ut digni efficiamur promissionibus Christi.

Oremus.

DEUS, qui glorificantes te glorificas, & in Sanctorum tuorum honoribus honoraris, concede propitius: ut, qui beati Francisci Xaverii Confessoris tui gloriosa merita colimus, ejus pia patrocinia sentiamus. Per Dominum nostrum &c.

Domine JESU Christe, per illa quinque vulnera, quæ tibi in cruce nostrî amor inflixit, intercedente beato Francisco Xaverio famulis tuis subveni, quos pretioso sanguine redemisti, Qui vivis, & regnas &c.

AFFE.

AFFECTUS S. FRANCISCI
XAVERII.

O DEUS! ego amo Te;
Nec amo te, ut salves me,
Aut, quia non amantes te
Æterno punis igne.
Tu, tu mi JESU, totum me
Amplexus es in Cruce,
Tulisti clavos, lanceam,
Multamque ignominiam,
Innumeros dolores,
Sudores, & angores,
Ac mortem; & hæc propter me,
Ac pro me peccatore.
Cur igitur non amem te?
O JESU amantissime!
Non ut in cœlo salves me,
Aut nè æternum damnes me,
Nec præmii ullius spe;
Sed sicut Tu amasti me,
Sic amo, & amabo Te,
Solum, quia Rex meus es,
Et solum, quia DEUS es.

DEVO.

DEVOTIO DECEMDIALIS,
per decem dies Veneris exercenda, in ho-
norem S. FRANCISCI XAVERII.

HUjus praxis ad impetrandam specialem aliquam à Deo gratiam, mediante potenti patrociniò S. Xaverii, non paucis, etiam in Germania, aliisque Orbis Christiani Provinciis, ac Regnis, utilissima fuit. In memoriam igitur decem annorum, quibus magnus hic Apostolus in Gentium conversione desudavit, & in mortis ejusdem Sancti venerationem, quam piissimè in Insula Sanciano 2. die Decembris 1552. die Veneris obiit. Itèm ob favoris illius prodigiosi honorem, ac reverentiam, quo Christi in cruce pendentis simulacrum in domo paterna Xaverii, sextis quibusque ejusdem anni feriis, sanguine undique manabat, & quotiescunque adversi quidpiam S. Viro accidebat in India; sequentia decem diebus Veneris, ad insignem aliquam gratiam, per

per hujus magni Sancti intercessionem
impetrandam exercere est consultum:

1. Devotè Confessionis, ac sacrae Com-
munionis Sacramenta obire. 2. Jejunio,
aut alia leviori, pro cuiusque statu,
mortificatione corpus afflictere. 3. An-
te aram ipsius, aut iconem, quam quis-
que decenter in conclavi suo ornatam
conservabit, decem Pater, & Ave, [&
totidem Gloria Patri, cum Antipho-
na, & Oratione hinc subscripta recita-
re, ut sequitur:

Antiph. Euge serve bone, & fidelis:
quia in pauca fuisti fidelis, supra multa
te constituam, intra in gaudium Do-
mini tui.

℣. Justum deduxit Dominus per vias
rectas.

℞. Et ostendit illi Regnum Dei.

Oremus.

DEUS, qui Indiarum Gentes sancti
Francisci prædicatione, & mira-
culis Ecclesiæ tuæ aggregare voluisti;
con-

concede propitius: ut, cujus gloriosa merita veneramur, virtutum quoque imitemur exempla. Per Christum Dominum nostrum. Amen.

Postremò, summa cum fiducia, optata gratia postulanda est. Etiam longâ experienciâ compertum habemus, eos, qui cum fiducia se sub S. Francisci Xaverii patrociniū recipiunt, benignè exaudiri, ut saltē patientiam, & robur, sese Divinæ voluntati conformandi recipiant, si ea, quæ petunt, non consequantur.

Ut te autem dignum tali gratia reddere valeas, tollenda sunt omnia spiritualia impedimenta, seu peccata; seriò devotioni, internæ culturæ animi, cum frequenti discussione conscientiæ, insistendo.

HYMNUS.

De S. FRANCISCO BORGIA.

Ilustre sidus Principum,
Francisce salve maxime,

Qui

ALIORUM SANCTORUM S. J. 351

Qui foetido cadavere
Viso, horruisti sæculum;
Averte nostra lumina,
Nè vanitates hauriant,
Sed in supremam cœlitum
Sint fixa sedem jugiter.

Ÿ. Ora pro nobis S. Franciscæ Borgia.
R. Ut digni efficiamur promissionibus
Christi.

Oremus.

Domine JESU Christe, veræ humi-
litis & exemplar, & præmium;
quæsumus: ut, sicut B. Franciscum in
terreni honoris contemptu, imitato-
rem tui gloriosum effecisti, ita nos ejus-
dem imitationis, & gloriæ tribuas esse
consortes. Qui vivis, & regnas &c.

H Y M N U S

De S. ALOYSIO Soc. JESU.

O Flos amice Numini,
O gemma Tuliparum,
In fens flos cupidini,
Splendor, decus rosarum!

Z

O ca.

O castitatis lilium
 Gonzaga! digne cœlo,
 Da, da tuorum insignium
 Nos æstare zelô.
 Da, da suprema quærere,
 Ridere cuncta vana;
 Terrena da contemnere,
 Vitare da profana.

Ÿ. Ora pro nobis sancte Aloyſi.

R. Ut digni efficiamur promissionibus
 Christi.

ORATIO.

DEUS, qui B. Aloyſium, famulum
 tuum, per totum vitæ tempus ab
 omnium turpium cogitationum, &
 mortiferæ culpæ macula liberâſti, ut
 perfectô tibi amore deſerviret; quæ-
 ſumus: ut nos ſimiles ei facias munere,
 & amore. Per Chriſtum Dominum no-
 ſtrum. Amen.

HYMNUS.

De S. STANISLAO KOSTKA.

Salve, ô caſte Candor puritatis,
 Intemerate flos Virginitatis!

Tuum

ALIORUM SANCTORUM S. J. 353

Tuum dum corpus purum conser-
vatur,

Vultusque cœli luce illustratur,
Lumina ista monstrant radiorum,
Non cinctam mentem nube pecca-
torum.

Decuit corpus ità illustrari,

Nescium noxa mortali gravari.

Ÿ. Ora pronobis S. Stanislæ Kostka.

℞. Ut digni efficiamur promissionibus
Christi.

Oremus.

JESU Virgineæ castitatis amator, &
Jauetor, qui B. Stanislaum Kostkam
immaculatum in hoc sæculo custodisti;
concede propitius: ut, qui ejus memo-
riam propter te, qui inter spiritualia
lilia libenter pascaris, recolimus, ejus
precibus, ac meritis, intactam à mundi
illecebris animam, ac corpus, pro tuo
domicilio semper servemus. Qui vivis,
& regnas in sæcula sæculorum. Amen.

Zz

HYM-

CULTUS
HYMNUS.
De SS. TRIBUS MARTYRIBUS
JAPONENSIBUS.

HOc gratulamur carmine
Vobis triumphum, Martyres,
Et purpuratam sanguine
Vobis favemus lauream.

Vitæ peractô terminô,
Vest୍ରô, omniûmque cœlitum
Ut perfrui consortiô
Nobis liceat in sæcula. Amen.

℣. Orate pro nobis sancti Martyres.

℞. Ut digni efficiamur promissionibus
Christi.

Oremus.

OMnipotens æterne DEUS, qui ser-
vis tuis Paulo, Joanni, & Jacobo,
in Societatem Filii tui vocatis, Aposto-
lorum studium in gentium conversio-
nem, & hæreticorum reductionem in-
spirâsti, idque Martyrii gloriâ decorâ-
sti; concede propitius: ut ipsis, & pas-
sionis Socii in hoc mundo, & conso-
latio-

lationis deinde in æterna beatitudine
esse mereamur. Per Dominum no-
strum JESUM Christum Filium tuum,
qui tecum vivit, &c.

O R A T I O

Ad B. JOANNEM FRANCISCUM
REGIS.

Ÿ. Ora pro nobis B. Joannes Francisce.
R. Ut digni efficiamur promissionibus
Christi.

DEUS, qui ad plurimos pro salute
animarum perferendos labores
Beatum Joannem Franciscum Confes-
sorem tuum mirabili charitate, & in-
victâ patientiâ decorâsti; concede
propitius; ut ejus exemplis instructi, &
intercessionibus adjuti æternæ vitæ
præmia consequamur. Per Dominum
nostrum. &c.

H Y M N U S

De S. HEDWIGE, Patrona Silesiæ.

Fortem virili pectore
Laudemus omnes foeminam,
Z 3 Quæ

Quæ sanctitatis gloria
 Ubique fulget inclyta.
 Hæc sancto amore faucia,
 Dum mundi amorem noxium
 Horrescit, ad cœlestia
 Iter peregit arduum.
 Carnem domans jejuniis,
 Dulcique mentem pabulo
 Orationis nutriens,
 Cœli potitur gaudiis.
 Rex Christe virtus fortium,
 Qui magna solus efficis,
 Hujus precatu quæsumus,
 Audi benignus supplices.
 Deo Patri sit gloria,
 Ejusque soli Filio,
 Cum Spiritu Paraclito,
 Nunc, & per omne sæculum.
 Amen.

V. Ora pro nobis sancta Hedwigis.

R. Ut digni efficiamur promissionibus
 Christi.

ORATIO.

DEUS, qui beatam Hedwigem à
 sæculi

SS. VIRGINUM. 357

ſæculi pompa ad humilem tuæ crucis
ſequelam toto corde tranſire docuiſti;
concede: ut ejus meritis, & exemplo
diſcamus perituras mundi calcare de-
licias, & in amplexu tuæ crucis omnia
nobis adverſantia ſuperare. Qui vivis,
& regnas &c.

HYMNUS.

De S. CATHARINA V.M.

GAUDE Virgo Catharina,
Quam reſecit lux Divina
Ter quaternis noctibus.

Gaude: quòd tuâ doctrinâ
Philophos à ruina
Traxiſti, & erroribus.

Gaude: quia meruiſti
Confortari voce Chriſti,
Per preces divinitus.

Gaude: quia convertiſti,
Sponſam Regis, & vidiſti
Rotas fractas cœlitus.

Gaude fertis coronata,
Et in Sina honorata,
Olei ſtillamine.

Esto nobis advocata

Apud Deum Virgo grata,

In nostro certamine.

℣. Ora pro nobis sancta Catharina.

℞. Ut digni efficiamur promissionibus
Christi.

Oremus.

OMnipotens sempiterne DEUS, ineffabilem misericordiam tuam suppliciter deprecamur: ut, sicut liquor de membris beatæ Virginis, & Martyristuæ Catharinæ jugiter manans languidorum corpora sanat; sic ejus sancta oratio à nobis omnes iniquitates expellat: graves tentationes, & impugnationes dæmonis compescat: omnia mala à nobis avertat: in bono confortet: certantes in agone confirmet, & feliciter ex corpore hoc mortali egres-
sos, Tuæ Majestati in regno cœlorum præsentet. Per Dominum nostrum
JESUM Christum &c.

HYM-

HYMNUS

De S. BARBARA.

Ave Martyr gloriosa
 Barbaraque generosa,
 Paradisi vernans rosa,
 Castitatis lilium.

Ave Virgo pulchra tota,
 Charitatis fonte lota,
 Dulcis, mitis, & devota,
 Vas virtutum omnium

Ave criminis ignara,
 Sponsum audis voce clara,
 Veni pulchra, veni chara,
 Veni, coronaberis.

Ave Barbara serena,
 Pulchra, quasi luna plena,
 Singularem cantilena
 Sponsum Agnum sequeris.

Ave Barbara beata,
 Quæ cum sponso præparata,
 Nuptiarum ad optata
 Introisti gaudia.

Ave fulgens margarita,

In corona JESU sita,

Tam in morte, quàm in vita

Sis nobis propitia. Amen.

Ꝙ. Ora pro nobis sancta Barbara.

℞. Ut digni efficiamur promissionibus
Christi.

ORATIO.

Supplico tibi sanctissima Virgo, &
Martyr Christi Barbara; ut subve-
nias mihi famulo tuo in omnibus neces-
sitatibus, & angustiis meis: ad te enim
suspiro; ad te etiam oculos meos, &
cor meum dirigo; te mihi in advoca-
tam eligo; tuæ protectioni animam, &
corpus meum committo. Tu clemen-
tissima Virgo, esto mihi indigno famu-
lo tuo in tribulatione solatium, in om-
ni perturbatione refugium. Circum-
da me tuæ defensionis muro inexpu-
gnabili, contra omnes inimicos meos
visibiles, & invisibiles, & contra omnia
pericula corporis, & animæ, & esto
mihi auxiliatrix specialissima apud mi-
seri-

sericordem Deum, ut non secundum merita mea sinat me puniri; sed per tuum interventum consequi merear tecum in cœlestibus gaudere. Amen.

O Sanctissima Virgo Barbara, quodcunque Sponsi tui viribus potes, mihi in mortis articulo, obsecro, ut suppedites. Adjuva me miserum: nè in peccatis moriar. Effectum tunc habeat, tua intercessione, primitus à Christo tibi facta promissio, cum fidem ejus sanguine tuo consecrares. Redeat in memoriam Sponso tuo, virgineus collo tuo exuberans sanguis; recordetur ardentissimæ tuæ charitatis; nec animam meam à corpore exire permittat, nisi confessione expiatam, & SS. Eucharistiæ Sacramento refectam. Amen.

Hac Oratione Henricus Koch ad ossa usque exustus, obtinuit esse superstes, usque dum confiteretur, & communicaret.

HYM-

CULTUS
HYMNUS.De S. ROSALIA Virgine,
contra pestem.

A Ve Rosa finè spina.
Contra pestem medicina.
Rosalia Dux inclyta,
Recens à mundo cognita.
Exemplum secuta Christi,
Mundum relinquens sprevisti,
Quidquid Pater offerebat,
Quidquid Aula promittebat.
Ad montana procurristi,
Specum ferrô pertudisti;
Monitorem ut haberes
Propositi, quem videres.
Angeli te docuerunt,
Modum novum ostenderunt,
Quô Deo preces solveres,
Rosas fragrantès mitteres.
Antrum, cœlum habuisti,
In quo Christum conspexisti,
Apostolis comitatum,
Angelis, Matre, stipatum.

Ab

Ab hoc coronâ donata,
Ad nuptias invitata,
Terras libens reliquisti,
Cœlum felix introisti.
Tua sacra post hæc ossa
Nulla unquam texit fossa,
Sed rupes aquam jugiter
Stillans, occlusit fortiter.

Post tot sæcla revelata,
In Patronam orbi data:
Contra pestem nobis fave,
Dum tibi sonamus Ave.
Lans honor, sit Majestati,
Uni Trinæ Deitati,
Rosaliâ exaltanti,
Pestem per eam sedanti. Amen.

℣. Ora pro nobis S. Virgo Rosalia.

℞. Ut digni efficiamur promissionibus
Christi.

Oremus.

DEUS, qui corpus famulæ tuæ B.
Rosaliæ Virginis, post tot sæcula
intrâ montes inventum, contra sævien-
tem pestilentiam sacrum amuletum fi-
deli-

delibus tuis esse voluisti; præsta supplicibus tuis: ut, qui sacras ejus reliquias colimus, & commemoratione lætamur, ejus quoque intervenientibus meritis, à præsentibus periculis, & à malo pestilentia liberemur. Per Dominum nostrum &c.

HYMNUS.

Ad S. APOLLONIAM, V. & M.

Contra dentium dolorem.

Virgo DEI egregia,
Pro nobis Apollonia,
Funde preces ad Dominum,
Ut tollat omne noxium;
Nè pro reatu criminum,
Morbo vexemur dentium,
Sed sanitate corporis
Gratulemur, & capitis.

ψ. Ora pro nobis S. Virgo Apollonia.
℞. Ut digni efficiamur promissionibus
Christi.

Oremus.

DEUS, pro cujus sanctissimi Nomi-
nis

nis honore, Beata Apollonia Virgo, & Martyr gloriosa, amaram, & horribilem dentium excussionem sustinuit; præsta, quæsumus: ut, qui ejus memoriam pia devotione frequentant, à tetro dentium dolore immunes custodias, & post hujus vitæ ærumnas, ad beatæ Patriæ gaudia perducas. Per Christum Dominum nostrum. Amen.

HYMNUS.

De S. LUCIA, Virg. & Mart.

Contra oculorum dolorem.

O Lucia! post tormenta,
Et tot erebi inventa,
Contra tenellam Virginem,
Inter ignes, atque picem,
Cæcam rides mundi vicem,
Et stygis Tyrannidem;
Inter fœdos Orci manes,
Semper casta Virgo manes,
Nec è loco mobilis:
Tandem guttur perforata,
Sponsa cœli præparata,
Tuo Sponso redderis.

Per

Per hæc tua sancta facta;
 Oculorum lux intacta
 Ut sis nobis, impetra,
 A dilecto tuo JESU,
 Et à meo dulci JESU,
 Qui est mundi gloria.
 V. Ora pro nobis sancta Lucia.
 R. Ut digni efficiamur promissionibus
 Christi.

Oremus.

EXaudi nos DEUS salutaris noster:
 Et, sicut de beatæ Luciae Virginis, &
 Martyris tuæ festiuitate gaudemus, ita,
 ipsa auxiliante, & piæ devotionis eru-
 diamur affectu, & à nocivo oculorum
 nostrorum præseruemur malo. Qui
 vivis, & regnas &c.

HYMNUS.

De S. MARIA MAGDALENA.

PAter superni luminis,
 Cum Magdalenam respicis;
 Flammas amoris excitas,
 Geluque solvis pectoris.

Amore

Amore currit faucia

Pedes beatos ungere,

Lavare fletu, tergere

Comis, & ore lambere.

Adstare non timet cruci,

Sepulchro inhæret anxia,

Truces nec horret milites;

Pellit timorem charitas!

O vera Christe charitas!

Tu nostra purga crimina,

Tu corda reple gratiâ,

Tu redde cœli præmia.

JESU medela vulnerum,

Spes una pœnitentium,

Per Magdalenæ lachrymās,

Peccata nostra diluas.

DEI Parens piïssima,

Hevæ nepotes flebiles,

De mille vitæ fluctibus

Salutis in portum vehas.

Uni Deo sit gloria

Pro multiformi gratia;


Peccantium qui crimina

Remittit, & dat præmia. Amen.

ψ. Ora pro nobis S. Maria Magdalena.
 R. Ut digni efficiamur promissionibus
 Christi.

Oremus.

BEatæ Mariæ Magdalænæ, quæsumus
 Domine, suffragiis adjuvemur, cu-
 jus precibus exoratus, quatrduanum
 Fratrem Lazarum vivum ab inferis re-
 suscitasti. Qui vivis, & regnas, &c.



P R A X E S D E O

DEBITE SERVIENDI.

EXERCITATIO MATUTINA.

*Prima evigilantis cogitatio, JESU, &
 MARIÆ sit invocatio.*

DEUS, DEUS meus, ad te de luce vi-
 gilo!

Et exsiliens ex lecto, quære cum Saulo:
 Domine, quid me vis facere?

Para-

Paratum cor meum DEUS, paratum
cor meum.

ECce crucem Domini nostri JESU
Christi; fugite partes adversæ, vi-
cit leo de tribu Juda. Salvator mundi
salva nos, qui per crucem, & sangui-
nem tuum redemisti nos; auxiliare no-
bis, te deprecamur Domine DEUS
noster; DEUS sanctus, DEUS fortis,
DEUS immortalis, miserere nobis.
Cruz Christi salva me. Cruz Christi
protege me. Cruz Christi defende me
nunc, hodie, & in hora mortis meæ.
Amen.

In nomine Domini mei JESU Chri-
sti surgo, qui me suo pretioso sanguine
redemit; ille me benedicat, regat, cu-
stodiat, & ad vitam æternam perducatur.

MARIA Mater gratiæ, Mater mise-
ricordiæ, tu nos ab hoste protege, &
horâ mortis suscipe. Amen.

O Angele DEI, qui custos es mei,
me tibi commissum pietate superna,

A a 2

hodie

hodie illumina, custodi, rege, & gubernare. Amen.

Pater noster, Ave Maria, Credo.

Ad Lotionem.

AMplius lava me ab iniquitate mea, & à peccato meo munda me mundans virtus: ut mundis oculis te contempler, hìc quidem per fidem, facie verò ad faciem in patria ubi omnem lacrymam absterges ab oculis meis, & mors ultrà non erit, neque luctus.

Lotus, genuflecte in Oratorio, vel coram Venerabili.

In nomine Patris, & Filii, & Spiritus sancti. Amen.

Benedicta sit sanctissima Trinitas, atque individua Unitas: Pater, qui me creavit, Filius, qui me redemit, Spiritus sanctus, qui me sanctificavit; benedicta mei Domini nostri JESU Christi Mater, nunc, & semper, & per infinita sæcula sæculorum. Amen.

Adoro te Domine ex toto corde
meo,

meo, & gratias ago pro omnibus beneficiis tuis in me collatis, sed inprimis pro custodia in hac nocte, in qua si te offendi, quæso, clementer ignosce.

O mi DEUS! en ego servus tuus sisto me coram Divina Majestate tua, cui ad majorem gloriam, in gratiarum actionem, in satisfactionem pro meis peccatis, in obsequiū servitutis perpetuæ, offero per manus beatissimæ Virginis Mariæ, Sponsique ejus castissimi S. Josephi, S. Angeli Custodis, Arch-Angeli Michaëlis, SS. Petri, & Pauli, Ignatii, & Xaverii, &c. aliorumque Sanctorum, & Sanctarum, omnia hujus diei cogitata, dicta, factaque: denique vitam, ac mortem meam, in unione meritorum Filii tui, Redemptoris mei Christi JESU. In recognitionem tuæ æternæ veritatis, & protestationem meæ fidei, quā credo in te. Tuæ misericordiæ, meæ spei, quā spero veniam, gratiam, & gloriam. Tuæ infinitæ bonitatis, & mei amoris, quo Te propter

Te super omnia amare desidero; & doleo, quòd te, summa bonitas, aliquando offenderim! Tuæ infinitæ Majestatis, & meæ adorationis; tuorum beneficiorum, & meæ gratitudinis; tuæ justitiæ, & meæ satisfactionis pro omnibus peccatis meis. Denique in recognitionem tuæ liberalitatis, pro impetranda venia, gratia, & gloria, mihi, meisque Parentibus, fratribus carnalibus, & spiritualibus, sororibus, consanguineis, benefactoribus, amicis, inimicis, & quicumque mihi sese commendârunt.

Te quoque, Domine JESUChriste, obtestor per viscera misericordiæ, in quibus visitasti nos oriens ex alto, illuminare his, qui in tenebris, & in umbra mortis sedent; illuminare, & in tuo sancto servitio confortare, & conservare digneris: ut sinè timore de manu inimicorum nostrorum liberati, omnes serviamus tibi, in sanctitate, & justitia coram te, omnibus diebus vitæ nostræ.

Salute te etiam, gloriosissima Regina mun-

mundi, & cœli, MARIA, Domina mea
clementissima, & Patrona singularissi-
ma. Vósque purissimi beatorum spi-
rituum Ordines, maximè vos fidelissi-
mi Patroni, & Tutelares mei SS. NN.
omnes Sancti, & Sanctæ DEL. Ad vos
supplex confugio, vestris me stipate
meritis, & virtutibus, mei quoque In-
tercessores apud Divinam clementiam
estote; ut copia diversorum, mihi alio-
quin indigno, præstetur meritorum.
Utenim vestræ gloriæ congratulor, ità
vestras, pro me, meisque, apud Deum
humiliter preces imploro, in memo-
riam, & satisfactionem Domini mei
JESU Christi, cui laus, & honor in sæ-
cula sæculorum. Amen.

O Domina mea sancta MARIA! me
in tuam benedictam fidem, ac singula-
rem custodiam, & in sinum misericor-
diæ tuæ, hodie, & quotidie, & in hora
exitûs mei, animam meam, & corpus
meum tibi commendo; omnem spem
meam, & consolationem meam, omnes

angustias, & miseras meas, vitam, & finem vitæ meæ Tibi committo: ut per tuam sanctissimam intercessionem, & per tua merita, omnia mea dirigantur, & disponantur opera, secundum tuam, tuique Filii voluntatem. Amen.

OMARIA! DEI-Genitrix, & Virgo gloriosa, omnium desolatorum ad te clamantium, Consolatrix vera, per illud magnum gaudium, quo consolata es, quando cognovisti Dominum JESUM die tertia à mortuis impassibilem resurrexisse, sis Consolatrix animæ meæ, & apud eundem tuum, & DEI Natum unigenitum, in die novissimo, quando cum anima, & corpore resurrecturus sum, & de singulis meis factis rationem redditurus, me digneris juvare: ut perpetuæ damnationis sententiam, per te pia Mater, & Virgo, valeam evadere, & cum electis DEI omnibus, ad æterna gaudia feliciter pervenire. Amen.

Tu quoque Angele salve Dei, Princeps

ceps nobilissime, mi Custos, & Pædago-
goge amantissime, salve. Gaudeo:
quod tantam tibi dederit DEUS excel-
lentiam, & suâ gratiâ sanctificaverit, in
qua perseverans gloriam, & beatitudi-
nem æternam obtinuisti. Gratias ago
omnipotenti Deo propter beneficia in
te collata; tibi verò propter ea, quæ
mihi confers, & propter amorem, &
voluptatem, quâ me custodis. Ego ti-
bi commendo hodie corpus meum, &
animam meam, memoriam, intelle-
ctum, & voluntatem meam, appetitio-
nes meas, & sensus omnes: ut me cu-
stodias, dirigas, protegas, foveas, visi-
tes, gubernes, defendas, ac simul pu-
rifies, illumines, & perficias, ità, ut
omnibus bonis per te plenus, perseve-
rem semper in gratia, donec simul te-
cum Deum videam, & eo fruar in glo-
ria. Duc ergo, quæso, me cæcum,
ignorantem instrue, imbecillem con-
forta, reduc errantem, pigrum impel-
le, dormientem excita, gradientem

promove, & extremam illam luctam, quæ cum dæmonibus, & morte futura est, mihi felicem esse procura: ut post hanc mortalem vitam, in tuum, Dei-que consortium lætus migrare possim. Amen.

Benedicat me imperialis Majestas, protegat me regalis Divinitas, custodiat me sempiterna Deitas, defendat me immensa Trinitas, foveat me gloriosa Unitas, dirigat me ineffabilis Bonitas, regat me potentia Patris, vivificet me sapientia Filii, illuminet me virtus Spiritûs sancti, nunc, & in æternum. In nomine Patris, & Filii, & Spiritûs sancti. Amen.

ORATIO AFFECTUOSA

ALEXANDRI PAPÆ VII.

Singulis diebus manè recitanda.

ADoro te sanctissima TRINITAS, Pater, & Filius, & Spiritus sanctus: tres Personæ, unus, & solus DEUS.

Deji-

Dejicio me in abyssum mei nihili,
sub conspectu divinæ Majestatis tuæ.

Credo firmissimè, paratus mille vi-
tas profundere, in contestationem om-
nium eorum, quæ nobis in sacra Scrip-
tura revelâsti, & per Ecclesiam tuam
credenda proposuisti.

Omnem spem meam in Te colloco,
& quidquid possum habere boni, si-
ve spiritualis, si-ve corporalis, & in hac,
& in altera vita, id totum desidero, spe-
ro, & volo solum consequi de tua ma-
nu, DEUS meus, vita mea, & unica
spes mea.

Consigno Tibi hodie, & in perpetu-
um, corpus, & animam meam, omnes
potentias meas, & memoriam, intelle-
ctum, voluntatem, & omnes sensus
meos.

Protestor, me non consentire, ne-
que consensurum unquam, quantum
in me est, in ullam rem, quæ fiat, vel
cum minima offensa Tuæ Divinæ Ma-
jestatis.

Pro-

Propono firmissimè, impendere omne esse meum, facultates, ac vires meas ad servitium, & gloriam Tuam.

Paratus sum suscipere, quascunque adversitates mihi Paterna tua manus immiserit, ad dandum gustum beatissimo cordi Tuo.

Vellem me totum, quantus quantus sum, impendere, & procurare, ut ab omnibus Tibi serviatur, atque omnes homines Te glorificent, & ament Deum Creatorem suum.

Gaudeo summè de tua æterna felicitate, & exulto de Tua tam magna gloria, in cœlo, & in terra.

Gratias Tibi ago infinitas, pro innumeris beneficiis, quæ mihi, & toti mundo collata sunt, & in dies incessanter à benignissima tua providentia conferuntur.

Amo infinitam Bonitatem tuam, propter seipsam, ex toto affectu cordis, & animæ meæ; & vellem, si possem, amare eo amore, quo Te amant omnes Angeli,

Angeli, & homines iusti, cum quorum amore conjungo imperfectissimum amorem meum.

Offero Divinæ Majestati Tuæ, in unione meritorum, passionis, vitæ, & mortis Christi, Beatissimæ semper Virginis, & omnium Sanctorum, nunc, pro semper, omnia opera mea, pretiosissimo sanguine JESU Redemptoris nostri lota, & involuta.

Statuo omnino, participem me facere, quantum possibile est, Indulgentiarum omnium, per actiones hujus diei, & illas applicare per modum suffragii pro animabus purgatorii.

Volo etiam omne illud, quod possum, offerre in pœnitentiam, & satisfactionem meorum peccatorum.

DEUS meus, cum tu sis infinite dignus omni amore, & servitio: siquidem tu es, qui es; doleo, quantum possum maxime, de omnibus peccatis meis, illaque detestor supra omnia alia mala; peto humillimè veniam, facioque firmissi-

missimum propositum, nunquam offendendi tuam bonitatem in æternum.

In vulnere tua me projicio, ô JESU! ibi me absconde, & defende, hodie, & semper, donec largiaris mihi gratiam videndi Tui, & amandi te in æternum. JESU! MARIA! JOSEPH! Vobis dono meum cor, & animam meam.

AUDITIO SACRI.

OBLATIO MISSÆ.

Domine JESU Christe, sanctissimum hoc Missæ Sacrificium tibi offero, in unione duorum illorum sacrificiorum à te oblatorum, unius quidem in extrema tua cœna, quando panem in pretiosum tuum corpus consecrasti, & transmutasti; alterius verò, quando te ipsum Deo Patri pro totius humani generis salute in ara Crucis immolasti. Dignare, ô bone JESU! hoc meum sacrificium acceptare, tuam ad laudem, & gloriam, animæque meæ salutem, pro N.

Ad

Ad B. VIRGINEM.

O MARIA Mater misericordiæ! ad te ego miser, & indignus peccator, toto corde, & affectu, confugio, precorq; pietatem tuam: ut sicut dulcissimo Filio tuo in Cruce morienti adstitisti, & unà cum illo pendente, Sacrificium immaculatum corporis, & sanguinis ejus, in mundi redemptionem, Deo Patri obtulisti, ità quoque omnibus, hìc, & in tota Ecclesia, Sacrificio Missæ hodie præsentibus assistere digneris: ut tuis adjuti precibus, dignam, & acceptabilem hostiam summæ Trinitati offerre, & Divinos ejus fructus percipere valeamus. Amen.

Ad INTROITUM.

O Benignissime JESU! memor verborum tuorum: in quacunque hora ingemuerit peccator, exaudiam eum, coram te ingemisco, & compungor, mihiq; totus displiceo, quòd summam Majestatem, & bonitatem tuam ineffa-

ineffabilem, tot, tantisque peccatis offenderim. Confiteor tibi, ô DEUS meus! omnia, & singula peccata mea, cogitatione, verbo, opere, vel omissione perpetrata: quia peccavi in cœlum, & coram te. Doleo ergo, & quantum possibile est mihi, ex toto corde meo compungor, omnia, & singula peccata mea detestando; eaque sola de causa, quòd his te summum bonum offenderim. Doleo, ô DEUS meus! & iterum doleo, mori potius paratus, quàm unquam ampliùs te DEUM meum super omnia dilectum offendere: ità enim ex hoc momento te amo, & amare conabor: ut omnes potius mundi hujus cruciatus perferre paratus sim, quàm vel per unum peccatum ab amore tuo recedere. Tu ergo, ô DEUS! sinè quo nihil validum, nihil sanctum, multiplica super me misericordiam tuam, & da: ut gratiâ tuâ in bono proposito conforter; cùm enim volentis non sit, neque currentis, sed tui miserentis, miserere

ferere, obsecro, misero, amantem ama,
luspīrantem adjuva, & ab universis ma-
lis, & periculis tuere,

Ad OFFERTORIUM.

Suscipe, SS. Trinitas, atque indivi-
dua Unitas, hanc oblationem, quam
tibi offero per manus Sacerdotis, pro
me peccatore omnium hominum mi-
ferrimo, & pro innumerabilibus pec-
catis meis, quibus, in dictis, factis, aut
cogitationibus contra te peccavi, ro-
gans: ut præterita dimittas, & à futu-
ris me custodias.

Ad CONSECRATIONEM
HOSTIÆ.

O Creator, & Redemptor meus! be-
nedico te pro amabili memoria,
quam nobis in venerabili Sacramento
reliquisti, & obsecro te per conversio-
nem panis, & vini in corpus, & sangui-
nem tuum, & per conversionem Divi-
næ iracundiæ in misericordiam tempo-
re crucifixionis, & mortis tuæ: ut me,

& omnes peccatores convertas, &
transmutes in te, actionesque meas di-
rigas ad bonum finem.

Ad ELEVATIONEM HOSTIÆ

AVe verum corpus, natum
De MARIA Virgine,
Verè passum, immolatum
In cruce, pro homine;
Cujus latus perforatum
Undâ fluxit, & sanguine!
Esto nobis prægustatum
Mortis in examine.

Ad ELEVATIONEM CALICIS.

SAlve nobilissime sanguis, de latere
Domini JESU Christi profluens, &
totius veteris, & novæ culpæ maculas
diluens; ablue, sanctifica, & custodi
animam meam in vitam æternam. Sit
mihi, ò JESU! sanguis tuus in remis-
sionem omnium peccatorum meorum,
negligentiarū, & ignorantiarum mea-
rum; in robur, augmentum, & conser-
vationem fidei, spei, & charitatis, gra-
tia-

tiarum, & virtutum omnium; in cautelam vitæ, in adimpletionem gloriæ æternæ, in profectum animarum omnium, & vel maxime, pro quibus orare teneor.

Amantissime JESU, lava me à maculis omnibus in tuo prætioso sanguine, & fac per ejusdem effusionem: ut universo mundo, cum omnibus peccatis, vitiis, & concupiscentiis moriar, & per incendium amoris tui, à me ipso deficiam, & in te solo vivam. Amen.

COMMUNIO SPIRITUALIS.

Domine JESU Christe, firmissima fide credo, ac profiteor, te hîc corporaliter, ac substantialiter in altari, hostiam veram, ac vivam immolari, qui pro me natus, passus, in ara crucis immolatus, & mortuus es. Te ego Dominum, ac Redemptorem meum supplex adoro, & veneror; coram Majestâte tua me prosterno corde humili, & contrito, quod, ô DEUS meus, non despicias: neque enim hîc præ-

senses velut Judex, sed ut amantissimus
Salvator ac Medicus meus, qui omnes
spirituales meas infirmitates, & miseria-
rias sanes, uti sanare scis, potes, ac etia-
m vis. In hac igitur infinita Sapien-
tia, omnipotentia, ac bonitate tua con-
fusus, spero per infinita merita tua re-
missionem omnium peccatorum, de
quibus doleo, ob te summum bonum
offensum; spero etiam omnia dona
gratiæ, juxta tuum sanctissimum bene-
placitum, & meam utilitatem, pro qui-
bus mihi conferendis, maximè N.N. te
humiliter rogo, obtestorque, ô DEUS
animæ meæ! unicum bonum meum!
gaudeo de ineffabili gloria, & perfe-
ctione tua; utinam te unà mecum,
omnes creaturæ, ut par est, ament, &
glorificent; id certè ex nunc deside-
ro, & amore tui, me, ac mea omnia ti-
bi offero, propter infinitam bonitatem,
& beneficia tua, pro quibus te laudo,
& benedico, neque aliud quidquam
ulterius peto, ac rogo, quàm ut tecum
spiri-

spiritus unus efficiar; & quia sacramentali hac communione, quam quidem, si liceret, unice desiderarem, tibi hodie uniri non mereor, transforma me nihilominus totum in te: ut vivam ego, non jam ego, vivas verò tu in me, amabilissime JESU. Amen.

Ad ITE MISSA EST.

A Brenuntio tibi Sathana, & adhæreo tibi Christe, qui es via, veritas, & vita. Vias ergo tuas Domine demonstra mihi, & semitas tuas edoce me; perface gressus meos in semitis tuis: ut non moveantur vestigia mea; à subitanea, & improvisa morte, atque incursibus hostium, libera, & custodi me nunc, & in hora mortis meæ, Pater, & Fili, & Spiritus sancte. Amen.

POST MISSAM ORATIO

Sancti Augustini.

Dispone jam benignissime Pater cœlestis, quo mei miserearis: quoniam, quidquid pretiosius inveni, de-

votè tibi obtuli; quidquid charius reperi, suppliciter præsentavi. Misi gloriosum Filium tuum, inter me, & te Mediatorem; quare si me pro mea, uti dignum, despicias iniquitate, respice me saltèm misericorditer pro dilecti Filii tui charitate. Omnis namque spes, & fiducia certitudo mihi est in pretioso sanguine ejus, qui effusus est propter nos, & propter salutem nostram: in ipso respiro, & in ipso confisus, ad te pervenire desidero, non habens meam justitiam, sed eam, quæ est ex Filio tuo, Domino nostro JESU Christo. Ecce, ô Pater! hic est innocens ille, qui pro me caro factus est; hic est, quem propter peccata mea percussisti, licet ipse sit dilectus filius tuus, in quo tibi bene complacuisti; hinc aspice Factorem meum, & nè despicias facturam tuam. Aspice piissime Pater, piissimum Filium, pro peccatis meis tam impia passum. Vide carnis Sacramentum, & remitte carnis reatum. Qui vivis, &c.

Lau-

Laudate Dominum omnes gentes,
laudate eum omnes populi.

Quoniam confirmata est super nos
misericordia ejus, & veritas Domini
manet in æternum. Gloria Patri, &c.

METHODUS CONFITENDI,

ET

COMMUNICANDI

PRO

ANIMABUS SALUTI SUÆ
INTENTIS,

Excerpta è Manuscriptis

S. FRANCISCI DE SALES.

Invocatio ad Deum Patrem.



Invoco te, O Dominus
meus! & DEUS meus!
da, ut modò, dum per-
mittit bonitas tua, seriò
meipsum recognoscam,
& revertar ad te. Reddemihl lumen:

B b 4

ut

ut quæram te, & inveniam te. Fac, ut attrahar amore, ut reducar à deviis semitarum mearum. Sum (fateor) illa errans ovicula quæ perdidit se in confusione mundi, cursitans, post omnia vanitatum genera, & ultro salutem negligens, ut sequeretur illecebras suas, & affectiones criminosas; sed ignosce mihi omnes infidelitates meas, & nè rejicias me ab oculis tuis, intuitu dolorum, & mortis JESU Christi Filii tui unici, Divini illius Pastoris, qui immolavit se pro ovibus suis. Ille unus est, in quo repono omnem fiduciam meam. Patere igitur: ut ea utar ad implorandam gratiam tuam oratione, quam nos ipsemet docuit: Pater noster, &c.

ORATIO ante Examen.

ECce me reducem à via iniquitatum mearum, ô Pater cœlestis! venio, ut me abjiciam ad pedes Majestatis tuæ, & tecum in gratiam redeam. An recogno-

cognosces eum, qui fugit te, & qui à te tamdiu averſam habuit faciẽ ſuam? diſceſſi è domo tua cumulatus infinitis bonis, quorum bonitas tua fuerat in me liberaliter prodiga, & ego plusquam prodigus iis infelicitè abusus ſum, & diſſipavi ea inter ſummè fatales inimicos tuos, qui nunc rident lapſum meum, & qui nituntur me deprimere, & funditus perdere. Sed ad rememorationem iniquitatum mearum, reminifcor bonitates, & miſericordias tuas, quarum ſpe fretus ſiſto me tibi conſuſa facie, & rigatis per imbres lachrymarum oculis; ſed vividius in imo animæ tactus, quàm extrinſecùs appareat, prout conatur lingua mea tibi enarrare Pater cœleſtis. Peccavi in cœlum, & coram te, & me dignum non duco, qui ultrà vocer filius tuus; tu penetras cogitationes meas, & abdita cordis mei pertransis. Cùm igitur noveris ſinceritatem pœnitudinis meæ, ignoſce mihi omnes iniquitates meas, & dele eas

lavacro pretiosi sanguinis Filii tui, agni immaculati, qui satisfecit pro peccatis totius mundi, & ut purificaveris me, cinge me iterum candidâ Innocentiæ stolâ, & orna meam manum aureo fidei annulo, veluti pretioso pignore, quod me contineat in timore, & amore tuo. Suscipe me ad osculum pacis: ut latentur beati spiritus conversione mea, sicut ruinâ meâ lætati sunt impii. Nihil omnino tibi est impossibile Pater supreme, & misericors, qui semper promptior, & magis paratus es ad sublevandas necessitates nostras, quàm simus nos ad eas tibi exponendas. Tibi rependatur gloria, honor, & gratiarum actio, pro omnibus beneficiis, quæ indies de manu tua liberali accipimus. Amen.

Oratio alia.

SUprema, & adoranda Majestas, quàm hîc præsentem credo, me respicientem, & auscultantem, scrutantemque pro-

profundissimas cogitationes cordis mei. Adoro te, teneo te, & agnosco te Deum, Creatorem, & legitimum Dominum meum, illum unicum, qui est, & qui, cum per naturam suam plenitudo essentiae sit, non potest non esse; ideo debitam tibi soli adorationem exhibeo, inclinans animam meam, & flectens genua coram te: ut hoc latriæ cultu agnoscam supremum, & absolutum Dominium tuum, quod habes in omnes tuas creaturas.

O DEUS lucis, qui illuminas omnem hominem venientem in hunc mundum, celsa, si placet, in corde meo lucis, amoris, & doloris ductum; ut bene agnoscam, oderim, & detester omnia peccata mea, quorum sum reus ante faciem tuam.

Mater DEI, peccatoribus tam gratiosa, assiste mihi per potentiam intercessionis tuæ.

Sancte Angele, Dux fidelis, columna ignis, quam sequi debeo, tam viva luce

luce penetra animam meam; ut in tenebrosis ejus recessibus minimas etiam infidelitates meas detegam, quas commisi adversus Deum meum.

Et vos Sancti, & Sanctæ DEI intercedite pro me: ut faciam fructus dignos pœnitentiæ.

Offero tibi, ô Salvator meus! & DEUS meus exactam, quam mox facturum sum, criminum meorum inquisitionem: ut glorificem te in tua Divina Justitia, credens firmiter, per merita mortis tuæ, passionis, peccata mea mihi esse condonanda in hoc Sacramento, si requisitas ad id dispositiones asseram. Spero per illum ipsum sanguinem, te mihi gratiam facturum, ad id me bene disponendi, & deinceps te nunquam offendendi. Offero id tibi in spiritu amoris, intendens tibi placere, implendo voluntatem tuam, & pro omnibus intentionibus, quæ tibi possunt asserre plus honoris, & gloriæ.

Hic facienda est reflexio accurata, in
qui-

quib
 & p
 vert
 & n
 talit
 sione
 Con

D
 plic
 & a
 ret
 infi
 infi
 mih
 me
 in b
 cre
 rian
 tuo
 tua
 om
 pos

*quibus contra Dominum Deum, contra te,
& proximum peccaveris: cogitatione,
verbo, opere, & omissione, dispectô,
& notatô numerô, & specie saltêm mor-
taliû peccatorum, quæ dein in Confes-
sione explicentur. Dein sequens Actus
Contritionis elici poterit.*

Actus Contritionis.

DEUS meus, & omnia! infinitè ama-
bilis! fateor peccata mea multi-
plicata esse super capillos capitis mei,
& arenas maris, & licet eorum non fo-
ret nisi unicum, illô perfectiones tuas
infinitas offendi. O utinam mihi essent
infiniti dolores, & pœnitudines, cùm
mihi motiva suppetant infinita, quæ
me obligent ad dolendum! peccavi
in bonitatem tuam; præhabens vilem
creaturam, vanum honorem, transito-
riam voluptatem, bonum leve amori
tuo. Offendi supremam Majestatem
tuam, quam adorare, cui servire, quam
omni reverentia, omniq; contentione
possibili honorare debebam. Ah

Ah Domine! propter tuimet amorem ignosce mihi peccata mea; ô pulchritudo, & bonitas infinita, quomodo ausus sum te odisse, & aspernari! prô! quantum doleo de brutali hoc, & irrationabili odio! ah nunquam amplius! nunquam amplius te offendam ô Domine; malo millies bonorum, honoris, & vitæ jacturam pati, quàm displicere Deo, tam bono; & in primis per tale medium tali, vel tali peccato obicem ponam.

Quod, ut primùm poteris, faciendum.

Norma Confessionis ante Confessionem.

SUPreme, & juste Judex vivorum, & mortuorum, qui vides, & cognoscis secretissima cordis mei! an fieri potest, ut me præsentare audeam coram te, postquam fui tibi infidelis? sed cheu, non possum te fugere; ubique enim es, nec me abscondere possum coram te, cùm omnia videas. Quid ergo? violavi

lavi toties sanctitatem præsentiæ tuæ
tot cogitationibus, & conspectui tuo
abominabilibus, actionibus, ego, qui
tum metuebam testem habere novissi-
mum hominum. Ah DEUS meus! nè
judices me in rigore justitiæ tuæ, sed
ignosce secundum magnitudinem mi-
sericordiarum tuarum. Detestor ex
toto corde meo, quidquid tibi in me
displicere potuit, & paratus sum (ad-
miniculô gratiæ tuæ) quàm potero op-
timè, injurias tibi factas expiare.

O DEUS meus! quàm confundor,
me toties coram te fuisse, tam parvâ
reverentiâ, toties fefellisse promissa ti-
bi facta, te nunquam offendendi! O
DEUS meus! si toties aliquid homini
hujus terræ promississem, isque me fi-
dem violantem deprehendisset, quan-
to pudore suffunderer? & coram te,
ô Domine! id nec tantillum curo, quia
singulis diebus offendo te in faciem.
Heu! quàm bonus es, me tam diu to-
lerando. O DEUS cordis mei! quia
erga

erga me in maximis meis peccatis induratum, tantâ usus es patientiâ, non abnue mihi misericordiam tuam, cùm jam ea commisisse pœniteat.

Alius Contritionis Actus.

Dolor, quem habeo, te offendisse, ô DEUS meus! & odium, quô ferror in peccata mea, cùm sint æquô debiliora, supplico tibi, ô DEUS sanctitatis infinitæ! ut acceptes odium, quô ipsemet ea averfari, & odium Filii tui JESU Christi in peccata suscipias, unâ cum sancta ejus vita, & morte dolorosa, quam tibi offero in satisfactionem omnium offensarum mearum.

Actus Spei.

O DEUS meus! qui tam faciliè motus fuisti precibus publicani, lachrymis Magdalenæ, & petitione latronis pœnitentis, tu, qui expansis brachiis, tantâque bonitate recipis omnes peccatores revertentes ad te, & implo-

implorantes clementiam tuam; ah omnipotens Domine! nunquid invitâsti me, sicut quemcunque alterum ad sperandum de tua misericordia? Spero, itaque, ô DEUS meus! quòd eandem mihi gratiam factururus sis: quia decrevi te ultrâ nunquam offendere. Et quamvis miser sim, veniâ indignus; confido tamen factâ mihi promissioni tuâ, quæ mihi asseverat, te non velle mortē peccatoris, sed ut convertatur. O quantas habeo rationes in te sperandi Redemptor meus! cū tanta passus fueris in expiationem peccatorum meorum. Itâ est Domine! hanc gratiam propter te ipsum mihi recusare non potes, idque tam firmiter credo, ut, etsi te accinctum viderem ad me in infernum præcipitandum, non desperarem de tua misericordia: quia es DEUS Creator meus, Salvator meus, Conservator meus, vita, & nutrimentum animæ meæ; es denique mihi omnia, & is unicus, quem vult unicè diligere anima mea.

Cc

Actus

Actus bonæ resolutionis.

Protestor tibi DEUS meus, totus bonus, & totus misericors. Quòd si mihi obtingere possit felicitas tecum in gratiam redeundi, & participandi Divinos, charitatèque plenos favores, quos cum dilectis filiis tuis communicas, decreverim, tibi semper fidus permanere, & mori potius, quàm te deinceps quomodocunque offendere.

Oratio ad Deiparam.

O Sanctissima, & gloriosissima Virgo Mater DEI, in qua maximi peccatores inveniunt securitatis asylum, & quæ semper prompta es ad sublevandos miseros! Mater misericordiæ, nullus unquam in te speravit, qui confusus permaneret; & ideo ad te recurro: ut adjutus meritis tuis, & suffultus gratiâ Filii tui, dignè possim confessionem meam peragere. Angeli, qui mihi dati estis indices consilii, & viæ, assistite

sistite mihi, & orate pro me; & vos Sancti, & Sanctæ, sub quorum protectionem me constitui, quæso vos, impetrate mihi intercessionibus vestris remissionem peccatorum meorum, & gratiam, hanc Confessionem perficiendi adeò integram, & absolutam, acsi vitæ meæ foret ultima.

Sic præparatus, omni humilitate exteriori, & interiore accede ad confessionale, nec festinanter, nec nimis præcipitanter, sed ordini potius tuo modeste insiste; nec velis distingui à plebe, quantumcunque supra ceteros elevatus; in omnibus tanquam reum te exhibe, & respice Sacerdotem, qualiscunque sit, ut personam ipsiusmet JESU Christi: cum ejus vices suppleat, eum præsentet. Cum igitur se inclinaverit versùs tuam partem, loquèris ei submisso supercilio, & priusquam te accuses de peccatis tuis, dices: benedic mihi Pater, quia peccavi, & recitabis confiteor usque ad mea culpa; peccata deinde aperies, innuendo numerum, speciem, & circum-

*stantias, mala exempla, & scandala, ab
eis causata.*

*Absoluta confessione conclu-
dere poteris hac ratione.*

PRæter hæc peccata omnia, quo-
rum me reum fassus fui, acculo me
aliorum omnium, quæ commisi, &
quorum notitiam non habeo, & quæ
memoriâ mihi exciderunt. *Finis dein-
de Confiteor, incipiendo à mea culpa,
conando formare actum contritionis, dum
Sacerdos dicet: misereatur &c.*

**Actus fidei post Confes-
sionem.**

CRedo firmiter, ô DEUS meus! pec-
cata mea per merita pretiosi San-
guinis tui in hoc pœnitentiæ Sacramen-
to jam suscepto mihi esse condonata, si
omnes dispositiones ad id attulerim,
quas in hoc statu exigit iustitia tua. Cre-
do etiam esse solam ejusdem Sanguinis
virtutem, quæ actiones meas merito-
rias

rias facere possit. Mihi igitur, ô Domine! totam ejus efficaciam applica; ita, ut reparans, quod defectuosum est in confessione mea, te nil impediat, quod minus in Cœlo absolutionem confirmes, quam mihi minister tuus in terra impertiit.

Oratio post Confessionem.

Obsacro te, ô DEUS meus! per merita Beatissimæ Virginis MARIÆ Matris tuæ, & omnium Sanctorum: ut hæc confessio tibi sit accepta; ut suppleat misericordia tua, quidquid unquam defectuosum fuit, tam in ea, quam in omnibus aliis, quas hucusque peregi, sive in integritate, sive in sinceritate confessionis, sive in satisfactionis complemento: ut per ipsam me plenè, & perfectè absolutum in Cœlis habere digneris, ubi vivis, &c.

Actus gratiarum actionis.

O DEUS meus! Pater misericor-
dia-
D c 3

diarum! non scio, quas grates rependam extremæ Charitati tuæ, propter beneficium inæstimabile, quod mihi exhibuisti, propter quod me nunquam satisfacere posse confiteor, nisi offerendo tibi merita, & perfectiones infinitas supremi Domini mei JESU Christi, Filii tui unici, qui se mihi dare dignatus est. Offero ea tibi, ô Domine! ut suppleant impossibilitatem meam. Offero etiam tibi merita Beatissimæ Virginis, Angeli tutelaris, & omnium Seraphinorum, Prophetarum, Apostolorum, Martyrum, Confessorum, Virginum, & totius curiæ cœlestis, & simul protestor coram te, ô supreme Conditor, & Creator, quòd tot linguas desiderarem, quot unquam extiterunt, & quot creaturæ sunt in cœlo, & in terra: ut eas omnes exerere possem usque ad consumationem sæculi ad manifestandas bonitates tuas, & tibi gratiarum actionem retribuendam in omnem æternitatem.

Alius

Alius Actus gratiarum actionis.

Benedicat tibi anima mea, ô DEUS meus! & omnia, quæ intrâ me sunt, laudent Nomen sanctum tuum : quia adhuc expectâsti me; ut tecum in gratiam redirem. Beatissima Virgo Mater Salvatoris mei, Angeli unâ cum Sanctis tibi gratitudinem exhibeant: quia non est in viribus meis id præstare. Quare offero tibi omnes gratiarum actiones, quas egit tibi, & æternum aget Dominus meus JESUS Christus pro bonis, quæ per merita sua, Ecclesiæ Sponsæ suæ, & Filiis ejus confers.

ORATIO

Ad DEUM PATREM.

O DEUS meus! à bonis operibus nudus, & inanis, & non habens, quô tibi satisfaciam pro peccatis meis, præsentio tibi merita JESU Filii tui, quæ valore infinito enormitatem of-

fenfarum mearum, omniũque creaturarum peccata transcendunt.

O Pater æterne! offero tibi pretium redemptionis meæ, eamque, quam Saluator meus expirans in crucis stipite Pro me præstitit solutionem, Domine! converte oculos tuos in Divinam faciem ejus, & respice corpus ejus, quasi mortuum, quod est supra altare; & pretiosum ejus Sanguinem in calice; & quamvis nullum ibi verbum proferat; pauciora tamen ipsi ora non sunt, quàm vulnera, nec voces pauciores, quàm Sanguinis guttæ, quæ magis clamant, quàm crimina nostra; exaudi eas igitur Domine, qui es DEUS clementiæ, & si audivisti vocem sanguinis Abel, qui à te vindictam postulabat, multò magis audi vocem Sanguinis Filii tui, & fratris nostri, qui à te gratiam petit, qui oravit te pro nobis expirando, qui adhuc ex hac ara ad te clamat, sicut fecit in Calvariæ monte: *Pater dimitte illis: non enim sciunt, quid faciunt.* Implorans

rans pro nobis misericordiam tuam, qui
sumus miseri peccatores, & qui eum
millies crucifiximus offensis nostris.

Quòd si modò oculi mei lachrymas
non fundunt ad deplorandum peccata
mea, & solum cor internè ea detesta-
tur, respice, ô DEUS meus guttas san-
guinis, quem profudit tempore vitæ,
& mortis suæ Filius tuus pro offensis
meis, & cujus efficaciam, & meritum
mihi totum applicuit, cùm satisfactio-
nem pro omnibus hominibus in se su-
scepit, utpote fidejussor pro omnibus
in genere, & quovis in particulari.

Ignosce igitur, ô DEUS meus lu-
xui, & vanitatibus meis, per humilita-
tem dilectissimi Filii tui.

Per amorem, & charitatem ejus lar-
gire mihi veniam criminum meorum,
& per paupertatem ejus ignosce ava-
ritiæ meæ.

Per carnem ejus virgineam, & nu-
ditatem in prætorio, & cruce, parce
impudicitiiis meis internis, & externis.

Remitte mihi intemperantiam, & gulam meam, per famem, & sitim, quam Salvator meus passus est in deserto, cruce, & ferè totâ vitâ.

Per suavitatem, & mansuetudinem hujus Agni sinè macula, da veniam iræ, indignationibus, inimicitiiis, & ultionibus meis.

Et per diligentiam, quâ operatus est salutem nostram, remitte mihi pigritiam, & acediam meam; denique per omnia merita, & omnes perfectiones Salvatoris mei, indulge mihi remissionem omnium facinorum, defectuum, & imperfectionum mearum.

Quòd si præterea Pater excelsæ super omnia! à me postulas pœnitentiam interiorem, & externam; ut, quod delectavit carnem, animæ tristitiâ pariat, & quod placuit animæ, & carni, corpus dolore afficiat; ecce me humiliter prostratum ad pedes Majestatis tuæ, coram qua quodvis peccatum detestor, & abominor omnes occasiones,
quæ

quæ aditum ad illud parare possunt ;
intimè quoque, & summè doleo, quòd
ullum unquam admiserim, non tam
propter supplicium, quod promerentur
offensæ meæ, quàm propter boni-
tatem tuam infinitam, & amorem tui,
qui es DEUS meus summè adorandus,
& omni honore dignus ; firmiter autem
statuo, ô Domine ! auxiliante sancta
gratia tua, nunquam relabi in peccata
mea, omnes eorum occasiones fugere,
& evitare, & in pœnitentiam, & satis-
factionem pro tot criminibus, quibus
me inquinavi, patiar libenter, si velis,
omnes cruciatus, luctus, injurias, do-
lores, & morbos, quidquid denique
adversus, & dolorosi mihi evenerit, seu
à te directè, seu ab aliqua creatura se-
cundùm ordinationem providentiæ
tuæ, cui me ex toto corde submitto,
ad ultimum usque vitæ halitum. Scio
enim te nihil determinâsse in exitium
meum ; cùm non creaveris me, nisi ut
salves me, dummodo ex parte mea in-
ter-

ternis correspondeam gratiæ tuæ motibus. Facigitur in me, ô DEUS meus! quidquid jubes me facere, & jube, quidquid lubet. Amen.

Sic imploratâ Dei misericordiâ, ora Dominum JESUM, ut pro tuis, & reliquorum hominum peccatis offerat, quidquid pro nobis perpeffus est.

NORMA COMMUNICANDI.

Actus Fidei.

CRedo firmiter, Salvator meus! & DEUS meus! te in venerabili Sacramento præsentem esse verum Deum, & hominem. Credo, quòd tu dixisti (Tu, quies veritas æterna) & nullam ad id credendum rationem cupio, nisi quia potentia tua est infinita, & potens operari, quidquid tibi placet: quia nihil, ô DEUS! ter maximè, omnipotentiae amoris tui est impossibile. Credo, te esse Creatorem cœli, & terræ, & divinitatem, sanctamque huma-

nita-

nitatem tuam contineri, & velari sub his speciebus; vado ergo ad suscipiendum corpus illud in castis Mariæ visceribus incarnatum, corpus in cruce pro me mortuum, corpus tertia die resuscitatum, & quod jam refulget in pleno gloriæ suæ splendore; vado ad suscipiendam animam hanc sanctissimam, omnium prodigiorū tuorum compendium, imò potiùs consumationem; vado ad suscipiendam divinitatem tuam, & per concomitantiam Trinitatem unā cum omnibus suis perfectionibus infinitis credo me thesaurū hunc possessurum. O anima mea! quomodo coram eo comparere audes, qui est tam magnus, tam potens, & tam incomprehensibilis, & quem tu toties offendisti? Ignosce mihi Domine! bonitas tua est, quæ me ad id invitat, & vocat, dicens: venite ad me omnes, qui onerati estis, & ego reficiam vos. Ecce adsum Salvator meus! gravi oneratus peccatorum sarcina, quam depono ad pedes tuos;

tuos; demerge ea in pretiosum Sanguinem tuum; ut penitus extinguantur.

Actus Contritionis.

DEUS bonus, totus clemens, & totus misericors, qui non aspernaris peccatores miserrimos; quâ fieri potest: ut postquam tibi, tam perfidus factus sum, & millies te coëgi à me recedere, & quasi violentè ab animæ meæ habitaculo propulsavi, ut peccatum intromitterem, totâque sceleribus, infensissimis hostibus tuis, traderem, qui inquam fieri potest, Domine! ut eò usque te velis deprimere; ut ad me accedas? ah! quantum doleo, quòd te offenderim, & tam malè responderim gratiis infinitis, quas indies percipio de liberali dextera tua. Tu, ô Domine! irremissè flagras desiderio salutis meæ; & ego ejus media procurare negligo; imò à te misericorditer oblata despicio? O anima mea non erubescis propter languorem tuum, dum tam modicum

cum fructum te percepisse cernis ex in-
æstimabili thesauro sacro-sancti Cor-
poris Salvatoris tui, quod toties susce-
pisti? Domine & Redemptor mi! mi-
serere mei per merita pretiosi Sangu-
inis tui, ignosce mihi omnes præteritas
infidelitates meas, fac dignam animam
meam, ut accedere possit ad te. Præbe
mihi osculum pacis, qui sincerè coram
te protestor, quòd mihi metipsi dein-
ceps tam exactè invigilare velim; ut
gratiæ tuæ subsidiò minimas etiam oc-
casiones, quæ me in peccatum præci-
pitem agere possent, sim declinaturus,

Actus Humilitatis.

O Magne DEUS! suprema, & infi-
nita Majestas, omnis luminis, &
sanctitatis origo, coram qua non solum
ego vilis, & misera creatura, sed omnes
Angelici Chori, & Potestates cœlestes,
& omnia, quæ sunt, nihil sunt: quo-
modo audebo ad te accedere? O quàm
indignum me agnosco, ut suscipiam te;
si

si enim unà cum perfectione, & sanctitate Angelorum, hominum, & omnium simul creaturarum, hunc favorem infinitum, nequaquam promererer, quomodo ergo sentiam me eum mereri posse; cùm sim tantus peccator, tot criminibus inquinatus, totque imperfectionibus, & imbecillitatibus plenus.

Actus Spei.

O Quanta bona exspecto ab aspectu, & possessione maximè desiderabili sanctissimi Corporis, & Sanguinis Dominii, ac Salvatoris mei JESU Christi! ô quàm spero omnes meas plagas sanctis, & salutiferis ejus manibus esse tangendas, & earum contactu sanandas! O quam spero suavibus ejus oculis misericorditer me respiciendum, & ore ejus Divino mihi verba consolationis, benedictionis, gratiæ, & vitæ esse dicenda; spero, sanctissimâ ejus animâ meam esse sanctificandam, ejus memoriâ meam esse confortandam, ejus

eius intellectu meum illustrandum, & voluntate ejus, amore mei penitus flagrante, & accensa, meam inflammandam; ecur non sperem de bonitate, & amore ejus has omnes divitias, & adhuc ampliores? cum credam, quàm dives, quam potens sit, qui ad me venit, & fines, propter quos venit. O amor! ô prodigiose amor! nunquid mihi præbes incomparabilis affectionis testimonium, cum ad me venis pauperem, & miserum? Heu meam indignitatem!

Actus Gaudii.

O Quàm ineffabile gaudium, quàm ingentes deliciae, & voluptas infinita est possidere corpus animam, & Divinitatem Filii Dei Domini nostri, & quidem adeò intimè possidere, & cum tot fructibus tantopere exoptatis. Veni ergo, ô veni desiderium cordis mei! corpus meum, & anima mea quacunque imaginabili affectione te exoptant. Veni, ô veni!

COMMUNICANDI. Actus Desiderii.

Quis mihi dabit fidelem amatorem meum, Sponsum meum dilectum, ut eum stringam, ut eum possideam, ut introducam in secretiora cordis mei, ibique Divinâ ejus præsentia gaudeam, eum videam, audiam, liberè, & familiariter alloquar, omnes ei, etiam minimas cogitationes meas detegam comiter, & benevolè cum eo converſer, eumque diligam, & quàm tenerrimo amoris affectu amplectar.

Actus Oblationis.

Offero tibi, ô DEUS meus sanctam hanc Communionem in tota puritate amoris tui, & solo tibi placendi desiderio, sciens hanc actionem tibi esse peracceptam, & ut satisfaciam desiderio, quod habes, in animam meam veniendi, juxta authenticum testimonium, quod perhibuisti nobis per verba adeò penetrantia, & tam plena amore, quæ

quæ locutus es instituens hoc amoris
Sacramentum ante passionem tuam :
Hoc facite in meam commemoratio-
nem, in memoriam mortis, & eorum,
quæ passus sum. Ut igitur exequar,
quod me iussisti adimplere; ut uniam,
& jungam me tibi, ô DEUS meus!
& omnia! & ut consequar donum amo-
ris tui, perfectam mei nihili notitiam,
& *talem virtutem N. acquirendi forti-*
tudinem, te suscepturus accedo.

Actus Adorationis.

O Prodigium incomprehensibile!
quod DEUS pro me descendat
de cælo, & folio suo in terram; abscon-
dat, & velet magnitudinem suam infi-
nitam, & supremam Majestatem sub vi-
libus speciebus; sub accidentibus pa-
nis, & vini se includat, in punctum
constringat, & quasi annihilat propter
me; omnes naturæ leges invertat, &
tot propter amorem mei patret mira-
cula. O quàm admiranda sunt hæc, &

stupenda prodigia! ô quàm verum est Domine, quòd, postquam tuos dilexisses, peculiariter in finem illos dilexeris, adorabile hoc, & divinum Sacramentum instituendo.

Oratio ad Deiparam.

O Gloriosa Virgo! Mater Salvatoris mei, spes afflictorum, & refugium peccatorum, implora pro me Divinam misericordiam; ô excellentissimum Trinitatis lilium! sparge coram ea in favorem meum pretiosum odorem orationum tuarum: ut per intercessionem tuam Filius tuus me suscipiat ad osculum pacis, me sibi uniat, & ut fiam anima secundum cor suum. O beati Spiritus, puræ intelligentiæ, & vos omnes Sancti, & Sanctæ Dei, qui fruimini gloriâ, intercedite pro me: ut vestrò adminiculò in omnibus placeam Domino, & Deo meo, eum laudans, & glorificans hìc in terris, uti vos facitis in cœlo.

Actus

Actus Contritionis ante

Communione ad Confiteor.

CUM dolor, quòd te offenderim, ò DEUS meus! & odium in peccata mea longè alia sint, quàm esse deberent, obtestor te, ò DEUS sanctitatis infinitæ! ut id odium acceptes, quo ipse adversus peccata exardescis, & illud admittas, quod habet filius tuus adversus omnia peccata hominum, & peculiariter adversus mea, ut suppleatur defectus doloris mei, & plenè satisfiat justitiæ tuæ.

Intra hęc considerationem tui nihili, & indignitatis tuæ; agnosce in humilitate profunda vilitatem, & malitiam tuam, & dic paulò, antequam Sacerdos incipiat, Domine non sum dignus.

AH adorande Redemptor meus! agnosco me infinitè indignum, ut ad te accedam, & te suscipiam, non solum ratione inæqualitatis infinitæ inter supremam Majestatem tuam, & meum

nihilum, sed multò magis ratione enormitatis, & numeri commissorum peccatorum, quæ me à te removent millies longius, quàm vilitas naturæ meæ; & ratione exigui doloris, insensibilitatis negligentiae, & tepiditatis meæ. Hinc dico ex intimo corde percutiendo pectus, & maximo, quàm possum sensu: *Domine non sum dignus, ut intres sub tectum meum; sed tantum dic verbo, & sanabitur anima mea; idque bis adhuc repetes.*

Devotæ aspirationes immediate ante Communionem dicendæ.

Veni, ô veni Domine! totus bonus, & totus amabilis, & operare excellenter in me id, propter quod venis. O dilecte cordis mei, ne ultrà distuleris adventum tuum.

Ah DEUS meus! quàm ardenter desidero te suscipere intrà cor meum.

Est fateor habitaculum te indignum; sed adeò bonus, adeoque magnificus;

ut

ut ex illo habitaculus tuum facere, illudque donis tuis exornare non dedigneris.

Veni igitur dilecte Salvator! nè ultra tardaveris! fateor me non esse nisi peccatum, corruptionem, & malitiam; sed scio misericordias tuas esse supra omnes iniquitates.

In Communione.

ODEUS meus! intra in animam meam, & sanctifica eam; posside cor meum, & purifica illud DEUS meus! veni in corpus meum, & conserva illud; nec permitte, ut me unquam separem abs te.

Combure, ô ignis consumens! quidquid in me vides tuâ præsentia indignum, & quidquid potest facere obstaculum gratiæ, & amoris tuo.

O cœleste manna! utinam ita gustem te, ut omnes mundi voluptates mihi insipidæ fiant.

Aspirationes post Communionem.

O DEUS amoris, & Majestatis, scaturigo gratiæ, & luminis! O sacro-sancta Hostia! utinam te digne adorare, benedicere, laudare, intra me ipsum amplecti possim; potentiæ animæ commoveamini, & exultate gaudiô, inclinationes corruptæ reducimini ad originem vestram coram Domino.

Minus est cor unum; ut cognoscat Te, ô divine JESU!

Minus est cor unum; ut cognoscat omnes bonitates tuas.

Seraphini ardentes date mihi mutuos ardores vestros; ut anima mea amore Dei mei accensa in æternum permaneat.

O Salvator meus! cùm sis in me, non sim ampliùs meus! vive in me, anima me in sempiternum.

Non sit mihi ampliùs gustus, nisi pro te; non sit sensibilitas, nisi pro te;
non

non sint oculi, nisi pro te; non aures,
nisi pro te; non cor, nisi pro te, DEUS
meus!

O anima mea non amplius peccatum,
non creaturas inter, & Creatorem
divisio.

Obliviscar omnia, obliviscar me
ipsum; ut non meminerim amplius, nisi
bonitatum tuarum, ô DEUS meus!

Benedicant te in sæcula, omnes Angeli,
& beati in cœlis, & animæ sanctæ
in terra, & tibi locò mei gratiarum
actionem rependant pro inæstimabili
beneficio, quod modò accepi.

**Actus Fidei ab hac visitatione
commoto eliciendus.**

Firmiter credo, ô mi DEUS! te corpore,
& animâ in hoc augustissimo
Sacramento contineri; & gratiæ, quas
effundis in animam meam, te inibi verè
præsentem esse, mihi satis, superque demonstrant.
Credo, ô Domine! te corpore, & animâ in corde meo residere,

& divinitatem tuam modò esse intrà me, & mihi unitam!

Actus Adorationis.

ADoro te reverntiâ profundissimâ, cultu humillimo, & veneratione sincerissima, quam tibi quæcunque creatura demonstrare, aut exhibere posset; ô Domine meus, & DEUS meus! utinam adorem, honorem, & reverear te, me humilians unà cum beatis spiritibus, quos comites habes in hoc sanctissimo Sacramento; non ut ipsi: id enim non valeo; sed ut vermiculus terræ humiliter repens in pulvere sui nihili: ut tibi fidelitatem meam testificer, desideriumque, quod habeo, te glorificandi, idque eò magis, quò glorificandi tui me incapaciorem esse cognosco.

Actus Admirationis.

Verum, ô Domine! nunquid possibile est, quòd tu hìc apud me, & intrà me existas? nunquid possibile est, quòd tu, ô suprema, & infinita Majestas!

itas! creaturarum tuarum postremam
visitare, & magnitudinem tuam usque
ad nihilum meum deprimere digneris?
Tumagnus ille DEUS, qui hoc ipso,
quo loquor, momento, coleris, & ado-
raris infinite à Cherubinorum celsissi-
mis? O suprema, & incomprehensibi-
lis Majestas! Tūne resides in corde
meo, & corpus meum inhabitas? Tūne
tot operari voluisti miracula, totā-
que naturam invertere: ut ad cor me-
um pertingeres? ô Domine totus stu-
pore percussus hæreo in consideratio-
ne hujus ineffabilis favoris.

Actus gratiarum actionis.

ATque hoc est, ô Salvator! propter
quod corde tenerrimo, & pleno
gratitudinis, eas tibi gratias agere co-
gor, quas verbis satis explicare non
possum. O quàm grandis favor iste est,
& quàm potenter mihi cor rapit! mil-
lies igitur, & millies te benedico; &
cū solus sim impar, nec vox, aut ver-
ba

ba mihi suppetant, quibus tibi pro minimis etiam beneficiis gratias referre possim, quid faciam pro hoc, quod mihi modò contulisti, dum te ipsum unà cum omnibus tuis perfectionibus infinitis mihi donâsti? Heu! quàm iis sum indignus dilecte Salvator; quantum abest, ut me gratiis tibi pro hoc inæstimabili beneficio rependendis parem reperiam! sed quia tu unicus es Domine, qui mihi debitam pro eo gratitudinem inspirare vales, effice: ut cor meum tantas tibi gratias referat, quantis dignus es, & ut sancta Mater tua, omnes Angeli, omnes Sancti, omnes homines, & omnes simul creaturæ concordet tibi pro eo gratias agant; & ego omnium vilissima, & indignissima, tibi gratias ago ex totis viribus animæ meæ, & ex intima cordis affectione. Verùm cum hæc gratiarum actio nondum ad id, quod mereris, accedat, offero tibi unà cum omnibus adorationibus, humiliationibus, & venerationibus,
hono-

hono
tiar
repe
nem
tuis
actio
hibu
tia,
ticip

O
nis
nias
abun
ut di
corp
me
nis
nibu
biler
ineff
ferre

honores, laudes, benedictiones, & gratiarum actiones, quæ tibi repensæ sunt, rependuntur, & rependentur in omnem æternitatem ab omnibus creaturis tuis: offero tibi tuasmet gratiarum actiones, quas ut homo Patri tuo exhibuisti; do tibi ea, ut ad me pertinentia, cum me meritorum tuorum participem feceris.

Actus petitionis.

O Dominus, & DEUS meus! operare id in me, propter quod venis ad me; ad me venis, ut te mihi unias, ut mihi applies efficaciter, & abundanter merita vitæ, & mortis tuæ, ut dites me thesauris tuis, ut sanctifices corpus, & animam meam, ut vivifices me vitâ Divinâ proportionatâ tuâ; venis ad me, ut angelis, & hominibus omnibusque creaturis tuis per inæstimabilem communicationem tuam, & per ineffabilia dona, quæ per eam mihi conferre dignaris, palam demonstres, quàm bonus

bonus sis, quàm dulcis, liberalis, & magnificus; venis ad me: ut procures tibi supremam, & justissimam gloriam, & ut gaudium, & voluptatem percipias ex utilitate, & fructu laborum Vitæ, & Passionis tuæ, quos mihi in sanctissimo hoc Sacramento impendis. Operare igitur in me id, ob quod venis ad me; produc in me omnes hos effectus in gradu eminentissimo; an ergo de cœlo descendisses in terram? An tot patrâsses miracula, tot prodigia operatus fuisses, totam naturam invertisses, & tot fecisses apparatus (tu, qui nunquam quid frustra operaris) ut omnia hæc infructuosa permanerent? Nè perdas igitur, ô DEUS meus! totus bonus, totus sapiens, & omnipotens, nè perdas fructum vitæ tuæ; operare in me, propter quod venis in me; uni me tibi, téque mihi unione insperabili, nexu amoris tui solidissimo; uni abyssos tuas abyssis meis, abyssū misericordiarum tuarum abyssō miseriarum mearum,

rum, abyſſum lucis tuæ, abyſſo tenebrarum mearum, abyſſum potentiæ tuæ, abyſſo infirmitatis meæ, & abyſſum divitiarum tuarum, abyſſo paupertatis meæ; applica mihi plenè merita vitæ, & mortis tuæ, ſanctifica corpus, & animam meam, omnes cogitationes, omnia verba, & actiones meas, & fac me vivere vitâ planè divinâ.

Glorifica te in me ſublimem in modum, & recipe ex hoc gaudia, quòd merita tua in me reddas efficacia, & ſupplicia tua utilia efficias.

Alius Actus petitionis.

O Amabilis JESU! qui es in medio cordis mei; tu ſcis, quid mihi deſit, & quòd finè te nihil poſſim, ſed tecum omnia; vides mihi nullam eſſe humilitatem, amorem, & pœnitentiam, mèque tam debilem eſſe, ut minima occaſione in lapſum me præcipitari ſinam, & nullis ex me valere viribus: ut finè te reſurgam. O Charum, & Divinum

num amoris mei objectum ! commoveat te miseria mea, & subleves extremas meas necessitates, effunde intrando in animam meam beneficia tua in ejus potentias, da mihi profundam humilitatem, veramque mei nihili agnitionem, magnam cordis puritatem, donum amoris tui in supremo gradu : ut amem te ex toto corde meo ; mentem plenè conformem sanctæ, & adorandæ voluntati tuæ, fortitudinem, & constantiam ad superandos pravorum habitus meos, imprimis hunc, & hunc N. ante omnia da mihi remissionem peccatorum meorum, gratiâq; nullum posthac committendi, magnam spiritûs nuditatem, & perfectissimum rerum creaturarum contemptum ita, ut non amem, nisi te solum ; da mihi robur internum, quod coërceat me, & inhibeat, nè unquam in consensum criminum abripiar ; da mihi etiam prudentiam, sapientiamque necessariam bene fungendi officiô meo, & super omnia patienti-

tientiam sustinendi propter te, quidquid mihi evenerit; fortifica me, ô adorande JESU! in bonis propositis meis, & sanctis resolutionibus, in servitio tuo, & da mihi gratiam tandem bene incipiendi: quidquid enim hucusque operatus sum, nihil est; scis à te hæc omnia me sperare, tèque esse unicum, qui mihi ea, mediante gratia tua, dare possis, & ut perseverare possim usque ad finem.

Confiteor, ô DEUS meus unicum bonum meum, quòd sis ens infinitum, æternum, immensum, & omnino perfectum. Lætor ejusmodi perfectionum infinitate: quia tuæ sunt, eisque millies magis delector, quàm si forent proprium bonum meum. O quantum gaudeo de eo, quòd nihil in mundo eas tibi tollere possit, nec tantillum diminuerè! vive igitur æternum felix, perfectus, & infinitus in magnitudine tua, dulcis JESU! amor meus, & DEUS meus; ô quàm formosus es! quàm bo-

nus, sapiens, & misericors! quomodo laudabo te DEUS meus? doce me modum, id bene peragendi.

Actus ferventium amoris desideriorum.

JESU Salvator! per eam bonitatem infinitam, quæ impulit te, ut in terram descenderes, & omnes homines eriperes æternæ infelicitati, cui eos peccatum devoverat, suplico tibi, fac me sentire in corde meo potentem amoris tui effectum, & ejus ardor ita consummat animam meam, ut, quidquid terrestre est, despiciens, semper in cælum erigatur. Nihil nisi te contempletur, nihil nisi te cogitet, nihil nisi te respiceret, ita: ut, quemadmodum tu amore mei mortuus es in crucis stipite, sic & ego eodem amore in te moriar: ut vivam in perpetuum in possessione gloriæ tuæ.

Actus Appretiationis.

O DEUS! DEUS cordis mei, &
Do-

Dominus animæ meæ, qui mereris, propter perfectiones tuas infinitas, & favores inæstimabiles, quos mihi continuò exhibes: ut omnibus præferaris, & ameris supra omnes creaturas; protestor hodie coram omnibus universi creaturis, quòd te agnoscam unicum objectum cordis mei, & omnium affectionum mearum, præhabens te omni, quod in mundo reperitur, & mihi met-ipsi, & omnibus bonis corporis, & animæ, quæ possideo: cùm hæc omnia minora sint, quàm ut propositum meum te amandi, & tibi serviendi, etiam cum fortunæ, honoris, & vitæ meæ præjudicio, infringere valeant, protestans me tibi inviolabilem fidelitatem servaturum, nec me unquam separaturum à te.

Actus Resignationis.

O Dominus, & DEUS meus! totum me tibi resigno, & trado, idque cum gaudio ratum habeo; amplector
Ee2
etiam,

etiam, adoro, & submisſè revereor omnes voluntates tuas, & ſapientiffima, æquiſſima, & ſummè veneranda, quæ in me deſtinas conſilia, tibi profunda ſupplicans humilitate: ut, quidquid circa me decreviſti, ſive pro tempore, ſive pro æternitate, quòdocunq; demum in me, & per me ſumma, ac omni poſſibili perfectione adimpleatur.

Actus Spei.

Spero micantem hanc, & refulgentem faciem non ſemper operiendam; ſpero pulchritudinem hanc Divinam, & infinitam non perpetuò velandam; ſed diſſipatis tenebris, quæ modò eam mihi eripiunt, viſibiliter obverſaturam oculis meis, qui eam ſic videbunt, ſicut eſt in ſe.

Oratio ad Deiparam.

O Glorioſa Virgo! Mater Salvatoris, & Redemptoris mei, miſerere mei, qui ex me ipſo indignus ſum, ut ullam gratiam impetrem. O excellentiſſi-

tissimum Sanctissimæ Trinitatis Lili-
um! ora pro me: ut per intercessionem tuam
perfecto amore Filium tuum, Salva-
rem meum, complectar; & fiam anima
secundum corejus. O beati Spiritus!
túque præsertim Angele Custos, sup-
plico tibi: ut juves me gratias referre
Domino meo pro percepto ex visita-
tione ejus beneficio; orate pro me, ô
Sancti, & Sanctæ Dei; ut mediantibus
vobis in omnibus Domino, & Deo meo
placeam, eum laudans hic in terris, &
vos in cœlis. O sanctissima Virgo!
Mater mea dilectissima! obsecro te: ut
gratias agere digneris Sanctissimæ Tri-
nitati pro honore, quem mihi hodie
exhibuit, descendendo in animam me-
am; gratias age pro me dilectissimo
Filio tuo, & obtestare eum per amo-
rem tui: ut mihi id præstet in tui gra-
tiam, quod flagitavi ab eo, & quod fla-
gitabo omnibus diebus vitæ meæ, id est:
ut illi fidelis sim, & honorem te usque
ad novissimam horam.

CONCLUSIO.

MAne mecum, amabilis JESU! omne bonum animæ meæ; mane, & nè deferas me hîc solum: quid enim faciam sine te? quid faciam in absentia solis mei? nōne vivam in tenebris? quid in absentia medici? nōne morbis obruar? nōne gemam, & dies meos agam in tristitia? sed quia corporaliter discedere statuisti, non aliter res se habere potest, submitto me sanctæ voluntati tuæ; hanc separationem accepto, quamvis mihi acerbissimam, & ipsa morte duriores; sed obsecro te vicissim, quantum possum: ut mecum permaneas gratiâ, & amore tuo; vivam interea desiderio, & spe, reditum tuum sanctâ impatientiâ præstolando. Amen.



EXER-

EXERCITATIO VESPERTINA.

EXAMEN CONSCIENTIÆ.

I. Solve Deo grates.



Pater misericordiarum !
ô mi Creator! mi Salva-
tor! mi Redemptor! mi
Protektor! te benedico,
cum omnibus Angelis,
& curia Sanctorum universa, & ex in-
timis præcordiis gratias ago pro omni-
bus, & singulis animi, & corporis donis,
liberalissimè mihi, aliisque collatis, præ-
sertim hoc mense, hodièque talibus, &
talibus N.N. Et quid pro his retribui
tibi, aut retribuam?

2. Pete lumen.

Illumina me Domine, qui observasti
omnes semitas meas, & vestigia pe-
dum meorum considerasti. O! veni

lux vera, & pelle tenebras cordis mei:
ut videam, quid desit mihi, & quid dis-
spliceat tibi; ut omnem iniquitatem
odio habeam, & per gratiam tuam se-
riò emendem.

3. Discute mentem.

*Cogitata, dicta, facta, diei tecum ex-
pende.*

1. *An recta in rebus tuis intentione pro-
cesseris? An inspirationes divinas negle-
xeris? An suspicionibus, judiciis temera-
riis, ambitione, libidine, odio, alienorum
appetitione, &c. laboraveris?*

2. *An in verbis tuis vanitas, acerbitas,
mendacium, irrisio, detractio, murmura-
tio, juramentum, &c. locum habuerint?*

3. *An in actionibus aliquid Dei gloriæ,
proximi commodis, tuæ salutis obfuerit? An
obire neglexeris, quæ tui officii sunt?*

*Potes insuper, si placet, percurrere De-
calogum, præcepta Ecclesiæ, quinque sen-
sus, &c.*

4. Deli-

4. Delicti veniam posce.

O Pater amantissime! quem amo super omnia, ecce hæc reddidi mala pro bonis tuis. Doleo ex toto corde meo, & intimis medullis, & me infinitam bonitatem tuam toties offendisse. Ignosce indignissimo mihi, ô omne bonum meum! Parce, ô benignissime JESU! his, & omnibus occultis meis! per gemitus tuos, & lachrymas, per crucem, & vulnera, per omnes misericordias tuas.

5. Recide malum.

ITerúmne peccabo? corpus, & animam meam, vulnera, & sanguinem Christi, cœlum, & omnia, bona ob rem nihili prodigam? non faciam, ô bone JESU! non faciam, meritis tuis fultus, & gratiâ. Persequar inimicos, id est, vita mea, & cadent subtus pedes meos. O succurrite omnes Cœlites peccatrici huic animæ! Túque, ô mi-

sericordiæ Mater, quæ nullum derelin-
quis, tûque Angele mi Custos, vósque
Patroni mei, coram quibus propono
hæc peccata N. & illa N. emendare;
peccandi occasiones subterfugere,
quàm primùm confiteri.

Oratio ad B. Virginem.

O MARIA DEI-Genitrix! & Vir-
go gloriosa, omnium desolato-
rum ad te clamantium Consolatrix ve-
ra, per illud magnum gaudium, quô
consolata es, quando cognovisti Do-
minum JESUM die tertia à mortuis im-
passibilem surrexisse; sis Consola-
trix animæ meæ, & apud eundem tu-
um, & Dei natum unigenitum, in die
novissimo, quando cum anima, & cor-
pore sum surrecturus, & de singulis
meis factis rationem redditurus, me di-
gneris juvare: ut perpetuæ damnationis
sententiam per te, pia Mater, & Virgo,
valeam evadere, & cum Electis Dei
omnibus ad æterna gaudia feliciter
pervenire. Amen. Si

*Si Sodalis es, qui subjunges, quæ leges
Congregationis præscribunt; videlicet 3.
Pater, & Ave in honorem SSS. Trinitatis
cum Psalmo: De profundis, &c.*

PRECES NOCTURNÆ,
post Examen Conscientiæ.

TE lucis ante terminum,
Rerum Creator poscimus:

Ut pro tua clementia
Sis Præsul, & custodia.

Procul recedant somnia,
Et noctium phantasmata,
Hostémque nostrum comprime,
Nè polluantur corpora.

Præsta Pater piissime,
Patrique compar tñice,
Cum Spiritu Paraclito,
Regnans per omne seculum.

Amen.

SAlva nos Domine vigilantes, custo-
di nos dormientes: ut vigilemus
cum Christo, & requiescamus in pace.
y. Domine exaudi orationem meam.
&. Et clamor meus ad te veniat. Ore-

Oremus.

Visita, quæsumus Domine, habitationem istam, & omnes insidias inimici ab ea longè repelle; Angeli tui sancti habitent in ea, qui nos in pace custodiant; & benedictio tua sit super nos semper. Per Dominum nostrum **JESUM** Christum Filium tuum, &c. Amen.

O Domina mea sancta **MARIA**! me in tuam benedictam fidem, ac singularem custodiam, & in sinum misericordiae tuæ hac nocte, & in hora exitus mei animam, & corpus meum tibi commendo, omnem spem, & consolationem meam, omnes angustias, & miseras, vitam, & finem vitæ meæ tibi committo: ut per tuam sanctissimam intercessionem, & per tua merita, omnia mea dirigantur, & disponantur opera secundum tuam, tuique Filii sanctissimam voluntatem. Amen.

Angele

ANgele Dei, qui custos es mei, me tibi commissum pietate superna, hac nocte illumina, custodi, rege, gubernas, & in morte me adjuva. Amen.

OSS. Patroni mei N.N. defendite me hac nocte ab omni contraria diaboli potestate. Amen.

Benedicat, & custodiat nos omnipotens, & misericors Dominus Pater †, & Filius, † & Spiritus † sanctus. Amen.

TESTAMENTUM

Hominis Christiani.

Ante somnum quotidie faciendum.

In Nomine Domini. Amen.

EGO N.N. Deo dono animam meam; corpus terræ, putredini, & vermibus. Lubentissimô animô exuo me bonis temporalibus, quæ *vanitas sunt vanitatum*. Doleo ex toto corde, & detestor peccata, ob purum, & sincerum DEI amorem. Condono inimicis

micis omnibus ex corde , ex animo. Credo in Deum unum in essentia, & trinum in personis, Patrem, Filium, & Spiritum sanctum, Creatorem , Conservatorem, Redemptorem, & Remuneratorem, in potentia, bonitate, & sapientia infinitum. Adhæreo deniq; firmissimè omnibus, quæ Ecclesia credenda proponit. Spero de Dei bonitate peccatorum meorum remissionem, & vitam æternam. Amo Deum ex toto corde meo, ex tota anima, & ex omnibus viribus. Committo me sincerè, omnimodè, & absolutè, beneplacito sanctissimæ, & semper adorandæ Dei voluntati; paratus ad agendum, & patiendum, ad bonam, & afflictam valetudinem, ad vitam, & mortem, prout voluerit. Fiat sanctissima ejus voluntas. Amen.

Commendo animam meam, & totum me, patrocinio Beatissimæ Virginis MARIÆ, Matris meæ optimæ, &

EXERCITATIO

445

& Advocatæ; S. Josepho, Angelo Tutelari, & omnibus Sanctis, quos oro suppliciter; ut me juvent in hora mortis. Opto, illa ultima mea sint verba, quæ pronuntiata volo humillimo cordis affectu: JESUS, MARIA, unice desiderans in ejus ulnis emittere spiritum. Quod si lingua hæc sancta nomina pronuntiare nequeat, corde facio: ex animo, ex animo, ex animo. Si animus non possit, præpedito rationis usu, dico nunc pro tunc omni affectu, & humilitate possibili: JESU S, MARIA. Amen.

Tum surge, & lectum consperge aquâ benedictâ, & repete illam orationem. Visita, quæsumus Domine, &c. ut suprâ.

Dum te exuis, recordare Christi in Passionem pro te exuti, & denudati, & repete sæpius: Propter te mi JESU, pro me vestibis tuis exute.

Prinsquam te collocabis in lecto, signa te, & lectum sancta Cruce, ac in lectum te ponendo, dic: In Nomine Domini mei
JESU

JESU Christi vado cubitum, qui me suo Sanguine redemit; ille me benedicat, custodiat, & ad vitam æternam perducat. Amen.

In lecto jacens decussa brachia ante pectus, & dextro lateri incumbens, in bonis cogitationibus indormisce, apposita pectori Beatæ Virginis, aut Crucifixi imagine; recordare etiam jam dormientis in præsepio, jam in sinu Beatæ Virginis, jam pendentis in lecto Crucis, jam in sepulchro jacentis Christi, & dic:

JESUS meus moritur, & jacet in dura cruce in duro præsepio, & ego in molli lecto, &c.

Noctu denique, si dormire non possis, cogitare poteris: qualibus lectis damnati incumbant. Occurrat S. Laurentius, vel animæ in purgatorio, quorum pœnas cogitando alleviabis strati molestias. Vel confuge ad preces jaculatorias, vel pro defunctis quidpiam ora. Si nox sit longa, cogita, quòd longior sit æternitas: quàm malum sit esse æternum in inferno, &c.

ORA-

ORATIONES INFIRMORUM.

Affectus animæ devotæ tem-
pore ægritudinis.



Pater æternæ! hoc tuum
est donum, & tua volun-
tas sancta, beneplacens,
ac perfecta. Benedico
te, & me resigno ad om-
nia, quæ tibi, ô Sapientia æterna! pla-
cuerint in tempore, & æternitate.

In manibus tuis sortes meæ: si-
ve vivimus, si-ve morimur, tui bone JESU
sumus; fiat voluntas tua: sana me Do-
mine, & sanabor: sal-
vum me fac, &
salvus ero. Tu enim mortificas, & vi-
vificas; deducis ad inferos, & reducis.

Paratum cor meum DEUS, paratum
cor meum; finge, & excoque me, si
itâ tibi visum est, in camino tribulatio-
nis; ut fiam vas in honorem, ad glori-

am nominis tui; hìc ure, hìc seca, modò in æternum parcas!

O Pater! ô Medice animæ meæ! tu nôsti, quid expediat; omnia in vero iudicio fecisti, ex amore summo, & sapientia æterna. Tu, quæso, mecum sis in tribulatione: ut in patientia possideam animam meam; si de manu tua bona suscepimus, mala quare non sustineamus momentô unô, pro gloria æterna? si oportuit te pati, & ità intrare in gloriam tuam, nónne, & me finè murmure, & querela oportet? cùm tot meis peccatis infernum sim toties promeritus; cùm tu mihi tanta paraveris; cùm amore mei, ô bonitas immensa, & charitas infinita, dignatus sis mori.

Conformatio voluntatis nostræ cum Divina, tempore morbi.

O Dulcissime JESU! neque vitam, neque mortem, sed tuum beneplacitum desidero, te expecto, fiat mihi secundùm voluntatem tuam. Si vis:
ut

ut moriar, dulcis JESU! suscipe spiritum meum, & licet ad vesperum veniam novissimus, da mihi: ut tecum, & in te requiem accipiam sempiternam; si verò vis, ut diutius vivam, dulcis JESU! pro hoc gratiæ tuæ suffragium rogo; da: ut reliquum vitæ corrigam, atque in holocaustum me tibi totum offeram in gloriam tuam, secundum beneplacitum tuum. Amen.

Preces jaculatoriæ Ægrotantium.

Justus es Domine, & rectum judicium tuum Bonum mihi, quia humiliasti me: ut discam justificationes tuas.

DEUS propitius esto mihi peccatori; da veniam, & in gratia tua mori.

O cur unquam te offendi? ô amabilissima bonitas! ô Majestas colendissima!

Doleo jam sincerissimo amore tui, qui amari super omnia infinitè dignus es.

Agnosco, amplector charitatem tu-

am erga me; detestor ingritudinem meam erga te.

Recordare JESU pie, quòd sim causa tuæ viæ; nè me perdas illa die.

Quærens me sedisti lassus, redemisti crucem passus, tantus labor non sit cassus.

ORATIONES.

DEUS, qui Unigeniti tui patientiâ antiqui hostis contrivisti superbiam, da nobis, quæsumus, quæ idem pro nobis pertulit, dignè recolere, sicque exemplò ejus cuncta nobis adversantia æquanimiter tolerare.

Misericordiam tuam humiliter deprecamur Omnipotens DEUS, quæ amissâ nobis gratiam reconciliet, atque munus patientiæ in illatis omnibus, semper, & ubique protegendo, impertiat.

DEUS sub cujus nutibus vitæ nostræ momenta decurrunt, suscipe preces humiliter ad te clamantium: ut de
omni

omni adversitate, & ægritudine liberati, perpetua te gratiarum actione laudemus. Per Dominum nostrum, &c.

Affectus moribundi.

Agnosce Domine creaturam tuam, non à Diis alienis creatam, sed à te solo Deo vivo, & vero: quia non est alius DEUS præter te. Agnosce, repeto Domine, creaturam tuam, & animam servi tui, cujus delicta juventutis, & ignorantias, nè memineris; sed secundum magnam misericordiam tuam memor esto mei in gloria claritatis tuæ.

Liberet me à cruciatu Christus, qui pro me crucifixus est. Liberet me ab æterna morte Christus, qui pro me mori dignatus est. Christus verus ille Pastor, inter oves suas me agnoscat, & in sorte electorum suorum constituat. Ità precor, ità spero, in nomine DEI Patris, qui me creavit; in nomine JESU Christi Filii DEI vivi, qui pro me passus est; in nomine Spiritûs sancti,

qui in me gratiâ suâ sæpius effusus est.
Amen.

Ad B. V. MARIAM.

AUdi, & tu gemitus, ac dolores ultimos servuli tui, dulcissima Mater mea Virgo Maria; audi, fons vitæ, & veniæ, salus omnium in te sperantium; audi, & intercede: ut à ministris satanæ liberatus, cum Christi fidelibus, Filii tui servis, amicis in beata regione vivorum collocer.

MARIA Mater gratiæ, Mater misericordiæ, tu nos ab hoste protege, & mortis horâ suscipe.

Nos cum prole pia benedicat Virgo
MARIA.

Ad SS. ANGELOS.

ANgele mi Custos fidelissime, vósque purissimi Spiritus cœlestes, sancte Michaël, sancte Gabriel, sancte Raphaël, omnesque alii sancti Angeli Dei, respicite in me; jam eo gemens, & suspiraus, mors mihi in oculis est; &
mor-

mortalium nemo, sed vos potestis succurrere. Ah nè me deserite in his summis angustiis meis, dum momentum illud imminet, in quo salus mea omnis, aut perenne stat exitium. Adjuvate! ante Regem Regum pro me supplices procumbite, meumque mihi, obsecro, conciliate Judicem. Sententiam ego nunc supremam exspecto, vos impetrate eam mihi ad vitam sempiternam.

Subvenite SS. Angeli, succurrite dilectissimi sancti Dei, Patroni mei N. N. jamjam aderit Judex meus Christus JESUS. Miserere, ô JESU! miserere.

Suspiria coram Crucifixo.

AD te iterum, Redemptor meus, convertome; convertere & tu ad me, ô spes unica! JESU crucifixe.

Concede clementissime JESU, etsi vilissimæ huic creaturæ, tuæ beneficium redemptionis, & recipe miserabilem animam meam intrà brachia misericordiæ tuæ.

O JESU ! nè perdat me iniquitas mea, quem fecit omnipotens bonitas tua, & refecit immensa charitas tua.

O bone JESU ! è cujus venis copiosissimus Sanguis profluxit in meã redemptionem. Egone, ego illa merces tantô pretiô comparata ? ego certè ovis illa perditâ, fateor ; reduc errantem, ô dulcis Pastor ! & repone inter illas, quæ sunt in ovili tuo.

Respice Domine sancte Pater de excelso cælorum habitaculo ; ecce vox sanguinis fratris nostri JESU, pro nobis clamat ad te de Cruce.

Respice innocentes manus Christi tui, quæ distillant pretiosum sanguinem : ut dimittas iniquitatem meam, & nè requiras opera manuum mearum.

Intuere illud lanceâ perfossam pedus, & amore mei apertum cor, meque ex sacro illo fonte renova.

Per sacros illos pedes, duris clavis perforatos, dirige gressus meos : ut non recedant hac hora à semita lucis, & veritatis,

De-

Desige oculos, ô Pater cœlestis! in faciem hanc JESU dilecti Filii tui, & in membra conquassata Christi tui; per miserias, quas ille amore mei sustinuit, miserere mei.

Propter peccata populi tui vulnerasti dilectum cordis tui; eja Pater misericordissime, quod ego non mereor, meretur pro me Christus tuus, cujus amore, amplectere me gratiâ tuâ ut Filium, & da mihi osculum pacis æternæ. O JESU Crucifixe! in quem credo, in quem spero, quem amo, & amabo in æternum; assiste nunc potenti manu. miserrimæ tuæ creaturæ in hac ultima necessitate: ut feliciter hunc passum mortis pertranseam.

Pone passionem, crucem, & mortem tuam, inter judicium tuum, & animam meam.

Totum me tibi dedo, nè me rejicias; ad te venio, ne me repellas: sum enim caro de carne tua, & os ex ossibus tuis.

Suscipe me, JESU Crucifixe, inter

amoroſa brachia tua, quæ pro me in cruce extenſa cerno, & complector; ſuſcipe me inter deſiderabiles affectus tuos, & trahe ad te anhelantem animam meam; ſuſcipe in pace ſpiritum meum.

Credo, doleo, ſpero, amo, ô JESU! fiat voluntas tua, JESU! MARIA! dulciſſimi amores mei! patiar ego, moriar ego veſtri amore; veſter ſim totus, & nullatenus meus, acſi prorſus nihil eſſem: JESU! MARIA! Amen.

COMMENDATIO ANIMÆ.

KYrie eleiſon.

KYrie eleiſon.

Sancta MARIA, ora pro eo.

Omnes SS. Angeli, & Archangeli, orate pro eo.

Sancte Abel, ora pro eo.

S. Abraham, ora pro eo.

S. Joannes Baptiſta, ora pro eo.

S. Joſephè, ora pro eo,

Omnes SS. Patriarchæ, & Prophetæ,
orate pro eo. S.

S. Petre, ora pro eo.

S. Paule, ora pro eo.

S. Andrea, ora pro eo.

S. Joannes, ora pro eo.

Omnes sancti Apostoli, & Euangelistæ, orate pro eo.

Omnes sancti Discipuli Domini, orate pro eo.

Omnes sancti Innocentes, orate pro eo.

S. Stephane, ora pro eo.

S. Laurenti, ora pro eo.

Omnes sancti Martyres, orate pro eo.

S. Silvester, ora pro eo.

S. Gregori, ora pro eo.

Omnes sancti Pontifices, & Confessores, orate pro eo.

S. Benedicte, ora pro eo.

S. Francisce, ora pro eo.

Omnes sancti Monachi, & Eremitæ, orate pro eo.

Sancta Maria Magdalena, ora pro eo.

Sancta Lucia, ora pro eo.

Omnes sanctæ Virgines, & Viduæ, orate pro eo.

Omnes

Omnes Sancti, & Sanctæ Dei, intercedite pro eo.

Propitius esto, parce ei Domine.

Propitius esto, libera eum Domine.

Ab ira tua,

A periculo mortis,

A mala morte,

A pœnis inferni,

Ab omni malo,

A potestate diaboli,

Per nativitatem tuam,

Per crucem, & passionem tuam,

Per mortem, & sepulturam tuam,

Per gloriosam resurrectionem tuā,

Per admirabilem ascensionem tuā,

Per gratiam Spiritûs sancti Paracliti,

In die iudicii,

Peccatores, te rogamus audi nos.

Ut ei parcas, te rogamus audi nos.

Ut ei parcas, te rogamus audi nos.

Kyrie eleison. Christe eleison.

Kyrie eleison.

Libera eum Domine.

ORA-

ORATIO.

Proficiscere anima Christiana de hoc mundo, in nomine Dei Patris omnipotentis, qui te creavit: in nomine JESU Christi Filii Dei vivi, qui pro te passus est: in nomine Spiritus sancti, qui in te effusus est: in nomine Angelorum, & Archangelorum: in nomine Thronorum, & Dominationum: in nomine Principatum, & Potestatum: in nomine Cherubim, & Seraphim: in nomine Patriarcharum, & Prophetarum: in nomine sanctorum Apostolorum, & Evangelistarum: in nomine sanctorum Martyrum, & Confessorum: in nomine sanctorum Monachorum, & Eremitarum: in nomine sanctarum Virginum, & omnium Sanctorum, & Sanctarum Dei; hodie sit in pace locus tuus, & habitatio tua in sancta Sion. Per eundem Christum Dominum nostrum. R. Amen.

ORA-

COMMENDATIO
ORATIO.

DEUS misericors, DEUS clemens,
DEUS, qui secundum multitudi-
nem miserationum tuarum peccatum
pœnitentium deles, & præteritorum
criminū culpas veniā remissionis eva-
cuas, respice propitius super hunc fa-
mulum tuum N. & remissionem om-
nium peccatorum suorum tota cordis
confessione poscentem, deprecatus
exaudi. Renova in eo, piissime Pa-
ter, quidquid terrena fragilitate cor-
ruptum, vel quidquid diabolica fraude
violatum est; & unitate corporis Ec-
clesiæ membrum redemptionis anne-
cte. Miserere Domine gemitum,
miserere lachrymarum ejus, & non
habentem fiduciam, nisi in tua miseri-
cordia, ad tuæ Sacramentum reconci-
liationis admitte. Per Christum Do-
minum nostrum. R. Amen.

Commando te omnipotenti Deo,
charissime frater, & ei, cujus es
crea-

creatura, committo: ut cū humani-
tatis debitū morte interveniente per-
solvētis, ad auctorem tuum, qui te de
limo terræ formaverat, revertaris. E-
gredienti itaque animæ tuæ de corpo-
re, splendidus Angelorum cœtus oc-
currat: Judex Apostolorum tibi sena-
tus adveniat: candidatorum tibi Mar-
tyrum Triumphator exercitus obviet:
liliata rutilantium te Confessorum tur-
ma circumdet: jubilantium te Virgi-
num chorus excipiat; & beatæ quie-
tis in sinu Patriarcharum te comple-
xus adstringat: mitis, atque festivus
Christi JESU aspectus tibi appareat,
qui te inter assistentes sibi jugiter inter-
esse cernat. Ignoret omne, quod hor-
ret in tenebris, quod stridet in flammis,
quod cruciat in tormentis. Cedat ti-
bi teterrimus satanas cum satellitibus
suis: in adventu tuo te comitantibus
Angelis contremiscat, atque in æternæ
noctis chaos immane diffugiat. Exur-
gat DEUS, & dissipentur inimici ejus,

&

& fugiant, qui oderunt eum, à facie ejus. Sicut deficit fumus, deficiant: sicut fluit cera à facie ignis, sic pereant peccatores à facie Dei: & iusti epulentur, & exultent in conspectu Dei. Confundantur igitur, & erubescant omnes tartaræ legiones, & ministri sathanæ iter tuum impedire non audeant. Liberet te à cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Filius Dei vivi intrà Paradisi sui semper amœna virentia, & inter oves suas te verus ille Pastor agnoscat. Ille ab omnibus peccatis tuis te absolvat; atque ad dexteram suam in electorum suorum te sorte constituat. Redemptorem tuum facie ad faciem videas, & præsens semper assistens, manifestissimam beatis oculis aspicias veritatem. Constitutus igitur inter agmina beatorum, contemplationis divinæ dulcedine potiari in sæcula sæculorum, &c. Amen.

Ore-

Oremus.

Suscipe Domine servum tuum in locum sperandæ sibi salvationis à misericordia tua. R. Amen.

Libera Domine animam servi tui ex omnibus periculis inferni, & à laqueis pœnarum; & ex omnibus tribulationibus. R. Amen.

Libera Domine animam servi tui, sicut liberâsti Henoch, & Eliam de comuni morte mundi. R. Amen.

Libera Domine animam servi tui, sicut liberâsti Noë de diluvio. R. Amen.

Libera Domine animam servi tui, sicut liberâsti Abraham de Ur Chaldæorum. R. Amen.

Libera Domine animam servi tui, sicut liberâsti Job de passionibus suis. R. Amen.

Libera Domine animam servi tui, sicut liberâsti Isaac de hoste, & de manu Patris sui Abrahæ. R. Amen.

Libera Domine animam servi tui, si-

G g

cut

cut liberâsti Loth de Sodomis , & de flamma ignis. R. Amen.

Libera Domine animam servi tui, sicut liberâsti Moysen de manu Pharaonis Regis Ægyptiorum. R. Amen.

Libera Domine animam servi tui, sicut liberâsti Danielelem de lacu leonum. R. Amen.

Libera Domine animam servi tui, sicut liberâsti tres pueros de camino ignis ardentis, & de manu Regis iniqui. R. Amen.

Libera Domine animam servi tui, sicut liberâsti Susannâ de falso crimine. R. Amen.

Libera Domine animam servi tui, sicut liberâsti David de manu Regis Saul, R. Amen.

Libera Domine animam servi tui, sicut liberâsti Petrum, & Paulum de carceribus. R. Amen.

Et sicut Beatissimam Theclam Virginem, & Martyrem tuam , de tribus atrocissimis tormentis liberâsti, sic libera-

berare digneris animam hujus servi tui,
& tecum facias in bonis congaudere
cœlestibus. R. Amen.

ORATIO.

Commendamus tibi Domine animam famuli tui N. precamurque te Domine JesuChriste, Salvator mundi: ut, propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à Diis alienis creatam, sed à te solo Deo vivo, & vero: quia non est alius DEUS præter te, & non est secundum opera tua. Lætifica Domine animam ejus in conspectu tuo, & nè memineris iniquitatum ejus antiquarum, ebrietatum, quas suscitavit furor, sive fervor mali desiderii. Licet enim peccaverit; tamen Patrem, & Filium, & Spiritum Sanctum non negavit: sed credidit, & zelum DEI in se habuit, & DEUM, qui fecit omnia, fideliter adoravit.

ORATIO.

Delecta juventutis, & ignorantias
ejus, quæsumus, nè memineris
Domine: sed secundum magnam mi-
sericordiam tuam memor esto illius in
gloria claritatis tuæ. Aperiantur ei cœ-
li, collatentur illi Angeli. In regnum
tuum Domine servum tuum suscipe.
Suscipiat eum Sanctus Michaël Archan-
gelus Dei, qui militiæ cœlestis meruit
principatum. Veniant illi obviam SS.
Angeli Dei, & perducant eum in civi-
tatem cœlestem Jerusalem. Suscipiat
eum Beatus Petrus Apostolus, cui à
Deo claves regni cœlestis traditæ sunt.
Adjuvet eum Sanctus Paulus Apo-
stolus, qui dignus fuit esse vas electio-
nis. Intercedat pro eo Sanctus Joan-
nes, electus Dei Apostolus, cui reve-
lata sunt secreta cœlestia. Orent pro
eo omnes sancti Apostoli, quibus à
Domino data est potestas ligandi, at-
que solvendi. Intercedant pro eo om-
nes

nes Sancti, & Electi Dei, qui pro Christi nomine tormenta in hoc sæculo sustinuerunt: ut vinculis carnis exutus pervenire mereatur ad gloriam regni cœlestis; præstante Domino nostro JESU Christo, qui cum Patre, & Spiritu Sancto vivit, & regnat in sæcula sæculorum. R. Amen.

Egressâ autem animâ dicatur hoc Resp.

Subvenite Sancti Dei, occurrите Angeli Domini: * suscipientes animam ejus: * offerentes eam in conspectu Altissimi. ψ. Suscipiat te Christus, qui vocavit te, & in sinum Abrahamæ Angeli deducant te. * Suscipientes.

ψ. Requiem æternam dona ei Domine.
R. Et lux perpetua luceat ei. * Offerentes eam

Kyrie eleison, Christe eleison, Kyrie eleison, Pater noster, *secretò.*

ψ. Et nò nos, &c.

ψ. Requiem æternam dona ei Domine.

R. Et lux perpetua luceat ei.

ψ. Aporta inferi.

℞. Erue Domine animam ejus.

ψ. Requiescat in pace.

℞. Amen.

ψ. Domine exaudi, &c.

ψ. Dominus vobiscum.

℞. Et cum spiritu tuo.

OREMUS.

Tibi Domine commendamus animam Famuli tui N. ut defunctus sæculo, tibi vivat : & quæ per fragilitatem humanæ conversationis peccata commisit, tu veniâ misericordissimæ pietatis absterge. Per Christum Dominum nostrum. ℞. Amen.

HYMNUS.

PRO DEFUNCTIS.

Dies iræ, dies illa
 Solvet sæculum in favilla,
 Teste David cum Sibylla.
 Quantus tremor est futurus,
 Quando Judex est venturus,
 Cun-

DEFUNCTORUM

469

Cuncta stricte discussurus.
 Tuba mirum spargens sonum
 Per sepulcha regionum,
 Coget omnes ante thronum.
 Mors stupebit, & natura,
 Cum resurget creatura,
 Judicanti responsura.
 Liber scriptus proferetur,
 In quo totum continetur,
 Unde mundus judicetur.
 Judex ergo cum sedebit,
 Quidquid latet, apparebit,
 Nil occultum remanebit.
 Quid sum miser tunc dicturus?
 Quem Patronum rogaturus?
 Cum vix justus sit securus.
 Rex tremendæ Majestatis,
 Qui salvandos salvas gratis,
 Salva me fons pietatis.
 Recordare JESU pie,
 Quod sim causatæ vitæ:
 Ne me perdas illa die.
 Quærens me sedisti lassus,
 Redemisti crucem passus,

Tantus labor non sit cassus,
Iuste Judex ultionis,
Donum fac remissionis,
Ante diem rationis.

Ingemisco, tanquam reus :
Culpâ rubet vultus meus,
Supplici parce Deus.

- Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ :
Sed tu bonus fac benignè,
Nè perenni eremer igne.

Inter oves locum præsta,
Et ab hædis me sequestra,
Statuens in parte dextra.

Confudatis maledictis,
Flammis acribus addictis,
Voca me cum benedictis.

Ora supplex, & acclinis,
Cor contritum quasi cinis,
Gere curam mei finis.

Lacrymosa dies illa,
Quâ resurget ex favilla,
Judicandus homo reus.

Huic

Huic ergo parce Deus,
Pie JESU Domine,
Dona eis requiem. Amen.

ψ. Domine exaudi orationem meam.

℞. Et clamor meus ad te veniat.

O R A T I O.

Fidelium DEUS omnium Conditor,
& Redemptor, animabus famu-
lorum, famularumque tuarum, remis-
sionem cunctorum tribue peccatorum:
ut indulgentiam, quam semper opta-
verunt, piis supplicationibus conse-
quantur; qui vivis, & regnas cum Deo
Patre in unitate Spiritus sancti DEUS,
per omnia sæcula sæculorum. Amen.

Aliæ Orationes pro anima-
bus purgatorii.

O Domine JESU: rogo te per pre-
tiosissimum sanguinem, quem
sudans in horto effudisti; libera animas
Fidelium Defunctorum è pœnis pur-
gatorii, maximè verò animam deser-
tissimam: & perduc eam ad locum glo-

riæ tuæ: ut te laudet, benedicat, & prædicet in æternum. Amen.

Pater noster. Ave Maria.

II.

O Domine JESU! rogo te per pretiosissimū sanguinem, quem effudisti in flagellatione dirima; libera animas Fidelium Defunctorum è pœnis purgatorii; maximè verò animam liberationi proximam, & perduceam ad locum gloriæ tuæ; ut te laudet, &c.

Pater noster. Ave Maria.

III.

O Domine JESU! rogo te per pretiosissimum sanguinem, quem effudisti in spinea coronatione tua; libera animas Fidelium Defunctorum è pœnis Purgatorii, maximè verò animam diutissime cruciandam, & perduc eam ad locum gloriæ tuæ: ut te laudet, &c.

Pater noster. Ave Maria.

IV.

O Domine JESU! rogo te per pretiosissimum sanguinem, quem effudisti

fudisti in dira crucifixione tua; libera animas Fidelium Defunctorum è pœnis purgatorii; maximè verò animam meritis præcedentem, & perduc eam ad locum gloriæ tuæ: ut te laudet, &c.

Pater noster. Ave Maria.

V.

O Domine JESU! rogo te per pretiosissimum sanguinem, quem effudisti è latere tuo benedictio; libera animas Fidelium Defunctorum è pœnis purgatorii; maximè verò animam Matri tuæ chariorem, & perduc eam in locum gloriæ tuæ: ut te laudet, &c.

Pater noster. Ave Maria.

Oratio pro his, qui in cœmenterio requiescunt.

DEus, cujus miseratione animæ fidelium requiescunt: famulis, & famulabus tuis, & omnibus hîc, & ubique in Christo quiescentibus, da propitius veniam peccatorum: ut à cunctis reatibus absoluti, tecum sinè fine lætentur. Per Dominum nostrum, &c.

OF-



OFFICIUM DEFUNCTORUM.

Ad Vesperas.

Placebo Domino. *Psal. 114.*



Dilexi, quoniam exaudiet
Dominus: vocem ora-
tionis meæ.

Quia inclinavit aurem
suam mihi: & in diebus
meis invocabo.

Circumdederunt me dolores mor-
tis: & pericula inferni invenerunt me.

Tribulationem, & dolorem inveni:
& nomen Domini invocavi.

O Domine libera animam meam:
misericors Dominus, & justus, &
DEUS noster miseretur.

Custodiens parvulos Dominus: hu-
miliatus sum, & liberavit me.

Convertere anima mea in requiem
tuam:

tuam: quia Dominus benè fecit tibi.

Quia eripuit animam meam de morte: oculos meos à lacrymis, pedes meos à lapsu.

Placebo Domino: in regione vivorum.

Requiem æternam dona eis Domine: & lux perpetua luceat eis.

Ant. Placebo Domino in regione vivorum.

Ant. Hei mihi Domine. *Psal.* 119.

AD Dominum cùm tribularer, &c. *Vide suprà pag. 175.*

Ant. Hei mihi Domine, quia incolatus meus prolongatus est.

Ant. Dominus custodit te, *Psal.* 120.

LEvavi oculos meos, &c. *Vide suprà pag. 176.*

Ant. Dominus custodit te ab omni malo: custodiat animam tuam Dominus.

Ant. Si iniquitates. *Psal.* 129.

DE profundis clamavi ad te, &c. *Vide suprà pag. 200.*

Ant.

Ant. Si iniquitates observaveris Domine, Domine quis sustinebit.

Ant. Opera. *Psal.* 137.

Confitebor tibi Domine in toto corde meo: quoniam audisti verba oris mei.

In conspectu Angelorum psallam tibi: adorabo ad templum sanctum tuum, & confitebor nomini tuo.

Super misericordia tua, & veritate tua: quoniam magnificasti super omne, nomen sanctum tuum.

In quacunque die invocavero te, exaudi me: multiplicabis in anima mea virtutem.

Confiteantur tibi Domine omnes Reges terræ: quia audierunt omnia verba oris tui.

Et cantent in viis Domini: quoniam magna est gloria Domini.

Quoniam excelsus Dominus, & humilia respicit: & alta à longè cognoscit.

Si ambulavero in medio tribulationis,

DEFUCTORUM. 478

nis, vivificabis me : & super iram inimicorum meorum extendisti manum tuam, & saluum me fecit dextera tua.

Dominus retribuet pro me; Domine misericordia tua in sæculum : opera manuum tuarum nè despicias.

Requiem æternam, &c. *ut sup.*

Ant. Opera manuum tuarum nè despicias.

Ÿ. Audivi vocem de cœlo dicentem mihi.

℞. Beati mortui, qui in Domino moriuntur.

Ant. Omne. *Canticum B. V. M.*

Magnificat anima mea Dominum, &c. *Vide pag. 196.*

Ant. Omne, quod dat mihi Pater, ad me veniet : & eum, qui venit ad me, non ejiciam foràs. Pater noster. *Secretò.*

Ÿ. Et nè nos inducas in tentationem.

℞. Sed libera nos à malo,

Psal-

Lauda anima mea Dominum, laudabo Dominum in vita mea : psallam DEO meo, quàm diu fuero.

Nolite confidere in principibus : in filiis hominum, in quibus non est salus.

Exibit spiritus ejus, & revertetur in terram suam : in illa die peribunt omnes cogitationes eorum.

Beatus, cujus DEUS Jacob adjutor ejus, spes ejus in Domino Deo ipsius : qui fecit cœlum, & terram, mare, & omnia, quæ in iis sunt.

Qui custodit veritatem in sæculum, facit judicium injuriis patientibus : dat escam esurientibus.

Dominus solvit compeditos : Dominus illuminat cœcos.

Dominus erigit elisos : Dominus diligit justos.

Dominus custodit advenas ; pupillum, & viduam suscipiet : & vias peccatorum disperdet.

Regnabit Dominus in sæcula, Deus tuus

tuus Sion: in generationem, & generationem.

ψ. A porta inferi.

℞. Erue Domine animas eorum.

ψ. Requiescant in pace. ℞. Amen.

ψ. Domine exaudi orationem meam.

℞. Et clamor meus ad te veniat.

Oremus.

DEUS, qui inter Apostolicos Sacerdotes, famulos tuos pontificalli, seu sacerdotali fecisti dignitate vigere; præsta, quæsumus: ut eorum quoq; perpetuo aggregentur consortio.

DEUS veniæ largitor, & humanæ salutis amator, quæsumus clementiam tuam: ut nostræ Congregationis fratres, propinquos, & benefactores, qui ex hoc sæculo transierunt, Beata Maria semper Virgine intercedente, cum omnibus Sanctis tuis, ad perpetuæ beatitudinis consortium pervenire concedas.

Fidelium DEUS omnium Conditor,
& Redemptor, animabus famu-
lorum, famularumque tuarum remis-
sionem cunctorum tribue peccato-
rum: ut indulgentiam, quam semper
optaverunt, piis supplicationibus con-
sequantur. Qui vivis, & regnas in sæ-
cula sæculorum. Amen.

ψ. Requiem æternam dona eis Domine.

℞. Et lux perpetua luceat eis.

ψ. Requiescant in pace. ℞. Amen.

Ad Matutinum.

Invitatorium. Regem, cui omnia vi-
vunt, venite adoremus. *Et repetitur:*
Regem.

Psal. 94.

Venite, exultemus Domino; &c.
ut suprà pag. 122.

IN PRIMO NOCTURNO.

Pro Feria II. & V.

Ant. Dirige. Psal. 5.

Verba mea auribus percipe Domi-
ne: intellige clamorem meum.

In-

DEFUNCTORUM. 481

Intende voci orationis meæ : Rex meus, & Deus meus.

Quoniam ad te orabo : Domine, manè exaudies vocem meam.

Manè astabo tibi, & videbo : quoniam non DEUS volens iniquitatem tu es.

Neque habitabit juxta te malignus : neque permanebunt iniusti ante oculos tuos.

Odisti omnes, qui operantur iniquitatem : perdes omnes, qui loquuntur mendacium.

Virum sanguinum, & dolosum abominabitur Dominus : ego autem in multitudine misericordiæ tuæ.

Introibo in domum tuam : adorabo ad templum sanctum tuum in timore tuo.

Domine deduc me in justitia tua : propter inimicos meos dirige in conspectu tuo viam meam.

Quoniam non est in ore eorum veritas, cor eorum vanum est.

Sepulchrum patens est guttur eorum, linguis suis dolosè agebant : iudica illos DEUS.

Decidant à cogitationibus suis, secundum multitudinem impietatum eorum expelle eos : quoniam irritaverunt te Domine.

Et lætentur omnes, qui sperant in te : in æternum exultabunt, & habitabis in eis.

Et gloriabuntur in te omnes, qui diligunt nomen tuum : quoniam tu benedices iusto.

Domine, ut scutô bonæ voluntatis tuæ coronâsti nos.

Requiem æternam, &c. *ut sup.*

Ant. Dirige Domine DEUS meus in conspectu tuo viam meam.

Ant. Convertere Domine. *Psal. 6.*

Domine, nè in furore tuo arguas me : neque in ira tua corripas me.

Miserere mei Domine, quoniam infir-

firmus sum : sana me Domine , quoniam conturbata sunt ossa mea.

Et anima mea turbata est valde : sed tu Domine usque quò.

Convertere Domine , & eripe animam meam : salvum me fac propter misericordiam tuam.

Quoniam non est in morte , qui memor sit tui : in inferno autem quis confitebitur tibi ?

Laboravi in gemitu meo , lavabo per singulas noctes lectum meum : lacrymis meis stratum meum rigabo.

Turbatus est à furore oculus meus : inveteravi inter omnes inimicos meos.

Discedite à me omnes , qui operamini iniquitatem : quoniam exaudivit Dominus vocem fletûs mei.

Exaudivit Dominus deprecationem meam : Dominus orationem meam suscepit.

Erubescant , & conturbentur vehementer omnes inimici mei : convertantur , & erubescant valde velociter.

Requiem æternam, &c.

Ant. Convertere Domine, & eripe animam meam : quoniam non est in morte, qui memor sit tui.

Ant. Nè quando. *Psal.* 7.

Domine DEUS meus, in te speravi : saluum me fac ex omnibus persequentibus me & libera me.

Nè quando rapiat ut leo animam meam : dum non est, qui redimat, neque qui saluum faciat.

Domine DEUS meus, si feci istud : si est iniquitas in manibus meis.

Si reddidi retribuuntibus mihi mala : decidam meritò ab inimicis meis inanis.

Persequatur inimicus animam meam, & comprehendat, & conculcet in terra vitam meam : & gloriam meam in pulverem deducat.

Exurge Domine in ira tua : & exaltare in finibus inimicorum meorum.

Et exurge Domine DEUS meus in
præ-

præcepto, quod mandâsti: & synagoga populorum circumdabit te.

Judica me Domine secundum Justitiam meam: & secundum innocentiam meam super me.

Consumetur nequitia peccatorum, & diriges justum: scrutans corda, & renes DEUS.

Justum adjutorium meum à Domino: qui salvos facit rectos corde.

DEUS Judex justus, fortis, & patiens: nunquid irascitur per singulos dies?

Nisi conversi fueritis, gladium suum vibrabit: arcum suum tetendit, & paravit illum.

Et in eo paravit vasa mortis: sagittas suas ardentibus effecit.

Ecce parturiit injustitiam: concepit dolorem, & peperit iniquitatem.

Lacum aperuit, & effodit eum: & incidit in foveam, quam fecit.

Convertetur dolor ejus in caput

ejus: & in verticem ipsius iniquitas ejus descendet.

Confitebor Domino secundum Justitiam ejus: psallam nomini Domini altissimi.

Requiem æternam, &c.

Ant. Nè quando rapiat, ut leo, animam meam, dum non est, qui redimat, neque qui salvum faciat.

ÿ. A porta inferi.

R. Erue Domine animas eorum.

Pater noster. Totum Secretò.

LECTIO I. *Job. 7.*

PARce mihi Domine: nihil enim sunt dies mei. Quid est homo, quia magnificas eum? aut quid apponis erga eum cor tuum? Visitas eum diluculò, & subitò probas illum. Usque quò non parcis mihi, nec dimittis me, ut glutiam salivam meam? Peccavi, quid faciam tibi, ô custos hominum? Quare posuisti me contrarium

rium tibi? & factus sum mihi metipsum
 gravis! cur non tollis peccatum meum,
 & quare non aufers iniquitatem
 meam? Ecce nunc in pulvere dor-
 miam; &, si manè me quæsieris, non
 subsistam.

R. Credo, quòd Redemptor meus
 vivit; & in novissimo die de terra sur-
 rectorus sum; Et in carne mea vide-
 bo DEUM Salvatorem meum.

Y. Quem visurus sum ego ipse, &
 non alius, & oculi mei conspecturi
 sunt.

R. Et in carne mea videbo DEUM
 Salvatorem meum.

LECTIO II. *Job. 10.*

Tædet animam meam vitæ meæ,
 dimittam adversum me eloquium
 meum, loquar in amaritudine animæ
 meæ. Dicam Deo: noli me condem-
 nare; indica mihi, cur me ita judices?
 Numquid bonum tibi videtur, si ca-
 lumnieris me, & opprimas me opus

manuum tuarum, & consilium impiorum adjuves? Numquid oculi carnei tibi sunt? aut sicut videt homo, & tu videbis? Numquid sicut dies hominis dies tui, & anni tui sicut humana sunt tempora? Ut quæras iniquitatem meam, & peccatum meum scruteris? Et scias, quia nihil impium fecerim; cum sit nemo, qui de manu tua possit eruere.

R. Qui Lazarum resuscitasti à monumento foetidum, tu eis Domine dona requiem, & locum indulgentiæ.

V. Qui venturus es judicare vivos, & mortuos, & sæculum per ignem.

R. Tu eis Domine dona requiem, & locum indulgentiæ.

LECTIO III. *Job.* 12.

MANUS tuæ fecerunt me, & plasmaverunt me totum in circuitu: & sic repentè præcipitas me? Memento, quæso, quòd sicut lutum feceris me & in pulverem reduces me.

Nón-

Nónne sicut lac mulsisti me, & sicut caseum me coagulasti? Pelle, & carnibus vestisti me; ossibus, & nervis compegisti me. Vitam, & misericordiam tribuisti mihi, & visitatio tua custodivit spiritum meum.

R. Domine quando veneris judicare terram, ubi me abscondam à vultu iræ tuæ. Quia peccavi nimis in vita mea.

ψ. Commissa mea paveſco, & ante te erubescō: dum veneris judicare, noli me condemnare. R. Quia peccavi nimis in vita mea.

IN SECUNDO NOCTURNO.

Pro Feria III. & VI.

Ant. In loco pascuæ. Psal. 22.

Dominus regit me, & nihil mihi deerit: in loco pascuæ ibi me collocavit:

Super aquam refectionis educavit me: animam meam convertit.

De-

Deduxit me super semitas iustitiæ:
propter nomen suum.

Nam, etsi ambulavero in medio
umbræ mortis, non timebo mala: quo-
niam tu mecum es.

Virga tua, & baculus tuus: ipsa me
consolata sunt.

Parâsti in conspectu meo mensam:
adversus eos, qui tribulant me.

Impinguâsti in oleo caput meum:
& calix meus inebrians quàm præcla-
rus est.

Et misericordia tua subsequetur me:
omnibus diebus vitæ meæ.

Et ut inhabitem in domo Domini:
in longitudinem dierum.

Requiem æternam, &c.

Ant. In loco pascuæ ibi me collo-
cavit.

Ant. Delicta.

Psal. 34.

AD te Domine levavi animam
meam

DEFUNCTORUM. 491

meam DEUS meus in te confido, non erubescam.

Neque irrideant me inimici mei : etenim universi, qui sustinent te, non confundentur.

Confundantur omnes iniqua agentes : supervacue.

Vias tuas Domine demonstra mihi : & semitas tuas edoce me.

Dirige me in veritate tua, & doce me : quia tu es DEUS Salvator meus, & te sustinui tota die.

Reminiscere miserationum tuarum Domine : & misericordiarum tuarum, quæ à sæculo sunt.

Delicta juventutis meæ : & ignorantias meas nè memineris.

Secundum misericordiam tuam memento mei tu : propter bonitatem tuam Domine.

Dulcis, & rectus Dominus : propter hoc legem dabit delinquentibus in via.

Diriget mansuetos in iudicio : docebit mites vias suas.

Universæ viæ Domini misericordia, & veritas : requirentibus testamentum ejus, & testimonia ejus.

Propter nomen tuum Domine propitiaberis peccato meo : multum est enim.

Quis est homo, qui timet Dominum? legem statuit ei in via, quam elegit.

Anima ejus in bonis demorabitur : semen ejus hæreditabit terram.

Firmamentum est Dominus timentibus eum : & testamentum ipsius ut manifestetur illis.

Oculi mei semper ad Dominum : quoniam ipse evellet de laqueo pedes meos.

Respice in me, & miserere mei : quia unicus, & pauper sum ego.

Tribulationes cordis mei multiplicatæ sunt : de necessitatibus meis erue me.

Vide

Vide humilitatem meam, & laborem meum: dimitte universa delicta mea.

Respice inimicos meos, quoniam multiplicati sunt: & odiô iniquô ode-
runt me.

Custodi animam meã, & erue me:
non erubescam, quoniam speravi in te.

Innocentes, & recti adhæserunt mi-
hi: quia sustinui te.

Libera DEUS Israël: ex omnibus
tribulationibus suis.

Requiem æternam, &c.

Ant. Delicta juventutis meæ, & igno-
rantias meas, nè memineris Domine.

Ant. Credo videre.

Psal. 26.

Dominus illuminatio mea, & salus
mea: quem timebo?

Dominus protector vitæ meæ: à quo
trepidabo?

Dum appropiant super me nocen-
tes; ut edant carnes meas.

Qui

Qui tribulant me inimici mei: ipsi infirmati sunt, & ceciderunt.

Si consistant adversum me castra: non timebit cor meum.

Si exsurgat adversum me praelium: in hoc ego sperabo.

Unam petii à Domino, hanc requiram: ut inhabitem in domo Domini omnibus diebus vitæ meæ.

Ut videam voluptatem Domini: & visitem templum ejus.

Quoniam abscondit me in tabernaculo suo: in die malorum protexit me in abscondito tabernaculi sui.

In petra exaltavit me: & nunc exaltavit caput meum super inimicos meos.

Circuivi, & immolavi in tabernaculo ejus hostiam vociferationis: cantabo, & psalmum dicam Domino.

Exaudi Domine vocem meam, quâ clamavi ad te: miserere mei, & exaudi me.

Tibi dixit cor meum, exquisivit te facies mea: faciem tuam Domine requiram.

Nè

DEFUNCTORUM

495

Nè avertas faciem tuam à me : nè declines in ira à servo tuo.

Adjutor meus esto : nè derelinquas me, neque despicias me DEUS salutaris meus.

Quoniam pater meus, & mater mea dereliquerunt me : Dominus autem assumpsit me.

Legem pone mihi Domine in via tua : & dirige me in semitam rectam propter inimicos meos.

Nè tradideris me in animas tribulantium me, quoniam insurrexerunt in me testes iniqui, & mentita est iniquitas sibi.

Credo videre bona Domini : in terra viventium.

Expecta Dominum , viriliter age : & confortetur cor tuum, & sustine Dominum.

Requiem æternam, &c.

Ant. Credo videre bona Domini in terra viventium.

Ii

ꝯ. Col-

ψ. Collocet eos Dominus cum principibus.

℞. Cum principibus populi sui.
Pater noster. *totum secretò.*

LECTIO III. *Job. 12.*

Responde mihi: quantas habeo iniquitates, & peccata; scelera mea, & delicta ostende mihi: Cur faciem tuam abscondis, & arbitraris me inimicum tuum? Contra folium, quod ventô rapitur, ostendis potentiam tuam, & stipulam siccam persequeris. Scribis enim contra me amaritudines, & consumere me vis peccatis adolescentiæ meæ. Posuisti in nervo pedem meum, & observâsti omnes semitas meas, & vestigia pedum meorum considerâsti. Qui quasi putredo consumendus sum, & quasi vestimentum, quod comeditur à tineâ.

℞. Memento mei DEUS, quia ventus est vita mea. Nec aspiciat me visus hominis.

ψ. De-

DEFUNCTORUM.

497

℣. De profundis clamavi ad te Domine, Domine exaudi vocem meam.

℞. Nec aspiciat me visus hominis;

LECTIO V. *Job. 14.*

Homo natus de muliere, brevi vivens tempore repletur multis miseriis. Qui quasi flos egreditur, & conteritur, & fugit velut umbra, & nunquam in eodem statu permanet. Et dignum ducis super hujusmodi aperire oculos tuos, & adducere eum tecum in judicium? Quis potest facere mundum de immundo conceptum semine? nonne tu, qui solus es? Breves dies hominis sunt, numerus mensium ejus apud te est: constituisti terminos ejus, qui præteriri non poterunt. Recede ergo paululum ab eo: ut quiescat, donec optata veniat, sicut mercenarii, dies ejus.

℞. Heu mihi Domine, quia peccavi nimis in vita mea! Quid faciam miser? ubi fugiam, nisi ad te DEUS meus?

Miserere mei, dum veneris in novissimo die.

℣. Anima mea turbata est valde, sed tu Domine succurre ei.

℞. Miserere mei, dum veneris in novissimo die.

LECTIO VI. *Job* 24.

Quis mihi hoc tribuat: ut in inferno protegas me, & abscondas me, donec pertranseat furor tuus, & constituas mihi tempus, in quo recorderis mei? Putásne mortuus homo rursus vivat? Cunctis diebus, quibus nunc milito, expecto donec veniat immutatio mea. Vocabis me, & ego respondebo tibi: operi manuum tuarum porriges dexteram. Tu quidem gressus meos dinumerásti, sed parce peccatis meis.

℞. Nè recorderis peccata mea Domine: dum veneris judicare sæculum per ignem.

℣. Dirige Domine DEUS meus in
con-

conspectu tuo vitam meam. *R.* Dum
veneris judicare sæculum per ignem.

Ps. Requiem æterna dona eis Domi-
ne, & lux perpetua luceat eis. *R.* Dum
veneris judicare sæculum per ignem.

IN TERTIO NOCTURNO.

Pro Feria IV. & Sabbato.

Ant. Complaceat.

Psal. 39.

EXpectans expectavi Dominum: &
intendit mihi.

Et exaudivit preces meas: & eduxit
me de lacu miseriæ, & de luto faciis.

Et statuit super petram pedes meos:
& direxit gressus meos.

Et inmisit in os meum canticum no-
vum: carmen Deo nostro.

Videbunt multi, & timebunt: & spe-
rabunt in Domino.

Beatus vir, cujus est nomen Domi-
ni spes ejus: & non respexit in vanita-
tes, & insanias falsas.

Multa fecisti tu Domine DEUS meus

mirabilia tua : & cogitationibus tuis non est, qui similis sit tibi.

Annuntiavi, & locutus sum : multiplicati sunt super numerum.

Sacrificium, & oblationem noluisti : aures autem perfecisti mihi.

Holocaustum, & pro peccato non postulasti : tunc dixi : ecce venio.

In capite libri scriptum est de me : ut facerem voluntatem tuam : DEUS meus volui, & legem tuam in medio cordis mei.

Annuntiavi iustitiam tuam in Ecclesia magna : ecce labia mea non prohibebo ; Domine tu scisti.

Iustitiam tuam non abscondi in corde meo : veritatem tuam, & salutare tuum dixi.

Non abscondi misericordiam tuam, & veritatem tuam : à concilio multo.

Tu autem Domine, nè longè facias miserationes tuas à me : misericordia tua, & veritas tua semper susceperunt me.

DEFUNCTORUM. 501

Quoniam circumdederunt me mala,
quorum non est numerus: comprehen-
derunt me iniquitates meæ, & non po-
tui: ut viderem.

Multiplicatæ sunt super capillos ca-
pitis mei: & cor meum dereliquit me.

Complaceat tibi Domine, ut eruas
me: Domine, ad adjuvandū me respice.

Confundantur, & reveareantur si-
mul, qui qærunt animam meam: ut
auferant eam.

Convertantur retrorsum, & reve-
antur: qui volunt mihi mala.

Ferant confestim confusionem suā:
qui dicunt mihi: euge, euge.

Exultent, & lætentur super te omnes
quærentes te: & dicant semper, ma-
gnificetur Dominus, qui diligunt salu-
tare tuum.

Ego autem mendicus sum, & pau-
per: Dominus sollicitus est mei.

Adjutor meus, & protector meus tu
es: DEUS meus nè tardaveris.

Requiem æternam, &c.

Ant. Complaceat tibi Domine: ut eripias me: Domine ad adjuvandum me respice.

Ant. Sana Domine.

Psal. 40.

BEatus, qui intelligit super egenum, & pauperem: in die mala liberabit eum Dominus.

Dominus conservet eum, & vivificet eum, & beatum faciat eum in terra: & non tradat eum in animam inimicorum ejus.

Dominus opem ferat illi super letum doloris ejus: universum stratum ejus versasti in infirmitate ejus.

Ego dixi; Domine, miserere mei: sana animam meam, quia peccavi tibi.

Inimici mei dixerunt mala mihi: quando morietur, & peribit nomen ejus.

Et si ingrediebatur, ut videret, vana loquebatur: cor ejus congregavit iniquitatem sibi.

Egrediebatur foras: & loquebatur in idipsum.

Adver-

Adversum me susurrabant omnes
inimici mei: adversum me cogitabant
mala mihi.

Verbum iniquum constituerunt ad-
versum me: nunquid, qui dormit, non
adjiciet, ut resurgat.

Etenim homo pacis meæ, in quo spe-
ravi: qui edebat panes meos, magni-
ficavit super me supplantationem.

Tu autem Domine miserere mei, &
resuscita me: & retribuam eis.

In hoc cognovi, quoniam voluisti
me: quoniam non gaudebit inimicus
meus super me.

Me autem propter innocentiam su-
scipisti: & confirmasti me in conspe-
ctu tuo in æternum.

Benedictus Dominus DEUS Israël à
sæculo, & usque in sæculum: fiat, fiat.

Requiem æternam, &c.

Ant. Sana Domine animam meam,
quia peccavi tibi.

Ant. Sitivit anima mea.

Quemadmodum desiderat cervus
ad fontes aquarum : ita deside-
rat anima mea ad te DEUS.

Sitivit anima mea ad DEUM for-
tem vivum : quando veniam , & appa-
rebo ante faciem DEI ?

Fuerunt mihi lacrymæ meæ panes
die, ac nocte : dum dicitur mihi quo-
tidie, ubi est DEUS tuus ?

Hæc recordatus sum, & effudi in me
animam meam : quoniam transibo in
locum tabernaculi admirabilis usque
ad domum Dei.

In voce exultationis, & confessionis :
sonus epulantis.

Quare tristis es anima mea : & quare
conturbas me ?

Spera in Deo, quoniam adhuc con-
fitebor illi : salutare vultûs mei , &
DEUS meus.

Ad me ipsum anima mea conturbata
est : propterea memor ero tui de terra
Jordanis, & Hermoniim à monte mo-
dico.

Abyf-

Abyssus abyssum invocatur: in voce
cataractarum tuarum:

Omnia excelsa tua, & fluctus tui:
super me transierunt.

In die mandavit Dominus misericordiam suam: & nocte canticum ejus.

Apud me oratio Deo vitæ meæ: dicam Deo: susceptor meus es.

Quare oblitus es mei: & quare contristatus incedo, dum affligit me inimicus?

Dum confringuntur ossa mea: exprobraverunt mihi, qui tribulant me, inimici mei.

Dum dicunt mihi per singulos dies, ubi est DEUS tuus: quare tristis es anima mea, & quare conturbas me?

Spera in Deo, quoniam adhuc confitebor illi: salutare vultus mei, & DEUS meus.

Requiem æternam, &c.

Ant. Sitivit anima mea ad Deum vivum: quando veniam, & apparebo ante faciem Domini.

ψ. Nè

ψ. Nè tradas bestiis animas confidentes tibi.

℞. Et animas pauperum tuorum nè obliviscaris in finem.

Pater noster, &c. *totum secretò.*

LECTIO VII. *Job. 17.*

Spiritus meus attenuabitur, dies mei breviabuntur, & solùm mihi superest sepulchrum. Non peccavi, & in amaritudinibus moratur oculus meus. Libera me Domine, & pone me juxta te, & cujusvis manus pugnet contra me. Dies mei transierunt, cogitationes meæ dissipatæ sunt, torquentes cor meum. Noctem verterunt in diem, & rursum post tenebras spero lucem. Si sustinuero, infernus domus mea est, & in tenebris stravi lectulum meum. Putredini dixi: Pater meus es, mater mea, & soror mea, vermibus. Ubi est ergo nunc præstolatio mea, & patientiam meam, quis considerat?

℞. Peccantem me quotidie, & non pœni-

pœnitentem, timor mortis conturbat me: Quia in inferno nulla est redemptio; miserere mei DEUS, & salva me.

ÿ. DEUS in nomine tuo saluum me fac, & in virtute tua libera me.

R. Quia in inferno nulla est redemptio; miserere mei DEUS, & salva me.

LECTIO VIII. *Job. 19.*

Pelli meæ, consumptis carnibus, adhæsit os meum, & derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me. Quare persequimini me sicut DEUS, & carnibus meis saturamini? Quis mihi tribuat: ut scribantur sermones mei? quis mihi det: ut exarentur in libro stylô ferreô, & plumbi laminâ, vel celte sculpantur in silice? Scio enim, quòd Redemptor meus vivit, & in novissimo die de terra surrecturus sum: & rursus circumdabor pelle mea, & in carne mea videbo De-

um

um meum. Quem visurus sum ego ipse, & oculi mei conspecturi sunt, & non alius: reposita est hæc spes mea in sinu meo.

R. Domine, secundum actum meum noli me judicare: nihil dignum in conspectu tuo egi, ideo deprecor Majestatem tuam. Ut tu DEUS deleas iniquitatem meam.

ψ. Amplius lava me Domine ab iniquitate mea, & à delicto meo munda me.

R. Ut tu DEUS deleas iniquitatem meam.

LECTIO IX. *Job* 10.

QUare de vulva eduxisti me? qui utinam consumptus essem, nè oculus me videret. Fuissem, quasi non essem, de utero translatus ad tumulum. Nunquid non paucitas dierum meorum finietur brevì? Dimitte ergo me: ut plangam paululum dolorem meum: antequam vadam, & non revertar, ad terram tenebrosam, & opertam mortis

tis caligine, terram miseriæ, & tenebrarum; ubi umbra mortis, & nullus ordo, sed sempiternus horror inhabitat.

R. Libera me Domine de viis inferni, qui portas æreas confregisti, & visitasti infernum, & dedisti eis lumen: ut viderent te. Qui erant in pœnis tenebrarum.

ψ. Clamantes, & dicentes: advenisti Redemptor noster. R. Qui erant in pœnis tenebrarum.

ψ. Requiem æternam dona eis Domine, & lux perpetua luceat eis. R. Qui erant in pœnis tenebrarum.

Sequens Resp. dicitur solum in die Commemorationis omnium Defunctorum, & quando dicuntur tres Nocturni, ut supra.

ψ. Libera me Domine de morte æterna, in die illa tremenda. Quando cœli movendi sunt, & terra. Dum veneris judicare sæculum per ignem.

ψ. Tremens factus sum ego, & timeo, dum discussio venerit, atque ventura ira.

R. Quan-

R. Quando cœli movendi sunt, & terra.

ψ. Dies illa, dies iræ, calamitatis, & miseriæ, dies magna, & amara valde.

R. Dum veneris judicare sæculum per ignem.

ψ. Requiem æternam dona eis Domine, & lux perpetua luceat eis. R. Libera me Domine de morte æterna, in die illa tremenda. Quando cœli movendi sunt, & terra. Dum veneris judicare sæculum per ignem.

AD LAUDES.

Ant. Exultabunt Domino.

Psal. 50.

Miserere mei DEUS : secundum magnam misericordiam tuam.

Et secundum multitudinem miserationum tuarum : dele iniquitatem meam.

Amplius lava me ab iniquitate mea : & à peccato meo munda me.

Quoniam iniquitatem meam ego cognos-

DEFUNCTORUM

511

cognosco: & peccatum meum contra me est semper.

Tibi soli peccavi, & malum coram te feci: ut justificeris in sermonibus tuis, & vincas, cum judicâris.

Ecce enim in iniquitatibus conceptus sum: & in peccatis concepit me mater mea.

Ecce enim veritatem dilexisti: incerta, & occulta sapientiæ tuæ manifestasti mihi.

Asperges me hyssopo, & mundabor: lavabis me, & super nivem dealbabor.

Auditui meo dabis gaudium, & lætitiā: & exultabunt ossa humiliata.

Averte faciem tuam à peccatis meis: & omnes iniquitates meas dele.

Cor mundum crea in me DEUS: & spiritum rectum innova in visceribus meis.

Nè projicias me à facie tua: & spiritum sanctum tuum, nè auferas à me.

Redde mihi lætitiā salutaris tui: & spiritu principali confirma me.

K k

Do-

Docebo iniquos vias tuas: & impii
ad te convertentur.

Libera me de sanguinibus DEUS,
DEUS salutis meæ: & exultabit lingua
mea iustitiam tuam.

Domine labia mea aperies: & os
meum annuntiabit laudem tuam.

Quoniam, si voluisses sacrificium, de-
dissem utique: holocaustis non dele-
ctaberis.

Sacrificium Deo Spiritus contribu-
latus: cor contritum, & humiliatum
DEUS non despicias.

Benignè fac Domine in bona volun-
tate tua Sion: ut ædificentur muri Je-
rusalem.

Tunc acceptabis sacrificium iustitiæ,
oblaciones, & holocausta: tunc impo-
nent super altare tuum vitulos.

Requiem æternam, &c.

Ant. Exultabunt Domino ossa hu-
miliata.

Ant. Exaudi Domine,

Psal.

Psal. 64.

TE decet hymnus DEUS in Sion:
& tibi reddetur votum in Jerusa-
lem.

Exaudi orationem meam: ad te om-
nis caro veniet.

Verba iniquorum prævaluerunt su-
per nos: & impietatibus nostris tu pro-
pitiaberis.

Beatus, quem elegisti, & assumpsi-
sti: inhabitabit in atriis tuis.

Replebimur in bonis domûs tuæ:
sanctum est templum tuum, mirabile in
æquitate.

Exaudi nos DEUS salutaris noster:
spes omnium finium terræ, & in mari
longè.

Præparans montes in virtute tua, ac-
cinctus potentiâ: qui conturbas pro-
fundum maris, sonum fluctuum ejus.

Turbabuntur gentes, & timebunt,
qui habitant terminos, à signis tuis: exi-
tûs matutini, & vespere delectabis.

Visitâsti terram, & inebriâsti eam :
multiplicâsti locupletare eam.

Flumen Dei repletum est aquis, pa-
râsti cibum illorum : quoniam ita est
præparatio ejus.

Rivos ejus inebria, multiplica geni-
mina ejus : in stillicidiis ejus lætabitur
germinans.

Benedices coronæ anni benignitatis
tuæ : & campi tui replebuntur uber-
tate.

Pinguescent speciosa deserti : & ex-
ultatione colles accingentur.

Induti sunt arietes ovium, & valles
abundabunt frumentô : clamabunt,
etenim hymnum dicent.

Requiem æternam, &c.

Ant. Exaudi Domine orationem
meam, ad te omnis caro veniet.

Ant. Me suscepit.

Psal. 62.

DEUS, DEUS meus, &c. pag 149.

Psal.

Psal. 66.

DEUS misereatur nostri, & benedicat nobis, &c. *pag. 150.*

Ant. Me suscepit dextera tua Domine.

Ant. A porta inferi.

CANTICUM Ezechiae. *Isaie 38.*

EGO dixi, in dimidio dierum meorum: vadam ad portas inferi.

Quæsiui residuum annorum meorum: dixi, non videbo Dominum Deum in terra viventium.

Non aspiciam hominem ultrà: & habitatorem quietis.

Generatio mea ablata est, & convoluta est à me: quasi tabernaculum pastorum.

Præcisa est velut à texente vita mea; dum adhuc ordire, succidit me: de manè usque ad vesperam finies me.

Sperabam usque ad manè: quasi leo sic contrivit omnia ossa mea

De manè usque ad vesperam finies

K k 3

me:

me: sicut pullus hirundinis sic clama-
bo, meditabor, ut columba.

Attenuati sunt oculi mei: suspicien-
tes in excelsum.

Domine vim patior, responde pro
me: quid dicam, aut quid respondebit
mihi, cum ipse fecerit.

Recogitabo tibi omnes annos meos:
in amaritudine animæ meæ.

Domine si sic vivitur, & in talibus
vita spiritus mei, corripies me, & vivi-
ficabis me: ecce in pace amaritudo
mea amarissima.

Tu autem eruisti animam meam, ut
non periret: projecisti post tergum
tuum omnia peccata mea.

Quia non infernus confitebitur tibi,
neque mors laudabit te: non expecta-
bunt, qui descendunt in lacum, verita-
tem tuam.

Vivens, vivens ipse confitebitur ti-
bi, sicut & ego hodie: Pater filiis no-
tam faciet veritatem tuam.

Domine saluum me fac: & psalmos

DEFUNCTORUM

517

nostros cantabimus cunctis diebus vitæ
nostræ in domo Domini.

Requiem æternam, &c.

Ant. A porta inferi erue Domine
animam meam.

Ant. Omnis spiritus. .

Psal. 140.

L Audate Dominum de cœlis, &c.
pag. 154.

Psal. 149.

C Antate Domino, &c. *pag.* 156.
Psal. 150.

L Audate Dominum in sanctis ejus,
&c. *pag.* 157.

Ant. Omnis spiritus laudet Domi-
num.

ψ. Audivi vocem de cœlo dicentem
mihi.

℞. Beati mortui, qui in Domino mo-
riuntur.

Ant. Ego sum.

CANT. Zach. *Luc.* 1.

Benedictus Dominus DEUS Israël;
quia visitavit, &c. *pag.* 159.

K k 5

Ant.

Ant. Ego sum resurrectio, & vita;
qui credit in me, etiamsi mortuus fue-
rit, vivet; & omnis, qui vivit, & credit
in me, non morietur in æternum.

*Preces infra scriptæ in ferialibus diebus
dicuntur flexis genibus.*

Pater noster, &c.

ÿ. Et nè nos inducas in tentationem.

℞. Sed libera nos à malo.

Psal. 129.

DE profundis clamavi ad te Domi-
ne, &c. *pag. 200.*

ÿ. A porta inferi.

℞. Erue Domine animas eorum.

ÿ. Requiescant in pace. ℞. Amen.

ÿ. Domine exaudi orationem meam

℞ Et clamor meus ad te veniat.

Oremus.

DEUS, qui inter Apostolicos Sacer-
dotes, famulos tuos Pontificali,
seu Sacerdotali fecisti dignitate vigere;
præsta, quæsumus: ut eorum quoque
perpetuo aggregentur consortio

DEUS

DEUS veniæ largitor, & humanæ salutis amator; quæsumus clementiam tuam: ut nostræ Congregationis fratres, propinquos, & benefactores, qui ex hoc sæculo transierunt, Beata MARIA semper Virgine intercedente cum omnibus Sanctis tuis, ad perpetuæ beatitudinis consortiū pervenire concedas.

Fidelium DEUS omnium Conditor, & Redemptor, animabus famulorum, famularumque tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum. Amen.

℣. Requiem æternam dona eis Domine.

℟. Et lux perpetua luceat eis.

℣. Requiescant in pace. ℟. Amen.

In die Commemorationis omnium Defunctorum dicitur Oratio: Fidelium DEUS omnium, ut sup. & in fine. Qui vivis,

vivis, & regnas cum Deo Patre in unitate Spiritus sancti DEUS, per omnia sæcula &c.

Requiem æternam, &c.

In die obitus defuncti, vel defunctæ.

ORATIO.

ABsolve, quæsumus Domine, animam famuli tui (vel famulæ tuæ) N. ut defunctus (vel defuncta) sæculo, tibi vivat; & quæ per fragilitatem carnis humana conversatione commisit, tu veniâ misericordissimæ pietatis absterge. Per Dominum &c.

Pro defuncto Episcopo, vel Sacerdote.
Oratio. DEUS, qui inter &c. *ut sup.*

pag. 480.

In die obitus, seu depositionis defuncti.

ORATIO.

DEUS, cui proprium est misereri semper, & parcere; suscipe deprecationem nostram: ut nos, & omnes famulos tuos, quos delictorum catena

tena Constringit, miseratio tuæ pietatis clementer absolvat.

In Anniversario die defunctorum.

O R A T I O.

DEUS indulgentiarum Domine, da animabus famulorū, famularūque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum nostrum, &c.

SEPTEM PSALMI
POENITENTIALES.

Ant. Nè reminiscaris.

Psal. 6.

Domine, nè in furore tuo arguas me. neque in ira tua corripias me.

Miserere mei Domine, quoniam infirmus sum: sana me Domine, quoniam conturbata sunt ossa mea.

Et anima mea turbata est valde: sed tu Domine usquequò?

Con-

Convertere Domine, & eripe animam meam: saluum me fac propter misericordiam tuam.

Quoniam non est in morte, qui memor sit tui: in inferno autem, quis confitebitur tibi.

Laboravi in gemitu meo, lavabo per singulas noctes lectum meum: lacrymis meis stratum meum rigabo.

Turbatus est à furore oculus meus: inveteravi inter omnes inimicos meos.

Discedite à me omnes, qui operamini iniquitatem: quoniam exaudivit Dominus vocem fletûs mei.

Exaudivit Dominus deprecationem meam: Dominus orationem meam suscepit.

Erubescant, & conturbentur vehementer omnes inimici mei: convertantur, & erubescant valde velociter.

Gloria Patri, &c.

Psal. 31.

BEati, quorum remissæ sunt iniquitates: & quorum tecta sunt peccata.
Bea-

Beatus vir, cui non imputavit Dominus peccatum: nec est in spiritu ejus dolus.

Quoniam tacui, inveteraverunt ossa mea: dum clamarem tota die.

Quoniam die, ac nocte gravata est super me manus tua: conversus sum in ærumna mea, dum configitur spina.

Delictum meum cognitum tibi feci: & injustitiam meam non abscondi.

Dixi, confitebor adversum me injustitiam meam Domino: & tu remisisti impietatem peccati mei.

Pro hac orabit ad te omnis sanctus: in tempore opportuno.

Verumtamen in diluvio aquarum multarum: ad eum non approximabunt.

Tu es refugium meum à tribulatione, quæ circumdedit me: exultatio mea, erue me à circumdantibus me.

Intellectum tibi dabo, & instruam te in via hac, quâ gradieris: firmabo super te oculos meos.

Noli-

Nolite fieri, sicut equus, & mulus:
quibus non est intellectus.

In camo, & fræno maxillas eorum
constringe: qui non approximant ad te.

Multa flagella peccatoris: speran-
tem autem in Domino, misericordia
circumdabit.

Lætamini in Domino, & exultate ju-
sti: & gloriâmini omnes recti corde.

Gloria Patri, &c.

Psal. 27.

Domine, nè in furore tuo arguas me:
neque in ira tua corripias me.

Quoniam sagittæ tuæ infixæ sunt mi-
hi: & confirmasti super me manum
tuam.

Non est sanitas in carne mea, à facie
iræ tuæ: non est pax ossibus meis à fa-
cie peccatorum meorum.

Quoniam iniquitates meæ supergres-
sæ sunt caput meum: & sicut onus gra-
ve gravatæ sunt super me.

Putruerunt, & corruptæ sunt cica-
trices meæ: à facie insipientiæ meæ.

Miser

Miser factus sum, & curvatus sum
usque in finem: tota die contristatus
ingrediebar.

Quoniam lumbi mei impleti sunt il-
lusionibus: & non est sanitas in carne
mea.

Afflictus sum, & humiliatus sum ni-
mis: rugiebam à gemitu cordis mei.

Domine, ante te omne desiderium
meum: & gemitus meus à te non est
absconditus.

Cor meum conturbatum est, dereli-
quit me virtus mea: & lumen oculo-
rum meorum, & ipsum non est mecum.

Inimici mei, & proximi mei: adver-
sum me appropinquaverunt, & stete-
runt.

Et qui juxta me erant, de longè ste-
terunt: & vim faciebant, qui quære-
bant animam meam.

Et qui inquirebant mala mihi, locu-
ti sunt vanitates: & dolos tota die me-
ditabantur.

Ego autem tanquam surdus non au-
die-

526 POENITENTIALES
diebam; & sicut mutus non aperiens os
suum.

Et factus sum sicut homo non audi-
ens; & non habens in ore suo redargu-
tiones.

Quoniam in te Domine speravi: tu
exaudies me Domine DEUS meus.

Quia dixi, nè quando supergaude-
ant mihi inimici mei: & dum commo-
ventur pedes mei, super me magna lo-
cuti sunt.

Quoniam ego in flagella paratus
sum: & dolor meus in conspectu meo
semper.

Quoniam iniquitatem meam annun-
tiabo: & cogitabo pro peccato meo.

Inimici autem mei vivunt, & confir-
mati sunt super me: & multiplicati
sunt, qui oderunt me iniquè.

Qui retribuunt mala pro bonis, de-
trahebant mihi: quoniam sequebar
bonitatem.

Nè derelinquas me Domine DEUS
meus: nè discefferis à me.

In

SEPTEM PSALMI

527

Intende in adiutorium meum: Domine DEUS salutis meæ.

Gloria Patri, & Filio, &c.

Psal. 50.

Miserere mei DEUS, secundum magnam misericordiam tuam, &c.
pag. 511.

Psal. 101.

Domine exaudi orationem meam:
& clamor meus ad te veniat.

Non avertas faciem tuam à me: in
quacunque die tribulor, inclina ad me
aurem tuam.

In quacunque die invocavero te: ve-
lociter exaudi me.

Quia defecerunt sicut fumus dies mei:
& ossa mea sicut cremum aruerunt.

Percussus sum, ut fœnum, & aruit
cor meum: quia obitus sum comedere
panem meum.

A voce gemitûs mei: adhæsit os me-
um carni meæ.

L I

Simi-

Similis factus sum pellicano solitudinis: factus sum sicut nycticorax in domicilio.

Vigilavi: & factus sum sicut passer solitarius in tecto.

Tota die exprobrabant mihi inimici mei: & qui laudabant me, adversum me jurabant.

Quia cinerem tanquam panem manducabam: & potum meum cum fletu miscebam.

A facie iræ, & indignationis tuæ: quia elevans allisisti me.

Dies mei sicut umbra declinaverunt: & ego sicut fœnum arui.

Tu autem Domine in æternum permanes: & memoriale tuum in generationem, & generationem.

Tu exurgens Domine misereberis Sion: quia tempus miserendi ejus, quia venit tempus.

Quoniam placuerunt servis tuis lapides ejus: & terræ ejus miserebuntur.

Et timebunt Gentes nomen tuum
Do-

SEPTEM PSALMI 529

Domine: & omnes Reges terræ gloriā tuam.

Quia ædificavit Dominus Sion: & videbitur in gloria sua.

Respexit in orationem humilium: & non sprexit precem eorum.

Scribantur hæc in generatione altera: & populus, qui creabitur, laudabit Dominum.

Quia prospexit de excelsis sancto suo: Dominus de cœlo in terram aspexit.

Ut audiret gemitus compeditorum: ut solveret filios interemptorum.

Ut annuntient in Sion nomen Domini: & laudem ejus in Jerusalem.

In conveniendo populos in unum: & reges, ut serviant Domino.

Respondit ei in via virtutis suæ: paucitatem dierum meorum nuntia mihi.

Nè revoces me in dimidio dierum meorum: in generationem, & generationem anni tui.

Initio tu Domine terram fundasti: opera manum tuarum sunt cœli.

Ipsi peribunt, tu autem permanes: & omnes sicut veestimentū veterascent.

Et sicut opertorium mutabis eos, & mutabuntur: tu autem idem ipse es, & anni tui non deficient.

Filii servorum tuorum habitabunt: & semen eorum in sæculum dirigetur. Gloria Patri, &c.

Psal. 129.

DE profundis clamavi ad te Domine: Domine exaudi vocem meam.

Fiant aures tuæ intendentes: in vocem deprecationis meæ.

Si iniquitates observaveris Domine: Domine, quis sustinebit?

Quia apud te propitiatio est & propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem: speret Israël in Domino.

Quia apud Dominum misericordia: & copiosa apud eum redemptio.

Et

Et ipse redimet Israël: ex omnibus iniquitatibus ejus.

Gloria Patri, &c.

Psal. 142.

Domine exaudi orationem meam: auribus percipe obsecrationem meam in veritate tua; exaudi me in tua justitia.

Et non intres in judicium cum servo tuo: quia non justificabitur in conspectu tuo omnis vivens.

Quia persecutus est inimicus animam meam: humiliavit in terra vitam meam.

Collocavit me in obscuris sicut mortuos sæculi: & anxius est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis: in factis manuum tuarum meditabar.

Expandi manus meas ad te: anima mea sicut terra sinè aqua tibi.

Velociter exaudi me Domine: defecit spiritus meus.

Non avertas faciem tuam à me: & similis ero descendantibus in lacum.

Auditam fac mihi manè misericordiam tuam: quia in te speravi

Notam fac mihi viam, in qua ambulem: quia ad te levavi animam meam.

Eripe me de inimicis meis Domine, ad te confugi: doce me facere voluntatem tuam, quia DEUS meus es tu.

Spiritus tuus bonus deducet me in terram rectam: propter nomen tuum Domine vivificabis me, in æquitate tua.

Educes de tribulatione animam meam: in misericordia tua disperdes inimicos meos.

Et perdes omnes, qui tribulant animam meam: quoniam ego servus tuus sum.

Gloria Patri, &c.

Ant. Nè reminiscaris Domine, delicta

cta nostra, vel Parentum nostrorum;
neque vindictam sumas de peccatis
nostris.

LITANIÆ

OMNIUM SANCTORUM.

KYrie eleison. Christe eleison.
Kyrie eleison.

Christe audi nos.

Christe exaudi nos.

Pater de cœlis DEUS, miserere nobis.

Fili Redemptor mundi DEUS, misere-
re nobis.

Spiritus sancte DEUS, miserere nobis.

Sancta Trinitas unus DEUS, miserere
nobis.

Sancta MARIA, Ora pro nobis.

Sancta DEI-Genitrix, ora pro nobis.

Sancta Virgo Virginum, ora pro nobis.

S. Michaël, ora pro nobis.

S. Gabriel, ora pro nobis.

S. Raphaël, ora pro nobis.

Omnes SS. Angeli, & Archangeli, orate pro nobis.

Omnes SS. Beatorum Spirituum ordines, orate pro nobis.

S. Joannes Baptista, ora pro nobis.

S. Joseph, ora pro nobis.

Omnes SS. Patriarchæ, & Prophetæ, orate pro nobis.

S. Petre,

S. Paule,

S. Andrea,

S. Jacobe,

S. Joannes,

S. Thoma,

S. Jacobe,

S. Philippe,

S. Bartholomæe,

S. Matthæe,

S. Simon,

S. Thaddæe,

S. Mathia,

S. Barnaba,

S. Luca,

S. Marce,

Ora pro nobis

Omnes

Omnes sancti Apostoli, & Euangelistæ,
orate pro nobis.

Omnes sancti Discipuli Domini, orate
pro nobis.

Omnes sancti Innocentes, orate pro
nobis.

S. Stephane, ora pro nobis.

S. Laurentii, ora pro nobis.

S. Vincentii, ora pro nobis.

Sancti Fabiane, & Sebastianæ, orate pro
nobis.

Sancti Joannes, & Paule, orate pro nob.

Sancti Cosma, & Damiane, orate pro
nobis.

Sancti Gervasi, & Protasi, orate pro
nobis.

Omnes sancti Martyres, orate pro nob.

S. Silvester,

S. Gregori,

S. Ambrosi,

S. Augustine,

S. Hieronyme,

S. Martine,

S. Nicolæ,

Ora pro nobis.

Omnes sancti Pontifices, & Confessores,
orate pro nobis.

Omnes sancti Doctores, orate pro nob.

S. Antoni,

S. Benedicte,

S. Bernarde,

S. Dominice,

S. Francisce,

S. Ignati,

S. Francisce Xaveri,

S. Francisce Borgia,

Ora pro nobis

Omnes sancti Sacerdotes, & Levitæ,
orate pro nobis.

Omnes sancti Monachi, & Eremitæ,
orate pro nobis.

S. Maria Magdalena,

S. Agatha,

S. Lucia,

S. Agnes,

S. Cæcilia,

S. Anastasia,

S. Catharina,

S. Barbara,

Ora pro nobis.

Omnes

Omnes sanctæ Virgines, & Viduæ, orate pro nobis.

Omnes Sancti, & Sanctæ DEI, intercedite pro nobis.

Propitius esto, parce nobis Domine.

Propitius esto, exaudi nos Domine.

Ab omni malo, libera nos Domine.

Ab omni peccato,

Ab ira tua,

A subitanea, & improvisa morte,

Ab insidiis diaboli,

Ab ira, & odio, & omni malo voluntate,

A spiritu fornicationis,

A fulgure, & tempestate,

A morte perpetua,

Per mysterium sanctæ Incarnationis tuæ,

Per Adventum tuum,

Per nativitatem tuam,

Per Baptismum, & S. Jejunium tuū,

Per Crucem, & Passionem tuam,

Per Mortem, & Sepulturam tuam,

Per sanctam Resurrectionem tuam,

Per

Libera nos Domine.

538 OMNIUM SANCTORUM.

Per admirabilem Ascensionem tuā, libera nos Domine.

Per Adventum Spiritūs sancti Paracliti, libera nos Domine.

In die Iudicii, libera nos Domine.

Peccatores, te rogamus audi nos.

Ut nobis parcas,

Ut nobis indulgeas,

Ut ad veram pœnitentiam nos perducere digneris,

Ut Ecclesiam tuam sanctam regere, & conservare digneris,

Ut domum Apostolicum, & omnes Ecclesiasticos Ordines in sancta

Regione conservare digneris, Ut inimicos Sanctæ Ecclesiæ humiliare digneris,

Ut Regibus, & Principibus Christianis pacem, & veram concordiam donare digneris,

Ut cuncto populo Christiano pacem, & unitatem largiri digneris,

Ut nosmetipsos in tuo sancto servi-

Te rogamus audi nos.

tio

tio confortare, & conservare)
digneris,

Ut mentes nostras ad cœlestia desi-
deria erigas,

Ut omnibus benefactoribus nostris
sempiterna bona retribuas,

Ut animas nostras, fratrum, propin-
quorum, & benefactorum no-
strorum ab æterna damnatione
eripias,

Ut fructus terræ dare, & conserva-
re digneris,

Ut omnibus fidelibus defunctis re-
quiem æternam donare digneris,

Ut nos exaudire digneris,

Fili DEI,

Annus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis.

Christe audi nos.

Christe exaudi nos.

Terogamus audi nos.

Ky-

540 OMNIUM SANCTORUM.

Kyrie eleison. Christe eleison.

Kyrie eleison. Pater noster, &c.

ψ. Et nē nos inducas in tentionem.

℞. Sed libera nos à malo.

Psal. 69.

DEUS in adjutorium meum intende : Domine ad adjuvandum me festina.

Confundantur, & revereantur : qui quærunt animam meam.

Avertantur retrorsum, & erubescant : qui volunt mihi mala.

Avertantur statim erubescences : qui dicunt mihi euge, euge.

Exultent, & lætentur in te omnes, qui quærunt te : & dicant semper, magnificetur Dominus, qui diligunt salutare tuum.

Ego verò egenus, & pauper sum :
DEUS adjuva me.

Adjutor meus, & liberator meus es tu : Domine nē moreris.

Gloria Patri, & Filio, &c.

ψ. Sal-

ψ. Salvos fac servos tuos.

℞. DEUS meus sperantes in te.

ψ. Esto nobis Domine turris fortitudinis.

℞. A facie inimici.

ψ. Nihil proficiat inimicus in nobis.

℞. Et filius iniquitatis non cōponat nocere nobis.

ψ. Domine non secundū peccata nostra facias nobis.

℞. Neque secundū iniquitates nostras retribuas nobis.

ψ. Oremus pro Pontifice nostro N.

℞. Dominus conservet eum, & vivificet eum, & beatum faciat eum in terra, & non tradat eum in animam inimicorum ejus.

ψ. Oremus pro benefactoribus nostris.

℞. Retribuere dignare Domine omnibus nobis bona facientibus propter nomen tuum vitam æternam. Amen.

ψ. Oremus pro fidelibus defunctis.

℞. Requiem æternam dona eis Domine, & lux perpetua luceat eis.

ψ. Re-

℣. Requiescant in pace.

℞. Amen.

℣. Pro fratribus nostris absentibus.

℞. Salvos fac servos tuos, DEUS meus,
sperantes in te.

℣. Mitte eis Domine euxiliū de sancto.

℞. Et de Sion tuere eos.

℣. Domine exaudi orationem meam.

℞. Et clamor meus ad te veniat.

Oremus.

DEUS, cui proprium est misereri
semper, & parcere, suscipe de-
precationem nostram: ut nos, & om-
nes famulos tuos, quos delictorum ca-
tena constringit, miseratio tuæ pietatis
clementer absolvat.

EXaudi, quæsumus Domine, sup-
plicum preces, & confitentium
tibi, parce peccatis; ut pariter nobis
indulgentiam tribuas benignus, & pa-
cem.

Ineffabilem nobis Domine miseri-
cordiam tuā clementer ostende; ut
simul

simul nos & à peccatis omnibus exuas, & à pœnis, quas pro his meremur, eripias.

DEUS, qui culpâ offenderis, pœnitentiâ placaris; preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte.

OMnipotens sempiterne DEus, miserere famulo tuo Pontifici nostro N. & dirigie eum secundum tuam clementiam in viam salutis æternæ; ut, te donante, tibi placita cupiat, & tota virtute perficiat.

DEUS, à quo sancta desideria, recta consilia, & iusta sunt opera, da servis tuis, illam, quam mundus dare non potest, pacem; ut & corda nostra mandatis tuis dedita, & hostium sublecta formidine, tempora sint tua protectione tranquilla.

URe igne sancti Spiritûs renes nostros, & cor nostrum, Domine; ut
M m tibi

tibi casto corpore serviamus, & mundo corde placeamus.

Fidelium DEUS omnium Conditor, & Redemptor, animabus famulorum, famularumque tuarum, remissionem cunctorum tribue peccatorum; ut indulgentiam, quam semper optaverunt, piis supplicationibus consequantur.

Actiones nostras, quaesumus Domine, aspirando praeveni, & adjuvando prosequere; ut cuncta nostra oratio, & operatio à te semper incipiat, & per te coepta finiatur.

OMnipotens sempiternus DEUS, qui vivorum dominaris, simul & mortuorum, omniumque misereris, quos tuos fide, & opere futuros esse praenoscis, te supplices exoramus: ut, pro quibus effundere preces decrevimus, quosque vel praesens saeculum adhuc in carne retinet, vel futurum, jam exutos corpore, suscepit, intercedentibus
omni-

ITINERARIUM BREVE. 545

omnibus Sanctis tuis, pietatis tuæ clemenciâ, omnium delictorum suorum veniam consequantur. Per Dominum nostrum &c.

ÿ. Domine exaudi orationem meam.

R. Et clamor meus ad te veniat.

ÿ. Exaudiat nos omnipotens, & misericors Dominus. R. Amen.

ÿ. Et fidelium animæ per misericordiam Dei requiescant in pace.

R. Amen.

ITINERARIUM.

IN viam pacis, & prosperitatis dirigat nos omnipotens, & misericors Dominus; & Angelus Raphaël comitetur nobiscum in via, ut cum pace, salute, & gaudio revertamur ad propria.

Kyrie eleison. Christe eleison.

Kyrie eleison. Pater noster. *Secretò.*

ÿ. Et nè nos inducas in tentationem.

R. Sed libera nos à malo. ÿ. Salvos fac servos tuos. R. DEUS meus sperantes

in te. ÿ. Mitte nobis Domine auxi-

M m 2

lium

lium de sancto. R. Et de Sion tuere nos.
 V. Esto nobis Domine turris fortitudi-
 nis. R. A facie inimici. V. Nihil pro-
 ficiat inimicus in nobis. R. Et filius
 iniquitatis non apponat nocere nobis.
 V. Benededictus Dominus die quotidie.
 R. Prosperum iter faciat nobis DEUS
 salutarium nostrorum. V. Vias tuas Do-
 mine demonstra nobis. R. Et semitas
 tuas edoce nos. V. Utinam dirigantur
 viæ nostræ. R. Ad custodiendas justifi-
 cationes tuas. V. Erunt prava in dire-
 cta. R. Et aspera in vias planas.
 V. Angelis suis DEUS mandavit de te.
 R. Ut custodiant te in omnibus viis tuis.
 V. Domine exaudi orationem meam.
 R. Et clamor meus ad te veniat.

Oremus.

A Desto, quæsumus Domine, sup-
 plicationibus nostris: & viam fa-
 mulorum tuorū in salutis tuæ prospe-
 ritate dispone: ut inter omnes viæ, &
 vitæ hujus varietates tuō semper pro-
 tegamur auxiliō. Per Dominum &c.
 V. Divinum auxilium &c. IN-

I N D E X.

O fficium de SS. Trinitate, <i>Litanie de eadem,</i> <i>Symbolum S. Athanasii,</i> <i>Professio Fidei Catholicæ,</i> <i>Hymnus Ambrosianus,</i> <i>Officium de SS. Nomine JESU,</i> <i>Litanie de eodem,</i> <i>Oratio S. Bernardi de eodem,</i> <i>Affectus S. Augustini,</i> <i>Officium de Spiritu sancto,</i> <i>Hymnus ad Spiritum S.</i> <i>Officium de Venerabili Sacramento,</i> <i>Hymnus de SS. Sacramento.</i> <i>Rhythmus S. Thomæ de eodem,</i> <i>Affectus ante SS. Sacramentum eliciendus,</i> <i>Litanie de Venerabili Sacramento,</i> <i>Officium de S. Cruce,</i> <i>Hymnus de S. Cruce,</i> <i>Pia exercitatio erga Crucifixum &c.</i> <i>Orationes S. Brigitte</i> <i>Officium magnum B. M. V.</i> <i>Officium Immaculatæ Conceptionis,</i> <i>Orationes pro servanda Castitate,</i> <i>Litanie Lauretanæ,</i> <i>Affectus varii ad B. V.</i> <i>Hymnus S. Casimiri,</i> <i>Hymnus de B. Matre Dolorosa,</i> <i>Planctus B. Mariæ Virginis,</i> <i>Officium de S. Josepho,</i> <i>Hymnodia de S. Josepho,</i> <i>Litanie de eodem,</i>	<i>Pag. 1.</i> 12 19 24 29 32 45 52 54 55 61 63 71 74 75 77 38 99 101 108 120 205 215 217 <i>pag. 222. & seq.</i> 225. 221. 235 238 244 247 Oratio
---	---


I N D E X

<i>Oratio ad eundem pro puritate conservanda,</i>	251
<i>Officium de S. Anna,</i>	253
<i>Litanie de eadem,</i>	259
<i>Officium de S. Angelo Custode,</i>	262
<i>Protestatio ad S. Angelum Custodem,</i>	268
<i>Litanie de eodem,</i>	269
<i>Hymnus ad S. Michaëlem Archangelum,</i>	272
<i>ad S. Angelos,</i>	274
<i>ad SS. Petrum, & Paulum Apost.</i>	276
<i>ad S. Joannem Baptistam,</i>	278
<i>ad S. Joannem Evangelistam,</i>	279
<i>ad S. Stephanum Proto-Martyrem,</i>	280
<i>ad SS. Innocentes,</i>	282
<i>ad SS. Tres Reges,</i>	283
<i>ad S. Sebastianum Martyrem,</i>	285
<i>ad S. Rochum,</i>	288
<i>ad S. Franciscum Seraphicum,</i>	287
<i>Responsorium de S. Antonio Paduano,</i>	290
<i>Officium de S. Joanne Nepomuceno,</i>	291
<i>Litanie de eodem,</i>	303
<i>Devotio ad S. Judam Thaddeum,</i>	313
<i>ad S. Dismam,</i>	312
<i>Officium de S. Ignatio,</i>	314
<i>Oratio recitanda ante Ipsius imaginem,</i>	323
<i>Litanie ad S. Ignatium,</i>	326
<i>Affectus ejusdem,</i>	330
<i>Benedictio Aquæ S. P. Ignatii,</i>	332
<i>Officium de S. Francisco Xaverio,</i>	334
<i>Litanie ad eundem,</i>	342
<i>Affectus S. Francisci Xaverii,</i>	347
<i>Devotio Decemdiælis,</i>	348
<i>Hymnus de S. Francisco Borgia,</i>	350
<i>de S. Aloysio Gonzaga,</i>	351
<i>Hymnus</i>	


I N D E X.

<i>Hymnus de S. Stanislao Kostka,</i>	352
<i>de SS. Tribus Martyribus Japonens.</i>	354
<i>Oratio ad S. Joannem Franciscum Regis,</i>	355
<i>Hymnus de S. Hedwige,</i>	<i>ibidem</i>
<i>de S. Catharina V. M.</i>	357
<i>de S. Barbara V. M.</i>	359
<i>de S. Rosalia V. contra pestem,</i>	362
<i>de S. Apollonia V. M.</i>	364
<i>de S. Lucia V. M.</i>	365
<i>de S. Maria Magdalena,</i>	366
<i>Exercitatio Matutina,</i>	368
<i>Oratio Alexandri Papæ VII.</i>	376
<i>Auditio Sacri,</i>	380
<i>Methodus Confitendi, & Communicandi,</i>	389
<i>Norma Confessionis,</i>	390
<i>Actus variarum virtutum post Confessionem,</i>	402
<i>Actus variarum virtutum ante Communionem,</i>	408
<i>Devotæ aspirationes immediatè ante Com.</i>	420.
<i>in Communione,</i>	421
<i>post Communionem,</i>	422
<i>Actus variarum virtutum post Communio.</i>	423
<i>Exercitatio Vespertina,</i>	437
<i>Preces Nocturnæ post Examen,</i>	441
<i>Testamentum hominis Christiani,</i>	443
<i>Orationes Infirmorum,</i>	447
<i>Affectus moribundi,</i>	451
<i>Commendatio Animæ,</i>	456
<i>Hymnus pro Defunctis,</i>	468
<i>Orationes pro Animabus purgatorii,</i>	471
<i>Officium Defunctorum,</i>	474
<i>Psalmi Pœnitentiales,</i>	521
<i>Litanie Omnium Sanctorum,</i>	533
<i>Itinerarium breve,</i>	545
A. M. D. G.	





20 Feb. Mi. Cori. L. 25 1/2





Biblioteka Jagiellońska



stdr0008956

